

J. 125



John Carter Brown
Library
Brown University

*This book is the gift of
Louisa Dexter Sharpe Metcalf*

7

Ms. A. 9. 2. 1. 1. 1. 1. 1. 1.

A. 268

Of N. A.

C. Delincourt &c

A. D. c. 12.

HISTOIRE
DU GRAND
ROYAUME DE
LA CHINE.

Situé aux Indes Orientales.

Contenant la Situation, Antiquité, Fertilité, Religion, Ceremonies, Sacrifices, Rois, Magistrats, Mœurs, Vs, Loix, & autres choses memorables dudit Royaume.

Plus trois voyages faits vers iceluy en l'an 1577. 1579. & 1581. avec les singularitez plus remarquables y venues & entendues: ensemble vn Itineraire du nouveau Monde, & le descouvrement du nouveau Mexique, en l'an 1583.

En ceste nouvelle EDITION a esté adioustée vne ample, exacte, & belle DESCRIPTION du Royaume de la Chine, & de toutes ses singularitez; nouvellement traduite de Latin en François.



A ROVEN,

Chez NICOLAS ANGOT, Libraire
demeurant à la rue du Bec.

M.D.C.XIII.

REVUE
DE
L'ÉCONOMIQUE
POLITIQUE
ET
FINANCIÈRE

Publiée par
M. L. J. VAN DER
WYCK, ancien
professeur à l'École
Polytechnique,
et à l'Université
de Liège.

Paris, chez
M. L. J. VAN DER
WYCK, 18, rue
de la Harpe, au
Palais National.

Le prix de l'abonnement
est de 10 francs
par an, en
avance.





ADVERTISSEMENT AU LECTEUR:



EST presente histoire de la Chine est si peregrine & nouvelle, qu'à peine le nom en est inconnu: Ce ne sera chose impertinente de proposer icy au Lecteur ce quiluy fera entree à la lecture d'icelle,

touchant la situation de la Chine & l'origine de son nom selon les anciens & modernes, puis en forme d'apologie valider & verifier les choses y contenuës, qui pourroyent sembler incroyables, & en fin parler de sa traduction, & subsequemment de quelques choses qui en dependent.

Quand au premier point ie trouue que Ptole-
mee fait mention de la Chine en sa Geographie
où il a decrit en ces termes: *liu. 7. chap. 3. Οἱ Σῖναι*
περιορίζονται ἀπὸ μὲν ἄκρων τῶ ἐκπαιμένα μέρει
τῆς Σινικῆς, ἀπὸ δὲ ἀνατολῶν καὶ μεσημβρίας ἀγ-
νώσων γῆς, ἀπὸ δὲ δύσεως τῇ ἐκτίς γαλσὸν Ἰνδικῇ κατὰ
τὴν διορισμόνην μέχρι τῆ μεγάλης κόλπος γραμμῆς,
καὶ αὐτῶ τῶ μεγάλῳ κόλπῳ, καὶ τοῖς ἐφεξῆς ἀν-
τῶ κειμένοις, τῶτε καλεσμένῳ θηριώδην, καὶ τῶ τῶν
Σινῶν ὃν περιεῖχεν ἰχθυοφάγῳ Αἰθίοπες κατὰ πε-
ριγραφὴν τοιαύτην: c'est à dire, Les Sinois sont dinisiez du
costé du Nort par vne partie du pays des Serres, & du costé

ADVERTISSEMENT

d'Orient & de Midy par vne terre inconnüe , & du
costé d'Occident par l'Inde qui est hors le Gange selon la li-
gne deserte jusques au grand sein, lequel les borne pareil-
lement avec les autres contrées adjacentes où habitent les
Æthiopiens Ichthyophages, suivant la presente descri-
ption. Pui vers la fin venant à parler de la ville ca-
pitale de ces Sinois, dit ainsi : *Καὶ ἡ μητροπόλις,*
Θῆβαι, c'est à dire: En la ville metropolitaine du pays se
nomme *Thina*. De ceste ville-cy, *Thina*, *Stephane* en
fait aussi mention en son *Onomastique* des villes,
mais il l'appelle, *Sina*, non pas *Thina*, en ces termes:
Σίνα, μετροπόλις τῶν, Σίνων, περὶ ὧν Φυσὶ Μαγνὰ ἀνὰ
ἐν περὶ πλοῖς: c'est à dire, *Sina* est la ville metropoli-
taine des Sinois, desquels fait mention *Marcian* en ses
navigations. D'où est à presumer que ce mot, *Thina*,
est corrompu dedans *Ptolemée*: & pareillement
dedans *Strabon*, liure 1. où se lit aussi le mesme
nom; & que pour *Θῆβαι*, il y faut lire, *Σαῖναι*
comme l'appelle ledit *Stephane* au lieu preallegué
& avec lui *Xavier le suite* en vne epistre Indienne
de l'an 1552. où il mande au General *Loyoïe* que
trois siens confreres se sont acheminez deuers la
ville royale de la Chine, appelée *Sinar* ou *Sina*.
Après *Ptolemée* & *Stephane*, on lit aussi quelque
mention de la Chine dans les medecins Perses &
Arabes, lesquels parlants des drogues & aromes
qui viennent des Indes Orientales vsent de ces
noms, *Semi* & *Simi*, comme il appert dans *Aui-*
cene, liure second quand il parle de la Cannelle
qu'il appelle en son langage, *Darseni* & *Darsim*,
chapitre 124. c'est à dire *Bois Chinois*, & confor-
mement avec luy *Serapio*, *Rhasis* en son conti-
nent: Mesué en la confection *Alkermes*, & *Aucr-*

AV LECTEUR

troués en son Colliget. Le mesme Auicene ch. 578. au mesme liure parlant du Rheubarbe, l'appelle en sa langue *Rauedfeni* & *Rauedfimi*, & pareillement avec luy les autres Arabes. & nommement Mesué en ses simples chap. 5. où entre autres especes de Rheubarbe qu'il allegue, il en met vne qu'il appelle, *Rauedfeni*, c'est à dire *racine Chinoise*, appellant ainsi la Rheubarbe par excellence, pource qu'elle vient de la Chine. Sur lequel passage d'Auicene, Gerard Cremoneuse interpretant le mot, *Seni*, ou *Sini*, dit que c'est vn nom de lieu: & Bellunenfe interpretât le mot *Sinir*, dit qu'il signifie toute chose venant du païs Sini. Aussi Serapio en ses Simples, 172. où il parle du Zerumbet. dit par l'autorité d'Isaac qu'il vient du païs nommé Sini, qui n'est autre que la Chine. Par ces tesmoignages il appert que le païs de la Chine est situé en Orient, & nommé du nom *Sina*, & *Sini*, comme il est encore à present par toutes les Indes, selon que tesmoignent les modernes, & en autres d. De la Croix en son voyage Portugais chap. 1. & Bernardin Escalante en sa nauigation chap. 6. De là est venu que les Portugais & Espagnols hantans en ce pays-là, & l'oyans appeller, *Sim*, ou *Sina*, ont retenu le mesme nom, & l'ont appelé, *Chin*, en changeant la lettre(s) en (*ch*) selon qu'il se fait souuent en leur langue, & aussi és autres, comme en l'Hebrahique, où la diction, *Scholet* est changée en *Schibolel*, dedans le liure des Iuges, chap. 12. en l'Allemande & Flamande au mot, *fisch* & *visch* deriué du latin *piscis*: & pareillement en la nostre au vocable *Chifre*, tiré du Syriaque *Siphra*: ce qui aduient de l'affinité du son qui est entre ces deux lettres tant en l'He-

ADVERTISSEMENT.

braïque & Arabique, ou y a deux. *ss*, l'une nommée (*Sin*) & l'autre (*Schin*), comme en l'Aleman & Angloise, lesquelles (*st*) & (*sn*) se prononcent comme (*sch*) ou le (*ch*) de nostre langue en ces vocables, *fasten*, & *shall*, & autres semblables : & finalement en l'Espagnole, laquelle prononce le (*ch*) sur vn son tirant à celuy de la lettre (*s*) d'où est venu qu'ils ont tourné le nom ancien, *Sin*, en leur moderne *China*, comme dit est. Voila qui se peut dire de la situation de la Chine, & de l'etymologie de son nom. Quant au suiet de ceste histoire, il se faut persuader qu'il est vrayement historique, c'est à dire, fidele veritable, estant escrit par vn auteur lequel est tesmoin oculaire de plusieurs choses y contenues, & auriculaire des autres, pour les auoir en partie sceuës & entenduës de gens notables qui ont esté en la Chine, en partie fait tirer & extraire tant des liures & histoires du pays, que de plusieurs memoires & manuscrits dignes de foy, qui lui ont esté presentez au Mexique & aux Philippines, & traduit aux mesmes lieux par des interpretes naturels. Que si quelques vnes semblent vn peu extraordinaires & comme incroyables, aussi faut-il estimer qu'elles ne seroyent autrement nouuelles, bien que nonobstant leur nouueauté elles soyent telles, que qui les voudra peser exactement, il les trouuera toutes credibles & veritables, & si i'ose dire, mesme peu nouuelles. Car quand on lira cy dedans que la ville de Quinsay est si grande, que pour aller de porter à autre, s'as y cōprendre les fauxbourgs il y faut vn iour entier en temps d'esté, & aller sur vn cheual de bon pas : cela est peu à comparaison de ce qui est dit en la mesme histoire de la ville de

A V LECTEUR.

Lanquin située en ladite Chine, laquelle est de tel-
 le estenduë, que pour la passer de porte à autre il
 faut cheminer trois iours durans : & toutesfois l'v-
 ne & l'autre sera credible en les conferant avec la
 ville de Ninive, laquelle au tesmoignage du Pro-
 phete Ionas estoit de trois iournees de chemin Pa-
 reillement quand on lira en la mesme histoire qu'il
 y a vne muraille en la Chine ayant cinq cens lie-
 uës de long il faudra considerer que des cinq cens
 lieuës les quatre cens sont toutes montagnes, les-
 quelles contenant encore cens lieuës en espaces &
 ouuertures des vnes aux autres, qui ont esté clo-
 ses & fermes de main d'homme par vn des Roys
 du Royaume, dit Tzintzon, sont celle muraille de
 cinq cens lieuës dont est parlé cy dedans. Or que
 ce ne soit chose credible que des montagnes con-
 tiennent quatre & cinq cent lieuës, cela se peut
 voir & connoistre par la conference de quelques
 vnes, & entre autres du môit Taureau, lequel au rap-
 port de Plin *liv. 5. chap. 27.* continuë depuis la mer
 Indique iusques à l'Occident & est vray semblable
 que la dite muraille de la Chine de cinq cens lieuës
 soit vne partie de ce mont. Aussi laissant en ladite
 histoire, comme le palais Royal de la Chine est ma-
 gnifique, & orné de sales d'or & d'argent : cela ne
 sera trouué incredible à l'endroit de ceux qui au-
 ront leu dedas ledit Plin *liv. 33. chap. 3 liv. 36. chap.*
15. que le palais d'Esubopes Roy de Colchis auoit
 les colonnes & poultries d'argent, & les voutes d'or :
 & dedans le mesme Plin, & pareillement en Sue-
 tone que la maison de Neron estoit doree & de tel
 circuit & estenduë, qu'il y auoit audedans des ga-
 leries à trois rangees de mille pas de longueur,

A D V E R T I S S E M E N T

avec vn estang si grand & large. que tout l'éclos de
 ceste maison sembloit estre vne si grande ville. Je ne
 parleray point icy du thresor royal de la Chine, ny
 du reuenu de son Roy: d'autant que bien qu'il soit
 tres-grand il ne doit estre comparé à celui du Roy
 Dauid, lequel comme il est escrit au 1. Paralipom.
chap. 22. laissa six vingts millions en son espargne,
 & moins à celuy du Roy Cyrus, lequel au rapport
 du susdit Plin. *liu. 33. chap. 3.* contenoit trois cens
 millions. Je passe aussi sous silence les particulari-
 tez de quelques pays qui sont racontées en ceste
 histoire, comme des mariages de Tartarie au fucil.
 36. lesquels se font en certain temps par gens depu-
 tez, & à quoy est cõforme ce qui est escrit par Stra-
 bon *liu. 16.* ny pareillement des femmes des isles des
 Larrons, qui sont communes aux ieunes hommes,
 comme l'estoient aussi à leurs parens les femmes
 de l'Arabie heureuse au recit du mesme Strabon.
 Voila en somme ce qui fait pour la lecture de
 ceste Histoire, laquelle est pure & simple, sans ad-
 dition ne diminution de laquelle le lecteur
 pourra iouyr, en attendant vne plus exa-
 ctte Histoire de quelque antre Hi-
 storiographe qui pourra
 suppleer aux de-
 fauts de ce-
 ste-cy.

* *

*

SVR LA REDVCTION DE LA CHINE,

Sonnet.

CArtage vit iadis sa sourcilleuse creste
Incliner sous le faix de l'Empire Romain
Numance resista en vain à l'Africain,
Car elle fust en fin l'honneur de sa conqueste.
Marcel auparavant, martiale tempeste,
Osta la liberté au mur Siracusain,
Cesar entra en France, & d'une forte main
Captiva sous le ioug son indontee teste.
Ainsi a triomphé Rome de toutes parcs
Et bien que de depuis pour avoir laissé Mars,
Elle semble deceuë en sa grandeur suprême,
Si a-elle à présent vn CRIST victorieux,
Dont le saint estandart s'estendant en tous lieux,
Penetre dans la CHINE, & la range au Baptême.





INDICE
DES LIVRES ET
CHAPITRES CON-
TENVS EN LA PRESEN-
TE HISTOIRE
de la Chine.

LIVRE PREMIER.



- E la description de la Chine, & de ses confins*
chapitre 1.
Du temperament de la chine chap 2.
De la fertilité de la chine, & des choses qui s'y
produisent. chap 3.
Suite de la fertilité de la chine, & des choses
qui s'y produisent. chap 4.
De l'antiquité de la chine. chap 5.
De l'estendue de la chine, & des mesures itinéraires y usités. cha 6.
Des provinces. que contient le grand Royaume de la chine,
chap 7.
Des citez & villes que contiennent chascue province de la chine
chap 8
Des edifices admirables estant au Royaume de la chine, ensemble
d'une tresgrande muraille en iceluy contenant cinq cens lieues.
chap 9.
De la disposition naturelle, traits de visage, habillemens, & exer-
cices des habitans de la chine. chap 10.

Liure Second.

DE plusieurs Dieux qu'ils adorent en la chine, ensemble de
quelques figures qui se trouvent entr'eux, lesquelles simbo-

- lisent aucunement avec celles du Christianisme. chap. 1.
 Suite de la religion des Chinois & des idoles qu'ils adorent chap. 2.
 Du peu de conte, & s'estime que les Chinois font de leurs idoles. ch. 3.
 Des manieres de sort dont ils usent quand ils veulent faire quelque
 chose d'importance, & comme ils inuoquent le Demon. chap. 4.
 De l'opinion des Chinois touchant le commencement du monde, &
 la creation des hommes chap. 5.
 Comme ils croyent l'immortalité de l'ame, & une autre vie, en laquel-
 le elle sera punie ou remunerée selon ses œuvres, & comme ils
 prient pour les morts. chap. 6.
 Des temples qui sont en la Chine, & de leur forme de Religieux &
 Religieuses & pareillement leurs prelatz. chap. 7.
 De la maniere qu'ils tiennent à enterrer les defunts, & des veste-
 mens de duel qu'ils ont coustume de porter. chap. 8.
 De la mode & ceremonies, dont ils usent en leurs mariages chap. 9.
 Comme par tout le Royaume les pauvres ne vont mendiant par les
 rues & par les temples : ensemble de l'ordre que tient le Roy à
 nourrir & alimenter ceux qui ne peuvent travailler. chap. 10.

Liure troisieme.

- DES ROIS de la Chine, & de leurs noms chap. 1.
 Du palais & Cour du Roy, & de la ville où il demeure : &
 comme en tout le Royaume n'y a aucun seigneur de vasseaux.
 chap. 2.
 Du nombre des vasseaux & tributaires du Royaume. chap. 3.
 Du tribut qui se paye au Roy de la Chine pour la despense de son
 Palais & de sa court. chap. 4.
 De la gendarmerie de la Chine, & de leur soin & vigilance à bien
 garder le Royaume. chap. 5.
 Suite de la gendarmerie de la Chine tant à pied comme à cheval, par
 toutes les provinces. chap. 6.
 De la loy & ordonnance de la Chine, par laquelle est prohibé aux
 Chinois de faire guerre hors le Royaume, & de sortir d'iceluy, &
 pareillement d'y laisser entrer les estrangers sans congé & per-
 mission du Roy chap. 7.
 Du conseil Royal de la Chine, & de l'ordonnance que tient le
 Roy pour sçavoir par chacun mois ce qui se fait au Royaume.
 chap. 8.
 Des officiers & presidens que tient le Roy de la Chine par les pro-
 vinces : avec la forme & maniere que tiennent lesdits officiers
 au fait du gouvernement. chap. 9.

I N D I C E

- Suite des officiers du Roy de la Chine, & de leur forme & maniere
au fait de iustice & de police. chap. 10.
- Des viseurs commis tous les ans par le Roy de la Chine pour visi-
ter les iuges de chaque prouince, & comme ils punissent les coul-
pables. chap. 11.
- Des prisons & chartres dont ils vsent, avec la forme qu'ils tiennent
à iusticier les delinquans. chap. 12.
- Des lettres & caractères des Chinois, ensemble des escholes & estu-
des qui sont par tout le Royaume, & d'autres choses curieuses à
ce propos. chap. 13.
- De l'examen qu'ils font à ceux ausquels ils veulent donner le degré
de Loyrias, & de la maniere qu'ils y obseruent, ensemble de la lon-
gue pourmenade qu'ils leur font faire par la ville. chap. 14.
- Comme l'inuention de l'artillerie est en vsage en la Chine bien long
temps deuant qu'en Europe. chap. 15.
- Comme l'art de l'Imprimerie est plus antique en la Chine qu'en no-
stre Europe. chap. 16.
- Dés liures que le P. Herrade & ses compagnons apportèrent de la
Chine, & des matieres dont ils traitoyent. chap. 17.
- Comme les Chinois font des banquets, & solennisent leur festes.
chap. 18.
- De la mode de se saluer en la Chine, ensemble de quelques ceremo-
nies accoustumées à ce faire. chap. 19.
- Comme les femmes de la Chine sont fort recluses, & à quelles condi-
tions ils tolerent les femmes publiques. chap. 20.
- Des sortes de vaisseaux dont ils vsent tant par mer que sur les ri-
uières: & comme ils se fournissent de poisson pour toute l'année.
chap. 21.
- D'une inuention de Chinois fort excellente, avec laquelle ils nour-
rissent des canards en abondance & à peu de frais: ensemble d'une
plaisante & ingenieuse façon de pescher de laquelle ils vsent.
chapitre 22.
- De la courtoisie que fait le Roy de la Chine aux ambassadeurs des
Rois & Princes & Communitez. chap. 23.
- De l'Ambassade, que le Roy d'Espagne deputa au Roy de la Chine,
& des causes à ce le mouuants, avec les occasions pour lesquelles
elle a esté suspendue. chap. 24.

LIVRE SECOND.

- L**es Espagnols de Mexique passent aux isles Philippines, & on
 en ce lieu connoissance du grand Royaume de la Chine chap. 1.
 Limahon coursair de la Chine se fait puissant dessus mer, & des-
 confit Vintoquian coursair de la mesme Chine. chap. 2.
 Une armee se fait en la Chine contre le coursair Limahon, lequel
 se retire à Tonzuacaotican, auquel lieu il a connoissance des
 Philippines. chap. 3.
 Limahon tire aux Philippines, & va aborder lex Manille. chap. 4.
 Limahon enuoye quatre cës soldats pour brusier Manille, ausquels
 vaillamment resistent les Espagnols. chap. 5.
 Le Gouverneur de Manille se fortifie pour attendre l'assaut des
 Chinois, avec lesquels il combat, & fait leuer le siege à Limahon,
 qui se va saisir du pays situé sur le fleuve de Pangasinan chap. 6.
 Salce le maistre de camp va alencontre de Limahon, & mettant le
 feu à son armee le tient assiéé trois mois durant, dans un fort,
 duquel ledit Limahon eschape en fin subtilement. chap. 7.
 Omoncon capitaine Chinois venans cercher Limahon se rencontre
 avec les Espagnols. chap. 8.
 Omoncon est bien receu du Maistre de camp & logé dedans Ma-
 nille par le Gouverneur: auquel lieu s'accorde & conclud le vo-
 yage de la Chine avec les Religieux Augustins. chap. 9.
 Omoncon ayant entendu le destroit où effort tenu Limahon, part
 de Manille, & mene avec luy à la Chine les Religieux Augu-
 stins. chap. 10.
 Les Espagnols partent du port de Bulian avec le capitaine Omon-
 con, puis abordent à la terre ferme de la Chine. chap. 11.
 Le capitaine Omoncon approche pour prendre terre en la province de
 Chincheo, & auparauant que surgir est contraint de venir aux
 mains avec un autre capitaine de mer chap. 12.
 Omoncon & les Espagnols desbarquent du port de Tansuse, & sont
 bien recus du Correeteur, & festoyez en grande ioye par man-
 dement de l'Insuanto de la province. chap. 13.
 Les Espagnols partent de Tansuse pour aller à Chincheo voir le
 Gouverneur qui les attendoit & voyent en chemin choses nota-
 bles. chap. 14.
 Les Espagnols poursuivent le chemin de Chincheo, & en allant
 voyent maintes choses notables de la Chine. chap. 15.
 Les Espagnols arrivent à Chincheo, où ils sont bien receus & le-

- gex, puis sont racontées parmy quelques particularitez de ceste ville chap. 16.
- Le Gouverneur de Chincheo enuoye querir les Espagnols; & leur fait proposer les ceremonies qu'ils doyent garder pour auoir audience deuant luy. chap. 17.
- Les Espagnols ont audience en grande courtoisie par deuant le Gouverneur de Chincheo, & luy presentent lettre qu'ils apportoiēt des Philippines. chap. 18.
- Les Espagnols sont vistez des principaux de Chincheo, & le Gouverneur enuoyant querir le Sarmient; & de Loarche, deuisé avec eux familièrement, & s'informe de l'estat de Limahon. chap. 19.
- Le Gouverneur fait vn banquet aux Espagnols, puis les aduertit de s'acheminer à Auchoe, où le Viceroy les attendoit. chap. 20.
- Les Espagnols partent de la ville de Chincheo, & arrivent à celle d'Auchoe, où les attendoit le Viceroy. chap. 21.
- L'entree des Espagnols dans Auchoe, & la reception que leur fait le Viceroy. chap. 22.
- Les Espagnols ont audience deuant le Viceroy d'Auchoe, puis visiterent quelques principaux officiers, & parmy cela se racontēt quelques choses notable de telles villes. chap. 23.
- Le Viceroy fait en son logis deux banquets fort magnifiques aux Espagnols, un iour apres l'autre. chap. 24.
- Les Espagnols portent le present au Viceroy, lequel l'ayant receu par les mains du capitaine Omoncon, l'enuoye scellé & cacheté au Roy de la Chine, & cependant leur fait defence de sortir de leur logis, & voir la ville, avec quelques choses particulieres y traitees. chap. 25.
- Les Espagnols vont pour parler au Viceroy, ce que ne leur estant permis, il's luy escriuent une lettre à laquelle il respond verbalement avec d'autres choses particulieres. chap. 26.
- Il vient nouuelle à Auchoe, qu'un coursair faisoit grand ravage en la coste de Chinchto, & qu'il auoit saccagé vne ville. Le Viceroy a soupçon que c'est Limahon & que les Espagnols, ensemble Omoncon & Sinsay ne luy auoyent dit la verité. chap. 27.
- Les Gouverneurs de la Prouince s'assemblent pour traiter de l'affaire des Espagnols, & là se resout qu'ils s'en retourneront aux Philippines, puis voyent deuant que partir quelques choses curieuses & remarquables chap. 28.
- Les Espagnols partent d'Auchoe, & vont à Chincheo, où estoit

DES LIV. ET CHAP.

L'Insuanto, lequel leur mande d'aller au port de Tãfufe où il fut
luy mesme les expedier, leur faisant au departir tout plein de fa-
ueurs & de caresses. chap. 29.

Les Espagnols partent du port de Tansufe, & cinglants vers les
Philippines, prennent port à des Isles par chacun iour, dont se
raconte ce qu'ils y vivent. chap. 30.

Les Espagnols ont nouvelle que le coursaire de Limahon s'est en-
fuy, & qu'il estoit à une Isle proche de là. Les vns sont d'opinion
qu'on l'aille assaillir, les autres d'aduis cõtraire En fin ils resoul-
dent de poursuiure leur voyage, puis arriuent tous à Manille.
chap. 31.

Les capitaines Chinois arriuent avec les Espagnols à Manille, où
ils sont receus du Gouverneur & de ceux de la ville en grande
ioye, & apres auoir esté là quelques iours parmy les festes qu'on
leur fit, informez de plusieurs choses de nostre Roy, & eslire, s'en
retournent à la Chine avec bonne enuie d'estre chrestiens.
chap. 32.

Liure cinquième.

Les Observantins de S. François arriuent aux Isles Philippî-
nes, & procurent de passer à la Chine, avec zeile & inten-
tion d'y prescher le S. Euangile. chap. 1.

Les Religieux & leurs compagnons partent des Illoques, apres
s'estre recommandez à Dieu en leur voyage : ils ont de grandes
tourmentes, & les passent toutes avec la confiance qu'ils ont en
Dieu, puis en fin arriuent miraculeusement en la Chine.
chap. 2.

Les Religieux & leurs compagnons arriuent à la ville de Canton,
& prenant terre rendent grâces à Dieu de voir l'accomplissement
de leur desir. Vn Iuge les vient remiser, & parlent avec luy
longuement. chap. 3.

Les Espagnols descendent de leur fregate & vont à la ville, auquel
lieu ils disent Messe au logis d'un Chinois chrestien chap. 4.

Les Espagnols sont mandez de la part d'un Iuge, qui les examine,
& escrit au Viceroy en leur faueur, Le Viceroy enuoye com-
mission à l'Aycao pour examiner leur cause, & cependant le
capitaine majo de Macao les accuse pour espies, avec ce qui s'en
ensuit chap. 5.

Les Religieux se voyant en necessité, demandent l'aumosne par les
rues, le Gouverneur le sçait qui leur fait bailler des vivres aux
despens du Roy. chap. 6.

INDICE

- Le trucheman continue en son auarice & tromperie.** Ils sont mandez deuant les Iuges de la ville, lesquels traitent avec eux de quelques choses, puis aduisent de tout le Viceroy, lequel leur demande les luy enuoyer à Aucheo. chap. 6.
- Les Religieux vont à Aucheo, & icy est raconté ce qu'ils virent, & rencontrerent par le chemin.** chap. 7.
- Les Espagnols ont entree chez le Viceroy, & parlent à luy.** Il leur fait quelques demandes, puis les renuoye au Timpintao, qui estoit son Lieutenant, lequel les receut humainement, & leur donna de bonnes paroles. chap. 8.
- Les Religieux sejournerent quelques iours à Aucheo, & visissent les principaux de la ville, & specialement le capitaine General de mer lequel ayant affection à la pierre de l'aspe noir qu'ils auoient les sollicita grandement de la luy donner.** chap. 9.
- Le Timpintao enuoye querir les Religieux, & les expedie.** Ils prennent congé de luy, partent d'Aucheo, & arriuent à Canton, ou estant ils deliberent entr'eux les uns s'en retourner aux Philippines, & les autres d'aller à Macao. chap. 10.
- Le P. Gardien enuoye un messager à Macao, par lequel il prie l'Euesque & un seculier de leur faire quelque aumosne pour s'en retourner.** Le capitaine mae se fait, qui requiert l'Euesque de ne leur aider en rien, & fait plusieurs autres chose à l'encontre des Religieux. chap. 11.
- Un Portugais de Macao descouure la mauuaise intention de son capitaine mae, & en aduertit les Religieux par une lettre sans soucription, au moyen dequoy ils remedient au danger qui leur estoit imminent.** L'Aytaa de la ville les enuoye querir & traite avec eux de plusieurs choses qui sont icy racontées, puis leur donne congé & permission, aux uns pour aller à Macao, & aux autres pour s'en retourner à Lussou. chap. 12.
- Les Religieux sejournerent quelque temps à Canton, pendant lequel estant arriuez quelques Portugais de Macao, ils se doustent d'eux au commencement, puis en fin s'asseurent les uns des autres, & deviennent tous bon amis.** Le Viceroy d'Aucheo vient à Canton, & expedie les Religieux, leur faisant à tous grand faueur. chap. 13.
- Ceux qui alloient à Lussou prennent leur chemin vers Chincheo & voyent en allant plusieurs riuieres & villes, & autres choses particulieres.** chap. 14.
- Les Espagnols partent de la Chine pour s'en retourner à Lussou, il leur vient sur mer quelques tourmentes durant desquelles les mariners**

mariniers se mettent à insinuer les Demons, dont ils sont repris par les Religieux, puis en fin arrivent au port desiré, où ils sont recens en grand ioye. chap. 15.

Liure sixième.

- D**u port où l'on s'embarque au partir d'Espagne, ensemble des isles de Canarie. chap. 1.
 Des isles appellees la Desfree, Dominique, & S. Iuan de Portriche, ensemble des choses notables qui sont contenues en icelles. chap. 2.
 De l'isle de S. Domingue, dite autrement Espagnole, & des proprietéz d'icelle. chap. 3.
 Du chemin & isles qu'il y a depuis ceste isle S. Domingue, iusques au Royaume de Mexique. chap. 4.
 De l'estendüe du Royaume de Mexique, ensemble de quelques autres choses particulieres & notables qu'il y a en iceluy. chap. 5.
 Suite & continuation des particularitez du Mexique. chap. 6.
 Du nouveau Mexique & comme il a esté decouvert. chap. 7.
 Suite du decouvrement du nouveau Mexique. chap. 8.
 Suite du nouveau Mexique, & des choses venues en iceluy. chap. 9.
 Suite du nouveau Mexique. chap. 10.
 Du port d'Aapulque, & de l'isle L'arrons avec les mœurs & façons de faire des naturels. chap. 11.
 Des isles Lussón, dites autrement Philippines, où l'on aborde apres les isles des Larrons, avec les choses particulieres, qui sont contenues en icelles. chap. 12.
 De quelques choses remarquables qui se trouvent, & se sont venues aux Philippines. chap. 13.
 Le partement du P. Ignace, & de ses confreres & compagnons, ensemble le voyage d'icieux depuis l'isle de Lussón, iusques à la Chine, avec les choses qu'ils y ont venues. chap. 14.
 Continuation des choses, que virent & entendirent les Religieux estans au Royaume de la Chine, ensemble les travaux qu'ils y souffrirent. chap. 15.
 Le P. Ignace & ses compagnons sont enuoyez à la ville de Huchefu, & se raconte ce qui leur aduint. chap. 16.
 De la grandeur, bonté, richesse, & puissance du grand royaume de la Chine. chap. 17.
 De quelques us, ceremonies, & autres marques, qui monstrent comme les Chinois ont eu anciennement la cognoissance de la loy Evangelique. chap. 18.
 Des isles du Iappon, & de l'estat de leur royaume. cha. 19.

INDICE DES LIV. ET CHAP.

- De quelques lieux circonuoifins du Japon, & de leurs particularitez : ensemble du Royaume de Cochinchine, & des chofes contenues en iceluy, avec quelques notables miracles y aduenus. chapitre 20.
- Des Royaumes circūuoifins à celuy de Cochinchine, & de quelques chofes notables y contenues, ensemble des vs & couftumes des habitans. chap. 21.
- De plusieurs autres Royaumes du nouveau monde, touchant leurs noms & proprietéz, fpecialement de la fameufe ville de Malaque. chap. 22.
- Continuation de quelques Royaumes du nouveau Monde, & des chofes particulieres qui fe font veues en iceux, enſemble quelque mention du fleuve Gange. chap. 23.
- Du Royaume de Coromandel, & autres y circonuoifins, & auſſi de la ville de Calamine, où demeura & mourut le benoiſt Apoftre S. Thomas : enſemble du grand pouuoir & ri cheſſe de ce Roy, & de la maniere comme on l'enterre, & autres chofes curieufes. chap. 24.
- Suite de pluſieurs Royaumes du nouveau Monde, avec les mœurs & couſtumes des habitāz, & autres chofes curieufes. chap. 25.
- Continuation de pluſieurs Royaumes du nouveau monde, & des chofes notables y contenues. chap. 26.
- Concluſion des autres Royaumes, & chofes notables veues par le P. Ignace, iufques à la ville de Liſbone, où il abborda apres auoir fait le tour du monde. chap. 27.

Fm de l'Indice.





HISTOIRE
D V GRAND
 ROYAVME DE
 LA CHINE.

CONTENANT LES CHOSES
*notables de ce Royaume ; touchant le
 naturel du pays , & des habitans.*

LIVRE PREMIER.

De la description du Royaume, & de ses confins.

CHAP. I.



Le grand Royaume de la Chine, duquel nous devons traiter en ceste Histoite, a esté descouvert depuis vingthuit ans en çà par les Espagnols habitans aux Isles Philippines, lesquelles sont distantes dudit Royaume de trois cens lieux: nonobstant que long temps deuant il aye esté connu par la route de l'Inde de Portugal, & par le rapport des Portugais qui demeuroient à Macao, & trafiquoient à Canton, ville du mesme Royaume de la Chine. Mais c'estoit par rapport seulement, & par ainsi cela ne pouoit pas satisfaire à cause de la varité qui serrouoit en ce qui estoit de verité. Tant qu'en l'an 1577. Martin de Herrade, Prouincial des Augu-
La Chi- ne quand descon- uerte.
Ant 1577 La Chi-

ne par
qui des-
couuerte.

stins, lesquels ont esté les premiers qui ont descouuert lesdites isles Pilippines, & donné commencement au saint baptême en icelles, avec son compagnon Frere Hieronyme Marin, & Pedre Sarmient, grand Alguazil de la ville de Manille aux mesmes isles, & Michel de Loarche par l'ordonnance & commandement de Guy de Labassare, Gouverneur d'icelles entrèrent audit Royaume, estans menez, & conduits par vn Capitaine du Roy delà, nommé Omoncon. Comme cest Omoncon vint ausdites isles, & s'aduantura de mener les susdits en la terre ferme combien qu'il fust descendu sur peine de la mort, ensemble le bon racueil & traitement qu'ils luy firent, & autres choses particulieres à ce propos: tout cela se trouuera en la seconde partie de ceste Histoire: où nous mettrons en substance toutes les relations qui ont esté faites au Roy d'Espagne.

Situa-
tion de la
chine.

Supposé ainsi ce que dessus, ce grand Royaume de la Chine, est la terre la plus Orientale de toute l'Asie ayant pour voisin du costé d'Occident le Royaume de Cochinchine, lequel garde & obserue entierement les vs & costumes de la Chine. La grande mer Occéane d'Orient l'aua la plus grande partie du Royaume, commençant depuis l'isle d'Aynan: qui est proche de Cochinchine, & a dixneuf degrez du costé du Nort, & l'environnant de la part de Midy tout le long de Nortest. Plus haut que Cochinchine vers la route du Nort il confine avec les Brachmanes, qui est vne nation bien peuplée, & tres-riche en or & argent & en pierreries, & spécialement en Rubis, qui y sont en nombre infini, Ces Brachmanes sont superbes, courageux & noirs, & bien dispos de leur personne, lesquels n'ont pas eu beaucoup de guerre avec les Chinois, à cause qu'entre les deux Royaumes il y a de grandes serres & montaignes, qui empeschent les vns & les autres de s'assaillir. Toignant eux sont les Patanes ou Moyores qui est vn Royaume fort grand & beliqueux, dont la ville capitale est Somatcan. Ces peuples là sont les vrais Scythés ou Messagers, renommez par les histoires anciens, desquels l'ô assure qu'ils n'ont iamais esté seigneuriez d'aucune nation du monde. Ce sont gens bien dispos, proportionnez, & blancs, à cause qu'ils demeurent en vn pais froid. Entre l'Occident & le Midy est la Taprobane, ou comme on l'appelle aujourdhuy Samatre, qui est vn Royaume tres-riche en or, en pierres, & en perles. Et plus auant au Midy sont les deux Iaués, grande & petite, ensemble le Royau-

me qu'on appelle des Lechiens, & en esgale distance le Iappon. Mais les plus prochains voisins & immediats à ce royaume ce sont les Tartares, lesquels sont aussi en la terre ferme, & separez seulement d'une muraille, comme nous dirons au 9. chapitre de ce liu. Ces Tartares ont fait plusieurs fois la guerre aux Chinois; & ont possédé leur Royaume par l'espace de quatre vingts, & douze ans iusque à ce que l'esdits Chinois se rebelerent contre eux, & les chasserent vaillamment hors du Royaume. Mais pour le iourd'huy l'on dit qu'ils sont bons amys les uns aux autres, & y fert de beaucoup pour cest effect de ce qu'ils sont tous Payens, & qu'ils tiennent entr'eux de mesmes vs & ceremonies. Toutesfois ils sont differens en loix & police, en quoy les surpassent de beaucoup les Chinois, & si ne sont pas de mesme couleur de visage, estans les Tartares un peu plus rouges & plus noirs, allans tout nud la plus part depuis la ceinture tout iusques en haut, & mangeans de la chair crüe, & se frotans du sang d'icelle, pour se rendre plus forts & robustes. Au moyen dequoy ils puent si fort, que quant l'air vient de leur costé on les sent de bien loing pour leur puanteur. Ils croyent l'immortalité de l'ame, toutesfois avec erreur, à cause qu'ils disent que les ames entrent en d'autres corps, & que celle qui a bien vescu auparavant, devient riche de pauvre qu'elle a esté, ou qu'elle reuiet ieune de vieille qu'elle estoit, & que si elle a mal vescu elle va en pis au contraire. Les enfans des tartares obseruent fort le commandement d'obeissance qu'on doit aux Peres, & leur obeissent en tout sans contreuenir d'un seul point à leur volonté, sur peine d'en estre incontinent chastiez en public & avec grande seuerité. Ils croyent qu'il y a un Dieu, lequel ils adorent, & le tiennent gravé en image ou en peinture chascun chez eux, luy offrant tous les iours de l'encens ou autres parfums. Ils appellent le Dieu haut & le prient qu'il leur doint bon entendement & santé du corps. Ils en ont un autre qu'ils disent estre fils du susdit & l'appellent en leur langue, *Navigay*, & est le Dieu des biens de la terre, & le tiennent aussi chascun d'eux en leurs maisons, & à chasque fois qu'ils prennent leur repas ils luy oignent la face de la plus grace viande qu'il y ait, puis se mettent à manger entr'eux, apres auoir donné la portion à leur Dieu, de la maniere que dit est. Ce sont hommes qui mentent peu souuent, encore qu'il y aille de la vie, & sont tousiours tres obeissans à leur Roy, & principale-

*Descri-
ption des
Tartares.*

ment en guerre, ou chascun fait ce qui est de sa charge, est à guidé par le signal du tabourin ou de la trompette : au moyen de quoy leurs Capitaines les gouvernēt à baguette & fort aisément, pour le long usage & la bonne discipline qu'ils apprennent dès leur ieunesse. Ils ont encore tout plein d'autres choses lesquelles ils sympolisent fort avec les Chinois. Que si ces Chinois receuoient la foy de nostre Seigneur Iesus Christ, il est credible qu'ils exciteroyent aussi lesdits Tartares à faire le semblable, comme estans hommes bien docilles, & grands imitateurs d'iceux.

C H A P. II.

Du temperament du Royaume de la Chine.

LE temperament de ce grand Royaume est fort diuers, à cause qu'il est tout presque situé du Midy au Septentrion : en vne si grande estenduē de pays, que combien que l'isle d'Aynan, qui est proche dudit royaume, soit à dixneuf degrez de hauteur, l'on a toutesfois connoissance de quelques Prouinces qui en sont à plus de cinquante, & si dit on qu'il y en a encores d'autres plus haut vers les confins des Tartares : ce qui se peut voir facilement en la grande difference des couleurs qu'il y a entre les habitans de ce royaume, a Canton qui est vne ville fort grande dudit Royaume en laquelle les Portugais ont trafiqué ordinairement avec les Chinois, pour estre située aupres de Macao, où long temps y a que se sont peuppez lesdits Portugais, & d'où ils apportent les marchandises qui viennent en Europe ; l'on voit des couleurs fort differentes au visage de ceux qui y viennent trafiquer comme les Portugais mesme le testifient. Ceux qui viennent à naistre en la ville de Canton, & en toute ceste coste sont noirs, comme ceux de Fez ou de Barbarie, pource que ce pais est en mesme pararelle que ladite Barbarie. Mais ceux des autres Prouinces en dedans sont blancs la pluspart, les vns toutesfois plus que les autres, selon qu'ils entrent plus au pays froid, parce qu'il y en a d'aucuns qui retirent aux Espagnols, & d'autres qui sont plus blonds, ressemblans à peu pres à des Alemands blonds & rouges. Bref en tout ce grand Royaume, pour en parler en general, il n'est pas possible d'acertener qu'il soit chaud ou froid, d'autant qu'il est enclos dans la region que les Géo-

graphes appellent Temperée, & aussi par ce qu'ils s'estend vers vn meisme climat que l'Italie: d'où se peut entendre la fertilité d'iceluy, laquelle est sans doute la plus grande qui soit au monde, encore que nous mettions en comparaison, & le Peru, & la neuue Espagne, qui sont deux Royaumes renommés pour la fertilité. Et cecy se pourra voir au chapitre suivant où nous traiterons en bref des choses qui s'y produisent, & de l'abondance d'icelles. Et sur tout selon que m'a dit le pere Herrade Prouincial, & son compagnon, le rapport desquels ie suiuray en la pluspart de ceste Histoire, comme estants tesmoins oculaires & dignes de foy, & qui plus est majeurs de toute exception, le pays y est si plein & formillant de petits enfans, qu'il semble que les femmes portent & accouchent chascue moys, estans ces enfans, quand ils sont petits beaux à merueille. Au surplus la terre y est si fertile, qu'elle porte trois & quatre fois l'an, dont les choses y sont à si bon marché, qu'il semble qu'on les donne toutes pour neant,

*La Chine
porte
trois &
quatre
fois l'an*

CHAP. III.

De la fertilité dudit Royaume, & des choses qui s'y produisent.

C'EST vne chose tenuë pour certaine entre les habitans dudit Royaume que les premiers qui l'ont habitë & fondé, ç'ont esté les neueus de Noë, lesquels apres auoir voyagé depuis les pais d'Armenie, auquel lieu apres le delugé vniuersel vint s'arrester l'Arche, dans laquelle Dieu sauua leur ayeul Noë des ödes du ciel, & ayänt cherché terre qui leur peüst plaire, ils n'en trouuerët point aucune, où il y eust telle fertilité ny si bon air qu'en cedit royaume, tāt pour ses qualitez abondantes, pour le temperament salubre, & autres choses necessaires à la vie de l'homme, lesquelles se trouuët en iceluy. Toutes lesquelles causes les inuiterent à le peupler, estäs bien certains que quand ils fussent allez par tout le monde ils n'eussent pas trouué son semblable. Et tiens quant à moy, qu'ils ne se tromperent aucunement à ce que nous voyons auiourd'huy en iceluy, & selon ce qui se peut colliger de ce chapitre touchant les choses qui s'y produisent lesquelles

*Les pre-
miers
fonda-
teurs &
habitäs
de la
Chine.*

sont en si grande foison & abondance, que combien que nous en voulions mettre cy tant qu'il doive suffire pour cest effect, si en lairrons nous beaucoup d'autres touchât les proprietez d'infinies herbes particulieres, & d'animaux qui suffiroient pour en faire vn grand volume comme ie eroi qu'il se fera quelque iour. La fertilité de la terre est aidée en sa bonté par le travail & industrie au dué des naturels, laquelle est si grande, qu'ils ne pardonnent à montagnes, vallees bords & riuages quelconques, où ils ne plantent & ne sement tout ce qu'ils scauent que le terroir puisse porter & produire selon la bonté d'iceluy, comme arbres à fruitz, & grandes semailles de froment, orge, liz, lin, chanure, & autres choses. Ce travail leur est aisé & facile, en se proposant deuant les yeux la liberté qu'a chascun d'eux de iouir paisiblement de son bien, & la grande infinité du monde qu'ils sont, tant en estats & offices, qu'au labourage de la terre, ioint aussi qu'ils ne souffrent point en tout le Royaume aucuns faineans ni vagabons, ains sont telles personnes tenues & reputées pour infames, avec ce qu'elles sôt punies rigoureusement. Telle police est facilitée d'auantage par vne autre chose, qui y aide beaucoup, en ce qu'il n'est pas permis aux naturels de sortir hors du Royaume, & d'aller voir les estrangers, ni d'auoir guerre avec eux, qui est vn moyen qui a de coustume de despeupler les nations; & desubuertir l'Estat: y ayant vn Roy qui est content de son Royaume, comme l'vn des meilleurs qui soyent au monde. Outre ce, comme ils sont naturellement enclins à faire bonne chere & se resiouir, & à estre tousiours bien habillez, & leurs maisons bien accommodees & garnies de toutes choses necessaires, cela les incite aussi à bien mesnager & travailler: qui est cause, ensemble la fertilité de la terre susdite, qu'on peut sans mentir nōmer ce Royaume le plus fertile de tout le mōde. Il produit de toutes sortes de verdure, comme l'Espagne, & encore plus, & autant de fruitz, avec beaucoup d'autres qu'on ne connoist point pource qu'ils sont differens de ceux que nous auons par de çà, au reste les vns & les autres bons par excellence, à ce qu'on dit. Il y a trois sortes d'Oranges, les vnes si douces qu'elles surpassent le sucre en douceur, les autres vn peu moins, & les autres ayant vne petite pointe d'aigreur, qui est fort plaisante au goust. Il y a aussi vne sorte de Prunes qu'ils appellent Lechias, lesquelles avec ce qu'elles sont treslauoureuses, ont encore ceste pro-

*Le heur
& indu-
strie des
Chinois.*

*Nuls
faineans
nervaga-
bons en
la Chine.*

priété, qu'elles ne faouient iamais & ne font point de mal à l'estomach, combien qu'on en mange beaucoup. Il produit des Melons en abondance, qui sont fort gros & excellentement saoureux, & vne sorte de Pommes de couleur brune, lesquelles sont grosses, & de tresbon goust. Je ne parle point des autres fruits, qu'il y a, ni des noms d'iceux, de peur d'ennuier le lecteur, & y consumer le temps, qui nous est requis & necessaire pour traiter des choses plus importantes. Il y a tresgrande foiso de Succre par tout ce Royaume, qui est cause qu'il est à si bon marché, qu'un quintal du plus fin & du plus blanc, & au temps qu'il est le plus cher, ne vaut pas d'auantage de six reales. Il y a du miel en grande abondance, par ce qu'ils sont fort amateurs de ruches, d'où viêt que le miel & la cire y sont à bon prix, & s'y trouuent en si grande quantité, qu'on en peut charger des nauires & des flottes mesme. Ils ont beaucoup de soye & de parfaitemēt bonne, à laquelle ils scauent donner de si viues couleurs, qu'elles excèdent de beaucoup les teintures de Grenade, & est le plus grand trafic qui se face point par tout le Royaume. Le veloux, le damas, le satin, & le tafetas, & autres toiles qui se font là valent si peu que le dire feroit bien estonner ceux qui scauent ce que cela vaut en Espagne, & en Italie: & ne les mesurent point à l'aune, ni les autres toiles non plus, ni generalement tout ce qui se vend audit Royaume: encore que ce soit du linge, mais ils pesent tout, en quoy il n'y peut pas auoir tant de tromperie. Il y vient beaucoup de lin, dont se vest ordinairement le commun peuple, & du chanure aussi, duquel ils se seruent à calfeutrer les nauires, & à faire des cordes & des chables. Aux terres dures & seiches: encore qu'elles soient pierreuses ils y recueillēt beaucoup de cotton, & y semēt du bled, de l'orge, du segle, de l'auoine, & plusieurs autres sortes de grains, lesquels rapportent tous beaucoup, & autant les vns que les autres. Aux terroirs humides & aquatiques qui y sont en grand nombre à cause de l'abondance des belles & grandes riuieres que possède ce grand Royaume, ils y sement du riz, qui est la commune viande de ceste nation, & aussi de tous leurs voisins, & en recueille en telle quantité, qu'au temps qu'il est le plus cher vne hanegue ne vient à valoir qu'une reale Dequoy & pareillement de tous les autres grains la terre a coustume de porter 3. & 4. fois l'an nee, comme dit est à la fin du cha. precedent. Aux hauts pays qui ne sont pas propres pour semer, ils y ont de belles

*Chinois
usent du
poids en
toutes
choses.*

8 HISTOIRE DV ROYAUME
rangees de Pins qui portent de gros pignons fort sauoureux
& des Chastaigniers aussi qui produisent de belles grosses
chastaignes, lesquelles sont de meilleur goust que celles
d'Espagne; & outre entre ces arbres ils y sement du maiz,
qui est le mäger & pain ordinaire des Indiens de Mexique
& du Peru, avec beaucoup de panix, pour ne point perdre
vn espan de terre, comme aussi de vray ne s'en trouuera il
point par tout le Royaume, qui soit stérile & en frische sâs
faire profit: ce qui aduient tant de la proprieté naturelle de
ladite terre, que de l'ayde qu'on y fait.

CHAP. IIII.

*Suite de la fertilité dudit Royaume, & des choses
qui s'y produisent.*

Campa-
gnes de
la Chine.
Toute la pleine campagne, outre la fertilité susdite, est
tres-belle & plaisante à voir, & souesue à flairer à cause
de beaucoup de belles & diuerses fleurs odorées qu'elle
produit de toutes les sortes, estant embellie d'auantage par
des belles rangées d'arbres qui bordent communément le
long des riuieres & des ruisseaux: où il y a plusieurs iardins
& de belles maisons de plaissance dont ils vsent fort pour
leurs re creations & passetemps. Les Loytias ou Cheualiers
ont coustume de planter des grandes forests & montagnes
touffuës & espaisles, où ils nourrissent force Sâgliers, Daims
Cônils. Lieures, & autres bestes diuerses, des peaux lesquelles
ils font de tres bonnes forrures, & spécialement de Mar-
tes Zebelines, qui y sont en grand nōbre. Il y a du musc en
abondance qui vient d'une espee de petites bestes, lesquelles
ne mangent autre chose que d'une racine fort odorife-
rante, nomme *Camarus*, qui est la grosseur d'un doigt & se fait
ce musc en ceste façon. Ils battent & meurtrissent ces peti-
tes bestes à force de coups tant qu'ils les tuent puis les met-
tent en vn lieu, où elles se corrompent plus facilement
leur liant premierement bien fort les parties par où
peut sortir le sang, & laissant tremper en iceluy tous les os
qui sont cassez bien menu: & apres que tout leur semble
estre assez pourry, ils les couppent par pieces avec leur peau,
& en font de petits sachets, que les Portugais qui les aho-
rent appellent *Papoe*: & est-ce musc le meilleur & le plus

Manie-
re de fai-
re le
Musc.

fin de tout tant qu'on en apporte des Indes, mais suiet à
trôperie, à cause qu'ils ont accoustumé d'y mettre & cacher
dedans des petits morceaux de plomb & autres choses.
pour les faire peser d'avantage. Outre cela il y a grande
quantité de bœufs & de vaches lesquelles valent si peu,
qu'on en a vne bien bonne pour huit reales: & aussi de Bu-
ffles qui valent la moitié moins, & des pieces de venaison,
que l'on trouue toutes entieres pour deux reales, & beau-
coup de pourceaux qui ont la chair aussi bonne & aussi saine
que le mouton en Espagne Il y a grande abondance de che-
vres & autres bestes à manger, qui est cause qu'elles valent
fort peu. Quand aux oiseaux qui se nourrissent aux lacs &
rivières il y en a tant & en si grand nombre qu'il s'en con-
sume chaque iour aux moyennes villes du royaume beau-
coup de milliers, combien que ce soient Canarts pour la
plus part. La maniere comme ils se nourrissent se dira en
vn chapitre particulier, afin que ce que nous auons desia
dit ne semble point incroyable. Tout cela se vend au poids,
comme aussi les poules & chapons, & à si petit prix que
deux liures de ceste chair sans plume & toute habillée ne
vaut ordinairement que deux Foiz, qui est vne espee de mo-
noye valant quatre marouedis d'Espagne, & deux liures de *Foyeste*
porc salé vn Foiz & demy qui sont six marouedis; & ainsi co- *ce de mo.*
sequement des autres viandes, comme il est à plein verifié noye.
par la recreation des religieux susmentionnez. Il y a aussi *racine de*
beaucoup d'herbes de medecine, & du rheubarbe tres fin, *la Chine*
& en tres-grande quantité, & de la racine nommee *Chine dite au-*
du nom du royaume, & des muscades en telle abondance *iremens*
qu'on en peut charger de grandes flottes, & tous à si bon *Esquint.*
marché que quatre cens ne valent qu'une reale, & six liures
de girores vne demie reale. Autant en est du poyure & de
la canelle, & en a on vingt cinq liures pour quatre reales,
& pour moins encoré. Je passe sous silence tant d'autres
herbes medecinales & vtiles à la vie humaine, pource qu'il
en faudroit faire expressement vn liure particulier tou-
chant les vertus & facultez de toutes icelles. Le poisson &
la maree qui y est de toutes sortes est vne chose admirable,
non seulement es costes de la mer, mais aussi aux dernie-
res prouinces de ce Royaume & plus esloignées d'iceluy, à
cause des belles & grandes rivières sur lesquelles on naige
par tous les endroits de ce Royaume. Outre cela il est fort
riche en mines d'or & d'argent, & autres metaux, lesquels

excepté ledit or, & argent se vendent à si bon marché qu'un quintal de cuyure, de fer ou d'acier ne vaut communement que huit reales. Il se trouue aussi vne infinité de perles par tout ce royaume, toutesfois elles ne sont guere rondes pour la pluspart. Doncques de tout ce que dessus se peut euidentement colliger la bonté & fertilité du pays, & par consequent inferer que ne se tromperent pas les premiers qui le peuplerent, estant ainsi plus que suffisamment abondant en toutes choses necessaires à la vie de l'homme. Au moyen dequoy les habitans d'iceluy se glorifient à bon droit de tenir & posseder le meilleur Royaume de la terre.

CHAP. V.

De l'antiquité dudit Royaume.

CE Royaume est si antique, comme nous auons desia touché cy dessus chapitre troisiéme qu'on estime que les premiers qui le peuplerent ce furent les neuueux & petits fils de Noé. Mais la plus claire certitude qui se trouue de ceci dans les liures de mesmes Chinois est que depuis Vitey qui a esté le premier roy, l'estat du païs fut reduit & erigé en tiltre de royaume, lequel a duré iusques à celui qui est à present regnât comme il se verra plus à plein par ci apres, quâd nous viendrons à parler des rois qui ont regné audit royaume lesquels selon la vraye & certaine supputation ont esté tant legitimes que tyrâs, deux cés quarâte trois iusques à present. On succede au royaume de pere en fils & à faute d'hoir & fils masse la courône vient au parent plus proche & habile à succeder. Toutefois pource qu'ils tiennent autât de femmes qu'ils en veulent, à la mode des Empereurs Turcs, à ceste occasion ils ont peu souuent faute d'heritier & successeur. Le premier qui vient à naistre de quelqu'une de ces femmes est necessairement heritier du royaume, & aux autres fils le roy leur pere leur assigne des villés en appanage pour y viure priuément, auquel lieu il leur pouruoit de toutes choses necessaires pour l'entretien de leur estat & maison, avec commandement expres de n'en point sortir sur peine de la vie, ni de retourner iamais en Cour s'ils ne sont mandez par le Roy. Ceste vie priuce & recluse est aussi imposée à ceux qui sont parens du Roy, lesquels pour la plus part font leur residence en vne belle grande ville fort peuplee, nommee

La Chine quâd erigee en Royaume.

Comme l'on succede en la Chine. Pluralité de femmes en la Chine.

Cansay, en laquelle on enioint à ceux que le Roy & son conseil pensent estre gens de faction de ne bouger iamais de leurs maisons pour obuier à toutes occasions & suspensions de rebellion & trahison contre le Roy. Les hostels de ces Princes sont fort grands & spacieux pour tenir au dedàs d'iceux, comme ils y tiennent, toutes sortes de recreations & de delices, comme iardins, parterres, vergiers à fruiçts, & estangs peuplez d'une infinité de poissôs de plusieurs sortes, avecques de bois des beaux taillis, où ils tiennent de tout genre de chasse & de gibier, le tout enuironné de murailles, selon qu'il se peut faire aux montagnes & aux riuages, de maniere, que chacune de ces maisons est comme, vne moienne ville. Ils s'addonnent fort à la musique, avec laquelle ils passent le temps, & comme ils ne s'estudient à autre chose qu'à faire bonne chere, aussi sont ils communément gros & gras, & en bon point, gracieux & francs aux estrangers. Quant à ces Princes, quelque part qu'ils soient, les Gouverneurs du pais sont tenus & obligez de les aller voir & visiter aux iours de feste & s'ils passent à cheual deuant leur porte de mettre pied à terre, & s'ils vont dans vne chere, de descendre à bas, & passer tout coy sans pompe ni parade accoustumée, & afin qu'ils n'en pretendent cause d'ignorance toutes les portes des maisons de tels Princes sont peintes de leurs couleurs & liurees. Par le moyen de ces delices, & de l'accoustumance qu'ils prennent de leur ieune aage à mener telle vie recluse, ils passent le temps ioyeusement, sans qu'il leur ennuye.

Princes
de la
Chine
aiment
la musi-
que.
Denoirs
des Gouverneurs
envers les
Princes.

CHAP. VI.

*De l'estendüe du Royaume de la Chine, & des Mesures
itineraires dont on vse en iceluy.*

CE grand Royaume que nous appellons ordinairement LA CHINE, sans sçauoir la cause ni le fondement pourquoy il est ainsi appellé, les circonuoisins l'appellent SANCLEY. & en la langue pays se nomme TAYBINCÔ, qui ne signifie autre chose que Royaume. Il est le plus grand & le plus peuplé de tous tant qu'il y en ait au môde, au moins que nous sçachions, & comme il se pourra voir clairement & à plein au discours de ceste Histoire, & par les choses ad-

mirables que nous traiterons en icelles, & particulièrement au chapitre qui s'ensuit, lequel est tout presque tiré du propre liure que les Chinois ont deuers eux, où ils mettent la grandeur & estenduë du Royaume, & des quinze Prouinces y contenûes. Ce liure a esté imprimé en la mesme Chine, & apporté à la ville de Manille aux isles Philippines, & depuis traduit en Espagnol par des Chinois, lesquels pource qu'ils s'estoient faits Chrestiens, se sont arrestez & domiciliez aufdites Isles, afin de mieux garder & obseruer ce qu'ils ont promis au S. Baptisme, & euer la punition qu'on leur imposeroit en ladite Chine, si on sçauoit que sàs la permission du Roy & de son conseil ils eussent receu foy ou loy contre l'ordonnance qui le prohibe sur peine de la vie, laquelle s'exceute inuiolablement & sans aucune remission.

*Circuit
& esten-
due de la
Chine.*

Ce Royaume contient en circuit soixante neuf mille cinq cent seize Diës, qui est vne mesure dont ils vsent, lesquelles estant reduites à la supputatiõ d'Espagne font presque trois milles lieuës de tour, & mille huit cens lieuës de long. Cela s'entend en toutes les quinze Prouinces dudit Royaume, chacune desquelles contrië beaucoup de citez & villes murées sans vn nombre infiny de villages, comme il se verra plus à plein au chapitre qui s'ensuit.

Dedäs le liure susdit il se trouue que les Chinois ont seulement trois Mesures itinéraires pour arpenter, lesquelles ils appellent en leur langue *Lij*, *Pu*, *Icham*, qui est autant que si nous disions, *Stade*, *Lieuës*, *Journée*. La mesure appellée *Lij* comprend autant d'espace qu'en vne plaine, & en vn temps coy & serein se peut ouir la voix d'un homme poussée de toute sa force : Dix de ces *Lijs* font vn *Pu*, qui est vne grande lieuë Espagnole ; Et dix *Pus* font vne *Journée* d'un iour entier par eux appellée *Icham*, lesquels reuiennent à douze grandes lieuës. Selon ce compte l'on trouue que ledit Royaume contient les lieuës susmentionnées. Il est vray que par le calcul d'autres liures l'on a trouué d'auantage de lieuës : mais le P. Martin de Herrade susdit, Prouincial des Augustins esdites Isles Philippines, & tres excellent Geomettre & Cosinographe a veu & conneu que la supputation faite fort exactement, & avec grand soing & aduerrence par la description des mesmes Chinois venoit à faire le nobre susdit de mille huit cens lieuës de long, & de trois mille de circuit : en commençant à la prouince d'Olam, laquelle tire plus vers le Midy, & est

*P. Mar-
tin de
Herrade
Reli-
gieux.*

plus proche de Malacha , & courant la route de Nort est plus de six cens lieuës de chemin.

CHAP. VII.

Des Prouinces que contient le grand Royaume de la Chine.

CE grand Royaume de la Chine est diuisé en quinze Prouinces, chacune desquelles est plus grande que le *Quinze* plus grand Royaume dont nous ayons connoissance en Euro *Prouin-* pe. Quelques vnes de ces Prouinces portent le nom de la *ces en la* ville Metropolitaine, où resident les Gouverneurs. Presidés *Chine.* & Viceroy, lesquels en la langue du pays s'appellent, Cochinchin. De ces quinze Prouinces il y en a deux, c'est à sçauoir Pagueia & Tolanchia, lesquelles sont gouvernées par le Roy *Prouince* en personne & par son conseil, à cause que sa Majesté reside *ou reside* tousiours en l'une de ces deux prouinces, qui sont les plus *le Roy de* grandes de toutes les autres, & les plus peuplées. Toutes-*la Chine.* fois ce n'est pas pour cela qu'il y fait ainsi sa residence, ny pour estre plus delicieuses que les autres, mais c'est pour autant qu'elles sont les plus proches des Tartares, avec lesquels les Chinois on eu jadis guerre continuelle. Et afin que ledit Roy peust plus aisément remedier aux troubles & inconueniens qui luy pourroient suruenir de celle part, & par mesme moyen offencer son ennemi avec plus de commodité, il a assis sa cour, estat & maison esdites Prouinces, & comme il y a tousiours esté par tant d'annees, & y a perpetuellement demeuré, aussi croy-je à mon aduis que s'y fera la continuelle demeure de tous les rois dudit royaume: ce que meritent bien les mesmes Prouinces à causes de la bonté du ciel, & de l'abondance des viures qui y sont; & de tresbons.

Les quinze Prouinces s'appellent Pagueia Canton, Foquiem, Olam, Cinsay, Sufuain, Tolachia, Canfay, Oquiam, Auecho, Honam, Xanton, *Quichen*, Chequeam, & Saxij ou Sancier. Ces quinze Prouinces & principalement les dix qui sont maritimes, & assises es costes de la mer, sont toutes presque separées par de belles riuieres profondes & nauigables, pleines d'eau douce, & bordées de part & d'autre de grâs riuages, & au long d'iceux de beaucoup de bonnes villes & citez, les-*Curiosité* quelles se peuvent mettre non seulement par nombre, mais *des Chi-* aussi par nom, à cause que lesdits Chinois sont gés si curieux *nois*.

14 HISTOIRE DV ROYAVME.
qu'ils mettent en leurs liures iusques aux noms des maisons
& lieux de plaisir que tiennent les Seigneurs & Loytias pour
leur recreation. Mais par ce que ie dilateroy par trop ceste
Histoire, outre que ce seroit vn labour inutile & sans profit,
ie feray seulement le premier point, & mettray au chapitre
qui suit le nombre des villes & citez que contient chacune
des quinze Prouinces, laissant le second touchant les villa-
ges & lieux de plaisirs, comme moins requis & necessaire à
nostre intention, qui est de monstrier la grande estenduë du-
dit Royaume.

CHAP. VIII.

*Des citez & Villes, que contient chaque Prouince
du Royaume de la Chine.*

Ces quinze Prouinces lesquelles plus veritablement se
peuuent appeller Royaumes à cause de leur grandeur
& estenduë, comme il se peut voir par le nombre des citez
& Villes, qui contient chaune d'icelles, sans mettre en li-
gne de compte les villages qu'il y a en nombre infini, sont
celles que s'ensuit.

*Prouin-
ce ou re-
side le
Roy de
la Chine.* La premiere est la Prouince de Pagua où ordinairement
reside le Roy avec son conseil, & contient quarante sept ci-
tez, & cent cinquante villes: la prouince de Catou contient
trente six citez, & cent quatre vingt dix villes: celle de
Foquiem trente trois citez & cent quatre vingt dix villes:
celle d'Olan quatre vingt dix citez, & cent trente villes:
celle de Cinsay trente huit citez, & cent vingt quatre vil-
les. Susuân quarante quatre citez, & cent cinquante vil-
les. Tolanchia cinquante & vne cité, & six vingt trois vil-
les. Canfay vingt quatre citez, & cent douze villes. Oquian
dixneuf citez, & soixante & quatorze villes. Aucheo vingt
cinq citez, & vingt neuf villes. Honan vingt citez, & cent
deux villes. Xanton trente sept citez & soixante & dix huit
ville. Quincheu quarante cinq citez, & cent treize villes.
Chequeam trente neuf citez, & quatre vingt quinze villes.
Saxijou Sanciij quarante deux citez, & cent cinq villes.

Par ceste supputation il y a cinq cens quatre vingt & onze
citez, & quinze cens quatre vingt & treize villes. Duquel
nombre ensemble la quantité des villages & lieux de plai-
sir qui y sont en infinité. On peut bien colliger que cedit
royaume de la Chine merite à bon droit d'estre nommé
grand, & mesme en le comparant, avec les plus grand & les
plus

plus puissant qui soient au monde, l'on pourroit bien dire
asseurement qu'il est l'un des premiers & principaux.

Les Chinois ont coustume en leur prononciation de terminer le nom des citez avec ceste syllabe (*Fu*) qui vaut autant à dire que cité, comme Taibinfu, Cantonfu, & le nom des villes avec ceste syllabe (*Chen*) Il y a d'aucuns vilages si grand, qu'il ne leur faut seulement que le nom pour estre villes. Toutes les citez pour la plus part sont situées au bord des riuieres nauigables & en tourees de larges fossiez qui les font tres fortes. Outre que tant icelles comme les villes sont toutes emmantelées de grandes murailles lesquelles sont ordinairement iusques à vne estage en haut de pierre de taille, & de là en amont de carreau blanc qui est si fort, qu'on ne le scauroit rompre qu'à grand peine avec des marteaux pointus. En quelques villes les murailles y sont si larges, qu'il peut aller quatre & six hommes de front. Elles sont ornées d'une longue rangee de bouleuers, & d'espace à autre decorées de hautes tours, couuertes de beaux chapiteaux magnifiques, lesquels sont enuironnez tout autour de galeries & de perrons, où souuentefois ont accoustumé de s'aller recreer les Viceroy & Gouverneurs, pour iouyr de la veüe des champs & du bord des eaux. De la muraille iusques au fossé il y a vne terrasse, par où peuuent aller six hommes de front à cheual & autant dedans la ville, iusques aux maisons à fin de les pouuoir circuir & y faire la ronde sans aucun empeschement. Les murailles sont aussi belles & entieres par le soing ordinaire qu'on y met, cōme si s'elles venoient d'acheuer d'estre faites, combien qu'il y aye quelques villes, desquels il y a plus de deux mille ans de bonne memoire qu'elles sont baries. La cause de cela est qu'en chacune ville le Roy tient vn Iuge à grands gages, lequel a la charge de visiter les murailles & de les faire renouueller des deniers, que le Thretorier de son domaine estably en icelle ville luy baille & deliure pour cest effet.

Les chemins dudit Roy aume sont tous plats & vnis fort soigneusement, & les entrées des villes ont vne grande apparence de maiesté, avec trois ou quatre portes tres fortes, bandées & barrees de lames de fer. Les rues sont fort bien pavees & ouuertes de telle largeur, qu'il y peut aller quinze homes de cheual ensemble & toutes si droites avec leur longueur, que l'on voit d'un bout à l'autre de la rue. Aux deux costez de chacune de ses rues, il y a des supportaux

& faillies, où sont les boutiques des marchands pleines de choses fort singulieres, ensēble de toutes sortes de mestiers & estats qui se peuent desirer. Aux grandes ruēs: il y a d'espace à autre vne belle suite d'Ares triomphaux qui les embellissent & decorent extrêmement, lesquels sont de pierre de taille azurez de belles grandes peintures faites à l'antiquité Romaine, avec de beaux bordages & compartimens. Toutes les maisons ont ordinairement trois portes, celle du milieu grande, & celles des deux costez plus petites & faites à proportion selon leur mode de bastir.

Grandeur de la ville de Suntien.

Leur Roy tient sa Court en la ville de Suntien, qui est à dire en leur langue, ville du Ciel, de la grandeur & estenduē de laquelle les Chinois racontent de grandes choses, lesquelles doiuent estre veritables, à cause que tous ceux qui en ont escript qui sont en grand nombre, combien qu'ils en ayent parlé en diuers temps & lieu, n'ont esté iamais trouuez en varieté ny repugnance. Au moyen dequoy elle semble estre la plus grande & spacieuse qui soit au monde, au iourd'huy, attendu que ceux qui la sont moindre & parlent sobrement de son estenduē, afferment que pour aller d'une porte à l'autre sans passer les faubourgs, il faut vn iour tout entier en temps d'esté, & cheminer tout acheual de bon pas. Ceste ville s'appelle aussi *Quinsay*, comme l'a appellee Marc Paul, Venitien, liure 2. chap. 63. & 64.

CHAP. IX.

Des edifices admirables qui sont au royaume de la Chine, & d'une tres-grande muraille ou enceinte contenue en iceluy, qui a cinq cens lieues de long.

Chinois grands architectes.

IL y a en ce Royaume de la Chine de grands maistres en l'Architecture, & les matereaux pour bastir y sōt les meilleurs du monde, parce que comme il a esté dit au chapitre precedent, il y a vne terre blāche dont on fait des carreaux lesquels sont si bons & forts, qu'il faut auoir des pioches & marteaux, & vne tres-grande force pour les rōpre. Et la cause de cela est, pource qu'il y a generalement par tout le Royaume de tres-grands & beaux edifices, laissant à part le Palais où le Roy tient sa Cour en la ville de Taybim, d'auant que nous en ferons cy apres vn chapitre particulier.

En toutes les citez qui sont les capitales des Prouinces, reside vn Viceroy ou Gouverneur, & demeure en l'hostel que le Roy a en chaque ville d'icelles fait à ses propres cousts & despens, lesquels hostels sont tous superbes & admirables, elabourez d'un grand artifice, & tous aussi grands qu'une grande ville, pour cause qu'il y a dedàs de grâds iardins & estangs, & de bois enclos de murailles, esquels, cômme il asté remarque au quatriesme chapitre, Il y a beaucoup de chasse & de gibbier. Les maisons cômunes sont fort bonnes & bien basties à la Romaine, & ont toutes des arbres plantez au deuant des portes, afin de faire ombrage & embellir le long des ruës, Toutes ces maisons sont par dedans blâches comme lait: de sorte que la surface d'icelle reluit cômme de beau papier bruni, & sont paucees de pierres larges, bien lassees, & quarrees. Le toict est d'un bois tres excellent, bien elabouré, & peint d'un eau damassée de couleur dor, qui est fort plaisante & agreable à la veuë. Elles ont toutes court & iardin avec beaucoup de fleurs & verdure pour leur recreation, & n'y en a pas vne qui n'ait vn estang avec du poisson, si petit qu'il puisse estre. Vn costé de la court est occupé d'une paire d'armâires faites à guise d'un cabinet, sur lesquels il tiennent grand nombre d'idoles taillez en bosse & elabourez de diuers materiaux. Aux trois autres angles ils ont plusieurs peintures & autres curiositez, & sur tout se tiennent bien nettement, non seulement en la maison, mais aussi aux ruës, où il y a communément trois ou quatre priez & lieux communs posez fort soigneusement, afin que le monde estant pressé de la necessité naturelle, & ayant où aller ne gaste ni n'ordisse point les ruës: ce qui est mesmes obserué par tous les chemins du Royaume. Il y a d'aucunes villes où l'on va par'eau parmi les ruës, comme l'on fait à Bruxelles en Flandres & à Mechique aux Indes, & à Venise en Italie, qui est cause qu'elles sont tresbien fournies pource que les batreaux y entrent tous chagez de viure iusques au deuant des maisons.

Les chemins dudit Royaume sont les meilleurs & les mieux pavez de toutes les terres descouuertes, & par tout si plats & vnis, que iusques aux montagnes il y a de grands chemins taillez à coups de marreau, & fort bien reparez & pavez de pierre & de carreau: de sorte que par le dire de ceux qui l'ont veu c'est vne des plus insignes structures & des plus cômunes & si frequentes qu'il y aye en tout le Royaume. Il y a

*Des Viceroy
&
Gouverneurs.*

beaucoup de ponts tre-grands & de facture admirable, & les aucuns d'eux posez dessus des bateaux, comme est celuy de Seuille, principalement aux riuieres larges & profondes. En la ville de Fucheo est vne Tour deuât le logis du Thresorier general du Roy, laquelle comme afferment ceux qui l'ont veüe surpasse tous les edifices Romains que l'on sçache, estant fondee dessus quarâte colonnes, chacune desquelles est bastie d'une seule pierre, laquelle est si grand & grosse qu'elle estonne ceux qui en parlent, & fait douter ceux qui l'entendent. Partant il me semble qu'il vaut mieux me rapporter d'en parler, sans en particulariser d'auantage, ainsi que ie fai en toutes les choses que ie trouue vn peu difficiles à croite principalement quand ie n'ay point d'original ni autheur certain pour alleguer, ou donner pour caution.

Muraille de la Chine admirable.

Se trouue en ce Royaume vne muraille ou enceinte qui a cinq cens lieuës de long & commence depuis la ville d'Ochoin, qui est entre deux montagnes fort hautes, & s'estend de l'Occident à l'Orient. Elle fut faite par vn Roy nommé Tzintzon, pour se defendre des Tartares. Toutesfois il faut entendre que de ces cinq cës lieuës que cōtiēt ladite muraille, il y en a quatre qui sont faites naturellement, d'autant que ce sont serres & mōtagnes de fort grâde hauteur & bien fermes. Les cent autres qui estoient pour clorre la distance qu'il y auoit entre lesdites montagnes, & le susdit Roy les fit faire artificiellemēt de pierre de taille tres forte qui a sept brasses de large par bas, & autant par haut. Elle commence du costé de la mer en la prouince de Canton & va par celle de Pagua & de Canfay. & fine à celle de Sufuan. Pour faire ceste œuvre admirable ledit Roy prit la troisieme partie des habitans de son Royaume, à sçauoir de trois hommes vn, de cinq deux, lesquels par le long chemin & le chargement d'air qu'ils firent, combien que chaque Prouince aboutist à la partie la plus voisine, moururent presque tous en ceste besongne. Aussi cest ouurage si superbe fut cause, comme il se dira par ci apres, que tout le Royaume s'esleua & tua le Roy. apres auoir regné quarante ans, & autant que luy vn seul fils nommé Agutzy. L'on tient pour vray que ceste muraille est audit Royaume, & ainsi l'asseurant tous les Chinois qui trafiquent aux isles Philippines, & à Cāton, & à Macao, s'accordans tous en la longueur & estendue d'icelle, cōme tesmoins oculaires. Les Espagnols ne l'ont pas veüe, à cause qu'elle est aux derniers confins du Royaume,

Situation de ladite muraille

Mort du Roy & de son frere.

aucun d'eux n'est encore allé iusques à present.

CHAP. X.

De la disposition naturelle, traits de visage, façons d'habits, & autres exercices des gens du Royaume de la Chine.

Les hommes & femmes du Royaume de la Chine sont *Diffé-* de fort bonne disposition de corps, bien faits, & gail- *tion na-* lards de leur personne, toutesfois ils sont vn peu plus grâds *turelle* que petits. Ils ont tous communément vn visage large, de *des Chi-* petits yeux, & le nez plats & camus, n'ayant point de barbe, *noirs.* mais yn peu de poil seulement aux deux costez du menton, Vray est qu'il y en a quelques vns, qui ont de grands yeux, *visage.* & la barbe bien faite, & des visages de beau trait & bien de *beau* proportions: mais ceux la s'ot bien peu au regard des autres, *traits.* & si croit on qu'ils viennent d'vne natiō estrangere, laquelle s'est peu mesler anciennement avec eux, alors qu'il estoit permis de sortir hors du royaume. Ceux de la prouince de Canton, qui est vn pays chaud sont noirs de couleur, mais ceux du pays en dedans sont du teint des Alemans. Italiens, & Espagnols, c'est à sçauoir blancs & blōds, ou vn peu verd-bruns & basanez. Ils laissent tous venir leurs ongles fort grâdes en la main gauche, & portēt courtes ceux de la droite. Ils ont aussi les cheveux longs, & en sont tous fort curieux. Et ceste mode de porter de long cheveux & de grâdes ongles n'est point sans grande superstition, pource qu'ils disent qu'ils seront enleuez au ciel par ces longs cheveux & ces grandes ongles. Ils les entortillent sur le coupet de la teste avec vn raseau d'or bien mignonement accommodé, ou bien avec des espingles qui sont d'or aussi.

Les habits dont vsent les Nobles & principaux sont de *Habits* soye de diuerfes couleurs, lesquelles sont tresbelles en ce *des No-* païs là: & de haut lustre. Le commun peuple & les pauvres *bles Ha-* gēs se vester d'autre soye qui est moindre, ou bien de lin, ou *bits du* de sarge, ou de cotton, & y a de tout tres grande abōdance. *commun.* Et comme le pays est temperé pour la plus grande part, aussi cest habit dont ils vsent leur est-il moins pesant à porter, car de drap il n'y en a & nes'en fait point entout le Royaume. Ils vsent de sayes faits à nostre mode du temps passé, lesquels sont à grans quartiers plisiez bien menu, ou il y a vne pochette qui ferme sur le costé gauche, & ont les manches grandes & grosses. Dessus ces sayes ils portent des *mar-* robes ou grandes robes selon la puissance de chacun, les.

quelles sont faites à nostre mode, hormis qu'elles ont les marchandises plus larges & amples.

Les Princes du sang royal, ou ceux qui sont constituez en dignité sont differens des Cheualiers ordinaires en ce que les dits Princes portent le saye recamé d'or & d'argent par le milieu de la ceinture, & les autres garnis seulement par les bords. Ils vsent de chausses fort bien faites qui sont arriere pointees avec des botines & des souliers de velours fort mignards. Ils portent durant l'hiuer, combien qu'il n'y face pas grand froid, leurs sayes & leurs robes fourrees, de peaux de bestes, & principalement de Mottes Zibeline dont y a abondance, comme dit est, & les portent tousiours l'étoir du col.

*Cheueux
érestez
es haults
se.*

Ceux aussi qui ne sont pas mariez sont differens de ceux qui le sont en ce qu'ils portent les cheueux dessus le front, & vsent de plus haults bannets. Les femmes se parent fort curieusement & s'habillent à vne mode qui retire fort à l'Espagnole. Elle portent beaucoup de bagues & ioyaux d'or & de pierreries, & vsent de demy sayons à manches larges, qui ne leur viennent que iusques au dessous des mamelles. L'estoffe dont elles se vestent ce sont brocats, ou toiles simples, ou soyes lesquelles comme dit est y sont tresbelles & à fort bon prix, & les plus patures portent du veloux ras ou de la farge. Elles ont de tresbeaux cheueux, & en sont aussi curieuses que les Dames de Gennes en Italie, & les portent cordonnez & entourtillez à l'entour du chef avec vne ceinte de soye large, garnie de perles & de pierreries, à tout quoy l'on dit qu'il les fait fort bon voir. Elles vsent de

*Veste-
mens de
femmes.*

*Les Da-
mes de la
Chine or.*

fard & d'affiquers, & en quelques lieux mesme avec superfluité. Elles tiennent pour grande damerie & mignardise d'auoir de petits pieds, & pour ceste cause des qu'elles sont petites, elles se les lient avec des bandelettes fort serrées, & endurent patiemment pource que celle qui a les pieds plus petits est tenuë pour la plus leste & damerette. Et ne s'abuse point celuy lequel dit qu'avec ces appast & amorces de mignardise d'estre estimeës les plus poupines: les hommes ont introduit ceste coustume de leur faire ainsi serrer les pieds si curieusement & si fort qu'elles en perdent quasi la despitueuse forme, & en demeurant debiles & à demy impotentes. Car s'habituant à aller mal pesamment & de mauuaise grace, pour ceste cause elles ne sortent guere de la maison, & se leuent peu souuent de leur besongne, qui est la principale intention & le motif qu'ont eu ceux qui ont commencé les pre-

*coustume
des petits
pieds
pourquoi
introdui-
se.*

niers telle coustume, laquelle a duré grand nombre d'années & durera encore plus, attendu qu'elle est desia avec force de loy introduit & vſtee ſi auant que la femme qui viendroir à l'enſraindre en quelque ſorte avec ſes filles *Femmes* en courroit note d'infamie & outre en ſeroit punie Au ſur- *de la* plus elles ſont fort honneſtes & recloſes, de ſorte qu'on en *Chine* voit iamais pas vne à la fenestre ny à la porte, & ſi le mari in *font fort* uite quelqu'un à diſner, elle ne ſe monſtre point, & ne ſe ſied *reclufes.* iamais à table, ſi celui qui eſt inuité n'eſt parent ou grand amy. Quand elles vont voir leur pere ou leur mere, ou leur parêtes; elles vont touſiours dedans vne chere a bras portee par quatre hommes laquelle de part & d'autre eſt toute en touree de cages & de ialouſies de fil d'or & d'argent, ou bien de foye fort près à près de peur d'eſtre veuës, nonobſtant qu'elles voient ceux qui ſont à la ruë, eſtant outre cela accompagnées d'une grande ſuite de ſeruiteurs Par ainſi ſetrouue peu ſouuent aux ruës vne femme de marque, & ſemble qu'il n'y en a pas vne en la ville pour la grande ſolitude qui eſt en elles, à quoy ne ſert pas de peu la peſanteur & debilité de leur pieds ſuſmentionnee.

Ils ſont fort ingenieux eux & elles, vſent de ſculpture & de moiſſonnerie, & ſont grans peintres de fueillages, d'oiſeaux & de chaſſe, comme on le peut voir par les lits & tables qui s'apportent de leur pays l'en ay veu vne que ſit porter à la ville de Liſbonne en l'annee 1581. le Capitaine Ri- *Excellent* uera, grand Alguazil de Manille, de la quelle table, a ſin de *re table* le mit en admiratiō le Roy d'Eſpagne, lequel toutesfois n'a *de la* *Chine.* pas de couſtume d'admirer beaucoup de choſes: & non ſeulement lui l'admirā il, mais auſſi tous ceux qui la virent iuſques aux plus excellens brodeurs, encore que cene ſoit pas ſi grande choſe. Ils ſont grands inuenteurs, & de telle ſorte, que combien qu'il y aye au Royaume beaucoup de coches & de caroſſes, ils vſent toutesfois au plat païs d'une certaine eſpece de chariots à vent & à voile, leſquels ſont faits de telle industrie, qu'ils lesgouernent facilement. Cela eſt tenu pour tout certain par beaucoup de gens qui l'ont veu, & aide bien à le croire, de ce que l'on en a veu pluſieurs tant aux Indes qu'en Portugal en des draps & de toiles, qui ont eſté peintes en la meſme Chine, & auſſi en des Pourcelaines, qu'on apporte de là pour vendre, qui eſt vn ſigne euident que la peinture y eſt en vſage. Ils ſont fins & biens entendus à ven-

dre & à acheter, de sorte qu'en fait de trafic ils partiroient vn petit cheueu.

Les marchans de boutique, qui sont en grand nombre en chascque ville, estallent à leur huis vne table, où sont escriptes toutes les marchandises qu'il y a seans à vendre: & ce qu'ils vendent communement ce sont brocatels, & toiles d'or, & diuerses pieces de soye de tresbelle couleur, cōme dit est. Les autres qui ne sont si riches vendent des sarges, des pieces de cottō, des piece de toile, & de fustaine de toutes couleurs, & tant l'vn cōme l'austre est à bon marché, pour la grande abondance qu'il y a de telles marchandises, & le bon nombre d'artisans qui les font. Ceux qui tiennent des drogues simples font pareillement monstre de tout tant qu'ils en ont Il y a d'autres boutiques de Pourcelaines de diuerses sortes, sçauoir est de rouges, de verdes, de dorees & de pāsles, lesquelles sont à si bon marché, qu'on en a cinquante pieces pour quatre reales. Elles se font d'une terre forte, qu'ils defont & destrampent, & versent dans des estangs qu'ils ont en ce pays là fort bien faits de pierre de taille. Et apres l'auoir bien maniee en l'eau du plus gras qui nage par dessus ils en font les plus fines & le reste plus il va en fond, plus est-il grossier & espais Ils leur donnent la mesme forme qu'on fait par deça, puis les dorent & leur posent la couleur qu'ils leur veulent donner, laquelle ne se perd iamais, & en apres les cuisent dedans vn four Voila ce qui est veu & pratiqué touchant ces Pourcelaines, qui est plus vray semblable que ce qu'escriit vn certain Edoüard Barbose en son histoire en Italien, quand il dit qu'elles se font d'Escargots de mer qu'ils destrempent & mettent sous terre pour s'affiner cent ans durant, & telles autres choses à ce propos, lesquelles estant vrayes il n'y auroit pas si grande quantité desdites Pourcelaines, comme il y en a audit Royaume, & comme il s'en porte en Portugal, & au Peru, & à la nouvelle Espagne, & à d'autres parties du monde: qui est vne preuve suffisante pour verifier ce que ie dy, outre ce qu'en tesmoignent les Chinois conformement à ceste verité La plus fine se fait en la prouince du Saxij, & ne sort iamais du Royaume, à cause qu'elle est toute employee au seruice du Roy & des Gouverneurs, & est si belle qu'il semble à voir de tres fin cristal.

Les Artisans & mecaniques demeurent tous en certaines ruës, où ne s'entremet aucun qui ne soit de leur estat.

*Opinion
de Barbo
se tou-
chant les
Pource-
laines.*

où mestier, de sorte que voyant le premier de la rue de quel estat il se mesle, on peut bien entendre par consequent que toute la rue est pleine de gens de ce mesme estat.

Il est commandé & enioint par loy que les enfans ayent à *Enfans* succeder à l'estat ou office du pere, & ne se peuvent mesler de la d'un autre sans congé de Iustice. Touresfois quand il y en a *chine* vn qui est riche, on le dispense bien de trauailler de ses *succedés* mains, mais à la charge de tenir tousiours en sa boutique à l'estat des gens de l'estat. Pour ceste cause comme ils sont ainsi d'eux bez & nourris chacun en leur dit estat, aussi sont ils tous pere. excellens & fort curieux en ce qui est de leur profession, comme il se peut voir euidemment és choses qui se portent de ce dit Royaume à la ville de Manille, & aux Indes, & en Portugal.

La monnoye qui court par le Royaume est d'or ou d'argent sans marque ni coing, & consiste seulement en poids, & à ceste occasion eux tous portent des pesons & des poids marquez, & se rend à chacun ce qui luy appartient, pource qu'ils ont la Iustice & l'equité en grande recommandation. Au gouuernement de *Chincheo* il y a de la monnoye de cuiure frappee en coing, mais elle n'a point de cours hors de celle Prouince.

* *
*





LIVRE SECOND DE
L'HISTOIRE DV GRAND
ROYAVME DE LA CHINE OV IL EST
traité de la Religion que tiennent les habitans
d'iceluy, & des Idoles qu'ils adorent & des au-
tres choses touchant ce qu'ils ont de furnaturel.

CHAP. I.

*Du grand nombre de Dieux qu'ils adorent, & de quelques signes
& peintures qui se trouvent entr'eux, lesquels symboli-
sent en quelque sorte avec les choses de nostre
Religion Chrestienne.*



Vx deux Prouinces de Pagua & de To-
lanchia, où nous auons dit que resident
ordinairement les Roys de ce grand roy-
aume de la Chine, pource qu'elles sont les
plus proches de la Tartarie, avec les Roys
de laquelle ils ont eu guerre continuelle
& par consequent aussi les plus principaux
& politiques d'iceluy y font coustumieremēt leur residēce;
entre les figures des Idoles qu'ils ont, les Chinois disēt qu'il
y en a vne de merueilleuse & estrāge facture qu'ils tiennent
en tref-grāde reuerēce. Ils la depeignent avec vn corps, des
espaules duquel sortent trois testes se regardant l'vne l'au-
tre, qui signifie, ce disent-ils, que toutes les trois n'ont qu'vn
mesme vouloir, & que ce qui plaist à l'vne plaist à l'autre,
& au contraire ce qui desplaist à l'vne desplaist aussi aux
deux autres. Cecy estant interpreté Chrestiennement se
peut entendre du mystere de la Tressainte Trinité, que
nous autres Chrestiens adorons & confessons par foy de la-

quelle chose & de quelques autres qui semblerent correspondre à quelques vnes de nostre religion Chrestienne, l'on peut vray semblablement presumer, qu'en cedit Royaume a presché iadis le glorieux Apostre S. Thomas, lequel cōme il se dit aux leçons de sa Feste, apres auoir receu le S. Esprit, & presché le S. Euāgile aux Parthes, Medes, Perses, Brachmanes & autres nations, passa aux Indes où il fut martyrisé en la ville de Calamine, pour la Foy & l'Euangile qu'il annonçoit.

*S. Tho.
mas A-
postres
en mar-
tyrisé.*

Il est aussi vray semblable que quand ledit Sainct passa aux Indes il fit son voyage par ce Royaume de la Chine, où il a peu prescher l'Euangile, & le mystere susdit de la tres-sainte Trinité, la peinture de laquelle, qui est de la maniere susdite, y dure encore pour le iourd'huy. Toutesfois ceste nation si fort auenglee en ses erreurs & Idolatrie ne scait pas au vray que peut signifier telle figure avec trois testes.

Et sert de beaucoup pour croire ce que dessus, ou à tout le moins pour entendre qu'il a peu estre ainsi, en ce que l'on a trouué aux escritures des Armeniens, qui sont tenuës entr'eux pour authentiques, que ledit Apostre passa par ce royaume de la Chine quand il s'en alla aux Indes, où il fut martyrisé, & qu'il y prescha aussi l'Euangile. Toutesfois il y fit peu de fruit, à cause que les gens dudit pays estoient fort distraits & occupez en guerres: au moyen dequoy ledit Apostre passa aux Indes, laissant en ladite Chine quelque peu de naturels baptisez & instruits en la foy, afin que moyennant la grace de Dieu ils plantassent les choses qui leur laissoit, quand ils en verroient l'occasion.

*S. Tho.
a esté en
la Chine.*

Il y a aussi, à ce qu'ils disent, quelques peintures à la façon & avec les marques de douze Apostres, ce qui sert pareillement pour ce que dessus. Toutefois quand on demande aux naturels du païs quels hommes ce sont que ces douze Apostres, ils respondent que ç'ont esté de grans Philosophes qui ont vescu vertueusement, à raison dequoy il ont esté faits Anges au ciel.

Ils vsent semblablement d'une peinture d'une femme belle à merueille, tenant un petit enfant entre ses bras, qu'ils disent qu'elle enfanta demeurant Vierge, & qu'elle estoit fille d'un grand Roy. Ils la reuerent moult fort & font oraison deuant elle: mais ils ne scauroient dire d'auantage touchant ce mystere, si ce n'est ce qui a esté dit ci dessus, & qu'elle a vescu saintement, & sans macule de péché.

Le P. Gaspard de la Croix, Portugais, & de l'ordre de S. Dominique lequel a esté en la ville de Canton, escriuant maintes choses de ce dit Royaume fort bien exactement, qui est cause que ie l'ensuy en quelques points de ceste Histoire, dit qu'estant allé a vne petite Isle qui estoit au milieu d'une fort grande riuere, où il y auoit vne maison faite à guise d'un monastere de Religieux du pays, & que se pourmenant par dedans en s'amusant à regarder quelques choses curieuses & antiques qu'il y auoit, il vit entre autres vne Chappelle fait cōme vn Oratoire, & parée fort curieusement, à laquelle on montoit par certains degrez, & estoit close, & enuironnée de treillis dorez : & que regardant à l'autel qui estoit orné d'un beau parement fort riche, il vit au milieu d'iceluy vn visage de femme parfaitement bien fait, avec vn petit enfant qui l'accolloit de ses petits bras, y ayant deuant elle vne lampe ardante. Estant estonné de ce qu'il voyoit, il demanda que signifioit cela, mais aucun de ceux qui estoient presens ne luy sceut donner plus claire resposse que celle qui a esté dite ci dessus.

De toutes ces choses il me semble qu'il sera plus aisé & facile à croire ce qui s'est dit de l'entree & predication du benoist Apostre S. Thomas en cedit Royaume; puis qu'il appert que les habitans d'iceluy ont gardé & gardent encore en traditiue par tant d'annees marques & enseignes susdites, lesquelles mōstrent qu'ils ont en quelque connoissance du vray Dieu, la figure duquel elles representent.

CHAP. II

Suite de la Religion que tiennent les Chinois, & des Idoles qu'ils adorent.

OUTRE ce qui a esté dit ci dessus touchant les Idoles que ce peuple auengle & idolatre va adorant, nonobstant que ce soient gens si prudens au gouvernement de leur republique, & d'un esprit si subtil en tous les Arts: ils ont encores plusieurs autres choses, qui sont si auengles & impertinentes, qu'elles estonnent ceux qui se mettent à les considerer attentiuement. Toutesfois si l'on y aduise de prés, il n'y a pas de quoy s'esmerueiller, attendu qu'ils viuent sans la claire lumiere de la religion Chrestienne, sans laquelle les entendemens plus subtils & delicats se perdent & precipitent entierement.

Ils croyent generalement entr'eux que le Ciel est createur de toutes choses visibles & invisibles, & ainsi se denotent ils par le premier caractere de leur Alphabet, & que ce Ciel a vn Gouverneur pour les choses de là haut, lequel s'appelle *Laocô Tzautey*, c'est à dire en leur langue, *Gouverneur du grand Dieu*, & ce Dieu là ils l'adorent comme le plus grand apres le Soleil ils disent que ce Gouverneur n'a point esté crée, mais qu'il est de tout temps & eternité, & qu'il n'a point de corps mais qu'il est esprit. Pareillement qu'avec cestuy ci il y en a vn autre de mesme nature, qui s'appelle *Canfay*, lequel est aussi esprit, & qu'à ce second il luy a baillé la charge des choses celestes de çà bas, & que la mort & la vie des hommes est en sa main. Ce *Canfay* a trois suiets deslous luy à qui il commande, lesquels il disent estre aussi esprits, & luy aident au fait du gouvernement. Leurs noms sont *Tanquam*, *Teiquam*, *Tzuiquam*, ayant chacun d'eux vn pouvoir distinct & separé l'un de l'autre. *Tanqua*, ce disent ils, à la charge des pluyes, & de pourvoir d'eau à la terre. Le *Teiquam* est celuy d'où naissent les hommes, & a le fait des guerres, des semailles, & des fruiçts. Et le *Tzuiquam* a le gouvernement de la mer, & de ceux qui nauigent. Ils leur font des sacrifices, & leur demandent les choses que chacun d'eux a en sa charge, leur offrant à cest effet beaucoup de parfums, & de viandes, de beaux paremens & soyes pour leurs autels. Ils leur font aussi plusieurs vœux; & leur promettent des ieux & farfes qu'ils representent naïvement bien & au vis deuant les mesmes Idoles.

Outre ceux là, ils tiennent & reputent pour Saints vn grand nombre d'hommes, qui ont surpassé les autres en valeur, ou en sçauoir, ou en industrie, ou à mener vne vie recluse & austere, & pareillemēt ceux qui ont vescu sans faire tort à personne, lesquels ils appellent en leur langue, *Pausaos*, qui est autant à dire que *Bien-heureux*.

Ils sacrifient aussi au Demon, non pas qu'ils ne sçachent bien qu'il est meschant & reproué, mais c'est afin qu'il ne leur face aucun mal en leurs personnes, ou en leurs biens.

Ils ont semblablement plusieurs Idoles estrangeres, & en si grand nombre, que le seul denombrement d'iceux seroit suffisant pour en compiler vne longue Histoire, & nous empescheroit de suiure la briefueté que nous procurons tenir en ceste ci. Au moyen dequoy ie feray seulement meption

*Ce qu'ils
croyent
du Ciel.*

*Sacrifices au
Demon.*

des trois les plus principaux, qu'ils ont eu en grande reuerences apres les fufdits.

Le premier d'iceux, ils difent qu'il s'appelloit Sichia, lequel vint au Royaume de Trantheyco, qui eft deuers l'Océidér. Cestuy ci fut l'inventeur de la forme de viure des religieux & religieufes qu'il y a audit Royaume. lesquelz demeurent en cōmunauté fans fe marier, & font perpetuellement reclus. Et pource que ce Sichia ne portoit point de cheveux, à son imitation, auffi vont fans cheveux tous ceux qui l'enfuyuent, lesquelz font en grand nombre, comme il fe dira ci apres, & gardent l'ordre qu'il leur a laiffé.

Après cestuy là est vne nommée *Qvanina*, qui fut fille au Roy *Tzonron*, lequel eut trois filles, dont il en maria deux, & voulât auffi marier *Qvanina*, icelle ne le voulut iamais, luy difant qu'elle auoit fait vœu au Ciel de viure tousiours en chafeté. Le pere en fut indigné, & la mit en vn lieu en façon du Monastere, & luy faisoit porter de l'eau & du bois, & nettoyer vn grand iardin qu'il y auoit. Si racontent les Chinois maintes chofes de rifce d'icelle, fçauoir est que les Singes venoient à elle, & luy aidoint, & que les Saints du Ciel luy tiroient de l'eau; & que les oyfeaux luy baloyent le iardin avec leur bec, & que de grandes bestes descendoient de la montagne pour luy porter du bois: & que le Roy son pere ayant veu cela, & s'imaginant qu'elle le faisoit par enchantement, ou par art du diable, comme en verité il se pouuoit faire, si cela s'est ainfi passé comme ils l'affeurent, il fit mettre le feu là où elle estoit. Elle voyant qu'on brusloit ce lieu à son occasion, se voulut mettre dans la gorge vne grande espingle d'argent qu'elle portoit pour faire tenir ses cheveux; mais à l'instant furiint vne grande rauine d'eau qui esteignit tout le feu. Alors elle s'enfuit, & s'alla cacher en vne montagne, où elle fit grande penitence, & vescu fort sainctement, & le pere pour le peché par luy commis fut mangé de lepre & des vers, fans que iamais les medecins luy peussent donner aucun remede. Au moyen dequoy sa fille ayant fceu la maladie par esprit de diuinité s'en vint vers luy pour le guerir, & soudain que son pere la reconneut, il luy demanda pardon avec grans signes de repentance de ce qu'il luy auoit fait, & puis l'adora. Au mefme instant voyant qu'il vouloit encore l'adorer, elle luy voulust resister, & comme il ne fut pas en fa puissance, vn Saint se mit au deuant, pour donner à eutendre que l'adora.

tion se faisoit au Saint & non pas à elle: & aussi rost sans ar-
rester d'auantage, elle s'en retourna à sa solitude, où elle mou-
rut religieusement. Ils la tiennent pour vne grâde Sainte & la *Mort de*
prient d'obtenir pardon du ciel, où ils croient qu'elle est. *Canina.*

Après ceste là ils tiennent encore pour Sainte vne appel-
lee Neoma, qui estoit nee & natieue de Cuchi, en la prouin-
ce d'Oquiā. Ils disent qu'elle estoit fille d'un des principaux
du pais, & que ne voulant point estre mariée elle s'en fuit à
vne petite Isle, qui est vis à vis d'Ingoa, où elle mourut me- *Pour-*
nant vne vie fort austere, & faisant beaucoup de faux mira- *quoy*
cles. La cause pourquoy ils disent qu'ils la tiennent Sainte, *Neoma*
c'est, qu'allât vn capitaine du Roy de la Chine, qui se nom- *est tenuë*
moit Compo, faire la guerre à vn Royaume circouoïsin, il *pour*
vint surgir avec sa flotte à Boym; & voulant leuer les ancrs *Sainte.*
pour partir, ils ne les peurent haussier, & tous estonnez vi-
rent assise sur iceux ladite Neoma. Le capitaine s'en va à
elle, & luy dit en toute humilité qu'il alloit à la guerre par
le commandement du Roy, & que si c'estoit chose sainte, il
luy plust de luy conseiller ce qu'il auoit à faire. Elle luy res-
pondit que s'il auoit enuie de vaincre ceux qu'il alloit pour
conquerir, il l'emmenast quād & luy: ce qu'il fit, & l'emme-
na au Royaume où il alloit, dont les habitās estoient grans
Magiciens, lesquels iettans de l'huile dans la mer faisoient
en sorte qu'il sembloit à voir que les nauires bruslassent.
D'autre part Neoma faisoit tant par son art Magique qu'elle
desfaisoit tout ce qu'ils machinoïent, & les engardoit de fai-
re aucun dōmage aux Chinois, cē que veu & considéré par
ceux de ce Royaume, là ils se rendirēt tous sūiets & vassaux
au Roy de la Chine. Le capitaine croyant que ce fust mira-
cle, & coniecturant comme l'ōme sage que ce pouuoit estre
autre chose, pour s'en assieurer d'auantage, il luy dit qu'à cel-
le fin qu'il portast au Roy quelques marques de sa sainte-
té, il luy pleust de faire deuenir verd vn bastō sec qu'il tenoit
dedans la main, & qu'il l'adoreroit cōme Sainte. Elle à l'in-
stāt ne le fit pas seulement deuenir verd, mais le rēdit d'auan-
tage fort odoriferāt, & en telle façon le porta à ce capitaine
en la poupe de sa nauire, & outre ce, cōme il aduint de for-
tune qu'il eut bon voyage, il attribua le tout à ladite Neo-
ma. Et par ainsi tout depuis ce tēps là iusques au iourd'huy
ceux qui vont nauiger ont coustume de la porter en la pou-
pe de leurs nauires, cōme Sainte qu'ils disent qu'elle a estē
en l'inoquant ordinairement & luy offrant des sacrifices.

Ces Saints, dont nous venons de parler, sont les plus principaux qu'ils tiennent, & parmi eux ont beaucoup d'Idoles qu'ils posent sur les autels de leurs temples taillee en bosse & dorees, & sont en si grand nombre que j'ay ouy affermer au P. frere Hieronyme Marin, qui est entré en la Chine, & par la bouche duquel j'ai esté certifié de beaucoup de choses que ie dis icy, comme d'un homme digne de foy, qu'en vn seul temple de la ville d'Aucheo, il y auoit conté cent douze idoles: & que sans celles là ils en ont beaucoup d'autres aux chemins, & aux rues & aux principales portes qu'ils tiennent en peu d'estime & de reuerence, comme il se verra au chapitre suiuant. Dont l'on voit à plein, combien sont suiets aux erreurs & à l'Idolatrie ceux, qui sont priuez de la verité de nostre Sainte Foy Catholique Chrestienne, que tient & enseigne la sainte & vniuerselle Eglise Chrestienne.

CHAP. III.

Du peu de conte que les Chinois font de leurs Idoles.

CEs pauvres miserables Idolatres tiennent si peu de conte de leurs Dieux, qu'il y a grande confiance que si vne fois la loy Euangelique venoit à auoir entree audit Royaume, ils les quitteroiēt incontinēt, & leurs superstitions aussi, & spécialement leurs enchantemēs & forcelleries, qui est vne chose fort vstee par tout le Royaume. A quoy aideroit de beaucoup le naturel des hommes du pays, lesquels sont tous dociles, & gens de bon esprit, qui se soumettent à la raison. De façon que raconte le Religieux Iacobin, qui a esté nommé cy dessus, que luy estant en la ville de Canton, en vn temple où se faisoit sacrifice aux Idoles, meü du zele de l'honneur de Dieu il s'aduantura d'en ietter quelques vnes d'icelles par terre. Comme les Idolatres, qui estoient presens pour leur faire sacrifice, eussent veu vne si grande hardiesse, & vn cas si exorbitant à leur aduis, eux tout poussez de furie infernale mirent les mains sur luy, avec resolution de le mettre en pieces. Lors il les requist doucemēt, que deuant que luy rien faire en sa personne, il leur pleut entendre ce qu'il leur vouloit dire. Ceste demande fut trouuee iuste & raisonnable par les Principaux qui estoient presens, & commandant à la commune de s'arrester, l'escouterent tous en grand silence. Si commença à leur dire avec l'esprit qu'il

qu'il pleust à nostre Seigneur de luy communiquer: Que puisque le grand Dieu créateur du ciel & de la terre leur auoit donné de si bons entendemens, qu'ils esgalloient en iceux les plus politiques nations du monde, ils aduisassent à ne les point mal employer, & ne les point assuiettir à adorer des pierres & des troncs de bois qui n'auoient discours n'y raison, n'y aussi l'estre de celuy qui leur auoit donné l'estre à eux, n'y l'essence de l'imager, qui leur auoit fait ces Idoles: & qu'avec plus grande raison les Idoles deuoient adorer & reuerer les hommes, desquels ils estoient la manufacture, Par le moyes de ces choses & autres dres à ce propos ils s'acoiserent tous, & non seulement approuuerent ce qu'il disoit, mais outre le remercièrent bien fort, s'excusans enuers luy, & luy disant que personne ne leur auoit dit iusques a lors, ni donné à entendre qu'ils faisoient mal de faire ces sacrifices: & en signe d'action de graces, laissant là leurs Idoles iettées par terre, & les aucunes d'icelles mises par pieces, luy firent compagnie iusques à la maison. On peut colliger d'icy, combien il seroit facile, moyennant la grace de Dieu, de reduire ce grand Royaume à nostre sainte foy Catholique si par la lumière de l'Euangile la porte luy estoit ouuerte; que le Demon tient fermée sous la clef de ses faulx illusions, par lesquelles il fait que le Roy, & tous ses Ministres & Gouverneurs sont si soigneux & vigilans de ne point laisser introduire aucune nouveauté dans le Royaume, ni d'admettre aucuns estrangers, ou nouuelle doctrine en iceluy sans le congé de sa Maiesté, & de son Conseil, sur peine de la vie, ce qui s'exécute en toute rigueur. Ioint que ce sont gens dociles & bien disposez pour estre enseignez en la Foy, & faciles à se retirer de leurs superstitions & de l'Idolatrie de leurs faux Dieux, desquels ils tiennent fort peu de conte, ain si que dit est: prenans en fort bonne part quand on les corrige de leurs fautes, & reconnoissans le grand auantage, que la loy Euangelique a par dessus leurs ceremonies & vanitez & pour ceste cause la recoiuent de bon cœur, comme il s'est veu & se voit à l'endroit de plusieurs Chinois lesquels se sont faits baptiser à Manille, qui est vne des isles Philippines: auquel lieu ils se sont domiciliiez & des naturalisez de leurs païs pour iouir de ce qu'ils scauent & entendent leur deuoir seruir pour le salut de leurs ames: viuans pour cest effet comme bons Chrestiens, tous ceux qui ont receu entre eux le saint Baptisme.

*Des manieres de Sort dont ils vsent, quand ils veulent faire
quelque chose d'importance & comme ils inno-
quent les Demons.*

LEs hommes de ce Royaume ne sont pas seulement adonnez à plusieurs superstitions: mais ils sont encore outre cela grands deuins, & croient en augures comme en chose certaine & infaillible, spécialement en vn espee de sort du quel ils vsent toutes les fois qu'ils veulent commencer vn voyage, ou quelque affaire d'importance comme de marier fils ou fille, de prester d'acheter, & trafiquer en marchandise, ou de faire quelque autre chose qui soit d'abuteuse & incertaine en l'issuë qu'ils desirent.

En toutes ces choses ils vsent d'un certain sort avec deux petits morceaux de bois, qui sont faits comme deux mo'riez de noix, ronds d'une part, & plat de l'autre, & sont liez ensemble avec vn fil. Ils les iettent deuant leurs Idoles, & deuant que les ietter parlent à eux avec grandes ceremonies, & paroles fort amoureuses les priant de leur vouloir donner bon sort, car par iceluy ils attendent le bon ou le mauuais succed de l'affaire ou de la iournee qu'ils veulent commencer, & leur promettant que si le bon sort leur vient, ils leur offriront ou de la viande, ou vn beau parement ou quelque autre chose de valeur. Cela estant fait, ils iettent les deux morceaux de bois, & si par cas fortuit ils tombent tous deux le plat dessus, ou l'un de plat, & l'autre de rond, ils tiennent cela pour vn mauuais signe, & s'en prennent aux Idoles, & leur disent force paroles iniurieuses, en les appellans, chiens, infames, vilains, & autres choses s'emblables. Apres leur auoir dit toutes les iniures qu'ils ont voulu, ils retournent derechef à les caresser de paroles douces & amoureuses, & leur demandent pardon du passé en leur promettant plus de dons & de presens que l'autre fois si le sort leur succede bien. Avec cela ils recommencent à ierrer, en procedant de la mesme sorte qu'au parauant, c'est à sçauoir avec vituperes si le sort tombe mal, & s'il vient bien, avec loüanges & promesses. Quand ce qu'ils demandent est chose d'importance, & que le sort tarde trop à bien tomber, ils vont à leurs Idoles, & se iettant emmy la terre, les foulent aux pieds, ou les plongent dans la mer, ou les approchent au feu les laissant vn peu bruler & vñe

autre fois les battent & flagellent, iusques à tant que les deux morceaux de bois viennent à tomber comme ils desireroient, c'est à sçauoir le rond dessus; qui est signe de bon succès à aduenir en la chose, pour laquelle ils font le sort. Ce sort venant ainsi à leur gré, ils font grande feste à leurs Idoles avec belle Musique & Chançons, en les exaltant de loüanges, & leur offrant vne teste de pourceau cuité, & enfucillee de rameaux, qui est vne viande qu'ils estiment la plus exquisite de toutes, avec vn grand pot de vin. De toutes les choses qu'ils leurs offrent, ils ostent tousiours la pointe du bec, & les ongles des oiseaux; & le groin du pourceau, & quelques grains de riz, & l'arrosant de quelques gouttes de vin, le posent dans vn plat dessus l'autel, & eux mangent le demeurant en grand ioye au mesme lieu, en presence de leurs Idoles.

Ils vsent aussi d'une autre maniere de Sort, en iettant plusieurs petites buchettes dans vn vase, en chacune desquelles y a vne lettre eserite, & apres auoir bien remué lesdites buchettes, vn enfant met la main dedans le vase, & en tire vne, & voyent quelle lettre il y a, puis ils cherchent en vn liure le fueillet qui commence par ceste mesme lettre, & ce qu'ils trouuent escrit audit fueillet, ils l'interpretent à la chose que ils pretendent, & pour laquelle ils se sont mis à faire le sort.

Pareillement ils ont tous entr'eux ceste coustume, quand ils se voyent en quelque tribulation de recourir au Demon, comme nous soulons nous autres, ou pour le moins le deuons recourir à Dieu: & parlent audit Demon d'ordinaire en le reclamant à leur ayde, & luy demandant quel ordre ils tiendront pour sortir de la tribulation ou ils sont: comme ils firent deuant P. Prede de Alfaro, Gardien de l'ordre S. François, lors qu'il reuenoit de la Chine en l'annee 1580, comme il se verra cy apres en sa relation. L'ordre qu'ils tiennent à inuoker le Demon est qu'un homme s'estend tout de son long la bouche contre terre, & vn autre commence à lire chantant en vn liure, & vne partie des assistans à respõdre, & le demeurant fait du bruit, avec des petites clochettes & des tabourins, & vn peu apres cest homme qui est estendu contre terre commence à faire de grandes grimaces & des gestes horribles, qui est vn signe certain que le Demon est desia entré dans son corps. Alors ils lui demãdent ce qu'ils veulent sçauoir, & le Demoniaque respond, & le plus souuent est toute menterie ce qu'il dit, encorẽ qu'il l'a pallie le mieux qu'il peut, respondant ambigüement & en diuers sens; car

quant au Demon, il leur donne tousiours response, laquelle faut peu souuent, ou de parole, ou par lettres, qui est le remede qu'ils ont, quand le Demon ne veut point respondre de parole.

Pour le faire respondre par lettres ils font en ceste maniere, c'est qu'ils estendent vne mante rouge par terre, & mettent dessus certaine quantité de riz espars esgalement par la mante, puis tout à l'heure y posent vn homme qui ne sçait pas escrire avec vn baston en main, & les assistans commencent à chanter & à sonner comme en la premiere inuocation. Vn peu apres le Demon entre dans le corps de celuy qui tient le baston, & commence le Demoniaque à escrire avec iceluy dessus le riz, & les assistans copient les lettres qu'il forme avec le baston, & puis en les assemblant toutes trouuent la response de ce qu'ils demandent. Toutesfois, comme i'ay desadit, telles responses sont le plus souuent fausses, & mensongeres, comme ayans à faire ces pauures gens Idolatres avec le Pere de mensonge, lequel s'il dit quelque fois verité, ce n'est pas qu'il ait volenté de la dire, mais c'est pour les induire sous vne verité à persuerer en leurs erreurs, à luy adiouster foy à vn million de mensonges. Ces manieres de sort & inuocations du Demon sont si ordinairement entr'eux, & chose si commune en tout le Royaume, qu'il n'y en a pas vne autre mieux sceüe ni plus pratiquée.

C H A P. V.

*De ce qu'ils disent du commencement du monde, &
de la creation des hommes.*

Combien que les Chinois soient hommes de si clair esprit, & de si bon entendement, qu'au regard d'eux, ce disent ils les autres nations du monde sont aueugles, horsmis les Espagnols qu'ils ont connu depuis peu en ça? & combien qu'ils ayent entr'eux la Philosophie morale & naturelle qui se lit publiquement, & l'Astrolague aussi: si est ce qu'en ce qu'ils traitent de l'origine & commencement du Monde, & de la creation des Hommes, ils tiennent beaucoup d'erreurs, quelques vnes desquelles se mettront en ce chapitre, lesquelles sont tirées de leurs mesmes liures, & entre autres d'un qui est intitulé, *Du commencement du monde.*

Premierement ils disent que le Ciel, la Terre & l'Eau,

estoyent conioints ensemble de tout temps, & qu'un certain qui est au Ciel par eux appellé Tain, avec le grand sçavoir qu'il eut separa la Terre d'avec le Ciel, demeurant le Ciel là en partie supérieure, & la Terre deuant en bas suivant son inclination naturelle comme pesante & graue, au lieu où elle est pour le present. Ce Tain, ce disent ils, crea de rien un homme qu'ils nommēt Panfon, & vne femme qui s'appelloit Panfona. Ce Panfon par le pouuoir que luy donna le Tain, crea aussi de rien un autre homme qui fut nommé Tanhom avec treize autres, tous fieres. Le Tanhom fut homme de grand sçavoir, tellement qu'il mit le nom à toutes les choses créées, & conneut par la doctrine du Tain la vertu de toutes icelles. & la maniere de les appliquer aux infirmités du corps, pour guerir toutes sortes de maladies. Ce Thanhom cy & ses freres eurent beaucoup d'enfans, & principalement le plus grand appellé Teyencom en eut douze & l'aîné de tous nommé Tuhucom en eut neuf, & les autres aussi en eurent grand nombre. Il croyent que les lignées d'iceux ont duré plus de nonante mil ans, & qu'au bout de ces années finirent tous les hommes, pource qu'ainsi le voulut Tain qui auoit créé le premier homme & la premiere femme de rien, pour se vèger de quelque iniure qu'ils luy fissent, & aussi d'enuie qu'il eut de quoy, outre ce qu'il leur auoit enseigné, ils sçauoyent desia presque autant que luy, & ne le reconnoissoient point pour supérieur, comme ils luy auoyent promis alors qu'il leur infusa sa science. Apres cela il aduint que le Ciel tomba, & incontinent Tain y vint à le releuer, & crea un autre homme sur terre nommé Lotzitzā avec deux cornes, desquelles sortoit un odeur souësue, & de ceste odeur se produisoient hommes & femmes. En fin ce Lotzitzam disparut, laissant desia beaucoup d'hommes & de femmes au monde, d'où sont procedez tous ceux qu'il y a pour le jourd'huy. Le premier qui nasquit dudit Lotzitzam il disent qu'il se nommoit Azalan, & qu'il vescu 900. ans. Incontinent apres sa mort le Ciel crea un homme, qui s'appelloit Arzion, faisant engrossir sa mere nommée Lutin, à voir seulement vne reste de Lyon, qui estoit au Ciel. Il nasquit en la ville de Truchin, en la province de Cāton, & vescu 800. ans. Depuis vint à naistre V'iao, & ia y auoit des lors beaucoup de gens au monde, lesquels ne mardoient que des choses crues & sauages. Cest V'iao leur donna l'industrie de faire de petites cahuettes avec des arbres, pour se garder

& descendre des bestes farouches, qui leur faisoient beaucoup de dommage, & desquelles ils tuoient grand nombre, & aussi il leur monstra la maniere de faire des habillemens. Apres vint vn nommé Huntzuy, qui fust l'inuenteur du Feu, & qui enseigna comme il en falloit faire, & comme il falloit rostir & cuire les viandes, & la maniere de troquer & de vendre vne chose pour l'autre. Quand ils vouloyent contracter ils s'entendoyent l'une l'autre par des petits noeuds qu'ils s'entredonnoient en des cordelettes, à cause qu'ils n'auoyent pas encore les Lettres, ny la connoissance d'icelles. Apres cestuy là, ils disent qu'une certaine femme nommée Hautzibon eut vn enfant qui fut appelé Ocheutey, lequel inuenta maintes choses, & ordonna les mariages, & la maniere de iouer de beaucoup de sortès d'instrumens. Ils afferment qu'il est venu miraculeusement du ciel pour le bien & repos de la terre, d'autant que sa mere allant par vn chemin rencōtra vne trace d'homme, & posant son pied dessus fut enuironnée d'un esclair qui vint du ciel, & tout sur le champ demeura grosse de luy. Cest Ocheutey eut vn fils appelé Ezonlon, qui fut inuenteur de la Medecine, de l'Astrologie, & de la Iudiciaire, & monstra à labourer la terre, & inuenta la charuē, & le hoyau. De cestuy cy ils en racontent de grandes merueilles, & entres autres qu'il m'ageoit de sept sortes d'herbes venimeuses & mortelles, sans qu'elles luy fissent aucun mal, & yescut 400. ans. Il eut vn fils appelé Vitey, depuis lequel les Roys commencerent à venir reduisant l'estat en Royaume, auquel ils ont succédé de pere en fils, comme il se verra par cy apres au chapitre, où nous traiterons du Roy de ce grand Royaume, qui est a present regnant. Telles & plusieurs autres folies se racontent par eux touchāt le commencement du mōde, d'où l'on peut colliger le peu de choses que peuēt les hommes sans grace de Dieu, & la lumiere de la sainte foy Catholique, encore qu'ils soyent de meilleur esprit qu'il se puisse penser.

CHAP. II II.

Comme ils croyent que l'Âme est immortelle, & qu'il y a vne autre vie, en laquelle elle sera punie ou remunerée selon les œuvres qu'elle aura faites en ce monde, & comme il prient pour leurs Trespassez.

DE ce qui a esté dit cy dessus, il appert bien estre vray-semblable que, l'Apostre S. Thomas a presché en la Chine, d'où l'on peut aussi penser que dedans leurs cœurs est demeuré imprimé tout ce que nous auons veu, & verrôs auoit apparence de verité, & conformité avec les choses de nostre sainte Foy Catholique: telle qu'est ceste, cy, d'où nous traiterons en ce chapitre touchant l'immortalité de l'ame, laquelle ils croyent tous ensemble la remuneration ou punition qu'elle doit auoir, en l'autre vie selô les œuvres qu'elle aura faites en la compagnie du corps, qui doit estre cause en leur endroit de quoy ils ne vivent point si mal qu'ils feroient, s'ils estoient sans la connoissance de ceste verité. Au moyen de quoy, ie m'assure que la diuine Maiesté les amenera quelque iour à la connoissance de son saint nom. Ils tiennent pour certain entre eux que l'ame a eu son commencement du ciel, & qu'elle n'aura point de fin, à cause que le ciel luy a donné vn estre Eternel: & que celle l'à qui tout le temps qu'elle aura esté dans le corps, où Dieu l'a infuse, aura vescu selon les loix du pays, & n'aura point fait de mal; ny tort à personne, sera enleuee au ciel, où elle viura éternellement en grande ioye deuenant Ange: & par conséquent aussi que celle qui viura mal, ira en la compagnie des Demons, dedans des chartres & prisons obscures, où l'on souffrira des tourmens qui ne finiront iamais.

Ils confessent qu'il y a vn lieu, où les ames qui doiuent deuenir Anges se purgent de tout ce qui les a entachées de mal, durant qu'elles estoient dans le corps, & qu'à celle fin que cela se face plustost, y sert de beaucoup le bien que font les parens & amis.

C'est aussi vne chose fort vstee en tout le Royaume de faire des obseques & oraisons funebres pour les defuncts, pour lequel acte ils ont vn iour destiné au mois d'Aoyt. Les offrandes ils ne les font pas aux temples; ains aux maisons mesmes, ce qui se fait en eeste maniere. Au iour destiné & autres d'apres ensuiuans, iusques à ce que soyent acheuez les sacrifices & ceremonies pour les Trepassiez, on voit aller par les rues ceux qui sont entre eux comme les Religieux par deçà chacun d'eux accompagné de deux nouices, auxquels ils departissent les iours & maisons où ils doiuent aller. Arrivez qu'ils sont à la maison ils entrent dedans, & incitent tous ceux qui y sont de faire priere & sacrifice à leur mode pour tous les defuncts de celle maison; leur

remonstrans que c'est l'intention des Trespassez d'estre ay-
 dez par eux, à se purger des macules qui les empeschent de
 deuenir Anges, & de iouir du bien qu'il y a pour eux au ciel.
 L'un d'eux, qui est comme le Prestre & Sacrificateur, porte
 vn petit tabourin, & l'un des nouices a vne espee de cliquet-
 tes, & l'autre vne petite clochette, & font vn autel ou ils po-
 sent ceux qu'ils tiennent pour Saints & Aduocats des de-
 functs, & à l'instant les parfument d'encens, de storac, & d'au-
 tres bonnes odeurs. Apres cela ils dressent cinq ou six ta-
 bles couuertes de beaucoup de viandes pour les Morts &
 pour les Saints, & incontinent au son du tabourin, &
 des cliquettes & clochette susdite, (qui est vne chose fort
 propre pour danser, à ce que disent les Espagnols qui l'ont
 ouy) ils commencent à chanter certains cantiques faits pour
 cela, les disant autour du chœur: & de temps à autre les petits
 nouices vont à l'autel offrir certaines oraisons escriptes en pa-
 pier, qui sont les mesmes que l'on a chantees au son des in-
 strumens mentionnez: puis cela fait, ils retournent s'asseoir,
 & commencement de rechef à chanter comme deuant. En
 fin au bout de leurs prieres & cantiques, celui qui fait l'offi-
 ce dit vne oraison à haute voix, & à la fin d'icelle donne d'v-
 ne petite tablette qu'il tient à la main pour cest effect, vn
 coup sur la table, à pou y respondent incontinent les petits
 nouices en mesme ton baissant la teste, & apres prennent de
 certains papiers tous peinturez & dorez, & les bruslent de-
 uant l'autel, Ils passent en ceste sorte toute la nuit, qui est
 le temps où ils font ordinairement tel office & ceremonies,
 lequel estant acheué ils commencent alors & eux & tous
 ceux de la maison à manger les viandes qui estoient sur les
 tables que nous auons dites à quoy ils acheuent tout le re-
 ste de la nuit iusques à ce qu'il soit iour. Voila les solen-
 nitez & ceremonies, par le moyen desquels ils disent que
 les ames sont purifiees, à fin qu'elles puissent deuenir An-
 ges.

Quant au menu peuple, il croit que les ames qui viuent
 mal, deuant qu'elles aillent en Enfer (qui est vn lieu qu'ils
 pensent erroneement deuoir point estre establi, que tant
 que le monde ait pris fin) le Ciel en punition de leur vie
 mauuaise les met dans des corps de buefs & autres bestes
 & celles qui viuent bien, il les infuse dans des corps de Roys
 & Seigneur, où elles sont bien seruies. & en grande ioye:
 avec mille autres resueries & mensonges semblables, par

lesquelles ils donnent vne metempsychose & transmigration aux ames de corps en autre, comme leurs ont donnee quelques anciens Philosophes autant auengles & esloignez de la verité que ces Payens.

C H A P. VII.

Des Temples qu'ils ont, & des sortes de Religieux & Religieuses qu'il y a, ensemble de leurs Supérieurs & Intendans.

IL se trouue tant de choses notables au Royaume de la Chine, lesquelles sont symbolisantes avec celles de nostre Religion Chrestienne, qu'il est aisé à penser que la nation est de bon esprit pour le naturel, & qu'il est vray semblable que le S. Apostre, duquel nous auons parlé cy deuant, leur a laissé par sa predication vne sainte occasion d'entreprendre beaucoup de choses qui ont quelque marque & apparence de vertu. L'une d'icelles est, qu'il se trouue entr'eux beaucoup de lieux faits comme Monasteres par toutes les villes & bourgades, & mesme parmy les champs, où il y a grand nombre d'hommes & femmes qui vivent en communauté, & en cloistre & obediencia, à la mode de nos Religieux. Les sortes de Religions selon ce qu'on en a entendu, sont seulement quatre, chacune desquelles à son General, qui demeure ordinairement en la ville de Santien, dite autrement Taybin, où est le Roy & son Conseil. Ce General s'appelle Tricon en leur langue, & pouruoit en chascque Prouince d'un Prouincial, qui assiste & visite tous les Conuents, corrigeans les fautes qu'il y trouue selon leur reigle & maniere de viure. Ce Prouincial aussi pouuoit d'un homme en chascque Conuent, qui est cōme Prieur ou Gardiē, auquel ils sont tous tenus d'obeir. Ce General est perpetuel tāt qu'il vit, si ce n'est qu'e l'on trouue quelques fautes sur luy, pour lesquelles il merite d'estre priué: & ne Pessissent point les Prouinciaux, comme nous auons de coustume nous autres mais le Roy ou son Conseil; eslisant tousiours celuy qu'ils sçachent estre de meilleure vie & renommee, sans auoir esgard en ce cas ny à faueur, ny à brigue. Ce General va vestu de soye de la couleur de sa Religion, à sçauoir de noir, ou de palle, ou de blanc, ou de brun, qui sont les quatre couleurs des Religions susdites, & ne sort iamais de sa maisō.

que dedans vne chaire de marbre ou d'or, qui est portee par quatre ou six homes, qui sont vestus de mesme habit. Tous les Religieux parlent à luy à genoux, & à vn seel par deuers luy pour sceller & despescher les affaires de la Religion. Ces Generaux là tiennent vn fort grand reuenu, qui leur est donné par le Roy pour leur personne & leur train, & les Conuents aussi sont fort bien rentez en commune partie de dōs qu'ils ont eū du mesme Roy, partie de plusieurs & bonnes aumosnes qu'on leur fait aux villes & lieux où sont tels Conuents. Ils font la requeste parmy les ruës, chātant & tintant de petites cliquettes, & autres certains instrumens. En faisant la queste, ils portent tous de grands esfuetaux, avec certaines oraisons escrites dessus, lesquelles ils prononcent, ce disent ils pour les offenses & pechez du peuple: & toutes les aumosnes qu'on leur dōne, il les mettent sur les mesmes esfuetaux, & par ce moyen l'esprit de ceux qui leur dōnent demeure absoul de tous pechez, selon leur fausse opinion. Ils ont generalement tout la barbe & la teste rase, & portent vn mesme habit tant qu'ils sont, sans aucune distinction ni difference, selon la couleur de leur Religion. Ils mangent en commun, & ont de petites chambrettes & cellules, à la mode de nos Religieux, & leur habit ordinaire est de la robe de l'vne des quatre couleurs susdites. Ils portent des chapeliers & parenostres pour dire leurs prieres, cōme nous nous en seruons nous autres, mais ils sont faits d'vne autre sorte, & assistent à tous les mortuaires, parce qu'on leur fait beaucoup d'aumosnes. Ils se leuent toutes les nuits deux heures, deuant le iour, pour faire des prieres correspondantes à nos Matines, & sont à les dire tout depuis qu'ils commencent iusques à l'aube du iour. Ils les chātent à haute voix, & en bon accord & attentions, & tant qu'elles durent, ils sonnent leurs cloches qu'ils ont en ce Royaume là les meilleures & mieux sonnantes du monde à cause qu'elles sont presques toutes d'acier. Ils parlent au Ciel qu'ils tiennent & respectent Dieu, & vn *Singulier*, qu'ils disent auoir esté celuy, qui a inuēté ceste maniere de viure, & estre Saints. Ils peuuent sortir de l'Ordre quand ils veulent, en le faisant préalablement assauoir au General tant qu'ils sont de l'Ordre ils ne se peuuent marier, & n'est pas permis aux hommes de hanter avec aucune femme, ny aux femmes avec aucun homme, sur peine d'en estre punis rigoureusement. Quand quelqu'vn se met en ceste maniere de Religion, le

peré ou plus proche parent de celuy qui prent l'habit semond tous ceux du Couuent, & leur fait vn banquet fort solennel, Par la loy & ordonnance du Royaume le fils aîné d'une maison ne se peut mettre en ceste reigle, & la cause de cela est, que tout fils aîné est obligé de nourrir & sustenter ses pere & mere en leur vieil aage. Quand quelqu'un de ces Religieux vient à mourir, ils le lauent par tout le corps, & luy rasent le poil pour l'enterrer, & se mettent tous en deuil pour luy. Le Religieux ou la Religieuse, qui ont esté punis & disciplinez pour quelque delit, ne peuuent iamais plus porter l'habit, mais de là en auant demeurent en la Religion, avec certaine marque, laquelle denote leur faute & peché, qui est vn grand ais qu'ils portent pendu & attaché à leur col a la veüe de tous, Ils offrent au matin & au soir à leurs Idoles de l'encens, du benjuin, du bois d'aloës, & du cayolac, qui est fort odoriferant, & autres sortes de pastes diuines; & toutes de tresbon odeur. Quand ils mettent des nauires sur l'eau qui viennent d'estre faites & acheuees, & ces Religieux s'en vont vestus de grandes robes de soye riches & magnifiques, pour faire leurs sacrifices en la poupe d'icelles, où ils ont leurs Oratoires, & illéc presentent du papier peinturé de plusieurs figures, lequel ils coupent & metent en morceaux deuant leurs Idoles, avec certaines ceremonies & cantique bien entonnez en sonnant de petites clochettes, & font la reuerence au Demon, & le tiennent peinturé en la prouë afin qu'il ne face point de mal aux nauires. Cela fait ils mangent & boient au mesme lieu tout leur saoul tant qu'ils n'en peuuent plus: & par ce moyen leur est aduis que la nauire en demeure bien sanctifiée, & que toutes les nauigations qu'ils entreprendront en icelle doivent succeder à bien: ce qu'ils tiennent pour chose trescertaine, croyant que s'ils ne faisoient ainsi, & ne les benissoient à leur mode, il leur succederoit au contraire.

CHAP. VIII.

De l'ordre qu'ils tiennent à enterrer leurs Morts, & du deuil qu'ils ont accoustumé de porter pour eux.

IL me semble qu'il ne sera point hors de propos, d'amener en ce lieu la mode qu'ils ont audit Royaume d'enterrer

les morts, à cause que c'est vne chose bien notable, & dont la maniere est telle. Quand quelcun meurt, & à l'instant qu'il acheue de rendre l'esprit, ils luy lauent tout le corps, & incontinent le vestent de meilleures robes & habits qu'auoir le defunct, tous parfument & sentans bon: & l'ayans vestu, l'assent sur la plus belle chaire qu'ils ont, ou viennent les enfans & la femme, ou le pere & la mere & les freres, & apres estre mis à genoux deuant luy, se retirēt chascun à part tous plorans & se desolans. Par apres viennent selon leur ordre tous les parens & amys, & finalement les seruiteurs, si le defunct en auoit. Ceste ceremonie estā faite, ils les mettent dedans vn cercueil fait de quelque bois odoriferant & aromatique (car y en a beaucoup par tout le Royaume) lequel est bien clos & fermé de peur de mauuaise odeur: & incontinent le posent sur deux bancs, ou sur vne table dedans vne chambre ornée des plus beaux draps & tapis qu'ils peuuent auoir, puis le couurent d'un linceul bien blanc qui va trainant iusques à terre, sur lequel est depeinte l'effigie du mort, tirée au plus près du naturel qu'il a esté possible. En la chābre de deuant celle où est ledit mort, ou bien à l'entree de la porte ils dressent vne table avec des cierges & chandelles ardentes, laquelle est route couuverte de pain & de beaucoup de sortes de fruits: & en ceste sorte le tiennent par l'espace de quinze iours, durant lesquels viennent chaque nuit leurs Prestres ou Religieux chanter des oraisons, & offrir des sacrifices, & faire d'autres ceremonies ethniques & payennes. Car ils portent beaucoup de papiers peinturez, & les brulent en la presence du mort avec mille superstitions & magies, & luy en mettent deuant luy beaucoup d'autres pendus à de petites cordes, qui sont mises là pour cest effect, & demeinent lesdits papiers, beaucoup de fois, & font de grands cris à haute voix, par lesquels ils disent qu'ils enuoyent au ciel l'ame du defunct.

Les quinze iours estans acheuez, pendans lesquels sont tousiours les tables dressées avec beaucoup de viandes pour faire boire & manger leurs Prestres & les parens & amys qui viennent visiter le mort, & les ceremonies estans desfaïtes, ils prennent le cercueil où est le corps, & le portent aux champs, & vont à son enuoy tous les parens & amys, & vn grand nombre de leurs Prestres avec des chandelles ardentes: auquel lieu ils l'enterrent ordinairement sur vn petit tertre, & dedans des sepultures qui leur sont propres

& affectées : toutes faites de pierre de taille , & sur le champ dressent auprès de la sepulture vn arbre de Pin , desquels sont pleins tous les lieux dediez à telle sepultures , & iamaïs ne les coupent s'ils ne tombent eux mêmes avec le temps , & , si depuis qu'ils sont tombez , ils les laissent là iusqu'à ce qu'ils desinent & se consomment par long traict de temps , les tenant pour chose sacrée.

Les gens qui le conuoient vont en ordre & en forme de procession , menans quand & eux des musiciens & menestriers qui iouent de diuers instrumens tout le long du chemin : & est ceste enterrement tenu pour le plus somptueux & honorable , auquel il y a plus de prestres & de menestriers : en quoy ils ont de coustume de consumer beaucoup de bien. Ils chantent au son de ces instrumens beaucoup d'oraisons à leurs Idoles , & pour le dernier brussent sur la sepulture plusieurs papiers , où il y a peintures des esclaves , des cheuaux , de l'or , de l'argent , des soyes beaucoup d'autres choses , toutes lesquelles ils disent que possèdera le mort en l'autre vie , où il va. Ils demenent grande ioye , & font des banquets en le mettant au sepulchre , tenants pour certain que la ioye qu'ils font en ce lieu , là mesme font les Anges & les Saints qui sont au ciel à l'endroit de l'ame du defunct qu'ils mettent lors en sepulture.

Les parens son tous en dueil en ce temps , & le dueil duquel ils vsent est fort rigoureux , parce qu'ils portent des sayes de grosse leine , lesquels sont poissiez contre la chair , & cencelez de corde , & en la teste ont de grans bonnets de mesme laine , faits à grans bords cōme vn chapeau lesquels leurs viennent iusques sur les yeux. Ils portent ce dueil pour pere ou mere vn an ou deux ans durant , & si le fils est Gouverneur il se retire le plus souuent avec le congé du Roy , laissant l'office qu'il a en quoy ils tiennent vn haut point d'honneur , & de grand compte. Ceux qui ne sont pas si proches parés , se vestent par l'espace de quelques moins de linge cru passé en teinture , ensemble les autres parens & amis , mais c'est seulement iusques à ce que le defunct soit enterré.

CHAP. IX

De la mode qu'ils ont à celebrer leurs Mariages, & des ceremonies desquelles ils vsent en iceux.

Ceux de cedit Royaume sont fort soigneux sur toute chose de donner de bõne heure vn estat à leurs enfans, deuant qu'ils se desbauchent & se puissent corrompre aux vices: lequel soing est cause que combien que le royaume soit grand, si y a il toutes fois moins de vices que non pas en d'autres qui sont de plus grande estenduë. Et vsent en ce fait d'une si grande & desmesurée diligence, qu'il aduient souuentefois que les enfans estât encore tous petits, & mesme deuant qu'ils soyent nez, les peres se sont desia accordez de les marier, & se donnent des arres, & des escriptures publiques, mettant par escrit leurs accords & contractes de mariage.

Par tout le Royaume, & autres lieux circouoifins iusques aux isles Philippines, c'est la coustume que le mary douë la femme qu'il veut prendre en mariage. Quand le temps est venu, auquel ils doiuent estre ioints matrimonialement ensemble, le pere d'elle fait vn grand festin en sa maison, semouuant les peres, parens & amis du gendre: & le iour ensuyuant le pere de luy ou le plus proche parër en fait autant. Le festin estant achené, le mary dõne le douaire à sa femme en presence de tous, & elle le donne à son pere ou à sa mere, s'ils sont viuans, pour la peine qu'ils ont eue à la nourrir. D'où s'ensuit qu'en cedit Royaume, & és autres qui le coufinent, celuy là est tenu pour le plus riche lequel a le plus de filles. Ce que les filles donnent de leur doüaire, les peres d'elles s'en peuuent seruir, & le despendre s'ils ont necessité, & quãd ils meür, ledit doüaire demeure à la fille, à laquelle il a esté dõné, afin de le laisser à ses enfans, ou pour l'employer à sa volonté. Les hõmes peuuent prendre autãt de femmes qu'ils en peuuent entretenir, mais que ce ne soit point avec vne sœur, ou vne cousine germaine: si quelqu'un se marie en ces deux degrez de parëté, il en est puny rigoureusement. De toutes ces femmes ils tiennent la premiere pour legitime & espouse, & les autres pour leurs amies. Ils viuënt & demeurent avec la premiere, & quant aux autres où ils tiennent en diuers logis, ou bien ils les departent çà & là, si ce sont marchans & gens de trafic, par les lieux & endroits, où ils font leurs cõmerces: & sont telles femmes cõme seruantes au regard de la premiere. Le pere venant à mourir, le fils aisné herite de la plus grãde part du biẽ de la premiere femme: & les autres freres d'ap̃res, succedent entr'eux par esgales portions, ores qu'ils soient fils de la premiere femme, ou des au-

tres. Au défaut du fils de la premiere, le premier qui vient à naistre de quelqu'une des autres emporte la plus grande part de la succession & par ce moyen ils meurent peu souuent ou point du tout sans laisser des successeurs de la legitime espouse, ou des autres femmes. Si d'auanture quelqu'une de cesdites femmes cōmet adultere (ce qui aduient raremēt, tant pour ce quelles sont fort recluses & honnestes que pour ce que l'on tient l'hōme pour infame lequel intente telle chose) il est licite au mari en les trouuant sur le fait de les tuer, & pour ce si apres ceste premiere colere passée il se plaint de ses adulteres, encore qu'il prouue & verifie le fait, si est ce que la iustice ne les condamne point a plus grande punition, qu'à auoir le foiet sur les cuisses: selon la coustume du Royaume, comme il se dira en son lieu. Apres cela le mary peut vēdre ladite femme cōme si elle estoit esclauē, & ce pour le doūaire qu'il luy a baillé: mais nonobstant ces punitions, il ne laisse pas d'y en auoir entr'eux quelques vns, lesquels dissimulent le fait pour leur profit particulier, & en cherchēt mesme les occasions: toutes fois si cela est sceu, ils en sont chatiez à toute rigueur. On dit qu'aux Prouinces tirāt vers la Tartarie, & en la Tartarie mesme, il y a vne certaine coustume de se marier fort estrange: qui est que les Viceroy's ou les Gouverneurs limitent aux hōmes & aux femmes vn certain temps, dans lequel ils sont tenus & obligez de se mettre en religion, ou bien de se marier. Ce temps estant venu, tous ceux qui se veulent marier viennent en vne certaine ville destinee pour cest effect en chaque Prouince, dedans certains iours, lesquels sont entr'eux determinez. Estāt arrivez en la dite ville ils se vont presenter deuant douze hommes des plus principaux & anciens, que le Roy a nommez pour ce fait, lesquels prennent par memoire le nō d'eux & d'elles, & leurs qualitez, ensemble s'informent du bien qu'onr les hommes pour doūer les femmes qu'ils veulent prendre en mariage. En apres ils font vne liste des hommes & des femmes qu'il y a. & s'ils trouuent plus d'hōmes que de femmes, ou au contraire plus de femmes que d'hōmes, ils iettent au sort, & laissent le nombre qui reste, pour estre mariez les premiers ou les premieres l'annee ensuyuant. Les six de ces douze Anciens susmentionnez font trois bandes des hōmes, en la premiere ils mettent les riches sans auoir esgard à gentillesse ny à beauté, & en la seconde ceux qui sont moyennement riches, & en la dernière les pauvres. Cependant que

ces six deputez font le departement des hommes les autres six font celuy des femmes en trois autres bades à la maniere susdite, & en l'une mettent les plus belles, en l'autre celles qui ne sont pas si belles, & en la troisieme les laides. Le departement estant ainsi fait ils les marient en ceste maniere: aux hommes riches ils donnent les belles, & ces riches là baillent vne certaine somme, à laquelle ils sont taxez par les Juges: puis à ceux qui ne sont pas si riches ils leur donnent celles qui ne sont pas si belles, sans qu'ils baillent aucune chose pour elles: & aux pauvres ils donnent les laides avec tout ce qu'ont donné les riches pour les belles, qui est departy entr'eux par esgales portions. Cela se fait (qui est vne chose notable si elle est vraye) ils se voyent tous mariez & pourueus en vn mesme iour, mais non pas peut estre tous cõtens. Les mariages estant acheuez, on fait de grandes festes aux maisons que le Roy tiert en chacune ville, où il y a pour cest effect nombre de lits, & buffers, & autres vtenibles necessaire en mesnage: afin que les nouueaux mariez cependant que dure la feste prennent tout ce qui leur est de besoin. La solennité estant acheuée & le temps passé, qui dure ce dit on par l'espace de cinquante iours, les nouueaux mariez s'en retournent chacun d'eux à leurs maisons. Or ce que dessus se doit entendre du menu peuple & des pebleiens, & non pas des Seigneurs & Cheualiers: car quant à eux ils ne sont tenus ny obligez d'obeir au commandement susdit, & ne se marient qu'à leur bon plaisir cherchant chacun sa pareille, ou gardant l'ordre & commandement que le Roy a donné aux Viceroyz & Gouverneurs selon la forme qui s'y doit tenir.

Quant au Roy de la Chine, depuis qu'il est marié il choisit tante concubines, les premieres de tout le Royaume, lesquelles demeurent dans son Palais tout le temps qu'il vit & apres qu'il est mort, & que l'on a fait ses obsèques en tel cas accoustumées, l'heritier & successeur du Royaume vest icelles trente femmes somptueusement toutes parées de beaux attours & ioyaux, puis apres les fait mettre sur vn siége bien accoustre, qui est dressé en l'une des trois sales magnifiques, lesquelles se verront au second chapitre du troisieme liure, ayant toutes le visage couuert, de sorte qu'elles ne scauroient estre conneuës. Et cōme elles sont ainsi passées, voycy venir de la salle où elles sont trente Cheualiers des principaux du Royaume, que le feu Roy a nommez en son

son testament, lesquels vont selon leur ordre d'ancienneté, ou conformément à la nomination que le Roy a faite d'iceux: & lors chacun d'eux prend l'une d'icelles par la main, & l'amène couverte de la sorte qu'il l'a trouuée, iusques à ce qu'il soit en sa maison, auquel lieu il latient pour femme & la cherit & ayme fort tant qu'elle vit: au moyen dequoy on luy fait de grands dons tous les ans, pour aider à sa despense, & ce suivant le testament du deffunct Roy, que le successeur son fils accomplit fort soigneusement.

Anciennement quand les Rois de la Chine marioient leurs enfans ou leurs parés, ils faisoient vn festin solennel en leur Palais; auquel ils conuoioient tous les Cheualiers & plus grands Seigneurs de la Cour, leur mandant qu'ils eussent à amener quand & eux tous leurs fils & filles: ce qu'ils faisoient volontiers, procurant chacun d'eux en son endroit que leurs enfans eussent l'auantage par dessus les autres, & fussent les plus braues & plus richement vestus. Le festin estant acheué, chacun des Princes s'en venoit où estoient les Dames assises de rang selon leur aage, & là choisissoit pour femme celle qui luy venoit mieux à gré: & le mesme faisoient les Infantes à l'endroit des Barons, & Cheualiers du royaume: Mais pour le présent, telle coustume n'a plus de lieu, pource que tant les Princes que les Cheualiers se marient tous à leurs parentes, horsmis au premier ou second degré, combien que quelquefois le second n'y soit pas gardé.

C H A P. X.

Comme par tout cedit Royaume les pauvres ne vont point par les rues, ni par les Temples, & de l'ordre que tient le Roy pour subzister & nourrir ceux qui ne peuvent travailler.

BEaucoup de choses ont esté dites par ci deuant, lesquelles denotent vne bonne police audit royaume & s'en diront encore d'autres en ceste Histoire, lesquelles sont dignes d'estre remarquées: & à mon aduis n'est pas la moindre celle qui est contenuë en ce chapitre, qui est du bon ordre que tient le Roy en son Conseil, à ce que les pauvres ne aillent point demandant par les rues ni par les temples où ils font prières à leurs Idoles, A ceste fin est ordonné & commandé par le Roy sur grandes peines aux mesmes pauvres, qu'ils n'aillent point publiquement demandant l'au-

mosne & aussi enioint sur plus grandes peines à ceux des villes & autres lieux de ne rien donner ausdits pauvres, lesquels leur demanderont l'aumosne, mais de le denoncer incontinent à Iustice, qui est vn certain homme qu'ils appellent, le iuge des pauvres, afin que l'infracteur de la loy soit incontinent puny. Ce Iuge est tousiours l'vn des principaux de la ville, ou du lieu où il demeure, & n'a point autre loin que celuy là, nonobstant lequel il n'est pas souuent de repos: à caute que comme les villes sont si grandes & si pleines de gens & les villages en nombre infiny, ausquels il ne se peut faire que ne viennent à naistre de petits enfans ohiez: aussi y a il bien à quoy entendre, & à prouoir aux necessitez desdits pauvres, sans contreuenir à la loy.

Ce Iuge le premier iour qu'il commence exercer à son office, fait faire vn cry, que tout homme ou femme à qui viendra à naistre vn fils ou fille ohice & impotente en quelque partie de son corps, ou qui deuiendra à l'estre par maladie ou accident; ayent à le luy venir declarer, afin qu'il prouoye à ce qui sera necessaire, conformement au vouloir & à l'ordonnance du roy & de son Conseil. Et ceste ordonnace, est, qu'estant apporté le petit enfant ou la petite fille, & veu le defaut qu'il y a, s'il est de telle sorte, que nonobstant iceluy l'enfant puisse exercer quelque art & office, terme est prefix & donné au pere, dans lequel il est tenu de le mettre en mestier, & luy faire apprédre l'estat que le Iuge aura aduisé pouuoir estre exercé par luy avec son hoie, ce qu'ils executent sans faure. Si d'auenture cest enfant est si fort ohie, qu'il luy est impossible d'apprédre ou d'exercer aucun estat: ledit Iuge des pauvres mède au pere de celuy qu'il ayt à le nourrir, en sa maison toute sa vie, s'il a de quoy: & s'il n'a pas le moyen, ou s'il n'a point de pere, il s'adresse au plus proche parent & le plus riche: & à faute de ce, enjoint à tous les parens de se cōtribuer chacun leur part, & de la bailler à celuy qui tient ledit enfant en sa maison.

Que s'il n'a point de parens, ou s'ils sont si pauvres, qu'ils ne puissent pas subuenir à la necessité dudit enfant; le roy les nourrit & sustente entierement à ses despens, & le tient en ses hospitaux royaux, qui sont en chacune ville de son royaume bastis fort somptueusement pour cest effet: auquel lieu sont pareillement tous les hommes vieux & necessiteux, qui ont vſé leur ieunesse en guerre, ou seruice du roy & du pays. Et autant aux vns comme aux autres sont administréz

leurs viures & neceffitez avec grand soin & diligence : en quoy le meſme Iuge tient vne bonne police, & deſſus luy vn Maiftre adminiſtrateur, qui eſt vn des plus homme de bien du lieu, ſans le congé duquel aucun des pauvres ne peut ſortir hors de l'enclos de l'Hôſpital: & ce congé ne leur eſt iamais octroyé pour quelque chemin ou voyage qu'ils veulent faire, & pas vn d'eux auſſi n'a occaſion de le demander, d'autant qu'ils ſont bien fournis en ce lieu de tout ce qu'ils ont à faire pour paſſer leur vie, tant aux viures qu'aux veſtemens. Ioint que les meſmes pauvres & hommes vieux nourriſſent là dedans des poules, & des cochôs, & pluſieurs autres choſes, dont ils ſe peuuent ſeruir tant pour leur recreation, que pour leur profit & contentement. Ceſt Adminiſtrateur eſt viſité ſouuent par le Iuge ſuſdit, & ce meſme Iuge eſt auſſi viſité par vn autre qui part de la Cour & Conſeil du roy expreſſément pour ceſt affaire, & pour viſiter les principaux Hôſpitaux de la Prouince : & ſ'il trouuë qu'il a failli en ſa charge, il l'en demet, & le punit à toute rigueur. Au moyen dequoy chacun regarde à bien viure & à chier, droit, ſçachant bien le compte exact qu'il en doit rendre, & en quelle monnoye il doit eſtre payé.

Les aueugles dudit royaume ne ſont point tenus pour inualides, ni pour gens qui ſoient contraints de nourrir ou les parens ou le roy: pource qu'ils les font trauailler, ou à moudre aux moulins de froment & de riz, ou à ſouffler des ſoufflets de mareschal, ou à faire telles autres choſes, eſquelles la veuë n'eſt point requiſe. Et ſi c'eſt vne fille aueugle, quâd elle eſt deuenüe grande, elle fait le meſtier des filles de roy, dont y a grand nombre aux lieux publics, cômme il ſe dira au chapitre qui en traitera particulièrement. Ces filles ont vne mere entr'elles qui les farde & ariſe, & eſt du nombre de celles qui ont quité le meſtier, pour eſtre vieilles & innutiles deſormais. Par le moyen de ce bon ordre, qui eſt gardé par tout le royaume, nonobſtant qu'il ſoit ſi grand & ſi plein de peuple, il n'y a aucun pauvre qui ſoit en neceſſité, ni pas vn qui demande l'aumofne publiquement: cômme l'ont veu par experience les Religieux Auguſtins, & les Peres de l'Obſeruance, enſemble tous ceux qui eſtoient en leur compagnie, quand ils entrerent audit royaume.



LIVRE TROISIÈSME

DE L'HISTOIRE DV GRAND
ROYAUME DE LA CHINE.

Contenant choses fort curieuses, & dignes de considération, touchant les mœurs & la police d'iceluy.

C H A P. I.

Des Roys qui ont regné en ce grand Royaume, & des noms d'iceux.



V quatriesme chapitre du premier liure, i'ay promis de dire de suite les rois qui ont regné en ce grand royaume, ensemble de mettre particulièrement les noms d'iceux. Et partant pour accomplir ma promesse, ie mettray icy la succession d'iceux, depuis Vitay, lequel a esté le premier qui a réduit le pais en royaume, iusques au roy qui est a present regnant en iceluy, remettant ce qui defaudra en ce lieu au chapitre susmentionné, où se trouuera le nombre des roys, & des années qu'il y a que ledit royaume a commencé, ensemble la maniere de succeder à iceluy.

Ce Vitay a esté le premier roy de la Chine, comme il appert par leurs Histoires, qui font mention de celuy particulièrement, & entr'autres choses qu'elles racontent de la personne. elle disent qu'elle estoit aussi haut que sept mesures de la Chine, chacune desquelles fait avant que deux tiers d'Espagne de sorte qu'à bon conte il auoit quatre aulnes & deux tiers de haut, & disent en outre qu'entre deux

espaules, il auoit six esvans de large, & qu'il fut aussi preux en haut fait comme il estoit grand de corps. Il eut vn Capitaine appellé Lincheon, lequel avec ce qu'il estoit fort vaillant, estoit encore homme tres fin & de grande prudence: de sorte qu'estant si grand personnage, il eut la force & la valeur d'affuettir audit Roy Vitey tout le pays qui est en ce grand Royaume, & en outre le faire redouter de tous.

Ils attribuēt à ce Vitey l'inuention des robbes à vestir, & des teintures pour les teindre, des nauires pour nauiger, & de la scie pour scier le bois, & sur tous disent qu'il estoit grand Architecte & inuenteur d'edifices, & qu'il en fit grand nombre, & de fort somptueux & magnifiques, lesquels ont perpetué iusques à luy la memoire & souuenance de son nō. Il inuenta aussi le touret de soye dont ils vsent encore à present audit Royaume, fut le premier qui amena l'vsage de porter de l'or, des perles, & des pierreries en ioyaux: & des habits de toile d'or d'argent, & de soye. Il de partit tous les gens de son Royaume en citez, villes, & villages, & ordonna tous les mestiers & offices, commandant qu'aucun n'eust à se mesler d'autre estat que de celuy dont son pere s'estoit meslé, sans congé & permission speciale de sa Maiesté, ou des Gouverneurs de son Royaume, & que ladite permission ne s'octroyast sans grande cause. Tous ceux qui estoient d'un même estat, il les mit ensemble en des ruës particulieres, laquelle police est si bien gardee pour le iour d'huy audit Royaume, que pour sçauoir de quel estat sont ceux qui demeurent en vne ruë, il suffit de voir le premier qui s'y tient pource que c'est chose certaine que les autres sont du même estat que le premier, ne se meslant aucun autre parmi eux qui soit d'autre estat que le leur.

Il fit entre autres choses vn ordonnance qui est de grande consideration, c'est à sçauoir qu'une femme ne fust point sans traualier ou à l'estat de son mary, ou à tout le moins à siller, ou à ouurer de l'esguille: & fust ceste loy si generale, qu'il voulust qu'elle fust gardee par la fême mesme.

Si racontent de luy qu'il fust fort sage & grand clerc en l'Arologie, & qu'il auoit en lacourt de son Palais vne certaine herbe, laquelle faisoit vne maniere de demonstration quand il passoit aupres d'elle, au moyen dequoy elle declairoit si aucun auoit quelque mauuaise intention, contre le Roy. Ils disent encor plusieurs autres choses de luy, le recit desquelles me seroit estre par trop prolix, qui sera cause

que ie passeray seulement par dessus, de peur d'ennuyer le Lecteur, en recitant tous les songes & resueries de ces Idolâtres; ioinr que pour le regard des curieux, il fust de toucher vn peu de chascun chose, laissant le surplus à leur discretiõ. Ce Roy eut quatre fêmes, & vingt cinq enfans d'elles, & regna cêtans. & y eut depuis luy iusques à celuy qui fit la muraille, de laquelle nous auons parlé au neuuiesme chapitre du premier liure, cent seize Roys, tous de la lignee de ce Vitey, lesquels regnerent, selon qu'il l'appert par leurs Histoires, deux mille deux cens cinquante sep ans. Je ne conteray point icy leurs noms, de peur d'estre prolix, combien qu'ils ayent esté tous tiréz de leurs Histoires: mais ie me contenteray seulement de mettre ceux lesquels me semblent estre necessaires pour declarer la succession de la Couronne, de puis les cent seize Roys susdits, iusques à celuy qui est présent regnant.

Le dernier Roy de la lignee de Vitey le preux s'appelloit Tzintzom, & ce fust luy qui fit la muraille susmentionnée se voyant assailly du Roy Tartare, lequel luy faisoit guerre par beaucoup d'endroits. Pour faire ladite muraille il prit la troisiéme partie des gens du Royaume, & parce qu'en l'edifiant il mourut grand nôbre d'iceux, à cause qu'ils estoient loïn de leurs maisons, & en vn air & clymat tout autre que celui où ils auoyent esté nez & nourris, il vint à estre mal voulu & hay generallemēt de tous: d'où s'enfuiuit vne seditiõ de ses vassaux cõtre luy, lesquels conspirerent de le tuer, cõme de fait ils le tuerent, après auoir regné quarante ans, & vn sien fils avec luy qui estoit heritier du Royaume, nommé Agutzi. Ce Tzintzom estant mort, & son fils aussi, ils installerent pour leur Roy vn qui s'appelloit Anchosau: homme de grand esprit & valeur, & regna douze ans. Au Royaume succeda vn sien fils appellé Futei, qui regna sept ans & mourut ieune. Par le trespas d'iceluy sa femme qui estoit du sãg vint à regner, & gouverna le Royaume en grãde admiration de tous par l'espace de dix huit ans: & comme elle ne laissa aucuns hoirs mâles, vn fils de son mary Anchosau, qu'il auoit eu d'vne autre femme, luy succeda.

Cestuy cy regna vingt & trois ans, & luy succeda vn sien fils nommé Cuntay, qui regna seize ans, huit mois. Vn fils de luy appellé Huntay regna cinquante quatre ans: & luy succeda vn sien fils nommé Châtei & regna treize ans. A ce luy là succeda son fils Ochantay qui regna vingt cinq ans,

trois mois. A luy aussi succeda son fils Coantey, qui regna seize ans deux mois A Coantey succeda son fils Tzentzey, qui regna vingt six ans, & quatre mois A cestuy là succeda vn sien fils appellé Authey, qui regna seulement six ans A iceluy succeda sô fils Pintatey, qui regna 5. ans. A Pintatey succeda vn sien frere, pource qu'il n'estoit pas encore marié quand il mourut: & ce frere s'appelloit Tzintzamy, qui regna seulement 3. ans, sept mois. A ce frere succeda son autre frere puisné, nommé Huyhannon, qui ne regna que six ans. A cestuy là succeda vn sié fils appellé Cubû, qui regna trête deux ans. A iceluy succeda son fils Bentey, qui regna dix-huit ans, A Benthey succeda son fils Vnthey, qui regna treize ans, auquel succeda Othey, & regna 17. ans cinq mois. Son fils appellé Yanthey regna seulement huit mois. Il laissa vn fils nommé Antey, qui regna dix neuf ans Le fils aîné de cestuy cy, nommé Tantey, alla incontinent de vie à trespas apres son pere. n'ayant regné que trois mois: & son frere Chitey regna vn an seulement. A ceux succeda vn autre frere leur puisné, appellé Quantey, lequel vescu & regna vingt & vn an Son fils nommé Linthey regna ving & deux ans. A iceluy succeda vn fils appellé Yâthei, qui regna trente & vn an. Cest Yanthei, à ce que dit son histoire, estoit de peu de sagesse & d'entendement, au moyen dequoy ceux du royaume l'auoyent en haine.

Si se rebella contre luy vn sien nepueu, appellé Laupi, & se ioignirent avec lui pour lui aider & fauoriser deux Cheualiers freres, qu'il y auoit pour lors à la Cour, bien vaillans hommes, l'vn nommé Quathei & l'autre Trunthei, lesquels procurerent de faire roy ledit Laupi, L'oncle le sceut, & fut si pusillanime, qu'il n'eut pas la hardiesse d'y remedier, & ne sceut aussi: qui fut cause que s'esleuerent des ligues par le royaume, & spécialement quatre Tirans qui se firent ensemble & en mesme temps, dont les noms estoient Cincoan, Sofoc, Guansian & Guanser. Contre eux eut guerre le Laupi sous couleur de fauoriser à son oncle, & apres l'auoir fait durer quelque temps fit paix avec Cincoam, & prit vne sienne fille en mariage, dressant incontinent guerre aux trois autres Tyrans avec la faueur de son beau pere.

Alors fut diuisé ce grâd royaume en trois parts, & comença la tirannie que nous dirons. L'vne & la principale fuiuoit Laupi par la mort de l'Qcle: & l'autre Sofoc: & l'autre Cincoan beaupere dudit Laupi, Le royaume demora,

ra ainsi diuisé par quelque temps iusques à ce que Guitgey fils de Laupy vint à regner apres son pere. Contre luy s'esleua vn tiran nommé Chimbutey, lequel il tua, & fut en outre si vaillant, qu'il reuint tout le Royaume, lequel auoit esté diuisé par l'espace de quarante & vn an regnant du depuis luy seul vingt cinq ans. A iceluy succeda son fils appellé Fontey lequel regna dix sept ans. Pour abbreger, il y eut de ceste lignee quinze roys, qui regnerent cent soixante & seize ans. Contre le dernier qui fut Quiontey, s'esleua le tyran Tzobu. Si y eut du sang d'iceluy huit roys, qui regnerent soixante & deux ans. Contre le dernier appellé Sutey, s'esleua vn nommé Cotey, de la lignee duquel il y eut cinq roys, & regnerent 24. ans. Le dernier d'iceux nommé Orthey, fut tué par vn appellé Diân, & y eut de sa lignee quatre roys, qui regnerent 56. ans. Contre le dernier s'esleua vn appellé Tym, & y eut de sa lignee cinq roys, & regnerent trente & vn an. Contre le dernier de ceste maison s'esleua vn certain Tzuy, & y eut de sa lignee trois roys, qui regnerét trente sep ans. Contre le dernier s'esleua Tonco, lequel, ensemble ceux de la lignee gouvernerent fort bien le Royaume, & durerent aussi pluslonguemēt que les autres, pource qu'ils furēt vingt & vn roys, lesquels regnerent deux cens nonāte quatre ans.

Le dernier d'iceux appellé Troncon se maria à vne qui auoit esté femme de son pere, & s'appelloit Causa, belle & merueilleuse: il la tira d'vn Monastere, où elle s'estoit mise Religieuse, & se maria avec elle. Icelle se comporta tellement à l'endroit de luy, qu'elle le fit tuer, & gouverna le Royaume toute seule par l'espace de 40. ans. Si dit l'Histoire qu'elle fut deshoneste tout about, & qu'elle s'abandonna aux plus grands Seigneur du Royaume, & que non contente de cela elle se maria à vn homme de basse, estoffe, à fin d'auoir meilleur moyen de suiure ses appetits desordonnez. On dit qu'elle se tua deuant que se marier les enfans masles qu'elle peut auoir du premier mary ayant desir qu'vn sien nepueu luy succeda à la couronne.

Ceux du Royaume entendant son intention, & indignez de son mauuais train enuoyerent cercher vn fils de son mari, nonobstant qu'il fust bastard, lequel estoit fugitif: & d'vn commun consentement l'eslurent pour roy, & s'appelloit Tantzon. Iceluy fit faire rigoureuse iustice de la Marastre, comme c'estoit bien raison, afin qu'elle fust punie de toutes

ses celschancetez, & seruit d'exemple à tout le Royaume. Il y eut de sa lignee sept Roys, lesquels regnerēt six vingt ans. Contre le dernier nommé Coucham, s'esleua vn nommé Dian, & y eut seulemēt deux Rois de sa lignee, & regnerent dix huit ans Contre le second & le dernier s'esleua Outon, & y eut de sa lignee trois Rois, & ne regnerent que quinze ans. Contre le dernier s'esleua Outzim, & y eut de luy deux Rois, qui regnerent seulement neuf ans trois mois. Contre le dernier s'esleua Tozo, & lui & vn sien fils regnerent seulement quatre ans. Contre le fils d'iceluy il y eut vn peu de guerre par vn appellé Anchiu, lequel letua, & luy succeda au Royaume. Luy & deux autres de sa lignee regnerent seulement dix ans. Contre le dernier s'esleua vn de la lignee de Virei, premier Roy, & le tua: il se nommoit Zaytzon, & furent de la lignee d'iceluy dixsept Rois, lesquels regnerent tous en paix l'espace de trois cens vingt ans.

Le dernier de ceste lignee s'appelloit Tepim, contre lequel eut guerre le grand Tartare nommé Vzon, lequel entra en la Chine à grande armee & gaigna tout le Royaume, & le possederent neuf Rois Tartares, lesquels regnerent quatre vingt traize ans, traittāt les naturels du pais en grande tyrannie & seruitude. Le dernier d'iceux s'appella Tzin-tzoum, & fut plus cruel que nul autre de ses predecesseurs & deuanciers: ce qui fut cause que le Royaume se reunit, & qu'il esleurent secretemēt pour leur Roy vn nommé Hombu, homme de tres grande valeur, & de la lignee des anciens Rois: lequel assemblant beaucoup de gens fit tant par sa prouesse qu'il chassa les Tartares hors de tout le Royaume avec grand carnage & occision de ces iniustes & tyranniques vsurpateurs.

Il y a eu de la lignee d'iceluy douze roys, en cōtant celuy qui est à present regnant: les onze precedens ont regné deux cens ans durant, iceluy qui regne à present est le 12. & s'appelle Bonog, & à succedé au royaume par la mort de son frere aîné qui mourut d'une cheure de cheval. Cest vn ieune Prince de vingt & trois ans selon que disent les Chinois, & a encore sa mere: duquel ne s'estant encore rien mis par histoire, nous ne scaurions dire autre chose sinon que c'est vn tres gentil personnage à leur dire, & bien voulu de ses freres, & homme de fort bon entendement, & grand zelateur de iustice. Il est marié à vne sienne cousine, & en a vn fils.

Deux de ceste lignee ont gainé dessus les Tartares beau-

coup de terres, depuis qu'ils les ont chassés de la Chine, lesquelles sont situés de l'autre costé de la muraille. Dieu par sa misericorde les vueille amener à la connoissance de sa sainte Loy, & accomplir vn Pronostique qu'ils ont entr'eux, par lequel ils s'attendent deuoir estre seigneuriez & rendus suiets de certains hommes qui ont de grands yeux, & de longues barbes, lesquels viendront de royaumes fort lointains leur commander, ce qui semble denoter & signifier les Chrestiens.

Le roy de ce dit royaume est tant respecté de ses suiets, que par toutes les Prouinces où il ne fait pas sa residence, ils ont en la ville capitale en laquelle le Viceroy ou le gouuerneur reside, vne table d'or, sur laquelle est tiré au vif le pourtrait du roy qui regne, couuerte d'une belle courtine brochée d'or fort richement, auquel lieu vont tous les iours les Loitias, qui sont les Cheualiers hommes de lettres, & gens de iustice, & sont obligés de luy aller faire reuerence, comme si c'estoit le roy mesme. ils tiennent ceste table découverte aux iours de toutes les festes qu'ils celebrent, qui sont les nouuelles Lunes de chacun mois, auquel iour arrive tout le peuple faire la reuerence à ladite figure, avec autant de respect qu'ils feroient au roy, s'il y estoit en personne. Ledit roy en ses tiltres & qualitez s'intitule, *Seigneur du Monde & Enfant du Ciel.*

C H A P. II.

Du Palais & Cour du Roy, & de la ville où il demeure: & comme en tout son Royaume n'y a aucun Seigneur de vassaux en propriété,

LE sejour du susdit roy, & presque de tous les predecesseurs a esté & est ordinairement en la prouince de Pagula, en la ville de Taibin dite autrement Suntien, à cause) ce disent ils) quelle est plus voisine des Tartares, avec lesquels ils ont eü guerre continuellement, ainsi que dit est, afin que residant en ce lieu ils eussent meilleur moyen de suenir aux hasars & inconueniens qui se pourroient presenter, ou parauanture à cause de l'air & climat du pais, qui est plus salubre en ceste Prouince que non pas aux autres, & le sejour plus plaïsant & delectable de beaucoup comme le donne bien à entendre la signification de ce mot ici. *Suntien*, qui vaut autant à dire en leur langue que *Ville celeste.*

Ceste dite ville est si grande & spacieuse, que pour la tra-
uerfer de porte en porte, il faut qu'un homme chemine tou-
te vne iournee sur vn bon cheual, & en diligence, & ce sans
y comprendre les fauxbourgs, lesquels ont encore autant
de lieu & de circuit. Et cōbien que ce que ie dis icy soit ad-
mirable, si est ce que c'est peu au regard de ce qu'en disent
les mesmes Chinois, lesquels en parlant d'icelle ville, & de
sa grande richesse ne se contredisent en rien, qui est vn
grand signe & indice de verité: attendu que s'il estoit au-
trement, il ne se pourroit faire qu'il n'y eust quelque discor-
dance entr'eux. Il y a si grand peuple dedans tant Bourgeois
que Courtisans, que lesdits Chinois afferment, que s'il
estoit de besoin de faire leuee de gens pour quelque vrgente
occasion, ils se pourroyent assembler en armes deux cens
mille hommes, & les cent mille d'iceux tous de cheual.

A l'entree de ladite ville vers le costé d'Orient est le grād
& somptueux Palais du Roy: où il demeure d'ordinaire: car
bien qu'il y en aye deux autres, l'un au milieu de la ville &
l'autre au bout d'icelle deuers l'Oceident. Ce premier Palais
est si grād, & y a tāt de singularitez en iceluy, qu'il faut qua-
tre iours entiers pour le bien voir à loisir, à ce qu'ils disent.
Premierement il est entouré de sept murailles si grandes &
spacieuses, que dedās le large qu'il y a d'une muraille à l'au-
tre se tiennent aisēmēt dix mille soldats, lesquels font garde
ordinaire à l'hostel du Roy. Au dedās, y a soixāte & dixneuf
sales toutes richement cōstruites & d'un artifice admirable,
où est vn grand nombre de femmes, seruāt le Roy en lieu de
pages & de Gentils hommes. Et le plus beau qui soit à voir
en ce palais, ce sont (à ce qu'ils disēt) quatre sales tres riches
& magnifiques, dedans lesquelles le Roy donne audience aux
Ambassadeurs venans des autres royaumes, & Prouinces,
ensemble aux Seigneurs & Principaux de son pays lors qu'il
tient sa Cour, ce qui n'aduient guere souuēt d'autant qu'il
ne se laisse point voir au peuple hors de son hostel que bien
rārement, & encore le plus souuēt & presque à toutes les
fois ce n'est qu'au trauers d'une verriere.

La premiere de celsdites Sales est faite de fonte, elabou-
ree fort curieusement avec beacoup de figures. La secon-
de a le plācher de l'aire fait de maïsonnerie d'argent de grā-
de valeur. La troisiēme est de fin or excellemment bien es-
maillé. La quatriēme est de si grand prix & richesse, qu'elle
surpasse de beaucoup les trois autres, d'autant qu'en icel-

le se represente le pouuoir & la cheuance de ce grād roy, & pour ce l'appellent ils en leur langue, *la sale du thresor du Roy*, assureāt qu'elle merite bien d'auoir vn tel nom attendu qu'il y a en icelle le plus grand tresor, que puisse auoir Roy au mōde Et si outre ledit thresor il y a encore grande quantité de ioyaux de prix & valeur inestimable, & vne chaire où ils s'assient en majesté, faite de marbre, dās lequel sont enchassees des pierres precieuses & des escarboucles si riches qu'en la plus grande obscurité de lainuiēt, elles rēdent la sale aussi claire & lumineuse, que s'il y auoit dedās beaucoup de chādelles allumees Les parois de ceste sale sont toutes de pierres diuerſes de grande vertu & valeur, elabourees avec grād esprit & industrie: & pour comprendre en vn mot tout ce qui se dit de ceste sale si riche, il suffit de ſçauoir que c'est la plus belle piece qui se puisse voir en tout le royaume & où est cōtenu tout le meilleur & le plus riche d'iceluy. En ces quatre sales susmentionnees, le Roy comme nous auons dit escoute les Ambassades qu'on luy enuoye, selon la qualité du Roy ou de la Prouince de la part desquels ils viennent, leur donne audience en la premiere sale, où en la seconde, ou aux deux autres plus riches de maniere que si l'Ambassade vient de la part d'un Roy, lequel n'est pas des plus puissans on luy donne audience en la premiere, & s'il est de moyen pouuoir en la seconde, & ainsi consequemment aux autres d'apres.

Au dedans de ce palais le Roy a tous les plaisirs & passe-temps que l'entrēdemēt humain pourroit souhaiter, & ce pour la recreation de sa personne, & de celle des Roines, à cause qu'il ne sort iamais, ou bien peu souuēt de son hostel: qui est vne coustume fort ancienne, & vsitée entre les Roys dudit royaume, & presque autant hereditaire comme la succession d'iceluy. Et la cause pourquoy ils ne sortent gueres, & sont ainsi reclus en leur Palais, c'est à ce qu'ils disent tant pour cōseruer la grādeur & autorité de leur estat, que de peur qu'ils ont de mourir par trahison, comme il est souuent aduenue. Au moyen dequoy il y a eu tel Roy, & plusieurs Roys mesme audit Royaume, lesquels tout le lōg de leur regne ne sont point sortis en public, sinon le iour qu'ils ont presté le ferment & receu la couronne de Roy: & si outre qu'ils se choyent & reserrent si soigneusement, ils ont encore les dix mil homme de garde, desquels nous auons parlé cy dessus pour garder le Palais du costé de dehors iour & nuit, sans

beaucoup d'autres qu'il y a aux cours, aux montees, aux sales, & autres endroits du logis. Depuis les portes dudit Palais en allant au dedans, il y a beaucoup de iardins, vergers, par terres, & bois, ou y a toute sorte de chassé & de venaison & de grans estangs pleins de poisson. En somme il y a tout ce qui se pourroit auoir aux champs, en plusieurs maisons de plaisir.

Il n'y a point en tout le Royaume aucun Seigneur de vassaux, non plus qu'en Turquie, & n'ont entr'eux rien de propre, soit en patrimoine, ou biens meubles, & ce que le Roy donne de grace soit en faict de gouvernement, ou à raison de seruices, ou pour autre respect particulier, tout cela se perd avec la personne à laquelle aura esté fait le don, & retourne au Roy comme deuant. Que s'il luy plaist de continuer au fils les biens ou l'estat que tenoit le pere, il le fait plus de grace que d'obligation ou de deuoir: donnant à entendre que de ce qu'il en fait, ce n'est point pour auarice ou autre profit particulier: mais que c'est seulement pour obuier aux inconueniens & occasions de trahison qui pourroyent venir, s'il y auoit de grâs & riches Seigneurs en son Royaume. Ceux qu'il met aux gouvernemens, ores que ce soyent Viceroy, ou Gouverneurs, ou Capitaines generaux, ou autres personnes de quelque sorte & qualité qu'elles soyent, il leur en charge, & pour eux entretenir de maniere qu'il leur en reste plus qu'il ne leur en faut: ne voulant pas que la necessité les contraigne de prendre des presens, ou de se laisser corrompre par argent, ou autre voye, qui les empesche de faire droit & iustice. Car s'il est sceu & auéré que quelqu'un en ait receu, & encore que ce soit chose de peu de prix, si en est il puny & chastié exemplairement à toute rigueur.

CHAP. III.

Du nombre des gens & vassaux, qui sont taillables & tributaires du Roy de la Chine par routes les quinze Prouinces du Royaume.

Ayant entendu par cy deuant la grande estendue dudit Royaume, & le monde infiny qui y est, il sera plus aisé à croire le nombre des tributaires qu'il y a en chaque Prouince, lequel nombre est tiré du Registre que tiennent les officiers du Roy par deuers eux afin de leuer le tribut. Si

disent & afferment qu'il y a autant de gens qui ne payent rien, comme il y en a qui payent, d'autant que pas vn des Loyrias & des ministres de Iustice n'y est taxé, ny la Gendarmerie non plus, tant celle de mer que de terre, estant tous exempts.

La prouince de Paguaia tient en tributaires deux millions sept cens quatre mil hommes, lesquels payent tous tribut au Roy. La prouince de Caton, trois millions six cens mille tributaires. Celles de Foquien, deux millions quatre cens sept mille. La prouince d'Acheo, deux millions huit cens quarante mille. La prouince d'Olam, deux millions deux cens trente quatre mille. Celle de Cinsay, trois millions treize cens quatre vingts mille. La prouince de Susuam, deux millions cinquante mille. Celle de Tolanchia, qui est la prouince où demeure le Roy, & est la plus grande du royaume, elle en a six millions nonante mille. La prouince de Canfay, deux millions treize cens cinq mille. Celle d'Oquiam, trois millions & huit cens mille. Celle de Honan, vn million & deux cens mille. Celle de Xanton, vn million neuf cens quarante quatre mille. La prouince de Chequeam, deux millions deux cens quarante quatre mille. Et celle de Sancij, qui est la plus petite des quinze Prouinces, vn million six cens soixante douze mille & cinq cens tributaires. De ce compte si, l'on voit comme les tributaires des quinze Prouinces susdites sont en tres-grand nombre infiny, & appert aussi, comme peut estre veritable ce que nous auons traité en plusieurs endroits de ceste Histoire, touchant l'estenduë de cedit royaume, laquelle certainement est la plus grande qui se lixe point de pas vn autre qui soit au monde. Dieu par sa misericorde lés vueille amener à la connoissance de son. S. nom, & les retirer de la tyrannie du Demon, sous lequel ils sont pour le present.

CHAP. XIII.

Le tribut que lene le Roy de la Chine par toutes ses quinze Prouinces, selon la plus certaine relation.

Combien que ce royaume de la Chine soit si grand & riche, comme il appert: si est ce que les habitans d'iceluy payent le moins de tribut & imposition ordinaire à leur Roy de tous ceux que nous connoissons estre sous

puissance & seigneurie, tant entre nous autres Chrestiens que parmy les Mores & Gentils. Et neantmoins l'extraordinaire & le seruice personnel qu'ils doiuent est si grand, qu'ils se pourroient mieux appeller esclaués que libres; attendu qu'ils ne possèdent pas vn espan de terre, pour lequel ils ne payent tribut. Qui seroit vne bonne occasion, avec le mauuais traitement que leur font ceux qui les gouernent, pour les inuiter & semondre à la reception de l'Euangile, afin de iouyr de la liberté d'iceluy.

Le tribut ordinaire que paye chacun d'eux qui tient feu & lieu, ce sont deux Masés l'an, qui est vne espee de monnoye valant autant que deux reales d'Espagne. Estant ce tribut là si peu de chose, & duquel ne payent rien ny les Loytias; qui est vne bonne partie du royaume, ny les Gouverneurs, & Officiers, ensemble les Capitaines & soldats: toutesfois la multitude du peuple y est si grande, & le royaume si spacieux, que seulement ce qu'ils donnent pour la despense de la personne du roy, & de son Palais avec ce que valent les droicts de Doüanes, ports, & autres rentes, en ne contant point ce qui se baille aux mortepayes, gens de garnison, & autres soldats du royaume, ny aussi ce qui s'employe à la reparation des murailles & des villes; ensemble les frais de toutes les armées de mer & de terre, avec les gages des Gouverneurs, & Officiers de iustice, lesquels n'entrent point en ce compte: il demeure au roy de reuenue ordinaire ce que ie mettray en ce lieu, le tout extrait fidelement du liure & registre de ses Comptes. Et encore disent les Chinois que c'est beaucoup moins de ce qu'on luy paye aujourdhuy, & que ledit compte est du plus vieux temps, lors que le tribut estoit bien plus petit qu'il n'est pas pour le present. Donc ce qui s'en suit est extrait du liure de sa maison, & de ses comptes.

En fin or de dixsept à vingt deux carats on luy donne quatre millions, deux cens cinquante six mille neuf cens Taës, qui est vne espee de monnoye valant chacune dix reales, & vingt quatre maravedis de Castille. En argent fin, trois millions cent cinquante trois mille deux cens dixneuf Taës. Les mines de perles, qui sont en grande abondance par tout le royaume: combien qu'elles ne soyent guere rondes, luy valent ordinairement deux millions six cens trente mille Taës. En pierreries de toutes sortes, & tirées des mines, vn million quatre cens soixante dix mille Taës. En musc &

ambre, vn million & trente cinq mille Taës. Et en Pource-
laines, quatre vingts dix mille Taës.

Oltre ce le Roy a par tout le Royaume beaucoup de ter-
res lesquelles il a données à ses suiets à la charge de luy bail-
ler vne partie de ce qu'ils y recueillent, ou de ce qui y croist:
& pour ce luy payent ce qui s'enluit. En riz bel & blanc (qui
est la viande & nourriture ordinaire dudit Royaume, & des
circonuoisins d'iceluy) soixante millions, cent soixante &
onze mille, & huit cens trente deux mesures. En orge, vingt
neuf millions, trois cens nonante & vn mille, & neuf cens quatre
vingts & deux mesures. En bled pareil à celuy d'Espagne, tre-
te trois millions, six vingt mille deux cens mesures. En sel,
vingt cinq millions, trois cens quarante mille quatre cens
mesures, lesquelles il recueille en ses salines, & dont il reçoit
vn tresgrand reuenue tous les ans. En bled appelé Maiz, vingt
millions deux cens cinquante mille mesures. En millet, vingt
quatre millions de mesures. En paniz quatorze millions &
deux cens mille mesures. Puis en autres grains & diuers le-
gumes, quarante millions, & deux cens mille mesures.

En pieces de soye de quatorze aunes de long deux cens
cinq mille, cinq cens quatre vingts & dix pieces. En soye en
masse, cinq cens quarante mille liures. En cotton, en capiton,
trois cens mille liures. En couuertures faites & ourrées de
couleurs, huit cens mille quatre cens. En chimantes de soye
cruë du poids de douze liures & demie, trois cens & quatre
vingt. En couuertures de cotton de quatorze aunes chacu-
ne, six cens soixante dix huit mille & huit cens soixante &
dix. En chimantes de cotton, trois cens quatre mille six cens
quarante & huit.

Toutes ces choses susmentionnées se leuent cōme dit est,
par ledit roy de la Chine, partie desquelles lui sert pour four-
nir & ayder à la despense de son Palais, qui est tresgrande (&
de laquelle les Chinois qui vont aux isles Philippines en par-
lent de telle sorte qu'il n'en trouuēt iamais la fin, & s'accor-
dent tous en leurs dire, qui est vn signe de verité, partie pour
garder & reseruer au Thresor de son espargne, dans lequel
on assure y auoir beaucoup de millions, ce qui ne se peut
faire autrement, eu esgard à vn si grand reuenue.

CHAP. V.

*De la gendarmerie du Royaume de la Chine, ensemble du
grand soing & vigilance, dont ils vsent à garder
ledit Royaume.*

LE soin & la diligence dont use le Roy de la Chine a fait administrer la iustice en son Royaume, selon droit & equité, le mesme soin & diligence: & encore beaucoup plus grande, il coustume de mettre au fait de l'art militaire, & à preuenir les guerres qu'il peut auoir contre les Princes ses voisins, ou autres, & principalement contre les Tartares avec lesquels il a eu guerre continuelle par beaucoup d'annees: combien que pour le iourd'huy le Tartare le redoute tant, à ce qu'ils disent, qu'il se tient biē heureux d'estre son ami, & le reconnoit mesme en vne maniere de vasselage. Et combien que pour le present & depuis quelque temps en çà ledit Roy de la Chine se voye en paix & sans guerre (au moins qui soit d'importance) si est il tousiours aussi soigneux à preuenir tous dangers & inconueniens, que s'il auoit plusieurs batailles sur les bras, & de grands ennemis en teste, desquels il se d'eust garder, ou eust enuie d'assaillir & offencer, ainsi comme l'on peut voir en ce qui s'ensuit.

Car outre ce qu'il a en chasque Prouince vn President & Conseil de guerre ensemble vn Capitaine general & autres gens ordinaires de garnisons, pour leuer incontinēt des armées par mer & par terre, selō les occasions qui se peuent presenter. Il tient encore d'abondant en chasque ville des Capitaines & Soldats de garde, pour la deffence particuliere d'icelles, lesquels font le guet & la ronde, & posent sentinelle iour & nuict, comme s'ils auoient les ennemis à leurs portes: le tout avec vn grand soin & vn bel ordre militaire, au fait duquel ils ne cedent aucunement aux autres nations: combien qu'en courage & en vaillârise generalement parlant, il y en ayent quelques vnes qui les surpassent, au dire des soldats & Capitaines Espagnols qui ont esté en la mesme Chine, & en ont veu l'experience plusieurs fois.

Ils tiennent aux portes des villes leurs cōpagnies de gens de guerre, lesquels ne laissent entrer ne sortir personne sans le congé & passeport du Iuge de la ville, lequel passeport doit estre escrit en vn bulletin; & se ferment & ouurent lesdites portes de l'ordonnance & permission des Capitaines, lesquels l'enuoyent tous les iours mise par escrit dessus vn ais blanchi de plâtre, & parafée de leur main. En ces portes ils tiennent toute la force & deffense des villes, & y posent l'Artillerie, & ioignant icelles est ordinairement la maison & Arcenal, où elle se fait,

Quand ils ferment au soir lescdites portes, ils mettent vn papier collé dessus les iointures d'icelles, puis seellent & cachent ledit papier avec le cachet, que le Gouverneur ou le Iuge de la ville porte à son doigt, & à c'est effect y va en personne, ou autre pour luy, duquel il se fie beaucoup, & ne les peuuent ouurir du matin tant qu'ils ayent reconneu le mesme cachet, & qu'ils soyent bien asseurez qu'il est tel & en mesme estat qu'ils l'ont laissé le soir. Par ainsi si quelqu'un veut aller hors la ville, ou faire quelque voyage en diligence, il sort des le soir deuant qu'on ferme les portes, & va logger aux fauxbourgs, afin de pouuoir partir du matin, car de sortir alors de la ville il est impossible, à cause que lescdites portes s'ouurent tard, & ordinairement apres Soleil leué.

Ils n'vsent point de bastillons ny de fortresses, mais de grâs bouleuers & murailles garnies de greneaux & garités, où ils posent de nuict les sentinelles, lesquelles ils changent & remuent à leurs heures, allans tousiours les Officiers à leur rang & ordre aüec grand nombre de soldats faire la ronde & contreronde par toute la ville, & les bouleuers. Et sont ordinairement les Capitaines & natifs des Prouinces qu'on leur baille en garde, en consideration que l'amour de leur propre partie les obligera d'auantage de batailler pour icelle, & y exposer leur vie.

Et afin de tenir les villes en plus grand repos & tranquillité, il n'est permis à aucun de porter armes offesiues ny defensiues, fors excepté aux gens de guerre qui sont soudoyez du Roy, & ne leur est pas permis d'en auoir en leurs maisons, ny d'en porter sur les châps, par mer ou par terre. Outre tout cela le Roy tient en la ville de Taybin, dite autrement Suntien, qui est le lieu de sa residence, ensemble aux autres villes circonuoißines, vn grand ost de gens de pied & de cheual, duquel il se sert tant pour subuenir aux necessitez, qui peuuent en tels lieux s'offrir: que pour la garde, seureté, & maiesté de sa personne.

Les soldats de cedit Royaume sont de deux sortes & manieres: les vns s'ont nez & natifs des villes, à la garde desquelles ils sont establis: & ceux là en leur langues s'appellent. *Ch.* Ils succedent à ceste place de soldats de pere en fils, & s'ils viennent à mourir sans heritier, le Roy y pourroit en leur lieu. Chacun d'eux à son nom escrit en vn creneau des murailles, auquel lieu il est obligé d'aller, s'il vient des ennemis à la ville. Les autres soldats sont estrangers, & sont or-

Donnez par mois ou années, & ce sont ceux qui sont ordinairement les sentinelles, & les monstres, & qui reçoivent & accompagnent les Capitaines, & en outre sont suiets d'aller aux expéditions çà & là, & par tout où on leur commande : & s'appellent, *Pon*, en leur langue.

Chaque compagnie de mille hommes à vn Capitaine & vn Portenseigne, & chaque centaine aussi vn autre Capitaine & Portenseigne, lesquels dependent des autres : & partant pour sçauoir le nombre de gens qu'il y a en vne tres-grande & grosse armée, on le peut voir facilement par les enseignes des milles, lesquelles sont fort conneuës. Chaque Capitaine tant des cens que des milles a vne maison bâtie sur la muraille, avec son nom y escrit, auquel lieu il est suiet de demeurer tant qu'il y a guerre. Les Capitaines sont exercer tous ces soldats chaque mois, voire mesme en temps de paix, & les accoustumens à sçauoir bien marcher en ordonnance, vne fois viste, vne autre fois le petit pas, tantost à marcher & à assaillir, tantost à desmarcher & se retirer, suyuant le signal du tabourin, ensemble à sçauoir bien tirer des armes dont ils vsent, qui sont ordinairement arquebuses, picques fortes, rondelles, malcus, baguettes ferrees, & d'autres faites comme vne demie lune, haches d'armes, dagues, & cuirasses.

Les gens de cheual allant combattre vsent de quatre espees penduës aux arçons, & cōbattēt de deux ensemble avec grande dextérité & gaillardise. Ils ont de coustume d'entrer en bataille estant enuironnez d'vnē grande suite de seruiteurs & domestiques à pied bien armez & equippez le plus brauement qu'il leur est possible. Ces gens de cheual sont rusez & experts au fait de la guerre aussi bien que lès hommes de pied, & avec ce qu'ils ont de la valeur pour assaillir & attendre leur ennemy, ils sçauēt vser d'abondāt de maint stratagemes, & se seruent de grandes machines & engins à feu, tant en guerre nauale, que sur terre, & principalement de certaines bouëttes de feu pleines d'aiguilles de fer, & de longues fleches faites de poudre à canon, avec quoy ils font vn tres-grand eschec & dommage à l'ennemy.

Les gens de cheual combattent avec des arcs & des fleches, & avec des lances, & des deux espees comme dit est, & aucun d'entreux ont des arquebuses. Ils ne manient pas bien les cheuaux, à cause qu'il ne leur mettent qu'vn fer au trauers de la bouche, qui leur sert de frein : & pour les faire

arrester ils les tient avec vne resne , en vsant de cris & de fouëts qui portent , à quoy ils ont bien de la peine. Leurs seelles ne sont pas bien faites & quant à eux tous ce sont gés armez à la legere, & hommes qui se tiennent mal à cheual.

Touchant les affaires de mer, le Roy y vse de mesme soin & prouoyance qu'il fait sur terre , & y a ordinairement grand nombre de sortes de nauires , lesquels avec leurs Generaux & Capitaines gardent fort soigneusement les costes de tout le Royaume. Ils payent leur gendarmerie tant de mer que de terre avec grande liberalité, & les soldats qui se montrent vaillans en faits d'armes sont bien entretenus, & remunerez à leur tour de belles & grandes recompenses.

Quand ces Chinois prennent quelque prisonnier en guerre, ils n'ont pas la coustume de le tuer , & n'vsent point de grande captiuité en son endroit , sinon qu'ils le font seruir de morte paye aux frontieres qui sont loin de son pais auquel lieu il est soudoyé du Roy comme les autres. Ces soldats là portent tous des bonnets rouges, pour estre distinguez & remarquez, d'autant qu'au reste de l'habillement ils ne sont point differens des Chinois. Les mesmes bonnets portent ceux qui sont condamnez pour quelques delits à seruir en quelque frontiere, ce qui se pratique fort, & pour ceste cause est porté par leurs sentēces , qu'ils sont condamnēz à porter des bonnets rouges.

CHAP. VI.

Suite, & continuation plus particuliere des gens de guerre, qu'il y a en toutes les quinze Prouinces dudit Royaume, & en chacune d'icelles, tant à pied comme à cheual.

NOVS venons de dire au chapitre precedent le grand soin & sollicitude qu'ont les Chinois à garder leurs villes, soit en temps de paix, ou en guerre, ensemble les preuentions dont ils vsent pour cest effect en parlant de tout le Royaume en general. Il reste maintenant de traiter en particulieres gens de guerre qu'entretient ordinairement tout ledit Royaume & chaque prouince endroit soy : d'où s'entendra facilement la grande estendue d'iceluy.

Ily a en chascque prouince en la ville capitale d'icelle, vn Conseil de guerre de quatre Conseillers & vn President, & sont tous natifs du païs, & bien experimentez aux armes ceux à qui touche le soïn & defense de telle Prouince. Ceux là sont appelez entre eux Capitaines, & pouruoient de tous Officiers, & munitions de guerre necessaires, lesquelles ils enuoient aux villes & autres lieu, où ils sçauent qu'il en est besoïn Et afin que rien ne defaille en ce faict, ceux du Conseil des finances ont charge & mandement de leur bail-
ler tout ce qui demanderont, incontinent & sans delay, Le nombre des soldats & gens de guerre qu'il y auoit en chascque Prouince, en l'ã 1477. quand le P. Martin de Herrades & ses Compagnons entererent en la Chine, ainsi que dit est, qui fust en vn temps de paix, & auquel ils n'auoient guerre contre personne, est tel ques'ensuit.

La prouince de Paguia, où le Roy est d'ordinaire, a deux millions cent cinquante mille hommes de pied, & quatre milles hommes de cheual La prouince de Canton a six vingt mille soldats de pied, & quarante mille de Cheual. La prouince de Poquien, cinquante huit mille & neuf cens soldats de pied, & vingt & deux mille quatre cens de cheual La prouince d'Olam soixante & seize mille de pied, & vingt cinq mille cinq cens de cheual. La prouince de Cinsay, quatre vingt milles & trois cens hommes de pied, & bien peu ou pas vn cheual à cause qu'elle est toute pleine de montagnes. La prouince d'Oquiam a six vingt mille six cens hommes de pied, & pas vn cheual non plus que l'autre, pour la mesme raison. La prouince de Sufuam, quatre vingt six mille hommes de pied, & trêre quatre mille cinq cês de cheual.

La prouince de Tolanchia, qui est celle qui confine avec les Tartares, avec lesquels ont eu guerre de tout tẽps les rois de la Chine, ainsi que dit est, a deux millions huit cens mille hommes de pied, & deux cent nonnante mille de cheual: qui sont les meilleurs de tout le Royaume, & les plus renommez d'iceluy, d'autant qu'ils sont nez & nourris en l'exercice des armes, & qu'ils les ont maniees maintes fois au passé lors qu'ils auoient guerre ordinaire contre les Tartares, qui sont leurs voisins. La prouince de Cansay a cinquante mille homme de pied, & vingt mille deux cens cinquante de cheual La prouince d'Aucheo, où ont esté les religieux susmentionnez, a quatre vingt six mille hommes de pied, & quarante huit mille de cheual. La prouince de

Houā, quarante quatre mille hommes de pied , & dixhuiſt mille neuf cens de cheual. La prouince de Quicheu, quarante huit mille ſept cens hommes de pied , & quinze mille trois cens de cheual. La prouince de Chequeam, trente quatre mille hommes de pied , & treize mille de cheual. La prouince de Sancij , qui eſt la moindre de toutes les autres, quarante mille hommes de pied , & ſix mille de cheual ſeulement.

Tous ces gens ſudits ſont tenus & obligez par accord ſur ce fait & paſſé en Court de ſe tenir en chaſque Prouince qui ſe fait facilement, tant à cauſe que le Roy les paye ſi bien & à poinct nommé comme dit eſt, que pource que chacun d'eux reſide ordinairement en ſon païs & maiſſons, iouyſſant de ſon patrimoine & autres bien, afin de ſucceder de pere en ſils à ceſte place de ſoldats : ſinon qu'en temps de guerre ils ſont ſuiers d'aller où il en eſt plus de neceſſité. Suyuant ce compte, il appert que les quinze Prouinces ſuſdites lesquelles meritoient mieux le nom du Royaume , en eſgard à leur eſtendue, contiennent cinq millions huit cens quarante ſix mille & cinq cens hommes de pied : & neuf cets quarante huit mille & trois cens cinquante de cheual : lequel nombre d'hommes, ſ'ils eſtoient eſgaulx en prouiſſe aux nations de l'Europe , ſeroient aſſez ſuffiſans pour conqueſter tout le monde. Mais combien qu'ils les ſurpaſſent en nombre , & les eſgalent en eſprit, ſi eſt ce qu'en courage & en vaillâriſe ils leur ſont inferieurs. Leurs cheuaux ſont propres à faire beaucoup de chemin , & ſon tous petits pour la plus part, toutesfois, on dit qu'au dedans du Royaume il y en a de grans, & de bien bons.

Ie ne touche point icy comme moyennant l'ayde de Dieu, & quelque trauail & induſtrie des Chreſtiens, on pourroit vaincre ceſte grande uiſſance; car ce n'en eſt pas icy le lieu avec ce que i'en ay deſia donné aduiſ à celui à qui ie ſuis obligé, ioint qu'il eſt mieux ſeant, & cōuenable à ceſte mienne profeſſion d'exhorter à la paix, que de prouoquer à la guerre, ſi ce n'eſtoit à ceſte guerre que ie voudrois voir volontiers, ſçauoir eſt avec la parole de Dieu, qui eſt le vray glauiue trenchant, lequel perce & penetre les cœurs d'outre en outre. Mais i'ay bonne cōfiance en la diuine Majeſté de voir ce que ie deſire, durant le treſheureux regne du Roy Philippe d'Eſpagne, lequel a deſia intenté ceſte entrepriſe avec grande ferueur de zele, & la pourſuyura touſiours de

bien en micux, tant qu'il viennent au bout de ses desseings dignes de sa valeur Catholique.

CHAP. VII.

De la loy que les Chinois ont entr'eux, par laquelle il ne leur est permis de faire guerre hors du Royaume, & de sortir d'iceluy, n'y de laisser entrer aucun estrangier sans le congé & permission du Roy.

Combien que beaucoup de chose qui se sont veües audit Royaume, monstrent & declarent assez la subtilité des habitans d'iceluy, ensemble la grande prudence & sagesse de laquelle ils se gouvernent: si est ce que telle qui le demostre plus clairement, c'est à mon aduis ceste ci qui le dira en ce chapitre, laquelle surpasse sans doute ceste prudence politique, qu'eurent les Grecs, Cartaginois, & Romains, dont nous font tant de mention les histoires anciennes & modernes, lesquels pour conquerir des terre estranges se font tant esloigner de leurs pays, qu'ils sont venus à les perdre.

Ceux dont de cedit Royaume estant deuenus sages par le mal d'autrui, & voyant par experience que la sortie de leur Royaume pour aller à nouvelles conquestes, leur consumoit beaucoup de gens de bien, outre la peine & le soin ordinaire de nourrir du bestial, qu'ils auoient en apres grand peur de perdre, & que pendant qu'ils alloient à ces conquestes, leurs ennemis les Tartares & autres Roys circouoïns les travailloient fort, & leur faisoient grand domage, & cōsiderant d'abōdant qu'ils auoient vn des meilleurs & plus grands Royaumes du monde tant en richesse qu'en fertilité & que pource qu'il estoit si grand & fertile en tant de choses, plusieurs nations faisoient leur profit avec eux, & eux n'auoyent à faire de personne, d'autant qu'ils auoient chez eux plus qu'en suffisance tout ce qui est necessaire à la vie humaine, sans auoir faute de rien, ils firent vne assemblee generale, où se trouuerent les Viceroyes & Gouverneurs des quinze Prouinces contenuës audit Royaume, ensemble les autres chefs & principaux d'icelles, & là parlementerent entr'eux de remedier à ce domage par la meilleure voye qui seroit possible, & au mesme lieu apres auoir pensé à cest affaire avec grande & meure deliberation, & sur ce

pris les voix & aduis de tous en general & de chascun d'eux en particulier, eux tous de commun consentement, sçachant bien que pour leur aise & repos il estoit besoing de quitter tout ce qu'ils auoyent conquis hors du Royaume & principalement ce qui estoit loing d'iceluy, & de là en auant ne faire guerre en aucune part, attendu le dommage euident qui s'en estoit ensuiuy avec vn profit incertain : se conformerent ensemblement, & d'un mesme accord supplierent le Roy regnant pour lors, de mander & commander à tous ceux de son royaume estans aux lieux & pays circonuoisins lesquels auoyent esté mis dessous son obeissance, qu'ils eussent à vuidier & se retirer incontinent : luy donnant à entendre que par ce moyen il en deuiendroit plus grand seigneur & plus opulent, & qu'il se verroit en plus grand repos & seureté de sa personne qu'il n'estoit pas.

Ledit Roy voyant la petition & requeste des suiets de son royaume, & estant bien assuré que c'estoit son bien de suivre le conseil qu'ils lui donnoient, le mit incontinent à effect, mandant sur grandes peines à tous ses suiets & vassaux estans en pais estranges, qu'il eussent à vuidier dans vn certain temps, & reuenir chascun deux à leurs maisons, en semble aux Gouverneurs y establis & ordonnez à delaisser & abandonner en son nom la possession & iouissance desdits pais & contrees, fors & excepté aux lieux où les habitas le voulurent reconnoistre de leur plein gré, & luy donner quelque tribut en signe de vasselage, ou alliance, comme font pour le iourd'huy les Lechiens, & quelques autres. Si establit incontinent ceste loy & ordonnance, qui est gardée inuiolablement pour le iourd'huy, par laquelle il statua & ordonna.

Premierement qu'aucun sur peine de la vie ne fist ny commençast guerre en aucun lieu, sans le congé exprés de luy ou de son conseil, & sur peine : qu'aucun sien suiet ne nauiguast hors du Royaume sans ledit congé & que pour aller trafiquer en marchandise, on baillast caution de reuenir au terme qui seroit prefix sur peine d'estre banny & desnaturalisé dudit Royaume. Pareillement qu'aucun estranger n'entraist par mer ne par terre en iceluy, sans expresse permission du Roy, ou des Gouverneurs des ports & autres lieux où il arriueroit, & que ceste permission ne fust de par eux donnée qu'avec grâde consideration & l'aduertissans premierement, Laquelle loy ayât esté gardée si inuiolablement des vns & des autres, a esté cause que ledit Royaume, non

obstant la grandeur & estenduë d'iceluy, n'a esté connu de claire euidence que depuis peu de temps en çà.

Tout ce que dessus appert estre vray & veritable, d'autant qu'il se trouue ainsi tant en leurs Histoires que par les routes qu'ils tiennent de tout temps entr'eux pour nauiger: par lesquelles on voit clairement que les Chinois sont paruenus avec leurs nauires iusques aux Indes, ayant conque-
sté toute ceste estenduë de pais, qu'il y a depuis la Chine iusques au fin bout d'icelle, dont ils demeurent paisibles possesseurs, iusques à ce que suiuant l'ordonnance susdite s'en fit le delaisement volontaire. Aussi y a il encore pour le iourd'huy vne grande souuenance d'iceux, & aux isles Philippines, & en la costé de Oaromandel, qui est en la contre-
costé du Royaume de Narsingue, du costé de la mer de Cengalo, où il y a vn lieu nommé à présent: *Le bourg des Chinois*, pour auoir esté de par eux basti.

Il y a pareille souuenance d'eux au Royaume de Calicut, auquel lieu se void grãde quãtité d'arbres & de fruiçts, lesquels à ce que disent les naturels, y ont esté portez par les Chinois lors qu'ils furent seigneurs de celle terre. On dit aussi qu'ils possederent en ce mesme temps les royaumes de Malata, Syan & Chapaa, & autres circonuoisins: & mesmes on croit qu'ils ont possédé les Isles du Japon, ce qui se collige tant par plusieurs marques de la Chine, qu'on voit en icelles pour le iourd'huy, que par les habitans & originaires du lieu, lesquels sont fort Chinoisés, & conformez aux fa-
çons de faire lesdits Chinois, avec ce qu'ils ont entr'eux beaucoup de choses particulieres, qui le donnent bien à entendre, & mesme quelque loix & coustumes, semblables à celles qu'on garde audit Royaume de la Chine.

Pour le iourd'huy les Gouverneurs des ports de mer, dispensent quelques fois de sortir nonobstant ladite loy, & ce par le moyen de quelques presens que leur font les Marchans ausquels, ils donnent congé secrettement d'aller trafiquer aux Royaumes & Isles circonuoisins comme aux Philippines & ailleurs, où arriuent tous les ans plusieurs nauires chargez de marchandises de grand prix, lesquelles ils transportent desia à grand' quantité en Espagne, & à autres parts & endroits, où ils sçauent qu'il y a à gagner. Tellemẽt que l'auarice, & le lucre les a desia portez iusques à Mexique, auquel lieu arriuerent en l'annee, 1581. trois marchans Chinois avec des choses fort curieuses, lesquels sans y arre-

ster aucunement passerent iusques en Espagne, & allerent encore plus outre à d'autre Royaumes plus lointains. Toutes fois ils n'ont iamais ledit congé sans auoir préalablement baillé caution de retourner au pays dedans vn an.

Ce congé est aussi donné par les susdits Iuges & Gouverneurs à quelques forains, & estrangers, moyennant les mesmes presens qu'on leur fait pour entrer aux ports, & y vendre & acheter quelques marchandises, les examinant & interrogrant premierement avec grand soing & aduis que c'est seulement pour ce fait qu'ils requierent l'entree, & en outre leur octroyant ledit congé à condition, qu'ils n'iront point par les villes, & ne seiourneront en icelles, pour voir leurs choses secrettres. Et est ce congé baillé par escrit sur vn ais, plastré, lesquels il portēt & erigent en la prouë de leurs vaisseaux, quand ils vont furgir a quelque port, afin que les Gardes du lieu ne leur facent point de tort, mais les laissent entrer, & leurs permettēt d'y vendre & acheter, en payant les droits ordinaires à leur Roy.

En chaque port y a vn Greffier commis de la part des Gouverneurs, lequel met par memoire l'heure, & le iour que chaque nauire est entrée: avec ordonnance & reglement à chacune d'icelles, soit naturelle où estrangere, comme elles doyuent charger selon leur rum & entrée au port, ce qui se garde inuiolablement. Qui est cause que combien qu'il arriue souuent de voir en vn port deux mille vaisseaux tant grans que petits, toutesfois il se chargent & se despeschent si legerement & avec aussi peu de bruit, que s'il n'y en auoit qu'un seul. Par le moyen de telle permission qu'on obtient ainsi par presens & argent, les Portugais des Indes ont trafiqué à Canton qui est vne prouince dudit Royaume, & à d'autres endroits d'iceluy, comme il s'est sceu tāt d'eux mesmes, que des Chinois.

C H A P. VIII.

*Du Conseil Royal, Esq de l'ordre que tient le Roy,
pour sçauoir chaque mois ce qui se passe
en son Royaume.*

CE Roy a en la ville de Taybin, où il reside, vn Conseil Royal de douze Auditeurs & d'un President, hommes tirez & choisis par tout le Royaume, & experimētez à gouverner par long trait de temps. D'estre receu à ce Conseil, c'est la plus grande dignité où peut paruenir vn homme,

d'autant que comme nous auons dit, il n'y a en tout le Royaume aucun Prince, Duc, Marquis, Comte, ni Seigneur que le Roy seul, & le Prince son fils, sinon que les Auditeurs de ce conseil, & les Gouverneurs des Prouinces, lesquels sont prouenus par iceluy, sont supposez au lieu & place de tels personages, estans respectez & honorez tout le temps de leur charge, à la mesme façon & maniere qu'ont coustume de l'estre les Princes & Seigneurs aux lieux & endroits, où on vse de tels tiltres.

Pour estre de ce conseil, outre ce qu'ils doiuent estre tres doctes en la Philosophie morale & naturelle, & bien verséz aux loix du Royaume, & Graduez en icelles, il est requi d'auantage qu'ils soient grâs Astrologues & Iudiciaires pource qu'ils disent, que quiconque doit estre de ce conseil souverain, par lequel se regissent toutes les quinze Prouinces du Royaume, il faut qu'il sçache tout ce que dessus, & s'entende à pronostiquer les temps & les choses futures, afin qu'il puisse bien pouruoir aux necessitez à venir. Ces douze Auditeurs tiennent le conseil d'ordinaire au Palais du Roy, pour lequel y a yne sale fort richement accoustree, & en icelle treize Sieges, six d'or & six d'argent: les vns & les autres de tres-grand prix, & curicusement elaborez: toutes fois celuy qui fait le treiziesme est beaucoup plus riche que les autres, à cause de plusieurs pierres precieuses de grande valeur lesquelles sont enchassées dans ledit siege, qui est tout d'or.

Ce siege est au milieu des douze, sous vn dars de troile d'or, auquel sont brodees les Armoiries du Roy, qui sont des Sepens tissus avec vn fil d'or. Là se sied le president, si d'aduenture le Roy ne se trouue pas au Conseil, s'il s'y trouue ce qui aduiert bien peu souuent, & est comme vn grand miracle, il s'assied au premier siege de la main droite, ou sont les six sieges d'or, & apres luy tant aux autres d'or qu'en ceux d'argent, ils s'assient entr'eux, chascun à son rang d'ancienneté, suyuant lequel ils succedent audits sieges les vns aux autres. De maniere que si le President viert à mourir, c'est au plus ancien Auditeur apres luy à presider, & à la place monte celuy du cinquiesme siege d'or, & celuy du quatriesme monte au cinquiesme, & ainsi consequemment les autres; passant le plus ancien du costé gauche, ou sont les sieges d'argent, au dernier siege de ceux d'or, lequel il laisse par apres, suyuant le rang que nous auons dit.

A ce rang de promotion chacun d'iceux peut monter, quand vient à mourir l'Auditeur, qui estoit immediatement deuant, sans qu'il soit de besoing pour ce de demander de nouveau le consentement du Roy, ni du President. Mais quand vn siege vient à vaquer lesdits Auditeurs & President y vont par election, & celui qui a le plus de voix, (ce qui se fait par grande equité & droiture, & se donne tousiours pour le merite & suffisance) s'il est absent & gouuernant quelque Prouince, ils l'enuoient querir, & s'il est present sur le lieu, ils le menent deuant le Roy, auquel ils rendent compte de l'election par eux faite, estant par apres en son vouloir de confirmer tel designé, ou bien de le reprouuer, ce qui n'aduient point.

Lors le mesme Roy luy fait faire entre ses mains vn serment tressolennel à leur mode, comme direst, c'est à sçauoir, *Qu'il fera droit & bonne iustice à chacun selon les loix du Royaume : Et que tant en ce fait comme en la nomination des Gouverneurs, ou Viceroyz, ou autres Iuges, ils ne se lairra point conduire par passion ou affection, Et qu'il ne receura aucuns presents, ny par luy, ny par tierce personne, Et plusieurs autres choses semblables : Et sur tous qu'il ne fera point consentant ny participant de trahison qui se pourroit faire contre le Roy en quelque temps que ce soit : mais au contredire, que s'il en sçait ou entend quelque chose directement ou indirectement, il aduerrira incontinent le Roy Et son Conseil de ce qu'il aura sçeu ou entendu : s'efforçant tousiours de tout son pouuoir à entretenir la paix du Royaume, & la bonne santé Et prosperité du Roy.*

Ce serment & hommage ainsi par luy fait, ils le menent au siege vaquant de la main gauche, & le mettent en possession avec grande solennité : apres laquelle se luyuent de grandes festes & resiouissances enmy la ville, par l'espace de quelques iours, tant par ceux du Conseil, comme par les bourgeois & Courtisans laissant les marchâs leur trafic & les artisans, leur mestiers pendant ce tēps. Il n'y a que le President de ce Conseil qui parle au Roy, quand il est besoing, ou s'il viē à estre malade, c'est le plus ancien Auditeur des sieges d'or : & parlent à luy le plus souuent à genoux, & sans leuer les yeux de terre, encore que le pout parler dure deux heures. Autant en fait on à l'endroit dudit President ou Auditeur, d'autāt que les Viceroyz, & Gouverneurs du Royaume, ensēble tous les autres Iusticiers & Capitaines parlent à luy de la mesme sorte tous à genoux, & tenant la veue en bas.

quelque excez, sans en consulter le Roy ny le conseil; en prenant seulement l'avis du Thresorier de sa Majesté, & du Maistre de Camp, qui sont deux personnes de tres-grande autorité, lesquels doiuent estre conformes tous deux en opinion: autrement & à faute de ce ne se peut faire aucune iustice.

CHAP. IX.

Des officiers Es^z Presidents, que le Roy de la Chine tient par les Prouinces, ensemble de l'ordre que tiennent lesdits Officiers au fait du gouvernement.

La esté desia dit par cy deuant comme les deux Prouinces de Pagua & Tolanchia sont gouvernees par le grand Conseil du Roy, moyennant les Officiers qu'on y enuoye: & les treize autres Prouinces du Royaume ont chacune à par soy & pour leur gouvernement vn Viceroy, ou Gouverneur, qu'ils appellent *Insuanto*, lequel fait tousiours sa residence en la ville Metropolitaine, de laquelle ordinairement la Prouince porte le nom. Et combien que les officiers du Roy, & gens de Iustice dudit Royaume, de quelque sorte & qualité qu'ils puissent estre, s'appellent tous generalement en leur langue de nom ici *Loyrias*: si est ce que chacun d'eux a vn nom particulier selon l'office qu'il exerce, dont ie parleray en ce chapitre, en les mettant tous par leurs noms, pource qu'il me semble que ce ne fera point chose mal à propos.

Le Viceroy, qui est le souverain magistrat en chaque Prouince, & qui represente la personne du Roy, s'appelle en langue *Comon*. Le second en dignité est le Gouverneur de toute la Prouince, & s'appelle *Insuanto*, comme dit est & tiét vn peu moins de majesté que le Viceroy. Le Correcteur qui reside en chaque ville, ou il n'y a ni Viceroy ni Gouverneur, s'appelle *Tutan*: & ce Correcteur va auec les choses d'importance de chaque ville vers l'*Insuanto*, & cestuy-là deuers le *Comon* ou Viceroy, lequel a la charge d'enuoyer au Roy & à son cōseil royal le courrier, duquel nous auons parlé au chapitre precedent. Le troisieme s'appelle *Ponchasi*, & est comme le President du conseil des finances, ayant des Auditeurs & vn conseil complet & formé, 85

beaucoup d'Officiers sous luy, comme Alguazils, qui seruent à leuer le reuenue du Roy en chaque Prouince, lequel reuenue est porté par ledit Ponchasi au Tutan, apres auoir payé les gages, & frais ordinaires, & extraordinaires de tous les Officiers royaux qu'il y a en sa Prouince. Le quatriesme est le *Tosac*, qui est le Capitaine general de toute la Gendarmerie qu'il y a en chaque Prouince, tant à pied comme à cheual.

Le cinquiesme est l'*Anchaf*, qui est le President de la Iustice ciuile & criminelle, laquelle avec ses Auditeurs voir & decide tous procez & differens, qui viennent à luy par appel des autres Iuges de la Prouince. Le sixiesme est l'*Ayao*, qui est le Pouruoueur general, & le President du Conseil de guerre, lequel a la charge de leuer des gens, quand il en est de besoin, & d'apprester des nauires, & munitions pour les armées de mer, & exercites de terre, ensemble pour les garnisons ordinaires des villes & frontieres. A luy est enioint & recommandé d'examiner les estrangers qui arriuent à sa Prouince, & sçauoir d'eux d'où ils sont: & pourquoy ils viennent, & autres choses en tel cas requises, pour donner aduis de tout au Viceroy. Ces six charges sont de tresgrande autorité, & ceux qui les exercent tenus en grandhonneur & reparation: & à chacun d'eux en son conseil dix Auditeurs, tous gens d'élite, & choisis avec grand soin & prudence, lesquels luy assistent & aydent en l'expedition des affaires.

Quand ils sont en la sale, ou ils tiennent le conseil, ce qui se fait en l'hostel du Viceroy, dās lequel il y a aussi pour chaque conseil vne sale particuliere, cinq d'iceux s'asseyent au costé droit du President, les cinq autres au costé gauche. Ceux du costé droit sont plus anciens, & de plus grāde preeminence que ceux de l'autre &, en outre sont differens d'avec eux en ce qu'ils portent de riches ceintures garnies d'or & des Chapeaux de couleur pāle; & les autres portent des ceintures d'argent & des chapeaux bleus, & tant l'une & l'autre sorte de ceintures, que l'une & l'autre façon de chapeaux est vne chose qui est seulement permise aux Auditeurs, & priuatiuement à tous autres: lesquels Auditeurs, ensemble les Presidents portent en la poitrine & aux espaules sur leurs robes les armoiries du Roy brodées d'or, sans lesquelles ils ne peuuent sortir en lieu, où ils soient veus, ny faire aucun acte public en quelque sorte que se soit; & s'ils le vouloient attenter, outre qu'il ne seroient pas obeys, ils seroient enco-

re punis rigoureusement au temps de la Visite generale. Si vn President vient à mourir en l'un des Conseils susdits, le plus ancien Auditeur succede en son lieu & place : gardant en cela & en autres choses le rang & ordre que i'ay dit au chapitre precedent, où il est parlé du conseil royal.

Ces Iuges susdits & mentionnez ont tous entr'eux vne grande & louable vertu morale, c'est à sçauoir qu'ils sont fort patiens à ouyr & escouter, encore qu'on leur die quelque chose par colere, ou avec grand bruit, & confusion de voix : & est telle vertu de patience la premiere chose qu'on leur apprend & enseigne ordinairement aux Estudes. Outre ce ils sont merueilleusement bien appris, & gracieux en leur parler, mesmes à l'endroit de ceux qu'ils condamnent en iustice. S'il faut d'auanture aller visiter quelque endroit de la Prouince, ou faire quelque enqueste & informatiõ d'importance, c'est tousiours vn des Auditeurs qui y va en commission de l'autorité de tout le Conseil.

Outre ces six Iuges susnommez, il y en a d'autres inferieurs & subalternes, lesquels outre ce qu'ils sont fort respectez, comme le sont par tout le Royaume les Officiers de iustice, se font encore adorer par maniere de dire de leurs inferieurs & sujets, en les traittant tyranniquement, nonobstant leur bonne nature, & patience susmentionnee : qui est la plainte & clameur ordinaire de tout le commun. Ces Iuges inferieurs sont le *Cantor*, qui est le grand Gonfalonier, & Portenseigne : le *Pothin*, qui est le second Thresorier : le *Pochinfi*, qui tient le sceël du roy : le *Auzarxi*, qui est le grand Alcalde, & cõme le Maire ou les preuost de la ville. Il y en a aussi trois, qui sont cõme les Alcaldes de court en Espagne, nommez en leur langue *Huytay*, *Txia*, & *Tontay* lesquels vne fois la semaine donnent audience en leurs maisons, & quãd il est temps d'ouuir les portes, ils font lascher quatre petites pieces de canon pour faire à sçauoir à tous qu'ils se vont mettre en leurs sieges, où ils escoutent tous ceux qui leur vont demander iustice. Et s'ils en trouuent quelqu'un de delinquant, ils l'enuoient avec vn *Alguazil*, car chaque Alcalde en a dix ou douze, par deuers les Alcaldes ordinaires de la ville, (lesquels s'appellent *Zompau*, & sont departis & ordonnez par chaque quartier) avec vn cartel escrit, où est notée la punition qu'on doit faire du delinquant.

Chacun de ces Alcaldes ordinaires a mille voisins lours

sa charge, & ne s'estend leur iurisdiction hors de leur quartier, & ne peut aucun estre Alcade du quartier où est assise la maison. Chacun d'eux va de nuit faire le tour par son quartier, & met ordre que chacun se tienne coy en sa maison, & qu'on esteigne les lumieres de bonne heure, pour euitier le danger du feu, qui y est aduenü tres-grand & fort souvent, à cause des maisons qui sont serrees fort près à près & comme collées les vnes avec les autres, ayant toutes le haut fait de bois, à la mode de celles de Biscaye. Celuy qu'ils trouuent avec de la lumiere à heure induë, est puny rigoureusement. Il y a appel d'eux aux Alcades de Cour, mais non pas des autres, & va cest appel iusques au Visiteur general, qui vient ordinairement, comme il se dira cy apres, lequel repare les torts & griefs qui ont esté commis par eux tous, & pour ceste occasion il s'appelle en leur linge, *Hondim*, qui est autant à dire comme le réparateur du mal: & est ce. Iugé là respecté par dessus tous.

Outré les susdits il y a encore d'autres Officiers particuliers, comme le *Tempo*, qui pouruoit aux viures, & met le raux sur iceux. Le *Tibuc*, qui appréhende & punit les faïneans & vagabonds, Le *Quinche*, qui est comme le grand Alguazil: & le *Chomcan*, qui est l'Alcayde de la prison, officier dont ils font grand cas, à cause de la prerogative qu'il a de parler debout aux Iuges apres s'estre agenouillé deuant eux en entrant, car tous les autres parlent, à eux à genoux.

Quand ces Gouverneurs, ou Iusticiers vont nouvellement aux Prôvinces & aux villes, auxquelles ils sont deleguez par le grand Conseil, ils enuoyent deux ou trois iours deuant leu Lettres de prouision, lesquelles, estant veües par ceux du lieu, on y obeit incontinent, & pour ce faire toute la Gendarmerie sort dehors pour les recevoir avec leurs bannières & enseignes, & vont aussi quand & eux toutes les autres Loyrias & Officiers, menant grande feste & allegresse. A ces iours de reception ils tapissent les ruës de beaux draps de soye, & de toiles, avec des iôchées de ramcaux & de fleurs, & yôt accôpagner les Magistrats iusques au logis où ils doiuent loger, avec vne belle musiq de plusieurs sortes d'instrumens.

Par dessus toutes ces dignitez & offices il y en a vn qui s'appelle *Quinchay*, c'est à dire en leur langue. Seel d'or. Cestuy-là ne part iamais de la Cour, que pour quelque grand affaire d'importance, cornant la paix & tranquillité de tout le Royaume. La forme qu'ils tiennēt à pouruoir ces

dirz, & telles autres choses d'Estat & police: tout cela se declarera au chapitre qui s'ensuit.

C H A P. X.

*Suite Es continuation des Officiers du Roy de la Chine,
ensemble de la forme Es maniere qu'ils tiennent
au fait de Iustice, Es de
la Police.*

LEs estats & offices, desquels nous auons parlé au chapitre precedent, sont tous pourueus de par le Roy, avec l'aduis de son Conseil: auquel lieu se traite plus particulièrement des qualitez & parties de la personne qu'on veut pouruoir, ainsi que dit est. Toutesfois la principale chose & à laquelle ils regardent le plus, c'est que le Viceroy, Gouverneur ou Auditeur ne soit point natif du lieu où il va pourueu: afin d'euiter les dangers & inconueniens lesquels pourroient aduenir de l'amitié des parens, ou malueillances des ennemis, & empescheroient par ce moyen la bonne execution de iustice.

Ceux qui vont à l'exercice desdits estats, depuis qu'ils sortent de la Cour, où ils sont pourueus, tout iusques à la Province ou à la ville à laquelle ils vont estre Iuges, ne despensent rien qui soit du leur, pource que par tous les lieux le Roy a des officiers & des maisons affectees, où ils sont logez & seruis: & au mesme lieu leur est baillé tout ce qui leur est nécessaire, iusques à les fournir de montures pour eux & pour ceux de leur compagnie, ou bien de bateaux, si le chemin se doit faire par eau, sans qu'ils en payent aucune chose. Aussi est prefix & ordonné le viure qu'on leur doit bailler conformément à la qualité de leur personne, & à l'office qu'ils ont alors qu'ils arriuent ausdits hostels.

Par tout où ils passent, on leur demande s'ils veulent auoir leurs droits en viures, ou en argent: & s'ils ont d'auanture quelques parens ou amis qui les conuient chez eux, ils ont leurs droits en argent, & est tel argent pour eux: Or de toutes ces choses comme aussi des lits & tables, ensemble des autres meubles & vtenfilles necessaires pour la garniture desdits logis, c'est le Ponchasi, qui est cōme nous auons dit, le President du Conseil des finances, qui en a la charge particuliere, de l'ordonnance du Roy & de son grand Conseil.

Quand ils arriuent à la ville à laquelle ils vont estre Iuges ou Gouverneurs, après qu'on les a recens avec la ioye & allegresse que nous auons dite au chapitre precedent, on les loge dans l'hostel du Roy, auquel lieu leur sont baillez des seruiteurs pour le seruice de leur personne, & vn grãd nombre d'officiers pour l'execution de iustice, lesquels demeurent tous au mesme hostel, comme sont Alguazils, Greffiers & plusieurs autres menus Officiers.

Le Roy leur donne à tous des gages & salaires suffisans, par ce qu'il est deffendu sur tresgrandes peines à tous plaidans de ne donner aucuns presens, ou droits de Iustice : & encore plus estroitement prohibé aux Iuges de ne rien prendre. Aussi pour obuier à tels inconueniens, l'vne des ordonnances que leur fait le grand Conseil quand il les enuoye, est qu'ils ne permettront à aucun agent ou plaidant de les aller voir en leur logis, & qu'ils ne pourront prononcer aucun acte iudiciaire qu'en plaine audience, & en public, & leurs Officiers presens, lequel acte se fera de telle sorte : que tous ceux qui sont en la salle le pourront ouir ; ce qui se fait en ceste forme.

Le Iuge s'estant mis au siege, les Huissiers s'en vont à l'entree de la Sale, lesquels nomment à haute voix la personne qui vient pour auoir iustice, & disent aussi ce qu'elle demande. Le suppliant entre, & incontinent se met à genoux vn peu loin du Iuge, puis au mesme lieu propose ce qu'il demande, & ce de bouche & à haute voix, comme les Huissiers, ou bien par escrit. Si la demande est par escrit vn des Greffiers la prend & la lit deuant le Iuge, lequel l'ayant entendu, ordonne sur le champ ce qui luy semble estre de iustice, en marquant la demande de sa propre main avec de l'encre rouge, & mandant par icelle ce qu'il veut & entend estre fait.

Les Iuges sont tenus & obligez par expres cōmandement du Roy d'aller tenir l'audience à ieun, & sans boire goutte de vin : & est vne coustume si inuiolable entr'eux, que celuy qui iroit à l'encontre seroit puny rigoureusement. Et eombien que par forme de medecine il leur soit permis de desseuer deuant que d'aller tenir l'audiece avec quelque cōseue ou chose semblable, il leur est toutesfois deffendu de boire du vin, si peu que ce soit, & pour quelque indispositiō ou maladie tant griesue soit elle, qui leur puisse venir : n'en a pour moindre faute de faillir à tenir l'audiece, que de la re-

nir en apres auoir beu & mangé. Au moyen de ceste forme de iustice, qui se garde ainsi si regidement en public, il est impossible à vn officier de se laisser corrompre, sans que le sçache quelqu'un de ses compagnons d'office, & comme on vse de telle rigueur aux residences, cela est cause que chacun se garde de son Colleague, comme d'un aduersaire & ennemy capital en ce fait.

Ils sont fort exacts entr'eux, tant les Greffiers & Alguazils, comme les autres Officiers à executer de point en point ce qu'on leur commande: & si quelqu'un faut en ce qui est de la charge, on luy met tour à l'heure vne petite bannerole en la main, & le fait on mettre à genoux, demeurant ainsi avec ceste marque tant que l'audience se leue. Et lors le Iuge commande aux bourreaux qui sont là presens, de fustiger le delinquant, & luy fait donner autant de coups que semble meriter sa faute: laquelle chose n'est pas autrement tenuë ignominieuse entr'eux, pource qu'elle est fort fréquentë & ordinaire.

Quand l'un de ses Iuges se va pourmener par la ville (ce qu'ils ne font guere souuent, afin de conseruer leur autorité) il est accompagné des officiers de Iustice en tel rang & ordre: que les deux premiers vont avec des masses d'argent, faites en guise de celles que portent à Rome les bedeaux des Cardinaux; & sont telles masses grandes & longues, & pour donner à entendre qu'ils sont Officiers du Roy. Les deux d'apres portent chacun en la main vn Roseau, qui est haut & droit: pour monstrier qu'ils doiuent faire droite iustice, & que telle la fera le Iuge qui passe par là. Les deux autres qui les suivent ont aussi des roseaux comme eux, mais ils les trainent à terre avec de longues ceintures rouges, où il y a des houpes au bout, qui sont les instrumens avec lesquels ils battent & fustigent les delinquans. Apres ceux là suivent encore deux autres lesquels portent des petits tablons faits en maniere de rondelles blanches, où est inscrit le nom du Iuge, ensemble l'office & la qualité d'iceluy: puis tous les autres qui sont en grand nombre luy font compagnie par honneur.

Les premiers, que nous auons dit qu'ils portent des masses, vont criant à haute voix, & aduertissant le peuple de se ranger & faire large emmy la rue, afin que le Iuge passe: à quoy on obeit à l'instant & avec grand bruit & émotion, pource qu'on sçait bien par experience, que si quelqu'un y

faillloit, il en seroit puni sur le champ, en la rue mesme, & sans aucune remission. De maniere qu'on leur porte vn si grand respect, qu'il n'eust loisible à aucun de quelque qualité ou condition qu'il soit, quand ils approchent pres de luy, de se bouger, ny traueser par la rue (pourueu que ce ne soit point vn Iuge superieur, car alors le Iuge subalterne & inferieur vse de mesme respect en son endroit) & si quelqu'un y contreuient, il en est incontinent puny au mesme lieu.

En tous procez, tant en matiere ciuile que criminelle, les Iuges procedent tousiours par escrit, & font leurs Actes, & examinent les tesmoins publiquement en la presence des Officiers, de peur qu'ils n'vsent en leur endroit de quelque cautele ou fausseté, en les interroguant sur ce qui n'est pas besoing de leur demander, ou en escriuant ce qu'ils ne déposent pas. Ils examinent particulièrement & à par chaque tesmoing; & s'ils se contredisent en leurs despositions, ils les recolent & confrontent tous, & les interroguent les vns les autres, tant qu'ils viennent à alterquer ensemblement, afin que par les raisons qu'ils alleguent la verité en soit mieux connuë Et quand ils ne la peuuent tirer clairement par ce moyen, ils leur baillent la gesne pour les faire confesser, fors & excepté aux personnes de qualité qu'ils tiennent pour gens veritables, auxquels ils adioustent foy sans la gesne.

Aux affaires de grande importance, & qui touchent de grands personages, les Iuges ne se fient pas aux Greffier pour escrire les informations, mais eux mesmes escriuent de leur propre main tous les actes, regardant vne & plusieurs fois ce que déposent les tesmoins, laquelle diligence est cause qu'il y en a bien peu souuent qui se plaignent d'auoir receu aucun grief de leurs Iuges: qui est vne grande vertu, & laquelle meriteroit bien d'estre imitée de tous ceux qui sont en estat de Indicature, pour obuier à maints inconueniens qui arriuent, faute d'estre aussi soigneux que ces Gentils; lesquels avec ce qu'ils font bonne droite iustice à tous esgalement sans acception de personnes vsent encore de quelques preuentions à cest effect, & de plusieurs autres choses qui sont dignes d'estre imitees.

Premierement ces Iuges là par tous les endroits de leur iurisdiction comptent les maisons qu'il y a en chaque lieu, & les mettent dix à dix en des tableaux, lesquels sont pendus à chaque maison qui fait la derniere de la dizaine: & là

sont apposez les noms de dix habitans & voisins, avec vne ordonnance & commandement, par lequel il est enioint à tous en general, & à chascun d'eux en particulier, que si tost qu'ils entendront que quelqu'un d'entreux aura fait quelque chose contre soy mesme, ou contre vn autre, qui soit au preiudice de la republique ou du voisinage, ils iront incontinent le denoncer à iustice, afin que le delit soit puny, & que la punition serue d'amendement au delinquant, & d'exemple aux autres, & qu'a faute de ce quiconque n'ira point le declarer, sera contraint de subir la peine que le delinquant deuoit endurer, comme s'il auoit fait la faute luy mesme. Cela est cause entreux qu'un voisin esclaire l'autre, & qu'il est soigneux de voir comme il vit : ce qui les fait tenir le plus du temps sur leurs gardes de peur qu'ils ne soyent accusez, ou que leurs ennemis ne se vengent d'eux, si d'aduerture ils les ont accusez auparauant.

Quand l'un de ces dix voisins veut changer de rue, ou aller demeurer à vne autre ville, ou faire quelque lōg voyage : il est tenu de sonner vne clochette, ou bien vn bassin de cuyure par toute la dizaine & le quartier, dix iours deuant qu'il s'en voise, & aduertir tous les voisins cōme il est prest de s'en aller, & en quel endroit il va, afin que s'il doit de l'argent, ou si on luy a presté quelque chose, on luy aille demander deuant son départ, & que par ce moyen personne n'y perde. Que si d'aduerture vn tel s'en va sans auoir fait preallablement ceste diligence, les Iuges contraignent les autres voisins de la dizaine desnommez audit tableau de payer pour luy ce qu'il doit, à faute d'auoir fait à sçauoir son deslogement, & auoir aduertir les creanciers, ou la iustice.

Ceux qui doiuent, & ne veulent point payer, la dette estant veriffiee : on les execute en leurs biens & s'il n'en ont point, on les fait mettre en ptison : leur donnant vn certain terme dans lequel ils doiuent payer, si le dit terme escheu ils n'ont payé, ou autrement deuēment contenté le creancier, ils sont fustigez pour la premiere fois moderément, & leur est prefix vn second terme, lequel s'ils laissent passer sans satisfaire, ils sont fustigez pour la seconde fois plus asprement que la premiere, & par mesme moyen attermoyez pour la troisieme fois, à quoy s'ils sont faute, on procede à l'encontre d'eux cōme deuant, & sont fustigiez si cruellement qu'on les eternit de coups. Qui est cause que cha-

qu'un d'eux est soigneux de payer ce qu'il doit, ou qu'il recherche ses parens, pour luy aider à s'aquiter, ou bien qu'il se donne pour esclave au creancier, de peur de souffrir le tourment de la prison, ou la peine du fouet qui est cruelle & insupportable.

Ces mesmes Iuges vsent de deux sortes de gesne pour scauoir la verité, quand il ne la peuuent tirer autrement ny d'admitié ny de ruse: ce qu'ils taschent toutesfois premierement par tous moyens à eux possibles. L'une de ces sortes de gesne donnee aux pieds, & l'autre aux mains: & sont toutes deux si terribles, que c'est grande merueille si aucun le peut endurer sans confesser ce que le Iuge pretend scauoir. Et ne se dōne iamais ne l'une ne l'autre sans information precedente, à tout le moins semipleine, ou qu'il n'y aye tant d'indices & de coniectures, que cela serue de suffisante information pour le fait.

La gesne des mains se donne avec deux bastons gros, comme deux doigts, & longs d'un espan, & sont tous ronds & façonnez au tournoir, ayant des trous de part & d'autre, où l'on passe deux cordes coulisses avec lesquelles sont errez peu à peu, puis pressez tellement les doigts des mains qui sont mis entre les bastons, qu'ils se viennent à rōpre & desnouer par les iointures, avec vne douleur incredible des pariens, lesquels iettent de grands cris & gemissemens douloureux, qui esmouuent les assistans à grande pitié & compassion. Que si d'auanture ils ne confessent rien pour ceste gesne si cruelle, & appert toutefois aux Iuges par les tesmoins ou indices, que le deniant est coupable: ils luy font donner incontinent la gesne des pieds, laquelle est bien plus cruelle que celle des mains, & est de ceste maniere.

On prend deux bastons quarte, longs de quatre espans, vn de large, lesquels se ioignent ensemble avec vn crochet, & ont des trous de part & d'autre, dans lesquels passant vne corde coulisse, on met entre les bastons les cheuilles des pieds de celuy qu'on veut gesner, puis on frappe dessus avec vn marteau pour donner plus de force aux coups, au moyen dequoy on leur defait tous les os, avec bien plus grande douleur qu'en la gesne des mains, nonobstant qu'elle soit si grande que dit est. Pour donner ces deux sortes de gesne, les Iuges souuerains & superieurs s'y trouuent tousiours en personne, & se donnent telles gesnes bien peu souuent

d'autant que les Criminels confessent la verité deuant que des'y voir exposez aimant mieux mourir d'vne autre mort moins violente, que souffrir ces éruautez de torture.

Quant aux prisons dont ils vsent, elles sont pareillement cruelles & rigoureuses, comme nous dirons cy apies en leur chapitre particulier.

CHAP. X.

*Des Visiteurs que le Roy de la Chine enuoye tous les ans
visiter les Iuges des Prouinces, & de la
punition qu'ils font de ceux qu'ils
trouuent en faute.*

LE soin & la vigilance de ce Prince Payen est si grande, à ce que ses Iuges & Officiers, tât Viceroyz & Gouverneurs, que Presidents & autres personnes, se comportent bien en leur deuoir, que combien que chascun d'iceux ne soit que trois ans en charge, au bout desquels il doit rendre compte estroitement de tout le temps de sa residence par les Iuges à ce deputez, lesquels s'appellent *Chaoens*, toutesfois le mesme Prince depesche secrettement d'an en an, à chasque Prouince des autres Iuges & Visiteurs, nommez *Leushis*, qui sont personages de mise, & ausquels il se fient beaucoup pour la grande experience qu'il a de leurs seruites, ensemble de leur vie & mœurs, & bonne administration de iustice.

Ces Visiteurs vont s'enquestant de lieu en lieu, & de ville à autre, sans se donner à connoistre, & s'informent secrettement des torts & griefs que font les Iusticiers de la Prouince : obtenant du Roy pour cest effect tant de pouuoir & d'autorité par les Lettres de prouision & commission à eux adressantes, que sans recourir à luy, ils peuuent & leur loist, en trouuant les Iuges en faute, les apprehender & punir ou les suspendre pour vn temps, ou bien les priuer entierelement, & en somme faire tout ce que bon leur semblera, conformément à leur pouuoir & commission : pourueu qu'ils ne s'ingerent point de donner sentence de mort contre personne, d'autant que nul Magistrat ne le peut faire, sans en demander premierement l'aduis du Roy, comme dit est. Et afin que ces visites se facent avec plus grande équité & utilité du public, quand on expedie telles prouisions

on fait faire le serment de fidelité aux Iuges commis & deleguez, ce qui se fait en leur donnant à boire par trois fois d'un certain breuuage dont ils vrent, qui est la confirmation de leur serment. Et afin que le tout se face plus couuertement, ceux du Conseil commandant aux Secretaires de tenir prestes lesdites Lettres, en laissant en blanc le nom de celuy qui doit aller en commission, & de celuy de la Prouince où il va mertant seulement le stile ordinaire, & en tel cas accoustumé, qui est: *Qu'en quelque lieu qu'ira le Iuge ou le Loytis portant les presentes Lettres de prouision, à luy soit obey comme au Roy mesme.*

Lesdites Lettres estant seellées, le President du Conseil Royal y appose le nom du Visiteur, & de la Prouince qu'il va visiter, & iceluy Visiteur les ayant receuës, part de la Cour si secrettement & si inconnu que personne ne sçait quel il est, ni où il va, ni pourquoy. Estant arriué aux isles & autres lieux de la Prouince à la Prouince à laquelle il est enuoyé, il fait vne secrette information du gouuernement du Viceroy, ou du Gouverneur, & s'enquerte comme les Officiers font leur office, sans qu'on apperçoie quel il est, ni ce qu'il prend. Apres auoir fait les cheuauchees çà & là par la Prouince, & s'estre bien diligemment informé de tout, il s'en va à la ville metropolitaine, où resident les Iuges, contre lesquels il a fait l'adite information, & regarde le iour auquel ils s'assemblent tous avec le Tutan ou le Viceroy, pour faire la Cōsultation generale, qui se fait vne fois le mois. Comme lesdits Iuges font au Conseil à faire l'adite Cōsultation, sans penser paraenture à ce qui doit aduenir: & voicy le Visiteur à leur porte, qui commande au portier d'aller dire à ceux du Conseil qu'il y a là vn Iuge, lequel veut entrer dedans, pour leur declarer vn mandement de la part du Roy.

Le Viceroy qui entend bien par les paroles que ce peut estre, fait ouuir les portes incontinent, puis luy & les autres Iuges descendent de leurs sieges, pour aller receuoir le Visiteur, comme leur Iuge superieur, lequel entre avec la Prouision patente en ses mains, ce qui ne cause pas peu de crainte & apprehension à eux tous, & particulièrement à ceux qui se sentent coupables en leur conscience.

À l'instant se lit la prouision, & icelle leuë, le Viceroy se leue de son siege, & luy fait de grandes reuerences & submissions, & apres luy tous les autres, comme le recon-

noissant pour superieur, & luy rendant obeissance.

Alors il se met au plus haut & eminent lieu de leurs sieges, & là leur fait la harangue accoustumee en tel cas, par laquelle il leur parle de sa venue, & de la visite par luy faite, & comme il s'est informé au vray de leurs actions.

En apres avec des paroles de grand poids & autorité, il prise & louange ceux qui ont bien exercé leur charge, & en tesmoignage de ce les gratifie à l'instant des plus hauts sieges, & leur promet faire bon recit & au long au Roy, & à son Conseil (du bon seruice par eux fait, afin d'estre recompensez comme ils meritent: puis d'autre part il reprend aigrement les autres qui ont failly en leur deuoir.

Cela fait, il leur lit là deuant tous, la sentence qu'il a fulminee contr'eux, en leur disant sommairement les choses, où il les a trouuez coupables, & pour lesquels il leur donne telle sentence, laquelle tant rigoureuse qu'elle puisse estre, est executee sur le champ, sans opposition où appellation quelconque: comme aussi n'y en a il aucunement de la sentence de tels Visiteurs. A celuy qui merite d'estre puny ou repris, il luy fait oster premierement les marques de Iuge (qui sont, comme nous auons dit par cy deuant, la Ceinture, & le Chapeau à petit bord, avec lesquelles on ne leur oseroit rien faire, ni donner aucune punition, & si quelqu'un l'attentoit de sa puissance absoluë, il seroit priué de son office, & auroit mesme la teste trenchee) puis fait executer incontinent la sentence qu'il a donnee contre iceluy. Et s'il y a suspension portee par icelle, il pouruoit aussitost d'autres Iuges au lieu & place de ceux qui sont suspendus, admonestant les nouueaux promeus par la peine exemplaire des autres de bien verser en l'Office, où il les commet au nom du Roy.

Ces Visiteurs ont pouuoir & puissance aucunes fois de recompenser ceux qu'ils trouuent auoir bien & deuement exercé leur charge voire iusques à les pouuoir installer aux places & charges plus honorables. De maniere qu'estant ainsi apparente & manifeste la recompense qu'il y a pour les bons, & la punition rigoureuse qui est asseuree pour les mauuais: cela est cause que ce royaume de la Chine est l'un des mieux gouvernez qui soyent au monde: ce qui appert tant par la conference & comparaison des vns, que nous auons rapportee en plusieurs endroits de ceste Histoire, comme par la bonne experience que nous auons des autres

Ces mesmes Vistiteurs ont coustume de visiter les Estudes, que le Roy tient à ses despens en chascque Prouince: comme nous dirôs cy apres, & d'examiner les Escholiers & estudians d'icelles, encourageât de loüange ceux qui profitent & travaillent, & punissent du foüet & de la prison ceux qui serônt au contraire, iusques à les oster desdites Estudes. Laquelle chose, ensemble les remunerations & Degrez qui se donnēt à ceux qu'on trouue suffisans & capables, se diront amplement & bien au long en vn chapitre, où nous en traiterons cy apres.

CHAP. XII.

Des prisons & chartres dont ils vsent, & de la maniere qu'ils viennent à iusticier les delinquans.

Comme les Iuges & Officiers sont seueres & rigoureux à punir, aussi le sont ils à faire emprisonner dans leurs prisons, qui sont cruelles & rigoureuses, & par le moyen desquelles ils conseruent en paix & iustice vn si grand royaume: & comme il y a beaucoup de gens, aussi y a il beaucoup de prisons & de tres grandes.

Il y a en chaque ville principale des quinze Prouinces treize prisons, toutes entourées de hautes murailles, & de tel espace chacune, que sans le logis, où demeure l'Alcayde & ses Officiers, ensemble les soldats de garde qui sont leans d'ordinaire: il y a encore des viuiers & des iardins, des places & de grandes courts, où se pourment de iour les prisonniers qui y sont pour fautes legeres: & outre ce, des tauerries & cabarets, où se vent & appreste de la viande, avec des loges & boutiques parées de toutes les choses que les prisonniers font de leurs mains, pour se nourrir & entretenir. Car s'ils ne faisoient ainsi, leur bien n'y suffiroit pas, estant detenus en prison si longuement comme ils sont, encore que ce soit pour peu de chose: ce qui aduient tant pource que les villes sont grandes, & empeschées de beaucoup d'affaires que pource que les Iuges sont fort tardifs à prononcer les sentences & le sont encore d'auantage à les mettre à execution. Pour ceste cause il aduient souuentefois que ceux qu'on a condânez à mort sont detenus si longuement en prison, qu'ils viennent à y mourir de vieillesse, ou de maladie, ou bien de la rigueur d'icelle prison, deuant que d'estre execu-

tez par iustice. De ces treize prisons susdites, il y en a presque tousiours quatre qui s'ont pleines de criminels condamnés à mort, & a chascune d'icelles y a ordinairement vn Capitaine avec cent soldats lesquels sont departis & ordonnez par entr'eux, pour faire la garde iour & nuict.

Chaque criminel porte vn grand tablon a son col de demie aulne de large : qui luy vient pendre iusques aux genoux, & est ledit tablon blanchy de ceruse tout par dessus, sur quoy est escripte & contenuë la cause pour laquelle il est condamné à mort, qui est extraite du liure du Iuge, & dont en a autant par deuers luy l'Alcayde de la prison, pour redre compte de tous ceux qu'il a eu en charge, quand par les Iuges ou Visiteurs requis en sera. Et ont coustume de tenir leurs Criminels avec les ceps aux pieds, & les menotes aux mains enfermez dedans des chartres, lesquelles respondēt sur la court, auxquels lieux les Officiers de la prison les tiennent couchez la bouche contre terre, & tous enstendus dessus des planches faites expres pour cela, & leur mettēt par dessus de grosses chesnes de fer, lesquelles passēt par des anneaux, qui sont mis entre chaque prisonnier, avec quoy ils sont si pressez qu'ils ne se peuuent tourner de costē ne d'autre : puis ils mettent encores par dessus eux d'autres planches de bois, sans laisser plus d'espace entr'eux que ce qu'ils faut pour leur visage : toutes lesquelles choses se doiuent entendre de ceux qui sont condānez à mort. Telle prison est si penible & facheuse, que plusieurs se desesperēt & tuē eux mesmes, pour ne point endurer la rigueur d'icelle. De iour ils les tirēt desdites chartres, & leurs ostent les menotes, afin qu'ils puissent trauailler & gagner pour eux nourrir. Ceux qui n'ont point moyen de viure, ni personne qui leur en baille, le Roy leur donne vne certaine portion de riz, de laquelle il viuēt, avec le labeur qu'ils peuuent faire de leurs mains.

Iamais ne s'execurent les sentences de ceux qui sont condānez à mort, sinō lors que viennent les visiteurs ou Iuges de residence susdits appelez en leur langue *Leuchis, & chener*, lesquels font leur visite secrettemēt, cōme il s'est dit ci dessus en leur chapitre particulier. Ces Iuges Visitent toutes les prisons, & demandent la liste des condamnēz, & la cause de leur condānation, & cōbien que les sentences d'iceux soient confirmees de par le Roy & son grand conseil : si les reuoient ils derechef, admettans à cest affaire pour leurs Affeurs les Iuges, desquels sont emanees les sentences, ou les Lieute-

nâs d'iceux en leur absence, pour estre par eux informez de bouche des crimes de chaque criminel en particulier, & voir si lefdites sentences sont bien donnees. Ceste diligence estant faite, ils en choisissent par toute la bande 10. des plus coupables, & commandent à l'Alcayde de preparer tout ce qu'il faut pour les mener au supplice : ce qu'estant fait, il les examinēt pour la 2. fois & regardent derechef leurs crimes, pour voir s'il n'est poit possible de les sauuer, & s'ils en trouuēt quelqn'un qui n'aye pas beaucoup de charge, ils le separent d'avec les autres: puis font tirer 3. pieces de canon, qui est le signal lequel se dōne, afin qu'on mette dehors ceux qui doiuent estre iusticiez. Pendant que cela se fait ils vont cōsulter s'ils n'ē peuuent poit deliurer aucun, & s'il ne se peut, ils font tirer derechef les pieces de canon, comme deuant: & deuant que sortir du conseil, ils reuoyēt encore sōmairement les charges de ceux qui sont condamnez à mort, pour voir s'ils ne trouuent point quelque remede, & s'il s'en presente quelqn'un, ou pour le moins quelque apparēce, ils les fōr ramener à la prison, où aucuns d'entr'eux reuiennent à leur grand regret, pource qu'ils aimeroient mieux mourir vne fois, que souffrir ainsi cōtinuellemēt la rigueur de telle prison. Durant ceste espace de temps qu'ils se mettent à reuoir lefdits procès criminels, iusque à leur finale resolution, ils font asseoir sur des tas & monceaux de cendre tous ceux qui sont condamnez, & là leur donnent, à manger. Toutes ces diligences estant faites, s'ils ne trouuent point de remede pour en deliurer aucun ils font lascher pour le dernier coup trois pieces de canon, & incōtinent se fait la iustice de leurs criminels, selon la sentence de chacun d'eux.

Les genres de mort dont ils vsent, c'est de pendre, d'empasser, & brusler; toutefois la peine du feu est seulement ordonnēe à cēux qui ont esté traistres au Roy. Cōme on achue de lascher le dernier canon, on commence à sonner les cloches, au son desquelles s'excite vn grand bruit parmy la ville, à cause qu'il ne se fait guere souuent iustice. Le iour qu'elle se fait, ils ferment tous leurs boutiques, & n'y a aucun qui traueille iu'sques à ce que le Soleil soit couchē, sçauoir est apres que ceux qu'on a executez ont esté enterrez avec grand conuoy & compagnie. Le lendemain de ceste iustice, les mesmes Iuges font la seconde reueuē, & voyent la liste de ceux qui sont accusez de larcecin, qui est vn cas & excec qu'ils hayent fort & s'ils les trouuent coupables, ils

les font fustiger, & mener en grande honte & ignominie par les rues & places publiques, avec vn tablon pendu au col, à la façon & maniere que nous auons dit ci deuant, sur lequel tablon sont escrits leurs crimes : & en tel estat sont traidez parmi les ruës trois ou 4. iours durant.

Quand à leur maniere de bailler le foïet, ils ont coustume de fustiger les delinquans sur les cuisses, ayant le dos tourné, & les mains liées derriere : & pour ce faire vsent de certaines cannes de roseau larges de quatre doigts, & grosses d'un doigt, lesquelles ils laissent tremper en de l'eau, afin qu'elles facent plus de mal. Avec ces sortes de foïets deux bourreaux fustigent ensemble, l'un en vne iambe, & l'autre en l'autre : & y vont si bourrellement, que celui à qui ils en donnent six coups ne se scauroit tenir sur ses pieds, & celui à qui ils en donnent cinquante vient à en mourir le plus souuent. Aussi les larrons dudit Royaume meurent tous la plus part du foïet, & ont coustume d'en mener foïettant deux cens ensemble : de sorte que tant de ceux là, comme des autres qui sont foïettez aux prisons, on tient pour certain qu'il en meurt tous les ans en chaque ville capitale des Prouinces plus de six mille. A l'exécution de ces iustices les Iuges y assistent tousiours en personne : & afin qu'ils ne soient esmeus à compassion, pendant quelles se font, ils passent le temps à deuïser, ou à faire collation, ou à autres choses semblables.

Les adulteres y sont tous punis à mort : & ceux qui le souffrent & y consentent (ce qui ne se trouue iamais que parmi des gens de basse condition) sont aussi chastiez exemplairement de peines rigoureuses, inuentées pour cest effect.


CHAP. XIII.


Des Caracteres & lettres desquelles vsent les Chinois : ensemble des Estudes & Escholes qu'il y a en leur Royaume, & d'autres choses curieuses à ce propos.


CE ne sera point chose hors de propos, apres auoir traité de la mode qu'ils tiennent en ce grand Royaume au fait du gouuernement, & monstté comme il y a de grâds Astrologues & Philosophes naturels & moraux, plusieurs autres choses singulieres & de grand police: de parler maintenant de leur caracteres, maniere d'escrire, & de leurs Estudes.

Venant donc au 1. poinct, ie di que combien que par tout

ledit Royaume il y aye fort peu de gens qui ne sçachent lire & escrire : si n'ont ils point entr'eux vn certain nombre de Lettres, comme nous auons nous autres, mais tout ce qu'ils escriuent c'est par figures & caracteres, & ne l'apprennent qu'à long traict de temps, & avec grande peine & difficulté, d'autât que chaque parole presque a son caractere particulier. Ils marquent & dénotât le Ciel, qu'ils appellent (*Guâs*)

en leur langue ; par ceste seule lettre que voicy :  & le Roy qu'ils nomment (*Bontay*) par ceste cy :

 & conséquemment ainsi la terre ; la mer & les autres Elemens, vsant de plus de six mille caractères tous differés, lesquels ils marquét propremēt & d'une main bien legere ; cōme il s'est veu maintefois aux Philippines à l'endroit de plusieurs Chinois, tât de ceux qui y demeurent, que des autres qui y arriuent chaque iour. C'est vne langue qui s'entēd mieux escriite que pronōcée, tout ainsi quē l'Hebraïque, à cause des petits poinēts qui y sont, par lesquels vn caractere signifie la mesme chose qui fait vn autre caractere different, ce qui ne se peut pas si bien distinguer en parlant.

Leur escriture est au rebours de la nostre, pource qu'ils font les lignes de haut en bas fort esgales, & bien arangées, commençant au contraire de nous autres, de la main droite à la gauche. Ils gardēt ce mesme ordre en l'Imprimerie, ainsi qu'il se dira par ci après, & comme il se peut voir aujour-d'huy à Rome en la Bibliotheque du Palais, & aussi en la librairie que le Roy d'Espagne a faite au monastere S. Laurent le Real, & pareillement à d'autres parts & endroits, où il y a de telles escritures & caracteres. Vne chose y a qui est admirable en ce fait, c'est que combien qu'ils parlent en cedit Royaume de beaucoup de lāgues, & que les vnes soiet toutes differentes des autres: neātmoins ils s'entendent tous generalemēt par escrit encore qu'ils ne s'entēdēt pas en parlant: & la cause de cela est qu'une mesme figure & caractere signifie vne mesme chose enuers eux tous, nonobstāt que les vns & les autres les pronōcēt par diuers mots. De telle sorte est le caractere qui signifie (*Cire*) sçauoir est cestuy cy, car  ro^e entēdēt biē qu'il veut dire (*cire*) & toutesfois les vns l'appellēt (*Leōbi*) & les autre (*Fu*) & ainsi cōsequemmēt de tous les autres nōs & caracteres. Au moyē de ce les Iappōnois, Lechiēs, Cochichinois,

ceux de Samatre, & autres peuples circouoiſins & adiacens communiquent tous par eſcrit avec les Chinois ſuſdits, & toutesfois en parlant les vns aux autres, ils ne s'entendent non plus que font les Grecs & Allemans.

Quant a leurs Eſcoles, & eſtudes, le Roy en tient par routes les villes à ſes propres couſts & deſpens, tant pour y aprendre à lire, à eſcrire, & à compter, que pour enſeigner la Philoſophie morale, & naturelle, l'Aſtologie, les loix du Royaume, & pluſieurs autres choſes ſingulieres & curieuſes. En ces Eſcoles enſeignent & tiennent les chaires les plus eſminens hommes qu'ils peuuent trouuer aux Facultez & ſciences: de maniere qu'ils n'y en a aucun tant pauvre ſoit il, qui n'apprenne à lire & à eſcrire: car ne point ſçauoir cela eſt tenu entr'eux pour infamie. Aux grandes eſtudes arriue grand nombre d'Eſcholiers leſquels s'efforcent de bien eſtudier & profiter, d'autant que c'eſt le moyen par lequel ils acquierent pluſtoſt le nom de Loytias, ou Chualiers, & autres tiltres de dignité: comme il ſe dira plus clairement au chapitre qui ſ'enſuit, où il eſt parlé de la forme & maniere qu'ils tiennent à donner le degré de Loytias, pareil à celui de Docteur, lequel ſe donne entre nous autres.

A ces Eſtudes petites & grandes, le Roy y enuoye tous les ans des Viſiteurs pour voir & entendre comme on y profite & ſçauoir quels ſont les Maîtres & ſuperieurs, & telles autres choſes, qui concernent le fait du gouuernement ſcolastique. Ces Viſiteurs en faiſant telles viſites honorent de paroles & de loüanges ceux qui eſtudient biē, en les exhortant & encourageant de continuer: & au cōtraire font mettre en priſon & punir les autres qu'ils voyent eſtre inhabiles aux Lettres, & n'y faire, pas leur deuoir. Et quant à ceux qui n'y ſont pas propres ou bien qui ne veulent pas eſtudier, il les oſtent incontinent des eſtudes, afin qu'ils faſſent place à d'autres qui y feront mieux leur profit.

Ils ont grande abondance de papier, lequel ils font de roilles de cannes & roſeaux fort aiſémēt: au moyen dequoy il eſt à fort bon marché, & les liures imprimez auſſi: mais en la pluſpart d'iceux on ne peu eſcrire que d'un coſté, à cauſe qu'il eſt trop mince & del é. Ils n'eſcriuent pas de telles plumes que nous autres, mais ce ſont plumes de roſeau, le bout deſquelles eſt fait comme celui d'un pinceau de peintre, & nonobſtant cela, il ne laiſſe pas d'y auoir entre eux

eux de braues & excellens Eſcriuains, leſquels paruiennent par la plume.

Quand ils eſcriuent à gens de marque, ils dorent toute la marge du papier, & l'enluminent, & la lettre eſtant eſcrite, ils la mettēt dans vne bourse, qui eſt faite du meſme papier; & eſt bien dorée & peinturée, puis ils ferment ladite bourse, & la cachettent en après, pource que la lettre eſt pliée tant ſeulement. Er vſent tant entr'eux de telles lettres, que combien que quelqu'un aille viſiter vn autre en perſonne, il porte toutesſois vne lettre qu'il luy preſente meſme par laquelle il dit qu'il luy vient baiſer les mains; de ſorte qu'il aduiuent ſouuentefois qu'il n'y a pas plus de dix caractères eſcrits en toute la fueille. Ces lettres ſe vendent chez les libraires, & y en a de toutes ſortes, pour grans perſonnages, pour gens mediocres, pour prier, pour reprendre, ou pour recommander, & finalement pour tout ce qu'on veut, & eſt de beſoin, en core que ce ſoit pour vn deſſy, car ce luy qui l'achepte n'a autre choſe à faire qu'à le ſigner & ſceller, & puis l'enuoyer à qui s'adreſſe le cartel.

Voila les curioſitez dont ils vſent, ſans pluſieurs autres qui ſe verront, & ſe ſont veuës au diſcours de ceſte Hiſtoire, ou à tout le moins touchées & enditées ſommairement: car la breueté que ie procure tenir par tout ne me permet pas d'h'iſtorier plus amplement beaucoup de choſes, que j'auray icy à dire.

C H A P. XIII.

*De l'examen qu'ils font à ceux, auxquels ils veulent donner le degré de Loyſias, qui eſt comme celui de Docteur entre nous
& de la forme qu'ils tiennent à le donner, enſemble la longue promenade qu'ils leur font faire.*

LEs Viſiteurs, que nous auons dit eſtre enuoyez de par le Roy & ſon Conſeil pour viſiter les Prouinces, entre les choſes qui leur ſont les plus recommandées, c'eſt la viſite des Eſtudes que ledit Roy entretient par toutes les villes principales, comme dit eſt: & ont iceux Viſiteurs pouuoir & puissance particuliere de graduer les Eſcholiers, qu'ils verront auoir fait leur cours, & eſtre capables de ce degré, qui eſt autant que de les faire Cheualiers, & les rendre habiles & idoines de pouuoir tenir eſtat de Iudicature, & Office de

gouuernement. Et que la modé & ceremonies qu'on fait est digne d'estre sceuë & entendue, ie la declareray en ce lieu, de la mesme sorte & maniere qu'elle m'a esté declarée par le P. Martin de Herrade, & ses Compagnons, lesquels ont veu donner ledit degré en la cité d'Aucheo, ville dudit Royaume de la Chine.

Le Visiteur donc acheuant la visite de la Prouince, & apres auoir puni les delinquans, & remuneré ceux qui le meritent (ce qui se fait tousiours en la ville Metropolitaine & capitale d'icelle) fait faire incontinent vn cri public, par lequel il ordonne & commande qu'ayent à venir à la mesme ville capitale tous les Escholiers & Estudians qui veulent passer, & desquels se trouuent suffisans & capables d'estre examinez pour receuoir le degré Loytias, qui est autant comme celuy de Docteur entre nous autres, combien que le mot de (*Loytias*) signifie en leur langue (*Vn Cheualier.*) Tous les Escholiers estans assemblez au iour assigné, & se presentant deuant ledit Visiteur, il fait vne liste & catalogue d'eux tous, & determine à quel iour se doit faire leur examen: Cè iour déterminé estât venu, le Visiteur en l'honneur de ceste feste inuite tous les Loytias de Lettres qu'il y a en la ville, & apres le festin luy & eux ensemblement font le susdit examen à toute rigueur, les interrogeant sur toutes choses & specialement sur les Loix & Ordonnances du royaume, selon lesquelles ils doiuent iuger & gouuerner: estans plus contens qu'ils soyent bien versez & entendus en icelles, qu'és autres facultez requises, & avec cela qu'ils soyent gens d'honneur & de vertu. Ceux qu'il trouue estre douëz de ces parties, il les met par liste, & leur assigne le iour, auquel il leur doit donner le degré ce qui à accoustumé de se faire avec grandes ceremonies & applaudissemens des personnes, en presence, desquelles le Visiteur leur confere au nom du Roy les marques, & enseignés dudit degré; ensemble le nom & tiltre de *Loytias*, comme dit est: & sont lesdites marques, & enseignes, vne Ceinture garnie d'or ou d'argent, & vn Chapeau ayant deux certains fanons pendans par derriere, de la sorte & maniere que se dira au chapitre qui ensuit: lesquels Chapeaux & Ceintures sont les vrayes marques par lesquelles ils sont differens du vulgaire: & sans lesquelles aucun d'iceux ne peut sortir en public.

Et combien que les Loytias autant ceux qui le sont par les Lettres, comme les autres qui le sont par les Armes, ou

de grace du Roy, ayent tous le meſme nom & tiltre de Loytias : ſi ne ſont il pas de pareille eſtime & autorité les vns & les autres. Car ceux du Conſeil royal, enſemble les Gouverneurs, Viceroy, & Viſiteurs ſont Loytias par examen, & les Capitaines generaux Alcades, Correſteurs, & Threſoriers le ſont de grace du Roy, en recompenſe de quelques ſeruiſes par eux faits. Ces derniers icy ne iouyſſent pas de plus grand' franchise ou nobleſſe, & n'ont point plus d'honneur particulier que les autres Loytias, & d'iceux y a grand nombre en chaque ville.

Il y en a encore d'autres de grande eſtime, qui ſont mis au ſecond degre, & ce ſont ceux qui paruiennent à telle dignité par la diſcipline militaire, y eſtant eſſeus par les Generaux, leſquels en ont le pouuoir & autorité du Roy, apres qu'ils ont fait preuue de leur perſonne en faits d'armes avec teſmoignage de foy. A iceux, outre le tiltre qui leur eſt donné, ſont encore offerts & oſtroyez les moyens pour eux entretenir honnorablement & avec profit, n'eſtant pas la couſtume d'entr'eux de laiſſer paſſer aucun fait de vaillantife ſans en faire beaucoup d'eſtime, & le guerdonner liberalement qui eſt cauſe que les plus petits ſoldats s'eſſoient tous d'enſuyure & imiter à qui mieux les plus vaillans & principaux. Quant à leur maniere de promener le Gradué parmi la ville, d'autant qu'elle merite bien d'eſtre entenduë, & que ie veux auſſi m'aquitter de ma promeſſe ie la diray le plus brieſuement qu'il ſera poſſible.

Au iour assigné pour donner le degre, tous les Loytias ſ'aſſemblerent derechef avec le Viſiteur, en la maiſon & ſale Royale, ou ils ont fait l'examen, tous bien en ordre & veſtus de leurs plus beaux accouſtrements, & comme ils ſont ainſi aſſemblez, voicy entrer ceux qui doiuent recevoir le Degre eſtant en chauiſſes & en pourpoint, & habillez brauement, & deuant chacun d'eux eſt vn Partin avec les marques & enſeigne qu'on doit donner au fillol, leſquelles marques chacun d'eux demande pour foy au Viſiteur en tresgrande humilité, & ſe mettant à genoux. Surquoy ledit Viſiteur ayant ouy leur petition leur fait faire le ſermēt en la forme & maniere qui ſ'enſuit. *Qu'aux Eſtats, Es Offices qui leur ſeront conſerez ils y verſeront ſoigneuſement, en faiſant iuſtice eſgalement à toutes perſonnes, & qu'ils ne receuront aucun don ou preſent quel qu'il ſoit, Es qu'ils ſeront fideles au Roy, ſans eſtre iamais conſentans en aucune ſorſe de trahiſon contre luy : & ainſi*

plusieurs autres choses où ils s'arrestent assez long temps.

Le serment estant ainsi fait, le mesme Visiteur parlant à eux en la personne du Roy, leur met les marques & enseignes susdites, & leur donne quand a icelles les facultez y annexees, en les embrassant incontinent luy & les autres Loytias qui sont presens. Apres cela ils sortent de la sale en ordre, & alors on sonne des cloches de la ville, lesquelles sont fort bonnes, & en grand nombre par tout le Royaume, & au mesme instant se tirent beaucoup de pieces d'artillerie, & autant l'un comme l'autre dure longuement; puis cela fait ils menēt pourmener les nouveaux Graduez par toute la ville avec bonne compagnie, & de la sorte que s'ensuit.

Premierement vne quantité de soldats va deuant avec des rabourins & des triôpettes & autres sortes d'instrumens de Musiques: apres eux forces massier & bedeaux: puis les Loytias estans à cheual; ou dedans des chaires couuertes, tous en rang & ordre: en apres sont les Parrins, & derriere eux les Graduez estans en chausses & en pourpoint, côme dit est, & montez dessus de beaux cheuaux blancs tous bardez & caparalonnez de richesses, housles de toile d'or, portant chacun d'eux vne liuree de tafetas par dessus l'espaule, & des Chapéaux sur la teste, ayant deux fanons pendans par derriere, comme ceux qui sont aux mitres des Euesques, qui est la marque laquelle n'est concedée à aucun qui ne soit de l'une des trois sortes de Loytias susmentionnées. Sur le dit Chapeau y a deux bouquets, qui sont d'or ou d'argent doré, fait en maniere d'un rameau de palme. Deuant chacun d'eux vont six enchasseures de bois, portée chacune par quatre hommes, dedans lesquelles est tenduë vne piece de satin, où est escript en lettres d'or l'examen fait au Gradué, & en qu'elles facultez, ensemble le tiltre à luy donné pour ceste cause, & les armoiries d'iceluy, avec plusieurs autres choses que l'obmetts de peur d'estre aussi lōg que leur pourmenade laquelle dure huit heures entieres.

Ce iour là tous ceux de la ville gardent la feste, & font force danfes, & principalement les plus grands & apparens, trois ou quatre iours de suite, durans lesquels ils festoyent le nouveau Loytia, & luy vont faire reuerence, & luy congratuler sa dignité, s'efforçant chacun d'eux de tout leur pouuoir à gaigner sa faueur & bonne grace. Depuis ce iour là il deuient capable & idoine à tenir tout office ou gouvernement quel qu'il soit, & pour cest effect s'en va en Cour

incontinent pour y paruenir, portant quand & luy les marques & enseignes de son degré, qu'il a posées & vestuës pour estre conneu: au moyen desquelles on luy fait honneur par le chemin & est receu & logé aux hostels du Roy, qu'il y a en chascque endroit pour ceux de sa qualité.

Estant arriué à la Cour, il va rendre l'obeissance au President & Auditeurs du Cōseil royal chacun desquels luy congratule la dignité par luy receuë nouuellement avec beaucoup de louanges & gratifications: luy promettant de le prouuoir quand l'occasion se presentera, & en lieu où ils sçauent qu'il pourra seruir & meriter selon sa capacité & l'examen qu'il a suby: & que comme il se comportera droitement aux charges auxquelles il sera admis, de mesme en sera il tousiours plus auancé & honnoré. Apres ceste congratulation il est couché le iour ensuiuant sur le registre de son Conseil, & de là en auant se met à faire la court, & gager la bonne grace des Auditeurs, iusques à ce qu'il soit de par eux pourueu à quelque charge & gouvernement: ce qui ne tarde guere à venir, à cause du Royaume qui est si grand, & peuplé de tant de prouinces & de villes, selon ce qui s'est peu entendre par le discours de ceste Histoire.

CHAP. XV.

Comme l'inuention de l'Artillerie a esté en vsage en ce Royaume de la Chine, bien long temps deuant qu'elle n'a esté en Europe.

DE toutes les choses qui sont contenues en ceste Histoire, ni de plusieurs autres que i'obmets pour briefueté, il n'y en a aucune qui aye tant fait esmerveiller les Portugais, quand ils commencerent à trafiquer à Canton, qui est vne ville de ce Royaume de la Chine, ny tant esbahir les Castillans, qui estoient aux isles Philippines, & lesquels bien long temps apres partirent d'icelles pour aller audir Royaume, que lors qu'il trouuerent de l'Artillerie en iceluy, & entendirent par bonne supputation tiree de leurs histoires & des nostres, que l'vsage d'icelle y estoit bien plus ancien qu'il n'a pas esté en l'Europe: auquel lieu elle commença en l'an 1330. par l'industrie d'un Allemand, qui n'est point nommé en pas vne Histoire, lequel aussi ne merite pas le nom d'inuenteur, à ce que disent ces Chinois, & com-

me il se peut voir à l'œil, mais de descouurent seulement: attendu que lesdits Chinois se vantent d'auoir esté les premiers qui l'ont inuentee, & l'vsage d'icelle auoir esté de par-eux communiqué aux autres pays & nations, où l'on s'en sert pour le iourd'huy,

Si disent les mesmes Chinois, que l'inuenteur d'icelle ç'a esté le premier Roy qu'il y a eu audit Royaume, lequel s'appelloit Vitrey, & que celuy qui luy en donna l'inuention, ce fut vn certain Esprit qui sortit de dessous terre pour la luy monstrier & descouurer, afin que par ce moyen il se peust defendre des Tartares qui luy faisoient guerre: lequel Esprit, selon les enseignes qu'ils en donnent, & qu'ils le mettent par leurs Histoires; & l'industrie qu'il inuenta, semble auoir esté quelque Esprit ennemy du genre humain; & ce pour sa ruine & destruction, ainsi comme l'experience nous le monstre pour le iourd'huy. Et ce que dessus monstre auoir quelque apparence de verité, en ce que ce Roy susdit fut vn grand forcier, comme il appert par ceste herbe qu'il auoit en la Court de son Palais dont nous auons fait mention au chapitre, où il a esté parlé d'iceluy.

Et quand cela ne seroit credible, à cause du long temps qu'il y a qui estoit ce Roy, si est ce chose tres certaine que quand ces Chinois furent au Royaume de Pegu, allerent conquerre l'Inde Orientale (dequoy il y a plus de 1500. ans ils menoyent de pareils engins à feu, dont ils se seruiroient en la conqueste, & apres icelle en laissèrent les euidences en quelques pieces d'Artillerie, que les Portugais trouuerent depuis, ausquelles estoient engrauees les Armoiries de la Chine, ensemble les lances qu'elles auoyent esté faites toutes, lesquelles choses se rapportoyent entierement au temps qu'ils furent en ladite conqueste.

L'Artillerie que vit le Pere Herrade & ses compagnons estoit fort antique & mal faite à ce qu'ils disent, & n'estoyr la plus part d'icelles que des petites pieces de canon, propres à ruer des pierres, toutesfois disoyent auoir entendu qu'il y en auoit de biē faites & bien polies en d'autres Provinces du Royaume, Ce deuoit estre de ceste là que vit le Capitaine Arriede, lequel en vne Lettre qu'il escriuit au Roy d'Espagne, luy donnant aduis de ce qu'il auoit veu audit Royaume, dit entre autres choses ce qui s'en suit

Les Chinois ont l'vsage de tout autant d'armes que nous autres

Et l'Artillerie qu'ils ont est belle Et bonne, Et mieux fondue Et plus forte que la nostre, à ce que i'en ay peu voir Et iuger par quelques fusils. Ils ont en chacune ville une maison particuliere, comme un Arcenal, où elle se fait d'ordinaire, Et ne la mettent point dessus des tours ny fortresses (car ils n'en usent point par tout le Royaume) mais dessus les portes des ville, lesquelles portes ensemble leurs grosses murailles Et grands fosses, qu'ils peuuent combler Et remplir de l'eau des riuieres d'alentour quand la necessité le requiert, sont les meilleures fortresses qu'il y aye audit Royaume. A chaque porte de ville y a un Capitaine avec grand nombre de soldats, lesquels sont gardennict Et iour, Et ne laissent entrer dedans aucun estranger sans congé Et licence particuliere du Gouverneur de la ville.

Doncques de ce que dessus appert estre veritable ce que i'ay mis & proposé en ce chapitre touchant le temps & l'antiquité de l'Artillerie audit Royaume, & comme ils en sont les premiers auteurs & inuenteurs : d'où appert aussi semblablement estre prouenu l'inuention de l'Imprimerie, encore que ce soit vne chose si contraire à l'autre, & d'effets si differens, comme nous voyons, de l'ancienneté de laquelle au mesme pays, & Royaume ie vay parler presentement au chapitre qui ensuit.

CHAP. XVI.

Comme l'art de l'Imprimerie est bien plus antique audit Royaume, qu'il n'est pas en nostre Europe.

L'Inuention admirable de l'Imprimerie a esté vne chose si subtile & ingenieuse, qu'il est tout certain que si elle venoit à faillir, on verroit faillir quand & elle vne grande partie de la memoire & souuenance de tant de grans personages qui ont flory aux siecles heureux du passé; & que plusieurs de ceux qui sont florissans pour le iourd'huy ne prendroyent point tant de peine, ni ne cœceuroyēt en eux si grand desir d'acquérir quelque honneur aux Lettres & aux armes, si leur memoire ne deuoit durer d'auantage que leur vie, ou vn peu plus. Mais laissant ce discours à part, & taisant les grans effets de ceste subtile inuention, de peur de me dilater par trop à les dire; ie m'occuperay seulement à verifier le suiet de ce chapitre par l'exemple de plusieurs Liures, qui se trouuent en leurs Histoires & aux nostres, lesquels seront

suffisans pour verifer mon dire.

L'inuention donc de l'Imprimerie, comme tient la commune opinion, a cōmencé en Europe en l'an de grace 1458. & est attribuce à vn Allemand appellé Iean de Guttenberg, & tient on pour tout certain que le premier moule dont on imprima se fit en la ville de Mayence en Allemagne, duquel lieu vn autre Allemand nommé Conrad en porta l'inuention en Italie, & que le premier Liure qui s'imprima ce fut vn œeuure de S Augustin, lequel est intitulé, *De la Cité de Dieu*; & en cela sont d'accord des grands & graues Autheurs, Toutesfois suiuant ce que les Chinois assuret, son premier commencement a esté en leur Royaume: & l'inuenteur d'icelle vn certain homme qu'ils reuerent pour Saint du Ciel; d'où long temps apres en seroit venu l'usage en Allemagne par la russie & la Moscouie, par lesquels endroits on tient pour certain qu'on y peut venir par terre: & que des marchans qui venoient de la Chine, & de l'Arabie heureuse trafiquer en ladite Allemagne par la mer rouge, y apportèrent des liures, sur lesquels ledit Guttenberg (que les Histoires font Autheur) prit motif & occasion d'en faire.

Ce qu'estant ainsi, comme lesdits Chinois le tiennent bien vray & authentique, il est euident que ceste inuention est venue d'eux, & qu'elle a esté depuis communicee à nous autres: & pour le croire y sert & aide fort, de ce qu'il se trouue entr'eux pour le iourd'huy beaucoup de liures, lesquels ont esté imprimez plus de cinq cens ans deuant que iamais en a cōmencé l'inuention en Allemagne, selon nostre compte; desquels Liures i'en ay vn par deuers moy, & en ay veu d'autres, tant aux Indes, qu'à Espagne, & en Italie Et de fait quand ledit P. Herrade & ses Compagnons reuindrent de la Chine aux Philippines, ils en apporterent grand nombre d'iceux traittans de routes diuerses matieres, lesquels ils auoient achetez en la ville d'Aucheo, & estoient imprimez en diuers endroits dudit royaume; combien que la plus part l'eust esté en la Prouince d'Ochian, où est la meilleure Imprimerie Et en eussent apporté d'auantage, à ce qu'il dit, pource qu'il y auoit là de belles grandes librairies & à bon marché, si le Viceroy ne l'en eust dissuadé & empêché; lequel craignant parauenture que par le moyen d'iceux ne se sceussent les secrets du Royaume (qui est vne chose laquelle ils s'efforcent de cacher le plus qu'ils peuuent aux estrangers) leur enuoya dire qu'on l'auoit aduert

qu'ils alloyent achetant des liures pour emporter à leur pays ; mais qu'il leur conseilloit de n'y plus employer d'argent, pource qu'il leur en bailleroit pour neant tant qu'ils en voudroyent: ce qu'il ne fit pas toutes fois, ou pour la raison susdite, ou volontiers par oubliance.

Ceux qu'il auoit desia achetez quand il receut ce mandement du Viceroy, duquel nous venons de parler, estoient en bon nombre, & d'iceux a esté tiré sommairement la part des choses que nous auons mesmes en ceste Histoire pour donner vne briefue connoissance de l'estat dudit Royaume, iusquesà ce qu'elles se puissent mettre plus amplement & au long quand on les aura entenduës avec le temps, & ne se peut faire aisément pour le iourd'huy, à cause de la nouveauté d'icelles, & du peu de connoissance qu'on en a. Qui est l'occasion laquelle m'a meu & mesme forcé de passer sous silence beaucoup de singularitez tenuës sur le lieu pour vrayes, & verifiées du depuis, dequoy i'ay esté repris par des personages qui auoient bonne connoissance d'icelles. Si me semble qu'il ne sera point hors du propos de mettre au chapitre qui ensuit les matieres dont traitoyent les liures susmentionnez, afin de faire croire plus aisément ce qui a esté narré en plusieurs endroits de ceste Histoire, & s'offrira à narrer par cy apres, touchant la curiosité & bonne police du Royaume.

C H A P. XVII.

Des Liures que le P. Herrade & ses Compagnons apportèrent du Royaume de la Chine & des matieres dont ils traitoyent.

Les liures que le P. Herrade & ses Compagnons apportèrent du Royaume de la Chine estoient en grand nombre, comme dit est, & traitoyent de plusieurs matieres diuerses, comme il se verra en ce qui s'ensuit, & estoient ainsi intituléz.

1. De la description de tout le Royaume de la Chine, & à quelles parts & confins est située chascune des quinze Provinces, avec la longueur, largeur de chascune d'icelles, & les Royaumes qui leur confinent.
2. Des tributs & reuenus du Roy de la Chine; ensemble

L'ordre de son Palais, & des gages ordinaires qu'il baille à ses Officiers : avec les noms de tous les offices de sa maison, & du pouuoir de chacun d'eux.

3. Des tributaires qu'il y a en chaque Prouince, & le nombre de ceux qui sont exempts de payer tribut, ensemble le temps & l'ordre qui est requis à leuer.

4. La maniere de faire des nauires de plusieurs sortes, & comme il faut nauiger, avec la hauteur des ports, & la qualité de chacun d'eux en particulier.

5. Du temps & ancienneté du royaume, & en quel temps, semble du commencement du monde, & en quel temps, & par qui il commença.

6. Des Roys qu'il y a eu audit royaume, & comme ils ont succédé en iceluy, & de la forme qu'ils ont tenuë à gouverner, avec la vie & les mœurs de chacun d'iceux.

7. Des ceremonies qu'il faut faire en sacrifiant aux Idoles (lesquels ils tiennent pour Dieux) ensemble les noms de chacun d'iceux, & le commencement qu'ils ont eu, & le temps auquel se doiuent faire les sacrifices.

8. Ce qu'ils sentent de l'immortalité de l'Ame, du Ciel, & de l'Enfer: ensemble leur mode d'enterrer les Trespassez, & les obseques qu'on doit faire pour eux, avec le deuil que chacun est tenu & obligé de porter, selon l'affinité & alliance qu'il auoit avec le defunct.

9. Des Loix & ordonnances du royaume, & en quel temps & pour quelles personnes elles ont esté establies : avec les peines qui sont imposées au contteuenans à icelles, & plusieurs autres choses concernantes le fait de police & gouvernement.

10. Plusieurs liures de simples & herbes medecinales, avec la maniere de les appliquer pour la santé & guarison des maladies.

11. Plusieurs autres liures d'Auteurs en medecine dudit Royaume, tant anciens que modernes, avec le Regime que doiuent tenir les malades, tant pour estre guaris de maladie, que pour se preseruer d'y tomber.

12. De la propriété des pierres & metaux, & autres choses naturelles, qui ont en soy quelque vertu, & comme les perles, l'or & l'argent & autres metaux peuuent seruir à la vie humaine; en les conserant les vns aux autres par le profit & vtilité qui procede chacun d'iceux.

13. Du nombre des Cieux & du mouuement d'iceux : en

semble les Planettes, & Estoiles, & de leurs effects & influences particulieres.

14. De tous les Royaumes & nations; de qui ils ont connoissances; ensemble les choses particulieres qu'ils scauent de chacun d'iceux.

15. De la vie de ceux qu'ils tiennent pour Saints; ensemble le lieu où ils ont vescu, & en quel endroit ils sont morts & ont esté enterrez.

16. De la maniere de iouër aux dames & aux Eschets; ensemble le ieu de la Mourre, des Morefques, & Marafins, & telles autres subtilitez qui se font avec les mains, & les osselets.

17. De la Musique & du chant, avec les noms des Inuenteurs. Ensemble des sciences de Matématique, avec les reigles & preceptes pour les apprendre.

18. Des effects du petit enfant estant au ventre de la mere, & de l'estre & nourriture d'iceluy en chacun mois; ensemble quel est le temps astré ou desastré pour sa naissance.

16. De l'architecture, de toutes sortes de fabrications; avec le long & large que doit auoir vn bastiment, pour estre de proportion.

20. Des proprietiez de la bonne & mauuaise terre, avec les signes pour la connoistre; ensemble les choses qui peuuent croistre & reueler en l'vn & en l'autre.

21. De l'Astrologie naturelle & Iudiciaire, & les reigles pour les apprendre; avec la maniere de dresser des figures & caracteres pour iuger & prognostiquer.

22. De la Chiromance, & Physiognomie, & autres signes naturels, avec la signification de chacun d'iceux.

23. L'estile de composer lettres missiues; avec les tiltres qu'il faut approprier à chascun selon la dignité ou qualité de leur personne.

24. La maniere de nourrir & palefrenier les cheuaux; & comme il les faut apprendre à courir & à cheminer.

25. L'art & instruction de diuiner par les songes; avec la maniere de faire des Sorts quand on veut commencer quelque voyage, ou entreprendre quelque autre oeuvre, l'issue duquel est incertaine.

26. Des façons & sortes d'habits, dont vsent tous ceux du Royaume, en commençant à la personne du Roy, ensemble

304 HISTOIRE DV ROYAVME
ble les marques & enseignes que portent ceux qui y gou-
ernent

27. La maniere de faire des Armes, & de tous instrumens
de guerre, avec l'enseignement & pratique de bien ordon-
ner des bataillons.

28. Tels & plusieurs autres Liures furent apportez
par les Religieux susmentionnez, desquels ont esté tirees les
choses qui se sont dites & se diront par cy apres en ceste hi-
stoire; ayant esté interpretees par des personnes nées & na-
tiues de la Chine, & depuis nourries aux Philippines en la
compagnie des Espagnols y residans. Et ont en outre assuré
les mesmes Religieux auoir veu de belles & amples Librai-
ries, & en grand nombre aux villes où ils ont esté, & specia-
lement à Aucheo, & à Chincheo.

CHAP. XVIII.

*De l'ordre & maniere que tiennent les Chinois en leurs
banquets: ensemble des festes & solennitez qu'ils
ont coutume de celebrer.*

AYANT touché en quelques endroits de ceste Histoire
des festins & des banquets que font les Chinois; il me
semble qu'il sera bon de dire la maniere qu'ils tiennent en
en iceux, comme estant singuliere & curieuse, & mesme dif-
ferente de celle dont nous vsons, & auons veu vser ailleurs,
tant en la façon de manger, comme aux autres choses. Car
tous ces Chinois sont les plus grans faiseurs de banquets
qu'il y aye au monde, d'autant que comme ce sont riches
gens n'ayans pas beaucoup de soin, & viuât sans la connois-
sance de la lumiere du Ciel. (nonobstant qu'ils croient &
côfessent l'immortalité de l'Âme, ensemble la recompense,
ou la peine qui les attend en l'autre vie, selon les œuvres
qu'ils auront faits, comme nous auons monstré ci deuant)
aussi s'addonnent ils tant qu'ils peuuent au contentement
de ce monde. & à toutes sortes de passeremps; en quoy, com-
me aussien leur commun viure & traitement, ils se seruent
avec vne grande police, & vn tresbon ordre.

Si ont tous entr'eux ceste coutume que combien qu'il
y aye cent personnes de conuiez, chacun d'eux toutefois a
sa table à part, où il mange seul. Leurs tables sont fort bel-
les & exquises, toutes dorées & peinturees d'oyseaux, de

païssages, & de chassé, & de telles autres varietez plaisâtes & agreables à la veuë. Ils ne mettent point de nappes, mais seulement quelque piece de damas ou d'autre soye, qui pèd iusques à terre : & aux coins d'icelles y mettent force petits panniërs bien gentils, faits de fil d'or ou d'argent, & tous pleins de fleurs & de chosettes de sucre, dont ils font de petites mignardises & curiofitèz, comme sont Elephans, chiens, cerfs, & plusieurs autres sortes de bestes & d'oyseaux; le tour doré & peinturé. Au milieu de la table ils posent la viande à point & en ordre, tant de volaille, & autre chair, que de poisson, duquel ils font force potages & saupiquets bien aprestez, & les seruent dedans de beaux plats faits de porcelaine ou d'argent, toutesfois bien peu vsent de ceux d'argent: Ils n'vsent guere de ceux d'argët, si ce ne sont les Vice-roys. Ils n'ôt point besoin de nappes, ni de seruiettes, pource qu'ils magent si proprement, qu'ils ne touchët aucunement la viande avec les mains, mais avec de petits bastons dorez, ou d'argent, ou tout d'or, faits en maniere de fourchettes, avec quoy ils mangent si dextrement, que combien que leurs viâde soit d'une chose fort petite, si n'en laissent ils rien tomber. Ils boient beaucoup de fois, mais bien peu à chaque coup, & pour cest effect vsent de petites tasses.

A tous ces festins & banquets se trouuent plusieurs femmes trauandes & patelines qui ioïent & chantent, & disent des plaisanteries & sornettes pour faire rire la compagnie, & y a aussi force menestriers & basteteurs, ioïeurs de souplesses & farceurs, lesquels representent naïfvement bien des Comedies, ils passent la plus part du iour en l'un de cesdits banquets, à cause de l'abondance & diuersité des viandes qu'ils seruent, lesquelles sont ordinairement de plus de cent sortes, quand la qualité du conuié le requiert, ou de celui qui fait le banquet : comme il se pourra voir en la relation des religieux Augustins, qui se mettra au commencement de la seconde partie de ceste Histoires : auquel lieu est raconté le festin que leur fit l'Insuanto ou gouverneur de la Prouince de Chincheo, & le Viceroy d'Aucheo; ensemble les recreations & passetemps, dont ils vsent tant que dure le repas.

Ils dressent à chaque personne beaucoup de tables, mises toutes d'une rangée en diuersifiant le nombre d'icelles selon la qualité des banquetans. En la premiere table où est assis le conuié, ils mettent dessus les viandes, lesquelles

sont cuites & apprestées, ensemble les mets de sucre ou de massépain pour le dessert, & aux autres tables ensuyuantes, iajoit qu'il y en aye vingt, ils mettent dessus beaucoup de sortes de viandes toutes crues comme chapons, oisons, canars, poules, pièces de bœuf sales, jambons, & plusieurs autres. Tout cela demeure sur lesdites tables iusques à la fin du repas, & tant que les conuiez s'en veulent aller; & alors les seruiteurs de celuy qui a fait le banquet les prennent, & les portent deuant le conuie iusques à sa maison auquel lieu ils les laissent avec grandes ceremonies. Quand ils font vn festin à vn Viceroy, à vn Ambassadeur, c'est avec si grãde despense & majesté, qu'il y cōsument beaucoup de bien; & ont coustume quelquefois tels festins de durer vingt iours tous de suite, estant le dernier aussi bien serui que le premier.

Quant à leurs festes & solennitez, ils les celebrent toutes de nuit, & se font ordinairement aux nouuelles Lunes, lesquelles ils solennisent avec belles musiques & inuentions; & speciallement celle qu'ils font à leur premier iour de l'An, lequel est (selon leur conte) le premier iour de la lune du mois de Mars. Ce iour là ils se vestent tous magnifiquement tant hommes, que femmes, & mettent sur eux leurs plus belles bagues & ioyaux, faisant brauade, & ornant leurs maisōs & portes de beaux tapis & draps de soye, & de toiles d'or de plusieurs sortes; & y mettr̃ force fleurs & roses, qu'il y a là pour lors en abondance, & plantant à toutes les portes de grans mays & arbres, où sont appendus plusieurs lumieres & chādelles. Les Arcs triumpaux, qu'il y a aux ruēs, & en grand nombre, comme dit est, sont tous bourdez & ombragez de fueilles ce mēme iour, avec grand nombre de lumieres & chandelle y apposces; & de beaux draps de damas, & de soye de plusieurs sortes. A ces festes & solennitez assistent les Prestres & Sacerdōts richement vestus, & offrent leurs sacrifices sur les autels au Ciel & à leurs Idoles, en chātant plusieurs cantiques. Bref, c'est vne iournee en laquelle ils se resiouissent tous generalement avec diuersité de musique tant de voix que d'instrumens, desquels ils scauent fort bien iouer.

Les sortes d'instrumens que virent les religieus Augustins susdits, c'estoient lyres, violons, guitermes, doucines, rebecs, clairons, haubois, espinettes, harpes, & fleutes, & autres pareils & semblables à ceux desquels nous vsōns, sinon qu'ils estoient vn peu differens de forme & façons. Ils

accordent leurs voix avec leursdits instrumens merueilleusement bien, & avec vne bonne harmonie & ont tous communément bonne voix. En ces festes & solennitez il se fait des farces & comedies fort plaisantes & de grande recreation, & les representent bien au naturel, & avec des habits qui sont fort propres à ce faire, selon le personnage qu'ils doiuent iouïr. Tout le temps que ces festes durent, ils tiennent tousiours leurs tables dressées & couuertes de plusieurs viandes, tant de chair que de poisson, & de toutes sortes de fruiçts, & de bon Vin, lequel ils font ordinairement de palme, avec vne certaine meslange, laquelle luy donne bon goust. Ils boient & mangent tout le long du iour, eux & leurs Prestres tout leur saoul, & tant qu'ils n'en peuuent plus: & est vne chose tenuë pour certaine entr'eux, & receuë de tous, que comme ils passeront ce iour là, de mesme passeront ils l'année, ou en tristesse, ou en ioye.

Quant aux festes qu'ils font en leurs mariages, ou en bõs succez, ie n'en parle point, de peur d'estre trop long; encore que les recreations soient fort diuerses, & qu'ils mettent peine en icelles de fair tout chagrin & melancolie.

CHAP. XIX.

De la mode de saluer audit Royaume, & de quelques ceremonies desquelles ils vsent à ce faire.

LN'y a aucune nation au monde, si barbare & sauuage soit elle, laquelle aye esté trouuee iusqu'à present, sans quelque maniere de courtoisie, ou ceremonie à se saluer, quand on se rencontre, ou visite, ou qu'on veut traiter ensemble de quelque affaire particuliere. De cela auons ample connoissance par les Histoires anciennes, & vne suffisante preuue en ce que nous en auons veu & entendu aux Royaumes & Prouinces, qui ont osté descouuertes de nostre tēps. Toutefois ie sçay pour certain, que ceux de cedit Royaume surpassent en ce fait toutes les autres nations, à ce qu'en disent ceux qui ont hanté & trafiqué avec eux: pource qu'ils ont tant de ceremonies, & de si frequentes & visitées entre eux, qu'il y a des liures pleins de ce sujet, & de la mode qu'il doit tenir à les faire, selon la difference des personnes. De toutes lesquelles choses, ie mettray seulement celles en ce

chapitre, lesquelles me semblent suffire pour donner au-
nement à cōnoistre, & verifier ce que dessus; vñant en ce fait
de la breueté que i'ay gardée iusques ici en ceste Histoire.

Ils tiennent pour grande inciuilité, de ne se point saluer
les vns les autres quand ils se voyent, ou se rencontrent; en-
core que la connoissance qu'il y a entr'eux ne soit pas gran-
de. La salutation du commun peuple, quand il se rencontre,
c'est de ferret la main gauche, & la courir avec la droite en
les approchant incontinent à la poitrine, & les ioignant
toutes deux ensemble, avec plusieurs inclinations de teste:
pour signifier qu'ils s'ayment l'un l'autre aussi fort que leurs
mains sont serrées ensēble, & que leurs amitié n'est pas seu-
lement en la ceremonie, mais aussi au cœur; ce qu'ils don-
nent à entendre par plusieurs paroles, lesquelles ils s'entre-
disent au mesme réps, qu'ils font ces ceremonies des mains.

Les Seigneurs & courtisans vient d'une autre mode qui
leur semble plus belle & hōneste, & est que quand ils se ren-
contrent les vns les autres, ils s'arrestent vn peu deuant que
de s'approcher, & incontinent tendent les deux bras accro-
chez avec les doigts des deux mains, & pliez en forme d'arc;
puis se font la reuerence beaucoup de fois, debattant entre
eux qui partira le premier, pour continuer son chemin; &
plus lout, ce perſonnes de marque, plus demeurent ils à fai-
re telles ceremonies. Quand le menu peuple trouue quel-
qu'un des principaux, qui est superieur en dignité, ou en au-
tre chose, ils s'arrestent tout incontinent de pied coy, & at-
tendent au mesme lieu, en baissant la teste, & avec vn grand
silence, iusques à tant qu'il soit passé: toutesfois la pluspart
d'entr'eux le fait plus ordinairement par crainte, que par
honnesteré & courtoisie: pource qu'ils ſcauent bien par ex-
periēce, que celui qui faut en cela en est payé sur le champ,
& fustigé bien asprement.

Quand aucun d'entr'eux va parler à vn Loytia, il se met
à genoux dés qu'il entre en la sale, où est ledit Loytia, en
baissant la teste & les yeux encōrte terre, & va tousiours à ge-
noux de ceste sorte iusques au mitan de la sale, auquel lieu
il s'arreste, & fait sa requeste avec vne voix fort humble, ou
bien la donne par escript: puis ayant receu sa respōse, s'en re-
tourne à reculons, allant tousiours à genoux emmy la sale
iusques à tāt qu'il soit dehors, sans tourner le dos au Loytia.
Que si ceux qui se visitēt sont esgaux en dignité, ils se fōt de
grandes reuerences & salutations l'un à l'autre, tascchāt cha-
cū.

un d'eux à vaincre son compagnon en courtoisie, en quey ils consomment bien du temps, & des paroles. Quand l'un va visiter l'autre, celuy qui est visité, sort iusques à la rue après la visitation, conduisant celuy qui l'a visité, & est ceste ceremonie fort visitée du commun, quand ce sont gens égaux, ou peu differens l'un à l'autre.

Ils vsent aussi d'une façon de faire fort estrange, ny iamais ouy en pas vne autre nation, qui est que si d'auenture quel qu'un de dehors les vient voir, ou autre de la ville & du lieu, & que quand il l'appelle à sa porte, ou le trouue parmy la rue, celuy qu'il vient visiter n'est pas bien en ordre (encore que celuy qui le vient voir parle à luy, & soit son plus proche parent, ou conneu de longue main) toutesfois l'autre ne luy répond mor, & ne fait pas semblant de le voir ne connoistre: mais luy tourne le dos, & s'en va de ce pas à sa maison, où il vest vistement ses plus beaux habits: puis sort dehors pour receuoir celuy qui vient voir, avec aussi beau semblant que s'il ne l'auoit point veu ny rencontré auparavant. Ceste ceremonie se garde infailliblement, car elle est tenuë entr'eux pour tradition fort antique, & pour chose fondée en religion.

Ils sont grand carresse à leurs hostes, en leur donnant incessamment la collation avec forces fruits & confitures, & leur faisant boire de bon vin, ou d'une sorte de breuuage: dont ils vsent généralement par tout le Royaume, qui est fait de certaines herbes medecinales pour le cœur: lequel breuuage ils tiennent ordinairement chaud en leurs maisons, afin d'estre prest à boire. Ceste ceremonie se pratique aussi entre les voisins, quand ils se visitent l'un l'autre. Mais quand il aduient que quelqu'un d'un lieu recõtre un autre dedehors, lequel il connoit, ou un qui est du mesme lieu, lequel il n'aura pas veu quelque temps, incontinent celuy du lieu demande à l'autre s'il a beu & mangé, & s'il dit que non, il le mene tout de ce pas à la plus prochaine tauerne, auquel lieu il le carresse & festoye magnifiquement: car en tout ce pays-là il y a bien moyen de ce faire à cause qu'aux places & aux rues de leurs villes & autres lieux, & aux fauxbourgs mesme, il y a beaucoup de tauerne, où l'on fait grand chere & à peu de fraiz, à raisõ des viures, lesquels y sõt tous à fort bon marché, comme dit est. Que si d'auenture celuy de dehors respond à l'autre qu'il a desia beu & mangé, cest autre le mene à certaines boutiques, où y a tout plein de

fortes de confitures, fruits & massépains, & autres telles friandises : & en ce lieu luy donne liberalemēt la collation.

Ils vſent aussi d'un fort grand respect enuers les femmes, tant de dehors que du pays, & de quelque qualité ou condition qu'elles soyent, & spécialement à l'endroit de celles qui sont mariées, tenant pour blasme & vitupere de leur dire paroles deshonestes, & de ne les point saluer, ny leur faire place quand elles passent par la ruë (ce qui leur aduient peu souuent comme dit est) auquel lieu, & en tout autre endroit en public elles se comportent si honnestement, qu'elles ne donnent occasion à personne d'vſer d'inciuité en leur endroit. Avec les forains & estrangers, ils sont merueilleusement bien appris, & principalement les gens de marque : comme il se verra aux relations, qui se mettront en la seconde Partie de ceste histoire, lesquelles en parlent par experience.

C H A P. XX.

Comment les femmes dudit Royaume viuent fort recluses :

& à quelles conditions ils permettent des femmes publiques.

LA principale inuention, qu'ont le Roy & les Gouverneurs du Royaume (cōme il se collige de leurs Loix) & la chose qui leur est la plus recommandée, c'est de preserver leur Republique de tout vice, imposant des peines à cest effect, & les executant sans remission : qui est cause qu'ils sont tous soigneux de bien viure, de peur d'encourir en icelles. Et iugeant en eux mesmes que la liberalité & deshonesteté des femmes est la chose la plus preiudiciable en cest affaire, & laquelle ruine & destruit plus aisément les Republicques, tant bien cōposées & ordonnées qu'elles puissent estre : à ceste cause ils obuient à ce mal par maints bons remedes & antidotes preseruatifs, en establisſant des loix & coustumes, qui cōtredissent formellement. Ce qui est cause que combien qu'il y aye tant d'annees que ce Royaume a commencé, & qu'il soit si grand & si ample, comme il s'est peu entendre par cy deuant : il y a toutesfois moins de danger particulier en iceluy que non pas en d'autres, lesquels ne sont pas si anciens ne tant peuplez d'habitans : ce

qui se fait de telle sorte, qu'une femme libre & deshonneste est conneuë par son nom, & pour telle qu'elle est parmi toute vne grande ville, pour le peu qu'il y en a de telles.

Or entre les autres moyens & remedes dont ils vsent pour ce fait, ceste loy en est l'une, par laquelle il est commandé expressement à tous ceux qui ont des filles de les nourrir closes & recluses perpetuellement, si tost qu'elles commencent à auoir vsage de raison, en les tenant tousiours occupées à quelque chose : afin que l'oyfueté, qui est la mere des vices, ne trouue point de place en elles, pour y planter rien de mauuais. Ceste loy comprend aussi les femmes qui sont mariées, & est par tout si generale, que iusques aux filles & femmes des Viceroyes & Gouverneurs, voire mesmes iusques à celles du Roy, on dit qu'elle l'observe, & qu'icelles sont tousiours filant de l'or, où de la soye, ou du lin, ou faisant quelque autre chose de leurs mains estimant celle là estre digne d'estre blasmée, qu'elles verront estre affectonnée au contraire. Par insi ceste reigle de viure si estroite, en laquelle les filles en viennent à naistre, ensemble l'exemple que leurs donnent leurs meres, lesquelles sont tousiours occupées aux exercices susmentionnez, cela est cause que ladite coustume loüable & tresque digne d'estre imitée est desia changée & conuertie en nature, de manière que si on leur commandoit d'estre oyfues, elles prendroyent cela pour vn tourment perpetuel.

Au moyen de ceste ordinaire & volontaire occupation, les femmes de cedit Royaume sont recluses de telle sorte, que c'est merueille & nouveauté d'en trouuer vne qui aille parmi la rue, ou la voir en vne fenestre, ce qui ne leur sert pas de peu pour viure honnestement, comme ellés font. Si d'auenture quelqu'un sort dehors pour quelque chose forcée & necessaire, comme pour la maladie, ou la mort de son pere, ou autre chose semblable (car d'aller voir leurs parës & amis, ce n'est pas la mode des femmes audit Royaume) alors elle va dedans vne chaire à bras, qui est couuerte, sans estre veüe de personne, comme nous auons dit ailleurs.

D'autre part ceux du mesme Royaume considerant à part eux, que pour conseruer la commune honnesteté, & par mesme moyen obuier à plus grand mal, c'est vne chose necessaire de permettre des femmes publiques : à ceste cause ils les souffrent & endurent entr'eux : toutesfois en celle sorte, que leur mauuais train n'apporte aucun inconuenient.

lequel puisse tourner conséquemment à l'endroit des prudens & chastes. A raison dequoy elles se logent toutes aux faux bourgs, & hors des bourgs & des villes, & leur est enjoint estroitement de se tenir en ce lieu, sans pouuoir sortir de la porte durât qu'elles font ce mestier, avec tres-estroite defense sur peine de la mort à elles mesmes, de ne point entrer dans la ville en façon quelconque. Aussi sont telles femmes si peu estimées entr'eux, que pour ceste cause celles qui s'en meslent sont ordinairement la plus part de basse qualité, sçauoir est esclaués, ou estragere ou filles vendues par leurs meres estans petites : qui est vne espece de seruitude perpetuelle & pleine de grande cruauté de laquelle on vse audit Royaume, & y est permise & accoustumee.

Si est la maniere telle que les pauures vesues qui sont en necessité peuuent vendre leurs enfans, pour se subuenir, en les obligeant à vne seruitude perpetuelle laquelle chose est si permise, qu'il y a tout plein de riches marchands: qui font gros trafic en ce fait, lesquels achetant ainsi des petites filles les nourrissent fort soigneusement, & leur apprennent à chanter & iouer des instrumens, & telles autres choses de plaisir: puis quand elles sont grandes, les mettent aux maisons que nous auons dit estre assignées aux femmes publiques. Le premier iour qu'ils la dedient à ce mestier, & deuant que la mettre & prostituer au lieu public, ils la mènent deuant vn Iuge, que le Roy entretient en chaque ville pour prendre garde à telles femmes, & empescher qu'il n'y aye ny bruit ny noise entre-elles; lequel Iuge la reçoit, & par mesme moyen la met & installe de sa main audit lieu public & depuis ce iour là le nourrieier n'a plus d'autre iurisdiction dessus elle, sinon de venir au Iuge par chaque mois pour receuoir son tribut (qui luy à esté desia taxé par le mesme Iuge conformément aux deux parties, & en outre estre payé de tout le tēps qu'il y a qu'il la achetée & nourrie, & luy a appris ce qu'elle sçait. Tel sexe de femmes est de grand plaisir & passe-temps à iouer & chanter, & sont fort adroites à ce faire, & mesme à ce que disent les Chinois, elles, s'accoustrent bien mignardement, & se fardent fort.

Parmy ces femmes il y en a beaucoup d'aveugles, qui ne sont pas esclaués, mais franchises & libres; lesquelles se mettent à ce mauuais train pour gagner leur vie: & sont telles femmes aveugles parées & attirées par d'autres qui voyent clair, lesquelles sont ordinairement celles qui ont

passé leur ieunesse en tel lieu, où il leur est commandé de n'en sortir de leur vie, de peur qu'o-a que telles femmes deshontees ne gassent les autres. Quant à ce qu'elles gagnent tout ce qui leur reste apres que le nourricier est payé : elles le baillent à leur Iuge & Intendant, lequel leur garde fidelement, & en rend compte tous les ans aux Visiteurs, puis quâd elles sont vieilles, le leur baille & distribue de sa main aduisant à leur compasser si bien le tout qu'elles n'en ayent point faute ny necessité ; ce que toutesfois aduenant, alors on leur dône gages pour se nourrir, afin qu'elles s'occupent à accoustier & parer les femmes aueugles susmentionnées, ou bien on les met à l'hospital que le Roy tient pour ceux qui n'ont pas moyen de viure, comme nous auons dit par cy deuant.

Quant est des petits garçons, que les meres vendent aussi par necessité (comme dit est) iceux sont mis en mestier, & quand ils l'ont appris doiuent seruir leur nourricier en cedit mestier iusques à yn certain temps prefix, apres lequel sont tenus les nourriciers de leur donner liberté, & en outre leur chercher femme, & les marier, & mettre en lieu & en train, où ils puissent gagner leur vie : à quoy faire ils sont contrains par toutes voyes de iustice, au cas qu'ils ne vueillent de leur bon gré. Aussi sont tenus & obligez de leur part lesdits ieunes hommes : en signe & reconnoissance de bien fait par eux receu, d'aller chez leurs nourriciers le premier iour de l'année, & certains autres iours signalez avec quelques dons & presens ; demeurant par ce moyen leurs enfans & posterité franes & libres entierement à l'endroit d'iceux nourriciers, & n'ayant point d'autre obligation, que celle qui demeure tousiours entre lesdits nourriciers & leurs affranchis, pour cause de la nourriture & entretenement precedent.

CHAP. XXI.

Des sortes & especes de nauires qu'ils ont en grand nombre, sans sur mer que sur les riuieres : Et comme ils se pouruoient & fournissent de poisson pour toute l'année.

IL y a audit Royaume fort grand quantité de Nauires & de bateaux, avec lesquelles on nauige par les isles & coltes

d'icelles (qui sont fort longues) ensemble par les riuieres qui trauesent par la plus part des Prouinees) & sont pareillement grandes, & en grand nombre) & y a tant de gens sur ces riuieres, que les bors d'icelles semblent des villes fort peuplées, d'où vient que l'on fait estat qu'il n'y a guere moins de gens dessus l'eau que dessus terre. Ces Nauires se font fort aisément & à peu de frais, à cause que par tout le Royaume il y a grande abondance de bois, de fer, & autres matereaux en tel cas requis, spécialement d'une certaine espeece de bitume, qui est plus fort que le Brays, dont nous vsons nous autres pour calfeutrer, moyennant quoy elles durent bien fortées comme roche. Ceste abondance de matereaux, & le grand nombre d'artisans de ce mestier, avec ce que plusieurs n'ont pas lieu sur terre, où ils puissent gagner leur vie, pour le grand monde qu'il y a, tout cela est cause de quoy il s'en fait telle quantité. Ils vsent de beaucoup de sortes de nauires & de bateaux, lesquels ont chascun leur nom & vocable particuliere.

Les grandes nauires, qui sont pour faire lōgs voyages s'appellent en leur langue *Iuncos*, & quand elles se font expiées pour guerre ils tiennent encore plus grandes, avec de hautes tourelles en la poupe & en la prouë, faites come celles que portent les nauires de Leuant, & les vesseaux des Portugais qui vont aux Indes; & y a si grand nombre d'icelles, qu'un general de mer en peut assembler en quatre iours plus de six cens voiles. Celles dont ils vsent ordinairement pour charge sont presque de pareille façon & grandeur, & n'y a point autre difference, sinon qu'elles sont un peu plus basses de poupe & de prouë. Il y en a d'autres un peu moindres qui sont faites comme des fregates, & portent à quatre rames pour banc où y a six hommes, & quelquefois quatre à tirer: & sont fort propres pour entrer où pour sortir par la rade, & tout autre endro, où il n'y a pas beaucoup de fond: & les nomment en leur langue, *Bancoens*. Il y en a d'autres, qui sont plus larges, que celles là, & les appellent *Lanteas*, & portent à huit rames pour banc, avec six rameurs à chacune, De ces deux dernieres especes de vaisseaux vsent ordinairement les Courfaires (d'ont y a grande multitude en toute ceste mer) d'autant qu'elles sont legeres pour fuir, & pour assaillir & courir sus, quand il en est de besoin. Il y a d'autres vaisseaux, qui sont long come galieres, tous faits comme elles, horsmis qu'ils n'ont point

d'esperons, & sont fort larges, & ne demandent guere d'eau. On se sert d'iceux pour transporter des marchandises de lieu à autre; à cause de leur grande legereté, & qu'ils montent & auallent par les riuieres sans grande force de bras.

Outre les vaisseaux susdits, il y a encores beaucoup d'autres sortes de barques: & de bateaux. & les aucuns d'eux garnis d'allees & galeries, où il y a force fenestres à claireuoyes, toutes d'orees & peintures, & spécialement à ceux que sôt faire les Vicerois ou Gouverneurs pour leur recreation. Des nauires lunques, dont nous auons parlé cy dessus le Roy en a des armées fournies par ses prouinces, toutes composées de soldats & Capitaines, pour prendre garde que les nauires du Royaume & celles qui viennent d'alentour pour trafiquer voient & viennent seurement, & ne leur soit fait aucun tort par les Courfaires. Lamesme diligēce se fait dessus les riuieres avec des brigatins d'armaison, faits expressément pour ce fait; y ayant dedans des gens de guerre, qui sont soudoyez du Roy pour y demeurer d'ordinaire.

Le bitume dont on braye lesdits vaisseaux, & lequel (comme j'ay dit) se trouue en grande abondance par tout le Royaume, s'appelle en leur langue, *Lapes*; ou (comme les autres) *Lapés*, & se fait de chaux & d'huile de poisson, & d'une paste appelée *Viname*; & outre ce qu'il est dur & fort tenant (comme dit est) il engendre encore fort peu d'escume & d'ordure: qui est cause qu'un vaisseau des leurs, dure deux fois autant qu'un des nostres, toutesfois ils n'en sont pas si legers pour aller à voile.

Les poupes qu'ils ont pour tirer de l'eau en ces nauires sont fort différentes de celles dont nous vsons, & de plus grande industrie & profit: car elles sont faites de plusieurs pieces à guise de seaux & autres engins, dont on se sert aux puits & cisternes, & les mettent au long des nauires du costé de dedans, & les vident si, facilement qu'un homme seul estant assis demenant vne rouē avec les pieds, comme qui voudroit monter par des degrez oste en un quart d'heure toute l'eau d'un grand nauire, tant y en puisse il auoir.

Il y a beaucoup d'hommes, qui ont esté nez & nourris dans les nauires & bateaux (comme dit est) lesquels ne furent iamais en leur vie à terre, & ne sçauent point d'autre mestier ny mesnagement, que celuy qu'ils ont herité de leurs

peres; qui est d'aller en vne de ces nauires ou bateaux, & mener çà & là les marchandises, ou bien de passer des gens. Dedans ces vaisseaux ils ont leurs femmes & enfans & font vn mesnage aux riuieres, tout ainsi qu'on fait aux villes & autres lieux peuplez sur terre, où ils se passent bien de hanter, d'autant qu'ils nourrissent dans leursdits vaisseaux tout ce qui est requis à leur viure, comme sont poules, oyes, canars, pigeons, & autres sortes de volailles & de viandes; ioint qu'ils trouuent facilement ce qui leur defaut dans les tauerne & boutiques, qu'il y a là sur les riuieres en aussi grande abondance, & avec autant de choses rares & exquises, qu'il s'en puisse trouuer en vne ville marchande & bien fournie: iusques à y auoir plusieurs sortes, de draps de soye, de l'ambre & du musc, & telles autres choses, qui sont plus curieuses que necessaires. Ils tiennent aussi aux costez de leurs dites barques force cuiers où il y a des Orangers, & autres petits arbres à fruits, ensemble de petits jardins, avec des fleurs & des herbes mesme pour leur vslage & leur recreation: puis au milieu de tout cela, il y a de petits viuiers, lesquels sont fournis de poisson vis, qu'ils prennent ordinairement aux retz.

Car quant à la pescherie, le Royaume est autant bienourny & auiancé de poisson, qu'autre qui se puisse voir tant à cause desdites barques & bateaux, qui sont en telle abondance, que pource qu'il y a force pescheurs en la mer & aux riuieres, lesquels pescheurs ordinairement avec les rets & autres engins: puis portent leur pesche (laquelle est presque infinie) par les mesmes riuieres bien eincées lieux loing au dedans du pais, gardant & nourrissant le poisson dedas les viuiers susdits: ce qu'ils font facilement, en leur changeant d'eau par chacun iour, & leur donnant à manger des choses qui leur sont propres & naturelles. La plus grande & plus ordinaire pesche du dit Royaume se fait entrois mois de l'annee, sçauoir est en Feurier, Mars, & Aueil, lors que les eaux croissent plus fort, parce qu'en ce temps les poissons de la mer montent à mont les riuieres, pour se vider & descharger: auquel lieu ils laissent leurs petits poissons que par apres preschent ceux, lesquels s'occupent à ce mestier, puis les nourrissent dans les viuiers, qu'ils ont aux barques & bateaux, comme dit est.

Deuers ces pescheurs arriue de toutes les parts du Royaume, pour acheter du Poisson, vne infinité de personnes avec

vn grand nombre de barques, dedans desquelles y a grande quantité de panniens d'osier couverts & enuironnez de carton, ou de gros papier baigné en huile, afin que l'eau n'en puisse sortir, donnant à manger au poisson en la maniere que dessus, & leur changeant d'eau soigneusement par chacun iour. Par ainsi se debite le petit poisson, & n'y a si pauvre qui n'en achepre, puis le mettent dans de petits viuiers, qu'ils ont chacun d'eux en leur maison (comme chose fort pratiquée par tout le royaume) auquel lieu ledit poisson deuient grand en peu de temps, & bon à manger en le nourrissant de busses, ou de yaches, ou de pigeons. On a aussi coutume de mettre de ce petit poisson dedans des fosses de villes (qui est cause d'y en auoir par tout en abondance) & tous ce qui est nourry en iceux est pour les Gouverneurs, ou les Iuges; n'estant permis d'y pescher, si ce n'est de leur commandement. Ces Gouverneurs & ces Iuges sont fort coutumiers de se recreer par les riuieres, & pour cest effect, ont plusieurs esquifs sur l'eau, qui sont couuers, & garnis dedans de belles chambres & cabinets bien proprement elabourez avec force fenestres & galleries, où ils se vont pourmener & mettre à l'ombre sous de beaux & riches tapis qui sont là tendus, & autres choses y contenues pour leur donner plaisir & contentement.

CHAP. XXII.

*D'une mode fort singuliere que les Chinois ont entr'eux
à nourrir des Canars en abondance, & à peu de
frais ensemble d'un plaisante & inge-
nieuse façon de pescher, de la-
quelle ils vsent.*

Y Ayant si grande multitude de peuple en ce Royaume de la Chine, selon qu'il s'est peu entendre par le progres de ceste Histoire, & n'estant permis à personne de demeurer sans rien faire, comme nous auons monsté par cy deuant: cela est cause que les esprits des pauures gens estant aiguisez par la Necessité, mere & inuentrice des Arts, s'occupent à chercher des nouuelles inuentions pour gagner leur vie, & auoir ce qui est necessaire à leur menage. Et par tant plusieurs de cedit Royaume, voyant que la terre y est si bien occupee & cultiuee, qu'il n'y en a pas vn espain sans maistre se retirent dessus les riuieres, qui sont belles & gran-

des en ce pays, en font illec de leur demeurence dedans des Barques & nauires, comme dit est auquel lieu ils tiennent leurs familles dessous des couuerts qu'ils dressent pour estre à l'abry, & se sauuer des pluyes, & du Soleil, & des inclemences du ciel. Là chacun d'eux s'occupe au mestier qu'il scait, & à celuy qu'il a herité de son pere, & à plusieurs autres sortes de mesnagemens; l'un desquels & le plus frequent & ordinaire est de nourrir en quelques vnes de leur barques des Canarts en si grand nombre, que c'est en partie de la viande la plus commode du Royaume, & leur maniere de ce faire est telle.

Ils ont de grandes cages faites de cannes de roseaux, qui sont aussi longues que tout le couuert derriere leurs barques où il peut tenir aisément quatre mille canarts, lesquels estans là dedans y pondent leurs œufs le plus dût temps en des nids; qui sont arrangez pour cest effect en plusieurs endroits de la cage. Ces œufs là le nourririer les oste du nid, & si c'est en temps d'esté, les met dedans du fumier de buffes, ou de celuy mesme des canarts (qui est fort chaud) auquel lieu il les laisse autant de iours, qu'ils scait par experience qu'ils les y faut tenir pour les faire esclorre; au bout desquels il les tire dudit fumier, & les casse vn à vn, & de chacun œuf fort vn petit canarton: ce qu'ils font de telle industrie, qu'il ne leur en meurt presque pas vn, qui est la chose qui fait le plus esbahir ceux qui les vont voir faire par curiosité (combien qu'il n'y en aye pas beaucoup qui y vassent à cause que telle coustume est ancienne & fort ordinaire par tout le Royaume). Et d'autant qu'ils font cest, mesnagerie là tout le long de l'année, & que durant l'hiver le siens a mestier d'estre aydé de quelque chaleur exterieure pour faire esclorre lesdits œufs, ils vsent d'une autre inuention qui est d'aussi grande industrie que la première, & est de la sorte qui ensuit.

Ils prennent vn grand caniffade, ou cage de roseau, sur laquelle ils estendent le fumier, puis mettent tous les œufs dessus & les couurent bien chaudement du mesme fumier, Cela fait, il s'oposet sous ladite cage de la paille, ou quelque autre matiere aisee à brusler, à laquelle ils mettent le feu, lequel dure tout le temps qu'ils scauent y deuoir estre pour faire esclorre lesdits œufs, & alors ils les cassent de la façon que dessus, & d'iceux sortent & s'esclorsent de petits canartons en si grand nombre, qu'il semble à voir des formilie.

res. Estans esclôs, il les mettent & posent en vne autre cage qu'ils tiennent presté pour cest effect, dans laquelle y a plusieurs grâds canarts, qu'ils ont instruits à couvrir & coëteindre les perits dessous leurs ailles; & là leur donnent à manger, en temps & lieu, iusques à ce qu'ils se sachent pouruoir par leur bec, & sortir dehors pour aller herber aux prez, au aux terres ensemencées; en la compagnie des grands. Et combien que ce bestail mange fort, & multiplie en si grand nombre, qu'il aduiet le plus souuent y en auoir plus de vingt mille; si les nourrissent-ils à peu de frais, & avec autant d'industrie, qu'ils sont à les procreer & esclorre, & est de ceste maniere.

Au matin ils leur iettent à tous du riz cuit, & en si petite quantité, que cela ne leur va pas iusques à la pance, puis leurs ouuiert la porte de la cage qui est tournée vers le bord de l'eau, & leur mettent vn pont de cannes ou roseaux, lequel du depuis la barque iusques audit bord, ils sortent tous dehors, & sautent d'une telle impetuositè les vns sur les autres, que c'est vn grand passer temps de les voir. Tout le long du iour ils se pourchassent çà & là, & vont paissant au long de l'eau, & par les terres semées du riz, qu'il y a là aupres; à raison de quoy les maistres & propriétaires desdites terres reconnoissent en quelque chose ceux à qui sont les canarts, pource qu'ils purgent & espluchent l'herbe, sans faire aucun mal au riz. Le soir estant venu, on leur sonne la retraite de dedans la barque avec vn petit tabourin, & alors ils se lancent tous de grande impetuositè dedans l'eau, puis s'en vont par dessus ledit pont de cannes ou roseaux, qu'on leur tient dressé tant qu'ils soyent dedans; & oyant le son du tabourin chasque bande reconnoist si bien sa barque, qu'elles ne s'y trompent iamais, encores qu'elles soyent beaucoup ensemble, pour autant que chasque barque a vn son différent l'un de l'autre, à quoy les canarts ont leur oreille toute faite. Ceste sorte de mesnagerie est fort frequente, & comme par tout le Royaume, & pareillement bien profitable, tantant que la plus part du peuple s'en nourrit; & sont tenus ces canarts pour vne bien bonne viande, & de bonne nourriture, & qui est à bon marché, attendu qu'ils s'y en nourrit en si grande quantité en tout temps, & avec si peu de frais.

Ils vident aussi au mesme Royame d'une maniere de pescher, qui n'est de moindre industrie que la nourriture des canarts, & merite bien d'estre entendue. Le Roy en toutes

les villes qui sont dessus le bord de l'eau, certains logis & maisons, ou est nourrie tous les ans grande quantité de corbeaux marins, que nous appellons blongçons, avec lesquels ils peschent certains mois durant sçavoir est, lors que les poissons se deschargent de leurs œufs; ce qui se fait en ceste maniere. Ils ostent lesdits Plongçons hors de leurs cages & iuchoirs, & les portans au bord des riuieres, où ils tiennent grand nombre de barques pour la pesche, lesquelles sont pleines a moitié d'eau, & toutes arrangees en rond, lient chaque Plongçon avec vne longue cordes par dessous les aissles, & leur ayant ferré la poche avec du fil, afin qu'ils ne puissent point aualer de poisson, les lancent dedans l'eau pour pescher; ce que font lesplongçons d'un si grand courage, que c'est merueille de les voir plonger si agilement. Ayant bien nagé & barboté entre deux eaux, & tant qu'il est de besoin, pour remplir de petit poisson tout ce qu'ils ont de vuide depuis le bec iusques au iabor, ils sortent dehors, & s'enuolent à la barque fort legerement, auquel lieu ils degorgent le poisson qu'ils ont pris en l'eau, qui est tout vis (car les barques, comme nous auons dit, sont toutes bien mises comme il faut, afin qu'il ne se meure point de poisson) puis s'en retournent de vol pour repescher comme deuant.

Ils font ces exercices là quatre heures durant, & sont si adroits à iceluy: qu'ils ne s'empeschent point l'un l'autre; continuant tousiours ainsi, tant que l'eau de la barque soit toute pleine de poisson. Alors on leur deslie la corde qu'ils ont par la pance, laquelle les empesche de manger, puis on les lasche dedans l'eau, afin qu'ils peschent pour eux mesmes; dequoy ils ont besoin, d'autant que le iour precedent la pesche, on leur oste coustumierement leur ordinaire (qui est vn peu de millet) afin qu'ils plongent de meilleur courage. Apres qu'on les a laissé manger, & reposer quelque temps, on les retire de la barque, & sont remportez au logis, où est leur repaire & nourriture, ordinaire, auquel lieu on les ramene tous les mois que la pesche dure, de trois en trois iours, pour faire le mesme exercice, lequel est de si grand passetemps pour eux, qu'ils le feroient volontiers toute l'annee. Durant ces trois mois de pesche, il se prend tant de poisson, que tout le Royaume s'en pouruoit (en la façon & maniere que nous auons dite au chapitre antecedent) qui est cause qu'il en est aussi bien fourny cōme de toutes autres

choſes, & qu'on y mange tous les iours du poiſſon frais, ſi on veut, encore qu'on ſoit fort loin de la mer.

CHAP. XXIII.

De la courtoiſe, que fait le Roy dudit Royaume aux Ambaſſadeurs, leſquels vont par deuers luy de la part d'un Roy, ou Prince, ou de quelque Communauté.

Ayant à parler au chapitre immédiatement enſuiuant de l'Ambaſſade que Dom Philippe Roy d'Eſpagne eſmeu d'un zele Catholique a enuoyée par deuers le Roy de la Chine, laquelle toutefois pour bônes cauſes & raiſons à ce le mouuans s'eſt differee iuſques à ce que ſe preſente quelque certaine occaſion (laquelle comme ie croy ſe preſentera en peu de temps) il me ſemble que ce ne ſera point hors de propos de traiter au preſent chapitre de l'honneur & courtoiſie que le ſuſdit Roy a accouſtumé de faire aux Ambaſſadeurs des Roys, Princes, & prouinces, qui vont par deuers luy en quelque ſorte d'Ambaſſade que ſoit: d'autant que c'eſt vne choſe ſingulière & curieufe, & qui eſt requiſe & neceſſaire en ce lieu, afin d'entendre la police de cedit Royaume, duquel nous parlons en ceſte Hiſtoire.

Tous ceux donc qui entrent en la Chine avec ce tiltre d'Ambaſſade, ore qu'ils ſoient enuoyez de la part des Roys, amis ou ennemis, ſont traitez, reſpectez, & carreſſez avec vn auſſi grand ſoin, comme ſi c'eſtoit la perſonne meſme qui les enuoye. Auſquels, outre que ſont gardees en leur endroit les immunitiez & exemptions ordinaires, qui ſont en vſage chez tous les Roys, & ſpecialement qui ne leur ſoit fait aucun tort ou leurs perſonnes (encôre que l'Ambaſſade ſoit de choſe qui tourne au meſcontentement du Roy, ou bien au dommage & inconuenient d'iceluy) ſont d'abondant concedes & octroyez pluſieurs priuileges ſpeciaux. Quand ils entrent au Royaume par quelque prouince que ce ſoit, le premier Gouverneur ou Iuge du lieu va au deuant d'eux en perſonne, pour les recevoir & bienueignier de belles haranges & ceremonies. Il fait ceſt accueil & reception eſtant accompagné de tous & chacun des Loytias qui ſont audit lieu, avec les autres Officiers du Roy, enſemble les Capitaines & ſoldats.

Quand ils arriuent par mer & viennent à desbarquer, on ne permet point qu'ils marchent sur terre, encore qu'il y aye bien peu de chemin depuis l'abord iusques où ils doiuent aller; car on tient huit hommes tous prests à l'orée du port, avec vne chaire de marbre, ou d'autre estoffe plus precieuse, garnie de perles & courtines de veloux ou de damas, ou de toile d'or; laquelle chaire est gardée pour tels succez en chaque ville principale ou cité, de l'ordonnance & commandement du Roy. Aussi ordinairement le mesme Roy en toutes les citez & grandes villes de son Royaume en grand hostel seigneurial & particulier, pour y loger tels personnages, & pareillemēt les Iuges qui passent par telles villes ou citez, en allant à l'exercice de quelque estat, lequel hostel est garni de son Alcayde, & gens de seruice, ensemble de fort beaux lits, & tapisseries, & de tous autres meubles & vrensiels necessaires pour loger non seulement vn Ambassadeur, mais plusieurs ensemble; sans que l'vn empesche l'autre. Ils luy font cōpagnie iusques audit hostel (soit qu'il voise, à cheual, ou en litiere, qui est le plus ordinaire) & là le laissent tous avec grandes ceremonies; demeurant seulement avec luy ceux qui le doiuent seruir, & vn capitaine avec mille ou deux mille soldats pour le garder iour & nuict, & l'accompagner par tout, iusques à ce qu'il sorte du Royaume.

Le lendemain le va visiter le Iuge ou le Gouverneur, duquel il a esté receu, & apres luy auoir demandé les choses ordinaires & en telles visites accoustumées, s'informe de luy, & du Roy, ou Prince, de la part duquel il est enuoyé, & en outre de ce qui se peut sçauoir sommairement touchant la cause de sa venuë. Cela fait, il despeche sur le champ vn courrier au Gouverneur, ou au Viceroy de la Prouince (lequel fait tousiours sa residence en la ville Metropolitaine d'icelle) & ce Gouverneur ou Viceroy enuoye pareillement le mesme courrier par deuers le roy & son grand Conseil; & par meisme moyen vn aduis à l'Ambassadeur, le priant d'attendre, ou yn saufconduit, l'aduissant de l'aller trouuer: avec vn mandement special au Iuge du lieu, touchant la courtoisie & bonne chere qu'il doit faire à l'Ambassadeur, selon la qualité du roy qui l'enuoye, ou de la personne mesme d'iceluy Ambassadeur (que luy a fait entendre le Iuge par vn mot d'aduis) ensemble le nombre de soldats qui le doiuent accompagner, & ainsi consequemment tout le reste

appartenant à son voyage; le tout si particulièrement déclaré, qu'il spécifie le viure qu'on doit bailler chaque iour à luy & à tout son train, avec le denombrement des lieux où il doit loger, & l'ordre qu'il y faut garder.

Le saufconduit susmentionné est enuoyé par escript sur vn tablon crespé de plaistre, à la façon & maniere que nous auons desia dite par plusieurs fois, avec de grâds caracteres de lettres contenans sommairement de quel Roy est enuoyé tel Ambassadeur : & est ce tablon baillé à vn certain homme, qui le porte tousiours deuant iceluy Ambassadeur par tout où il va. Mais celuy qu'enuoye par après le Conseil royal, & auquel est pareillement contenu le saufconduit de l'Ambassadeur pour pouuoir aller iusques à la Court est bié d'vne autre sorte & maniere; car il est escript en parchemin, & enluminé avec le seël d'or du Roy y pendant & attaché: & se met seulement ledit seël en cas semblable, ou és Lettres de prouision qui s'expedient aux Viceroy, Le long du chemin; il est desfrayé luy & ceux qui l'accompagnent aux despens du Roy, lesquels sont baillez & fournis pour cest effect par les Thresoriers: & par tous les lieux où il passe, luy est fait vn grand honneur & accueil, avec presens & banquets.

Le iour qu'il doit entrer en la ville de Taybin, dite autrement Paquin (où c'est que demeure le Roy) on voit aller au deuant de luy hors la ville pour le receuoir tous les Cheualiers de la Court, & les Auditeurs du Conseil royal avecque le President, (lequel, à ce que disent les Chinois, sort avec presque autant de suite & de maiesté que le Roy mesme) & si tel Ambassadeur est à vn grand Roy, le President va à gauche de luy; sinon il se met au costé droit, & va deuisant avec luy de bouche à bouche, ou par truchemand, en l'interrogeant de son portement, & de sa venue, & autres choses semblables, iusques à ce qu'ils arriuent à la grand' place du Palais; auquel lieu l'ayant logé, & le laissant avec quelques vns pour luy tenir compagnie, le President s'en retourne à sa maison, avec la suite que nous auons dite. Quand ils prennent congé de luy, ledit President luy donne pouuoir au nom du Roy de creertout autant de Loytias qu'il luy plaira, & de deliurer vn certain nombre de prisonniers condamnez à mort, & faire plusieurs autres graces particulieres.

À ceux qui entrent audit royaume avec le tiltre d'Amb-

bassade, quelque faute ou delit qu'ils puissent commettre, n'est fait aucun tort en leur personne, nonobstant que le delit soit contr'eux verifié. Et que cela ne soit ainsi, on le peut sçauoir par l'exemple d'un Barthélémi Perés, Portugais lequel ayant esté enuoyé au mesme royaume par l'ordonnance du Viceroy & Lieutenant general des Indes, avec vne Ambassade d'Emanuez roy de Portugal, fust avec ceux de sa compagnie deuant le Viceroy de la Prouince de Canton par les Ambassadeurs du Roy de Malaque, lesquels se trouuans audit lieu, & s'en allant à la Court pour négocier quelques affaires de leur roy, testifierent que l'ambassade que faisoit le Portugais estoit à fausses enseignes, & que c'estoyent des espions dudit Viceroy des Indes, lesquels venoient voir les fortresses de la ville pour le circonuenir par apres & la prendre, comme ils auoient fait en beaucoup de lieux desdites Indes:requérant sur ce le Viceroy (tant ils poursuiuoient fauslement leur mauvais vouloir & intention) qu'il luy plust les appréhender, & faire punir comme espions; s'offrant à luy fournir & bailler pleine & entiere information de tout ce qu'ils auoient testifié. De sorte que le Viceroy apres auoir pensé sur ce fait, & pris l'aduis des Loyrias de la ville & des Auditeurs du Conseil, fit apprehender les Portugais, & mettre en estroite & seure prison prenant leurs confessions avec grand ruse & prudence: & comme il trouuoit de la contradiction en icelles, pource que quelques vns d'entreux de grande crainte qu'ils auoient, en confessoient d'auantage qu'on ne leur en demandoit, & disoient mesme contre la verité de ce qui estoit, les sentenciera mort suiuant les informations, & leurs Loix, & enuoya la sentence au conseil pour confirmer, en intention de l'exécuter.

Venù par le conseil royal ladite sentence, & eu egard à la qualité des accusez, en laquelle ils estoient entrez au royaume, ils n'infirmèrent pas seulement icelle sentence, mais manderent encore au viceroy, qu'il eust à les eslargir incontinent, & les laissast aller sains & saufs à l'Inde, de laquelle ils estoient venus (nonobstant que les Ambassadeurs du Roy de Malaque, qui estoient pour lors en Court, perseuerassent en leur mauuaise intention) & qu'il leur fournist entierement tout ce qu'il leur seroit de besoin pour aller iusques audit lieu:adioustant en outre au mandement, que posé que fut vray tout ce que les susdits Ambassadeurs testifioient

stiffoient, & ce que les prisonniers auroient confessé de crainte & apprehension de mourir: aucun tort portant ne leur deuoit estre fait, eu esgard qu'ils estoient entrez au Royaume en tiltre & qualité d'Ambassade.

Reuenant donc à nostre propos apres que l'Ambassadeur s'est r'afreschi & reposé du chemin, & que les Seigneurs de la Cour luy ont fait plusieurs festins & banquets, le Roy luy assigne le iour auquel il doit aller parler à luy (ce qui se fait avec vne grande compagnie de tous les Cheualiers de la Cour & du President du Conseil) & alors luy donnent audience vne & plusieurs fois, & tant qu'il est besoing pour l'affaire qu'il va traiter en l'une des trois salles magnifiques desquelles nous auons parlé cy deuant. Apres que l'Ambassadeur a expédié ses affaires; & qu'il est chargé de presens, il s'en retourne deuers le Roy qui l'a enuoyé, luy estant faire par le chemin la mesme courtoisie, dont on a vsé en son endroit, quand il est entré au Royaume.

Quand est des Ambassadeurs, qui sont enuoyez de la part de quelque Republique, ou Communauté estant des appartenances du royaume, on ne leur fait pas l'accueil & reception que dessus, mais d'une autre sorte & maniere, pource qu'ils entrent dans les villes estans accompagnez seulement du Correcteur, lequel a la charge de les loger dans les hostels, que le Roy tient pour cest effect, & leur bailler audit lieu tout ce qui leur est necessaire. Ce Correcteur s'enqueste d'eux de la cause de leur venuë, & en donne aduis au President du Conseil, & le President l'enuoye au Roy lequel assigne le iour, auquel il leur donnera audience; à condition que quand ils s'achemineroient par deuers luy, ils iroient à pied, ou sur vn cheual sans bride; ayant seulement vn licol, en signe d'humilité, & reconnoissance de vasselage.

Au iour assigné de l'audience, l'Ambassade sort de l'hostel en la compagnie du Correcteur qui l'a receu la premiere fois, en gardant par luy l'ordonnance & condition prescrite; & allant en vne grande place qui est deuant le Palais Royal, demeure là iusques à ce que vienne par deuers luy vn certain Officier du Roy (qui est comme Maistre des ceremonies) lequel fait signe de marcher, & luy demonstre l'endroit, où il se doit agenouïller la premiere fois, en ioignant les mains en haut en signe d'adoration; & tenant les yeux vers le lieu, où on luy dit qu'est le Roy, tant que dure la cérémonie. Il va poursuivant son chemin de ceste maniere,

en faisant encore le long d'iceluy cinq autres adorations semblables à la precedēte; iusques à ce qu'il arriue à la premiere sale du Palais, où l'on va par vn escalier; auquel lieu est le President assis en grande maiesté, & representant la personne du Roy; lequel apres auoir ouy l'Ambassade le renuoye pour l'heure sans luy rien respondre, iusques à ce qu'il en aye donné aduis au Roy, enuoyant ledit aduis incontinent par le Correcteur susdit, lequel à la charge de logger tels Ambassadeurs; & leur bailler & fournir ce qui leur est necessaire, tout le temps qu'ils sont en Cour.

C H A P. XXIIII.

De l'Ambassade que le Roy d'Espagne a enuoyé au Roy de la Chine & des choses à ce le mouuans, ensemble, des occasions pour lesquelles elle a esté differee.

P Our fin & conclusion de la premiere partie de ceste Histoire en laquelle i'ay sommairement declaré les choses qu'on a peu entendre du grand royaume de la Chine obmetant plusieurs singularitez, dont i'ay memoire particulieres; les vns pour estre apocriphes, & les autres par ce que elles sont admirables en ce qu'on n'en a iamais ouy de pareilles (lesquelles selon l'aduis des hommes sages ne se doiuent point descourir, tant que le temps & l'experience les ayent rendus plus credibles) aussi pource que ie prendray en meilleure part qu'on me reprenne d'auoir esté brief au recit des choses susdites comme ont desia fait quelques vns) que d'auoir esté trop long & prolix; pour ces causes laissant que i'auoy deliberé d'adiouster, ie parleray seulement en chapitre final de l'ambassade, Lettres & present, que ie receu de la part de Dom Philippe roy d'Espagne; l'an 1580. afin qu'auec d'autres religieux de mon ordre ie m'acheminasse de son royaume de Mexique deuers la Chine pour aller offrir le tout en son nom au roy de ce grand royaume. De toutes lesquelles choses, ie declareray en ce lieu ce que i'en sçay, & entant que ie le puis faire sans passer les bornes de fidelité (attendu que l'ambassade n'a point esté paracheuee, n'y d'icelle resulté l'effect qu'on pretendoit.) Toutefois i'ay grand con fiance en la diuine Majesté avec le soin & la bonne diligence dudit Seigneur roy d'Espagne, qu'on aura bien tost la fin qui s'en desire, & pour laquelle a esté acheminee l'Ambassade, & le surplus.

Les Espagnols demeurant aux Isles Philippines, dites autrement Isles du Ponent, voyant les choses exquisies d'or & de foye, & beaucoup d'autres de grande valeur, qui venoyent du Royaume de la Chine, & arriuoient à leurs ports, & considerant que ceux qui les amenoient les vendoient à petit pris, au regard de ceux qui les estimoient, & estât en outre acertenez par les Chinois de plusieurs singularitez, qu'il y auoit en terre ferme, dont auons recitees quelques vnes en ceste Histoire, eux tous desirant le salut & conuersion, des ames de cedit Royaume, & pareillement esmeus & incitez du grand profit qui pourroit venir par le trafic & commerce qu'on auroit avec les mesmes Chinois, furent cause que les Gouverneurs & les principaux de la ville de Manille delibererent ensemblement, avec l'aduis du Prouincial des Augustins, & de plusieurs autres graues & notables Religieux du mesme Orde (lesquels ont esté les premiers, qui ont presché l'Euangile en ces contrées là, & baptisé vne grande partie des habitans, & fait plusieurs autres choses, dont ie scaurois bien que dire, si elles faisoient à mon propos & n'estoit que ie suis partie en ce fait) d'enuoyer au Roy Catholique des personnes graues, & auxquelles fust adioustee entiere foy, pour luy faire relation de la connoissance qu'on auoit dudit royaume, & luy donner à entendre comme il estoit necessaire à toutes ces Isles (qui estoient siennes) pour la conservation de leur estat, de se faire amis des Chinois leurs circonuoisins, & que de ce fait s'en ensuiuroient infinies commoditez: & pareillement le supplier que ce fust son bon plaisir d'enuoyer vn Ambassade au roy de ce mesme royaume, pour plus grande confirmation d'amitié, avec vn présent consistant en quelques choses, dont vse en ses terres & pais de par deçà, lesquelles seroient fort estimees en la Chine, & donneroient occasion de faire entree à la predication de l'Euangile, & donner commencement à plus grand commerce & trafic entre les Espagnols & lesdits Chinois: d'où s'ensuiuroit la susdite commodité à tous ses pais & royaumes pour vne infinité de choses, tant en richesses que en autres singularitez, lesquelles leur viendroient de ladite Chine.

Ayant donc diligemment regardé entr'eux qui seroit le personnage, lequel ils pourroient enuoyer à vn si grand & long voyage, pour aller supplier le roy d'Espagne de ce que dessus, ils furent d'aduis de s'adresser au Prouincial

des Augustins, qui s'appeloit F. Diego de Herrete (homme fort docte & deuotieux, lequel auoit vne grande experience de l'estat des susdites Isles, pour auoir esté du nombre de ceux qui les ont premierement descouuertes) & le prier qu'il luy pleust pour l'amour de Dieu & le seruice du roy Catholique, & le bien des mesmes Isles, prendre la peine d'aller faire la requeste: estant tous bien asseurez, que tant pour les bonnes parties qui estoient en luy, comme pour l'acquit de ceste charge, nul autre ne pourroit mieux effectuer leur desir, ni persuader audit Seigneur roy l'importance de l'ambassade, qu'il luy supplioient d'enuoyer, & telles autres choses consernantes le fait desdites Isles, lesquelles ils luy deuoient recommander.

Ceste deliberation fust generalement approuuee de tous & acceptee par ledit Prouincial, lequel partit aussi tost des Isles dedans vn vaisseau qui estoit tout prest & équipé pour aller à la neuue Espagne, qui fust en l'annee 1573. & à son embarquement l'accompagnerent le Gouverneur, & tous ceux de la ville (desquels il estoit bien fort aimé, pour sa sainte vie & bonnes mœurs) en priant tous fort affectueusement de reuenir le plustost qu'il pourroit ausdites Isles, où il estoit si fort aimé, & sa preséce tât requise. Il leur promit de faire tout ce qui seroit en luy, & pour recompense de la peine qu'il prenoit pour leur regard les requit de le recommander à Dieu, & le prier qu'il luy pleust luy donner vn bon voyage, ce qu'ils luy promirent, & accomplirent soigneusement.

Sur cela, il fit voile au mois de Nouembre audit an, & arriuant en temps raisonnable à la Neuue Espagne, surgit à la ville de Mexique; auquel lieu se rembarquant sur la mer du Nort, il aborda & arriua à aussi bon temps le 13. d'Aoust en l'an ensuiuant à S. Lucar de Berramede en Espagne, me menant en sa compagnie. De là nous fusmes à Seuille le iour d'apres, duquel lieu nous partismes incontinent pour nous en aller à Madrid (où estoit le roy Catholique) & y arrivasmes le quinziesme de Septembre, en l'an mil cinq cens septante quatre, & en la mesme semaine que vindrét les nouvelles de la perte de la Goulette. Si tost que nous fusmes arriuez nous allasmes baiser les mains audit Seigneur roy, & luy presentasmes les lettres de son Gouverneur, & de la ville lesquelles il receut, & nous aussi de fort bon ceil; selon sa benignité accoustumée, & ouit fort volontiers la re-

queste en ce quelle estoit fondee sur vn sainct desir & profitable, & nous dit qu'il manderoit à son Conseil de regarder particulièrement sur cest affaire, & avec la breueté requise, nous remerciant du long voyage, que nous auions fait pour son seruice, & pour luy donner aduis du descouuement du Royaume susmentionné; & des autres choses concernant le fait des Isles.

Si manda incontinent qu'on eust à nous fournir & deliurer tout ce qui nous seroit de besoin, tant que nous serions en Cour & nous enchargea par mesme moyen de faire entendre l'occasion de nostre venue à son President du Conseil des Indes, qui estoit Dom Iuan de Obando; auquel il recommanda de peser le tout avec grand esgard & delibérer sur iceluy apres auoir traité avecque son dit Cōseil des Indes de ce qui seroit bon de faire en tel negoce: ce que fit ledit President, comme il apparut par les effectz. Car bien peu de iours apres il nous donna prompte expedition de tout ce qu'on demandoit pour les Isles, fort & excepté ce qui concernoit l'ambassade deuers le Roy de la Chine, laquelle comme chose Plus importante, & qui requeroit plus de temps & d'aduis, se différa lors pour vne meilleure occasion.

Cela estant resolu, & apres auoir pris quarante Religieux & plusieurs lettres du Roy Catholique touchant l'estat & gouvernement du nouueau Royaume de Mexique susnommé nous retournasmes à Seuille au mois de Ianuier ensuyuant, en l'an mil cinq cens septante cinq; auquel lieu ie demeureray par le commandement dydit Seigneur Roy, & pour certaines occasions, & ledit Prouincial s'embarqua avec les quarante Religieux, & partit au mois de Iuin, faisant bon voyage iusques à la nouuelle Espagne, & de la singla dessus la mer de Midy iusques à descouurir les Isles de veuë: auquel endroit le temps vint à se changer, & leur fut force d'aborder à vne Isle de Gentils, lesquels tuerent & asommerent meschamment tous lesdits Religieux, sans qu'enfur rechapé pas vn, horsmis seulement vn Indien natif des Isles (que nous auions mené en Espagne quand & nous autres) lequel arriua depuis à Manille, & y porta les nouuelles comme ces traistres Gentils auoyent massacré les Religieux, & aussi rompu & deschiré les papiers qu'ils auoyent portez, & leur declara en outre tout ce qui s'estoit ensuyui.

Ce meschef estant sceu par le Gouverneur, & les autres

habitans des Isles avec vn tel regret & deplaisir qu'on peut sentir en tel cas; & se voyant en la mesme necessité qu'ils s'estoyent veus auparauant, à cause de la mort du Iudit Prouincial & compagnon, ensemble des Lettres du Roy d'Espagne, qui estoient perdus; ils aduiserent de rescrire audit Seigneur Roy, & le supplier derechef touchant ce qu'il leur auoit octroyé en partie (dont ils ne sçauoyent encore rien) & pareillement de l'ambassade, qu'ils auoyent demandé deuers le Roy de la Chine: adioustant nouuelles occasions à leur requeste, afin que par le moyen d'icelles il leur fust ce bien (dont ils l'auoyent desia supplié) touchant ladite ambassade, comme chose qui estoit de grande importance par toutes les Isles.

Quand le roy d'Espagne receut ces lettres conformees à ce qu'on luy auoit demandé, il fit Gouverneur des Isles vn Cheualier, qui s'appelloit Dôm Gonçale de Ronquille, homme de grande valeur & prudence, & lequel luy auoit fait plusieurs bons seruices, tant au Peru, qu'au Mexique. Iceuluy ayant entendu comme ceux des Isles demandoient instamment l'ambassade, & comme il importoit de beaucoup qu'elle se fust, donna des memoires au roy d'Espagne, & iceux de son conseil sur cest[affaire comme personnage à qui touchoit le fait des Isles, pource qu'il en estoit desia nommé Gouverneur] à quoy luy fust respondu qu'il eust à partir en diligence avec les soldats qui alloient deuers son gouvernement, à cause de l'vrgente necessité qui se presentoit ausdites Isles, & que quant à l'ambassade, qui n'estoit pas chose si pressée; ny necessaire, on en traiteroit plus à loisir, & entemps & lieu, que le Conseil aduiseroit estre plus commode pour ce faire, & que lors on en consulteroit avec le roy Catholique, à ce que luy qui estoit le maistre de l'affaire, eust à ordonner sur icelle ce qu'il verroit estre plus expedient à la gloire de Dieu, & au seruice de sa personne: & avec ceste response ledit Gouverneur s'en alla.

Si escheut au mois d'Aoust l'annee d'apres, qu'on vint derechef en Espagne de la part des Isles [ausquelles n'estoit encore arriué le Gouverneur deuant dit] pour requerir plus instamment ce qu'ils auoient demandé les autres fois; enuoyant quand & leur requeste la relation du P. Martin de Herrade, Prouincial des Augustins, & deses compagnons Religieux, contenant l'entree d'iceux dans le Royaume de

la Chine, avec les choses qu'ils y auoient veües & entëduës [comme il se verra plus au long par cy apres en la seconde partie de ceste Histoires.] Le roy d'Espagne voyant cela resolut d'enuoyer ceste ambassade qu'ils luy auoyent demandee par tant de fois; ce qui aduint lors que commençoit le voyage de Portugal, qui estoit de grande occupation & importance: signe bien appert & manifeste, que telle chose se faisoit par la volonte de Dieu, en la main duquel est le cœur du roy comme dit le sage.

Quant à la nomination du personnage qui deuoit estre enuoyé, il a remit à la discretion de son Conseil royal des Indes, où estoit pour lors President Dom Antoine de Menezes, lequel, comme ie l'eussé esté voir, pour communiquer avec luy de quelques affaires, dont on me chargeoit, & de plusieurs autres dont il s'informoit, & en telles communications eust traité avec moy par plusieurs fois de diuerses choses de la Chine, & du royaume de Mexique [où l'auois tousiours demeuré depuis l'age de dixsept ans] se persuada par celle longue frequentation, avec le bon vouloir qu'il me portoit que ie scauroy bien mettre à execution la volonte du roy Catholique, lequel entëdoit que ce fust vn Religieux qui allast faire telle ambassade; ioint aussi qu'il scauoit bien que tout mon desir estoit de procurer le salut de ces pauures ames Idolatres, & pouuoir faire quelque bon seruice, qui fut agreable à mon Roy,

Toutes ces considerations predites, avec l'experience des nauigations & la cōnoissance du lieu & des gens que i'auoy, luy firent iuger que i'aideroy de beaucoup à l'effect de l'entreprise, que ledit Seigneur roy, & ceux des Isles pretenoyent. Et par tant s'estant resolu en cest aduis, & dailleurs se voyant pressé de partir avec le roy Catholique audit voyage de Portugal, remit l'expedition de ma despêche aux Seigneurs du Conseil royal, où il presidoit; lesquels estoient pour lors le Licentié Gasca de Salaçar; le Docteur Gomés de Santistheuan, le Licentié Espadero, le Licentié Dom Diego de Zungia, le Docteur Vayllo, le Licentié E-mao, le Licentié Gedeon de Hinojose: par le commandement desquels ie parti de la Cour, & m'en allay à Seuille, où il auoit esté ordonné que se feroient les preparatifs, des choses, que ie deuois porter deuers le roy de la Chine, le demeuray là quelques iours à solliciter & haster & d'autant qu'elles s'offroyent en si grand nombre, que cel-

les qui estoient les plus necessaires ne pouuoient pas estre prestes ny expediees pour le temps, que la flotte deuoit partir: ledit Seigneur Licentié de Salazar, lequel presidoit pour lors en la Chambre de la negociation de Seuille, en aduertit le Roy d'Espagne (qui estoit en la ville de Badajoz, occupé aux affaires du Royaume de Portugal comme dit est) afin qu'il mist tel ordre, qui luy plairoit aduifer.

Si enuoya dire ledit Seigneur Roy, que nonobstant le retardement des preparatifs, la flotte ne laissast pas de partir & que quand à moy, i'attendisse tousiours à Seuille, tant que tout ce qu'il estoit besoin de porter deuers le roy de la Chine fut fait & parfait, selon & comme il l'auoit enioint & commandé: & que quand tout seroit prest, on equipast vn nauire ou vn gallion; dans lesquels se fist le voyage iusques à la nouuelle Espagne, afin que nous peussions atteindre en ce lieu les vaisseaux, lesquels partoyent chasque année pour aller aux Philippines deuers Noël. Ce mandement fut différé iusques au commencement de Carefme, tant pour plusieurs choses, qui se faisoient, & n'auoient peu estre acheuées en si peu de temps, comme pour la Coqueluche vniuerselle, laquelle couroit ceste annee là par toute l'Espagne. Apres que tout fust mis à point & en ordre, les lettres du roy Catholique me furent baillees par le mandement dudit Sieur Licentié de Salazar, ensemble les autres choses, que ie ne veux point icy declater, entant qu'elles sont en trop grand nombre, & que i'ay esté long en ce chapitre: ioint qu'il me semble que le discret & le sage lecteur les pourra iuger de soy mesme, en considerant d'une part la magnanimité du roy Catholique qui les enuoyoit, & imaginant d'autre par la grandeur & cheuance du Prince, à qui elles s'adressoyent, dont nous auons assez parlé au discours de ceste Histoire.

Ie voudrois bien qui me fust loisible de raconter le tout particulierement, & mettre icy la copie des lettres que le roy d'Espagne enuoyoit à ce roy payen (comme estant bien digne de son auteur) mais d'autant que l'effect ne s'en est point reüssy, & que ie n'ay pas congé de ce faire de la part de celuy qui me le peut donner avec ce que ie suis pour le present en vn lieu; où ie ne le puis demander, ie ne m'enhardiray pas d'auantage, de peur d'exceder les limites de fidelité. Pourtant il suffira de sçauoir, que tant lesdites Lettres & ambassade, comme l'offre d'amitié que faisoit par

icelles le Roy d'Espagne, n'estoient à autre fin & intention, que pour attirer le Roy de la Chine, ensemble tous ses suiers & vassaux à la connoissance du vray Dieu, & recevoir nostre sainte foy Catholique: & pareillement leur faire entendre le grand erreur où ils estoient n'ayant point la connoissance du vray Dieu: createur du ciel & de la terre, & de toutes les creatures du monde, visibles & inuisibles: saluateur & glorificateur de ceux qui croient en luy par vne vraye connoissance, & obeissent à sa sainte Loy declaree par sa parole, & confirmee par ses miracles: & telles autres choses à ce propos.

Ayant eu ainsi ma commission & despêche, ie party incontinent d'Espagne, & m'acheminay vers le royaume de Mexique, auquel lieu estant arriué, & s'y offrant d'auenture vn inconuenient, dont le Roy Catholique auoit commandé à son depart qu'on ne fust faite de l'aduertir, & estant chose necessaire de le mander & faire à sçauoir, auant que de passer plus outre: le Viceroy du royaume (qui estoit le Comte de Corune) trouua bon que ie retournasse à Lisbonne, ou estoit ledit Seigneur Roy pour luy faire entendre les difficultez, qui s'estoient trouues en vne assemblee, que son Viceroy auoit fait des plus grands Principaux du pays, touchant la poursuite de l'ambassade.

Sur ceste resolution ie party du susdit Royaume, & repris la route d'Espagne, laissant le present susmentionné dedans la ville de Mexique, entre les mains des Principaux Officiers, tant qu'eust esté ordonné ce qu'il falloit faire dudit present. Ie trouuay le Roy d'Espagne à Lisbonne, lequel apres luy auoir présenté les Lettres qu'on luy escriuoit, sur ce fait, & déclaré l'aduis de l'ambassade dessusdire, prit l'affaire en grande recommandation, & se chargea luy mesme de chercher les occasions, pour effectuer son bon zele & intention: comme ie croy qu'il s'y est desia bien employé, & s'y employe encore à present par tous moyens à luy possibles; & que nous verrons en bref nostre S. foy Catholique Romaine plantee en la Chine, & la fausse Idolatrie exilee hors du Royaume. Ce que i'espere deuoir auenir bien tost, Dieu aydant attendu qu'il y a desia dans le Royaume des Religieux Augustins, & des Obseruantins de S. François, & des susdites avec (qu'on appelle là les Peres de S. Paul) desquels il y en a desia cinq ou six de residens en la ville de Xauquin, où c'est que demeure le Viceroy, & y ont fait de-

lia vn conuent depuis l'an 1583. avec vne Eglise où ils disent Messe d'ordinaire, & tient on pour tout certain qu'ils ont eu congé dudit Viceroy de pouuoir aller librement par tout le royaume. Que s'il est ainsi, comme ie croy, il faut presumer que le Viceroy leur a octroyé ledit congé avec la bonne permission de son Roy autrement il ne seroit pas si osé de ce faire.

Pour le iourd'huy i'entends qu'un bon nombre de religieux d'Espagne, de l'Ordre saint Dominique, vont audit Royaume de la Chine, par l'ordonnance & commandement du Roy Catholique, & des Seigneurs de son Conseil royal des Indes, afin d'aller à l'entreprise des Religieux susnommez: de la part desquels, ensemble de leur sainteté & grandes lettres, on peut esperer quelque grand effect, qui s'en ensuiura infailliblement, comme i'espere, pourueu qu'ils s'vnissent tous ensemble en charité, comme seruiteurs d'un mesme maistre, & ouriers d'un mesme ouillage. Car par ce moyen les vns faisant leur deuoir d'un costé, & les autres d'autre, & estant assistez de la grace de Dieu, avec quelque peine & industrie qu'ils pourront mettre, ils gagneront les cœurs & les volonte de ces Idolatres, & osteront au Demon la possession d'un si grand royaume, qu'il retient & vsurpe iniustement par tant d'annees, le reduisant sous la puissance de celui qui est le vray Seigneur par creation & redemption.

A quoy ne seruira pas de peu le grand desir qu'ont les Chinois de procurer leur salut, & dont ils mōstrēt de grāds & euidens tesmoignages; ce qui leur vient (à ce qu'ils disent) pour auoir leu en leurs liures, *Que du costé d'Occident leur doit venir la vraye Loy, laquelle les enleuera au Ciel pour y estre Anges*: de sorte que comme ils voyent venir à leur royaume les religieux de par deça lesquels ils pensent estre du vray costé d'Occident, ainsi tiennēt ils sans doute que la croiance qu'ils leur portent est celle legitime & vraye loy, par l'obseruance de laquelle ils doiuent monter au Ciel, & deuenir Anges. A cela les ont affectionnez de beaucoup les Commendemens de nostre Foy & le Catechisme aussi qui est traduit en leur langue, & qui court desia en plusieurs endroits du Royaume; occasionna que plusieurs d'entr'eux des plus principaux se sont conuertis à N. Foy Catholique; & que les autres estans aidez du ciel, & incitez par l'exemple des conuertis commencent à demander le S. Baptême, le

quel on differe encore de leur bailler , de peur d'esrouuoir quelque sedition au royaume, & afin aussi que quand on leur octroyera, ils soient plus fermes en la Foy.

Dieu vueille fauoriser de sa grace ceste entreprise qui est sienne, & l'acheminer tousiours à la gloire de son Saint Nom, & à l'exaltation de sa Foy, afin qu'une si grande multitude & infinité d'ames rachetees de son precieux sang puissent estre toutes sauuees, & pour ce faire luy plaise inspirer le Roy d'Espagne susnommé à continuer & poursuivre ce qu'il a si bien commencé, enflammant de iour à autre le zele ardent de son cœur, & mettant arriere de luy tout ce qui le pourroit refroidir. Car il n'y a pas de

douté que le Demon nostre aduersaire n'em-

pesche vne si bonne œuvre par toutes

voyes & manieres : Mais contre

Dieu & sa diuine volonté, il

n'y a ne pouuoir ne

sagesse.

* *
*

Fin du troisieme Livre.





LIVRE QVATRIESME
DE L'HISTOIRE DV GRAND
ROYAVME DE LA
CHINE.

Contenant le voyage que P. MARTIN de Herrade, & F. Hieronyme Martin avec ceux de leur compagnie ont fait deuers ce Royaume en l'an 1577. ensemble leur entree en iceluy, & tout ce qu'ils y ont veu & entendu l'espace de quatre mois, & seize iours qu'ils y ont esté.

CHAP. I.

Les Espagnols de Mexique passent aux Isles Philippines, auquel lieu ils ont connoissance du grand Royaume de la Chine.

DOM Louys de Velasque Viceroy & Lieutenant pour le Roy d'Espagne, estant Gouverneur au Mexique, la Majesté luy manda qu'il eust à preparer vne grosse armee dessus la mer de Midy, & leuer des gés necessaires pour cest effect, & qu'il l'euyast descouvrir les Isles Occidentales, dites à present Philippines, desquelles auoit ia donné connoissance le fameux Capitaine Magellan, quand il circuit tout le monde avec la nauire victoire. Le Viceroy fit soigneusement & en diligence ce que ledit Roy luy manda, & ayant mis sus à tres-grands frais vne

grosse armee, la fit deslancer & partir du port de Natiuité en l'an mil cinq cens nonâte quatre enuoyant pour General d'icelle, & Gouverneur du pays qui se descouvroit au voyage, le Seigneur Michel Lopés de Legaspi (lequel mourut depuis aux mesmes Isles avec le tiltre d'Adelantade) vn an deuant que P. Martin de Herrade & F. Hieronyme Marin & leurs compagnons entraissent en la Chine, les Espagnols descouuurent lesdites isles, & en peuplerent quelques vnes au nom de leur Roy, & specialement celle de Manille qui a cinq cens lieues de tour, & en laquelle est la ville Luslon dite autrement Manille, qui est comme la Metropolitaine de l'Isle, & où les Gouverneurs qu'il y a eu depuis que les Philippines se sont descouuertes, ont fait leur residence ordinaire, & y a esté fondée l'Eglise Cathedrale, & l'Euesché, estant pourueu d'iceluy le R. P. Dom Dominique de Salazar de l'ordre des freres prescheurs, prelat docteur des parties de sainctere, vie & bonnes lettres requis en celle Prouince, lequel fut sacré à Madrid, l'an 1579. Et y a mesmement pour le iourd'huy en ladite ville trois monasteres de religieux, l'vn d'Agustins (lesquels ont esté les premiers, qui sont entrez ausdites Isles par le commandement du roy d'Espagne, & y ont presché l'Euangile au profit & fruit des ames, & au grand traual & danger de leurs personnes, pour leur auoir à plusieurs d'entreux cousté la vie. Le second est vn monastere d'Obseruantins de S. François de la prouince S. Ioseph. lesquels ont seruy de grand exemple & l'edification en ce pays. Le troisieme de religieux de S. Dominique, lesquels estās allez aux mesmes Isles quelques annes par apres, n'y ont pas moins fait que les autres: & pareillemēt depuis peu de temps en ça s'y sont transportez des Iesuites qui auront grandement aidé aux dessusdits religieux.

Les Espagnols estans arriuez à ces Isles eurent incontinent connoissance du grand royaume de la Chine, tant à la relation des habitans & originaires, lesquels leur racontoyent les merueilles de ce pays, que par le rapport qu'ils ouyrent & entendirent peu de iours apres de quelques nauires qui arriuerēt à leur port avec des marchandises, & autres choses fort singulieres dudit pays, lesquels leur raconterent particulièrement la grande estendue de leur royaume & les richesses d'iceluy, & plusieurs autres choses qui ont esté desia dites en la premiere partie de ceste Histoire.

De maniere que les Religieux Augustins (lesquels estoient seuls pour lors ausdites Isles) specialement le Prouincial de Herrade surnommé, personnage de grande valeur, & tres-docte en toutes sciences voyant comme ces Chinois qui venoient ainsi trafiquer aux Isles surpassoient de beaucoup les Insulaires en toutes chose, & signamment en fait de police & d'entendement; ils conçurent incontinent en eux mesmes vn grand desir d'aller prescher l'Edangile à vne telle nation si capable pour la recevoir; & se proposant de l'effectuer, commencerent à apprendre leur langue avec grand soin & estude, laquelle le susdit Prouincial apprit si bien & en peu de temps, qu'il la redigea par art, & en fit vne Grammaire avec le Dictionnaire. Apres cela ils firent beaucoup de presens à ces marchans de la Chine, afin qu'ils les emmenassent quand & eux; leur monstrant de tresgrands signes & témoignages du saint zele qui estoit en eux; iusques à s'offrir eux mesmes pour esclauers ausdits marchas, afin de pouuoir entrer au Royaume & y prescher par ce moyen; toutesfois pas vne de ces diligences ne reüssit à effect, tant qu'il pleut à N. Seigneur de descourir vn meilleur moyen, lequel se dira au chapitre qui ensuit.

 C H A P. I I I.

Limahon Coursaire de la Chine se fait puissant dessus mer, & desconfit l'intoquian, Coursaire du mesme Royaume.

LES Espagnols iouÿssient paisiblement de la nouuelle habitation de Manille, ne se desliâs d'aucun accident ni trahison d'ennem's, estât les Isles toutes pacifiques & obeissantes au Roy d'Espagne; au moyen dequoy ils continuoÿent leur trafic avec les Chinois, qui leur sembloit estre vne securité suffisante pour leur promettre le repos où ils se voyoient avec ce qu'ils sçauoient bien y auoir loy & ordonnance en la Chine defendant à la nation de faire guerre hors du Royaume, comme i'ay dit cy deuant en la premiere partie; quand vn nommé Limahon, l'vn des plus fameux Coursaires de la Chine (desquels ordinairement elle est pourueüe le long de sa coste, tant pour la multitude des vagabons prouenant de l'infinité du monde, comme aussi, & qui est la

principale occasion pour la tyrannie des Gouverneurs & Magistrats à l'édroit du commun peuple à eux soumis) aborda ausdites Isles à grosse armee en intention d'y faire dommage, comme il se dira ci apres. Ce Coursaire estoit de la ville de Truche en la Prouince de Cuytant, que les Portugais appellent Catin, né de parens mediocres, lesquels le nourrirent tout le temps de sa jeunesse en vices & en libertés au moyen dequoy, avec ce qu'il estoit meschât de sa nature & enclin à mal, il ne voulut apprendre autre estat que brigander & destroussier par les chemins, auquel art il deuint si bon maistre, qu'en peu de temps il assembla vne troupe de plus de deux mille garnemens qui se mirent à le suivre: & se faisât leur Capitaine vint à estre fort redouté par toute celle prouince.

Le Roy de la Chine & son conseil entendant cela mandèrent au Viceroy de ladite Prouince, qu'en la plus grand diligence que faire se peust il assemblast vne armee de gens de garnison de la frontiere, & procurast de le prendre & amener, ou l'enuoyer vif à la ville de Taybin, ou s'il ne pouuoit faire autre chose, enuoyer sa teste. A ce mandement le Viceroy fit assembler la gendarmerie necessaire pour aller apres en diligence: ce qu'entendant ledit Coursaire, & voyant qu'il n'estoit assez fort pour se defendre contre l'armee qui luy venoit sus à grand puissance, & que le danger estoit euident, s'il attendoit d'auange, il fit aussi tost serrer bagage & s'en alla quand & sa troupe à vn port de mer distant quelques lieuës de là, où il courut si secrettement, & en telle viffesse & diligence, qu'il se fist maistre dudit port & de tous les vaisseaux y estans, deuant que les habitans qui ne pensoient pas à vn tel assaut le sentissent venir ou approcher. Si se lance incontinent dans lesdits vaisseaux avec ses gens, & leuant les ancrs se va mettre en pleine mer, estimant (comme il estoit vray) qu'il seroit plus seurement là que sur terre. Se voyant desia maistre de ceste mer, il commence à piller autant de nauires, qu'il rencontroit tant estrangeres que du pays; au moyen dequoy il se fournit en peu de iours de mariniërs & d'autres choses qui luy defailloient pour ce nouuel exercice, pillant & saccageant toutes les villes maritimes de celle coste, & commettant plusieurs autres excës & outrages. De maniere que se sentant fort avec vne armee de 40. vaisseaux qu'il possedoit lors, tant de ceux qu'il auoit prië au premier port, que des au-

tres qu'il auoit desrobbez sur mer) & se voyant accompagné d'une grand'brigade de gens effrontez, & desia tous acharnez à pilleries & effusion du sang humain il pour pensa de plus grandes choses, & les mettant à effect s'auantura d'assailir de grosses villes où il perpertra mille cruautez, au moyen dequoy il deuint fort craint & redouté, non seulement tout le long de ladite coste où il estoit tant conneu, mais aussi aux autres plus lointaines, pour le grand bruit qui couroit de ses actes tant inhumains. Continuant ainsi cest exercice, il vint rencontrer vn autre coursaire comme luy, appelé Vintoquian, natif pareillement de la Chine, qui estoit de repos dans ses nauires sans aucune crainte: & vlsant de son accoustumee hardiesse combatit contre son armee, laquelle combien qu'elle fust de soixante voiles que petits que grâds, & fournie dedans de vaillans hommes, il desconfit & luy prit cinquante cinq vaisseaux, eschapan le Vintoquian avec les cinq autres. Adonc Limahon se voyant avec vne armee de quatre vingts quinze nauires, & vn grand nombre de gens dedans, tous hommes vaillans & hardis (lesquels scauoient bien que s'ils estoient pris ils ne mourroient que par les mains de Iustice), s'assura de sa personne, & chassant loin toute peur, machina nouuelles me'chancetez, osant non seulement enuahir de grandes villes, mais aussi les piller & ruiner:

CHAP. III.

*Vne armee s'assemble en la Chine contre le coursaire Limahon;
 & luy se retire à Tonzuacotican. auquel lieu il a con-
 noissance de l'estat des Philippines.*

CHasque iour se multiplioient les plaintes & les doléances, que les Chinois estans ainsi mal traitez de Limahon faisoient au Roy & à son conseil au moyen dequoy fut mandé derechef au Viceroy de la Prouince que le Coursaire rauageoit, qu'il aduisast de le prèdre aux mains le plus tost qu'il seroit possible. Si mit sus le Viceroy en peu de iours vne armee de six vingts & dix grosses nauires, avec quarante mille hommes dedans, & faisant General de toute l'armee vn Cheualier nommé Omocon, luy ordonna d'aller chercher & poursuiure le Coursaire avec mandement expres de le

d'eust à ce faire exposer ses gens & ses vaisseaux en danger, De tout cela fust aduerti incontinent. Limahon par quelques siens amis secrets ; tellement que considérant qu'on le vouloit poursuire a bon escient, & qu'il estoit inferieur à l'ennemi en gens & nauires, il s'aduisast, de ne pas attendre, & par ainsi laissant la coste, s'alla retirer à vne Isle secrette & inconnuee appelee Tonzuacaotican, à quarante lieues loing de la terre ferme, & situee en la mesme route, par où l'on va aux Philippines. Ayant retiré sa flotte en ceste Isle il tint là quelque temps sans ofer retourner à la terre ferme scachant bien que l'armee du Roy gardoit la coste, & combien qu'il enuoyast quelques nauires faire des courses si n'exploitoiét ils rien d'importance, mais furent mis en fuite par ladite arriuee du Roy. Durant son seiour en ladite Isle il faisoit par fois des sorties avec quelques siens vaisseaux, & en escumoit tout autant qu'il rencontroit avec des marchandises & autres choses allant & venant d'une Isle à autre : & des Isles à la terre ferme: entre lesquels il aduint que il prit deux nauires de marchands Chinois, & faisant regarder sous le couuert vit qu'ils mportoient en iceluy tout plein de riches marchandises, & vne bonne quantité d'or, & des reales de vingt sols qu'on leur auoit baillees en eschange pour d'autres d'orees & marchandises qu'ils auoient menees aux Isles. Si s'informa d'eux de l'estat & fertilité de ces Isles, & particulièrement des Espagnols qui demouroiét à Manille, lesquels pour lors n'estoient pas plus de soixante & dix (estant allez tous les autres descouuiri & peupler nouvelles Isles) & iugeant que si peu de gens qu'ils estoient là ne se doutoiét point d'ennemis, & pour ceste cause n'estoient munis d'aucun fort, & que l'artillerie qu'ils auoient n'obstant qu'elle fust bone, n'estoit pas prestre ni mise à point pour se defendre ni offenser avec icelle, il se proposa d'y aller avec sa flotte & ses gens pour les tuer, & se faire maistre tant de Manille que des autres Isles circonuoisines : afin de se mettre là en seureté contre la puissance de son Roy lequel le faisoit chercher. Si tost pensé, si tost fait, & demara d'où il estoit en la plus grande diligence qui luy fust possible.

C H A P. IIII.

*Comme Limahon tire deuers les Philippines, & s'aborde
pres de Manille.*

SE delibérant donc le Courfaire d'aller prendre les Philippines; & apres auoir tué les Espagnols (ce qui luy sembloit fort facile pour le petit nombre d'iceux) s'en faire Roy & souuerain; estimant pour estre là en seureté & sans crainte aucune de la grande puissance du Roy de la Chine, estant loing de là sortir d'entre les susdites Isles où il estoit retiré en singlant vers les Philippines & en passant à la veüe de Isles des Illoques pres la ville de Fernandine, qui auoit esté bastie de nouveau par le Capitaine de Iuan Salsede qui estoit pour lors Lieutenant du Gouverneur en ce lieu. Quatre lieues de là il rencontra vne petite galere qu'auoit enuoyee ledit Salsede pour auoir des viures avec vingt cinq soldats seulement, & quelques galiots avec eux estans les vns & les autres en petit nombre, comme gens qui pensoient aller en lieu seur & sans danger de rencontrer des ennemis. Limahon descourrant ladite galere, fit ramer deuers elle & l'ineustit, puis l'ayant prise y mit le feu & tua tous ceux qui estoient dedans, sans pardonner à mesun. Cela fait il pourfuit la route selon son dessein, passant à veüe de Fernandine, mais non pas si secrettement, qu'il ne fust bien veu des habitans lesquels en furent aduertis, le Lieutenant du Gouverneur susnommé s'estonnant de voir tant de nauires ensemble (ce qui n'e s'estoit iamais veu autour de ses Isles s'esbahit mesme ledit Lieutenant, & n'e sceut lors que penser. En fin voyant qu'elles prenoient la route de la ville de Manille, & pourpensant en soy-mesme qu'une si grande armee ne pouuoit venir de celle part pour le bien des habitans, lesquels ne se doutoient pas d'un tel abord & estoient en bien petit nombre, ainsi que dit est; il delibera en la plus grande diligence qu'il fust possible, & avec si peu de gens qu'il peut assembler, qui estoit de cinquante quatre Espagnols seulement de partir incontinent, & tascher à les deuancer, encore que ce deust estre à tout peril & fortune, afin d'aduertir ceux de Manille & leur aider à tenir l'artillerie preste, ensemble les autres choses requises & necessaires pour leur defense. Ceste resolution fust franchement executee par le Capitaine, lequel

fust cause que la ville & tous ceux qui estoient dedans , ne furent saccagez ne ruinez ; jaçoit qu'il ne fust iamais possible d'acheuer tout le dommage , d'autant que comme ils auoient de petits vaisseaux & bien peu de gens de chosme mal entendus à la rame (pour n'auoir pas eu le loisir ni la commodité d'y prouuoir, à cause de leur soudain partemēt) avec ce qu'ils alloient de lieu à autre prendre des viures pour leur prouision; cela fust cause qu'ils n'arriuerent pas si tost qu'ils desiroient & en estoit de besoin. Limahon qui estoit de sa part bien fourny de munition & autres choses nécessaires , ayant tousiours le temps propre & à souhait les deuāça & vint arriuer à l'anse de la ville de Manille la veille saint André en l'an 1574. auquel lieu il surgit la mesme nuit avec la flotte. Et voyant que l'issuē de son entreprise consistoit en diligence, tout sur le champ deuant que d'estre aperceu de ceux de la ville, ni des autres d'alentour (à quoy luy aidoit beaucoup l'obscurité de la nuit) il mit dās quelques vaisseau quatre cens hommes d'eslite, de la vaillance desquels il estoit bien asseuré, & commandant à leurs capitaines de mettre toute diligence d'arriuer à la ville deuant le iour, les despescha & leur commanda que la premiere chose qu'ils fissent, ce fust, de mettre le feu à la ville, & par apres de tuer tout sans laisser en vie teste d'homme, leur promettant de les aller trouuer au poinct du iour pour les secourir s'ils en auoient de besoin comme il fit. Mais comme rien ne se fait sans le vouloir & permission de Dieu, il fust possible au coursaire d'executer sō entreprise avec les quatre cens hommes ainsi qu'il auoit projectté, d'autant que la mesme nuit s'esleua vn vent en terre qui augmentoit d'autant plus fort que la nuit se faisoit plus grande, & leur fust tellement contraire que non obstant toute la force & industrie qu'ils mirent à luy resister, ils ne peurent desbarquer de nuit, Que si se la ne fust aduēnu, il n'y a point de doute qu'ils eussent executé leur mauais dessein, avec la perte de toute la ville & des habitans; ayant deliberé de la ruiner & destruire, comme il appert par le mandement qu'il auoit donné à ses Capitaines.

C H A P. V.

Limahon enuoye quatre cens soldats deuant, pour brusler la ville de Manille, auxquels resistans vaillamment les Espagnols.

Les fufdits quatre cens Chinois, nonobftant tout l'empeschement que leur fit le vent cōtraire, vindrēt approcher a vne lieuë pres de la ville, le iour & teſte ſainct André, ſur les huit heures du matin, auquel lieu laiſſant leurs vaiſſeaux, & ſautant à terre ils, commencerent à l'inſtant avec plus grande diligence qui ſe puiſſe dire à marcher en ordre de bataillon, ſçauoir eſt deux cens arquebuſiers deuant, & deux cens piquiers derriere, & comme ils furent apperceus de quelques vns de la ville (ce qui ne ſe pouuoit faire autrement pour eſtre le païs plat & deſcouuert, & les ſoldats en grand nōbre ceux là en vont incontinent aduertir les autres, & entrant de ce païs dans la ville, ſe mettent à crier à haute voix. A l'arme, A l'arme, voicy venir les ennemis. Mais leur aduertiffement ſeruit de bien peu pour ce qu'il n'y auoit perſonne qui les creuſt, cuidant eux tous que ce fuſt vne eſmeute faite à plaifir par les naturels du lieu, ou quelque baye qu'ils leur vouluſſent donner. A tant eſtoiet approchez les ennemis inſques à la maiſon du maître de camp nommé Martin de Goyti comme la premiere de la vile du coſté que les ennemis venoient deuant que les Eſpagnols, & les ſoldats qui eſtoient dedās les puiſſent voir, & meſmes deuant qu'ils fuſſent bien certains du bruit & tumulte qu'ils entendoient: Si mettent incontinent le feu à ceſte maiſon, & tuent le maître de camp & tous ceux qu'ils trouuerent dedans ſans qu'en rechappaſt aucun, ſinon la femme laquelle ils laiſſerent bien fort bleſſée, & toute nue croyant qu'elle fuſt morte des coups qu'ils luy auoient baillez, dont toutesfois elle guarit par apres. Durant ce premier maſſacre ceux de la ville ſ'aſſeurerent de la verité qu'ils n'auoient pas voulu croire, & combien qu'en vn tel ſucces & euenement qu'ils n'auoient iamais pourpenſé, ils fuſſent tous comme eſperdus & ſans aucun ſentiment: ſi commencerent ils à la paſſin à ſentir, & mirent tous la main aux armes, pour taſcher à ſauuer leurs vies: Si s'en vont incontinent quelques ſoldats deuers la plage, marchant en tr'eux en ſi peu d'ordre, que tels ſucces peuuent permettre, & comme ils alloient ainſi peſſe meſſe, les Chinois qui les rencontrerent les mirent tous au fil de l'eſpee, ſans qu'en rechappaſt aucun: qui fuſt cauſe que les autres ſe rallèmbent & ſe mettant en bon ordre font reſiſtence aux ennemis, leſquels entrent dans la ville en mettant le feu par tout, & criant deſia victoire. Si monſtrerent en cela les Eſpagnols

la prouesse & vaillantise qu'ils sont coustumiers de ce faire en tels hazards, & fust si grande leur residence & accompagnée d'un tel courage, qu'ils retindrent la furie de ceux qui auoyent esté vainqueurs iusques alors, & mesmes les firent retirer (nonobstant la difference qu'il y auoit des vns aux autres) au domage des ennemis, & sans perte notable des Espagnols, lesquels firent acte de prouesse en la susdite resistance. Ce considerant les Chinois, voyant que leurs vaisseaux estoient demeurez bien loing pour n'auoir sceu approcher plus pres à cause du temps, ils se resolurent de laisser, l'assaut en tel estat qu'il estoit, & d'aller mettre à sauueté leurs vaisseaux, & se refreschir du travail passé pour reuenir puis apres avec leur General Limahon, qu'ils attendoyent & pour suite leur entreprise, de laquelle ils esperoyent auoir aisément la fin, Estans venus à leurs vaisseaux, & se deffiant de quelque surprisse, ils dresserent à l'instant des proues vers la route où ils auoyent laissé la flotte, & apres auoir un peu vogué la virent sortir d'une pointe qui estoit à veüe de Manille, au moyen dequoy singlant à elle, approchant de la nauire Capitainesse, où estoit le coursaire Limahon, luy raconterent de point en point tout ce qui estoit aduenü, & comme pour le vent contraire ils n'auoyent peu venir au temps qu'il leur auoit commandé, & eussent bien desiré, de maniere que n'ayant sceu mettre fin à leur entreprise ils l'auoyent voulu suspendre en son absence pour vne meilleure occasion. Le Coursaire les remercia de ce qu'ils auoyent fait, & les exhortant de prendre courage, leur promit les rendre contens en brief, & sur ce propos fit dresser la prouë de sa nauire Capitainesse vers un port appellé Cabite distât à deux lieues de Manille, d'où l'on auoit veu tout plein passer la susdite flotte.

CHAP. VI.

Le Gouverneur de Manille se fortifie pour attendre l'assaut des Chinois, il combat contre eux, & fait leuer le siege à Limahon, lequel au partir de l'ase va saisir du pays situé sur le fleuve de Pagasinan.

EN ceste saison estoit Gouverneur des Isles & de la ville de Manille un nommé Guy de Labastie, lequel par le

décédez & trespas de Michel Lópés de Lesgapi auoit succédé au gouuernement de l'ordonnance & commandement du Roy d'Espagne. Iceluy considerant d'une part la grande arceue & puissance dudit Coursaire, & voyant d'ailleurs le peu de resistance qu'il y auoit en la ville, assembla le plus tost qu'il peut les Capitaines & habitans, & avec l'aduis d'eux tous delibera de faire quelques gabions pour resister le mieux qu'on pourroit, cependant que l'ennemy seiourneroit au port susmentionné; car d'abandonner la ville il ne leur estoit pas lóysible: craignant de perdre leur credit lequel ils vouloyent garder toute leur vie attendu que sans iceluy ils ne pourroyent tenir & posséder en seureté les autres isles voisines. Cela estant resolu l'effect s'ensuiuit incessamment, & mettant tous la main à l'œuvre se fortifierent en diligence deux iours & deux nuicts durant que le Coursaire mit à venir, sans rien laisser en arriere ny excepter aucune personne de quelque qualité que ce fust sçachant bien les braues soldats que demeurant leurs vies sauues ils auoyent moyen par apres de se rafraeschir du trauail & de la peine qu'ils auoyent.

Moyennant ce labeur continuel ils firent vn fort de tonneaux qui estoient pleins de grauois, avec des ais & autres choses que la breueté du temps leur permit. puis braquerent à l'instant dessus quatre bonnes pieces d'artillerie qu'il y auoit en la ville, lesquelles estans arrangees, & tous les gens de la ville retirez dans ce petit fort qu'ils auoyent ainsi dressé par la prouidence de N. Seigneur, comme il est creditable tout à point la nuict de deuant l'assaut, vint le Capitaine Iuan de Salsede, Lieutenant du Gouverneur de la ville de Fernandine, qui comme dit est cy dessus, venoit secourir les Espagnols de Manille, la venue duquel ensemble de ses compagnons fut le principal moyen de la consideration de la ville & de tous ceux qui estoient dedans. Car le trauail qu'ils auoyent eu au commencement à resister à la peine qu'ils auoyent prise à se fortifier pour l'auenir, puis la peur qu'ils auoyent encores pour le danger où ils s'estoyent veus avec ce qu'ils estoient en petit nombre: tout cela les auoit bien reduits au besoin d'un tel secours que cestuy ci, lequel fust miraculeusement enuoyé de Dieu qui ne vouloit pas que tant d'ames qu'il y auoit lors de baptisees en ces isles & marquées du caractere de la sainte Foy vinssent de chef à estre esclaves du Demon, de la puissance duquel il

les auoir deliurees par son infinie misericorde, ni que se perdist l'occasion du commerce qui est entre lesdites Isles & la Chine au moyen dequoy la diuine maiesté a parauenture ordonné la salutation de ce Royaume.

Telrenfort inopiné les fit tous reprendre courage & assurance de resister vaillamment aux ennemis, comme ils s'y employerent incontinent: car le lendemain matin qui fut deux iours apres lassant de ces quatre cens auanturiers, dont est parlé cy dessus, le Coursaire estoit deuant le iour avec son armee au front du port faisant d'esbarquer iusques à six cens soldats, lesquels entrant à l'instant dedans la ville eurent commodité de la saccager & brusler sans danger de leur personnes comme estant abandonnee des habitans lesquels pour leur plus grande seureté s'estoyent retirez ainsi que dit est; dedans le fort de l'ordonnance & commandement du Gouverneur. Ayant mis le feu à la ville, ils vont assaillir le fort estans ancharnez du meurtre passé, & persuadez de trouuer peu de resistance, ce qui n'aduint pas pourtant comme ils pensoient, moyennant le bon courage & la vaillance de ceux de dedans de sorte que ceux qui se hazarderent d'entrer au fort l'acheterent bien chèrement, & leur en cousta la vie. Les Chinois voyant cela se retirent apres auoir combattu presque tout le iour, & perdu deux cens hommes à l'assaut sans plusieurs autres qui furent blesez; n'estant morts que deux seulement du costé des Espagnols, sçauoir est Sanche Horriz porte enseigne, & Francisque de Leon, Iuge & Alcade de la ville.

Ce considerant Limahon homme fin & de vis esprit, & voyant que c'estoit perdre temps & gens, de vouloir pour suivre plus auant contre la vaillance des Espagnols, qui estoit tout autre que celle qu'il auoit, experimentee iusques alors, il trouua plus expedient de s'embarquer & faire voile au port de Cabite susdit duquel il estoit parti. Pourtant recueillant soigneusement tous les morts, & regardant encore deux iours en ladite Isle à les faire enterrer, il partit apres de ce lieu & reprenant la mesme route qu'il auoit tenué quand il vint deuers Manille, nauigea tant qu'il abborda à un grand fleuve appellé Pangasinan, distant à quarante lieues de là. Estant en ce lieu & le trouuant de bonne assiette & comode pour y demeurer à seureté contre ceux qui le cherchoient de l'ordonnance du Roy de la Chine, il se resolut d'y arrester & s'en faire maistre, comme il fit sàs grande

peine, & par le moyen d'un fort qu'il y bastist à vne lieue au
dessus d'iceluy fleuve, auquel lieu il se tint par quelques
iours leuât tribut des naturels du pais comme vray seigneur
& allant delà avec ses nauires piller & escumer tous les vais-
seaux qu'il rencontroit en celle coste, & faisant courir le
bruit qu'il auoit conquis les Philippines & partie oecis-
partie mis en fuite tous les Espagnols de dedans, Par ce mo-
yen il se rendit fort redoutable à tous les peuples circouoi-
sins du susdit fleuve, de maniere qu'ils le receurent pour sei-
gneur, & comme tel luy rendirent obeissance & tribut.

CHAP. VII.

*Salsede M. de camp va à l'encontre de Limahon, & mettant le
fin à son armée le tient assiéger trois mois durant dans
un fort, duquel ledit Limahon eschappe en
fin subilement.*

ESTANT par le Gouverneur des Isles & ceux qui esto-
ient pour lors dans Manille entendu le bruit que faisoit
courir le Coursaire par tous les lieux où il alloit d'auoir
tué & deconfit les Espagnols, & considerant à par eux que
s'ils n'obuioient du commencement à ce faux bruit, il pour-
roit causer quelque grand inconvénient à l'auenir, qu'on ne
pourroit pas reparer si aisément que si lon y remédioit de
bonne heure, & que si ceux qui leur estoient amis & vas-
saulx en toutes ces Isles croyoient ce que disoit le Coursaire
ils pourroient en fin se rebeller à l'encontre d'eux, & les
mettre à mort, attendu qu'ils estoient vn si grand nombre
de naturels, & bien peu, s'estans tousiours bien maintenus
iusques alors par la seule renōnee d'estre inuincibles, de-
liberèrent d'amasser tous le plus de gens qu'ils pourroient,
& se mettant tous en bon ordre d'aller poursuivre le Cour-
saire qu'ils scauoient bien s'estre necessairement retiré vers
ledit lieu, & n'oser retourner à la Chine pour la grande
crainte qu'il auoit, iugeant sagement entre eux que le pre-
sentalant de leur part des mesmes ruses & stratagemes de
quels il auoit vsé ils pourroient prendre au brio, comme
luy leur auoit fait, s'assurant que combien qu'ils ne le
peussent ruiner, au moins pourroient ils venger la perte
qu'ils auoient receuë de luy, au moyen de quoy on descou-
uiriroit les mençeries qu'il auoit semées, de maniere qu'ils

demeureroiét tousiours en leur feuereté accoustumee, & en plus grande reputation a l'aduenir à l'en droit de ceux qui les connoissent & gagneroient l'amitié du Roy de la Chine, auquel il estoit rebelle. Ceste deliberation fust mise à effect avec le plus de diligéce que le temps & l'affaire requeroit, & cependant vindrent certaines nouuelles que le Coursaire s'estoit arresté au fleuve de Pangasinã, où il estoit de repos. Les nouuelles estans venuës qui furent fort agreables aux Espagnols, le Gouverneur fit mander tous les habitans d'alentour, leur commandant devenir où il estoit, & donna aduis au mesme temps aux Commandeurs, ou Seigneurs des Isles des Pintades, à ce qu'ils se trouuassent au mesme lieu avec le plus de gens & de nauires qu'ils pourroient, tant d'Espagnols que de naturels. A ce commandement general fut promptement obey, & vindrent les naturels du païs tres volontiers, & nommément ceux deidites Isles des Pintades.

Avec cest amas de gens & tous les autres de la ville, reserué seulement ceux qui demurerent avecques le Gouverneur pour la garde d'icelle & du fort fait de nouveau, qui estoit toutefois bon & de defense, partit le Capitaine Iuã de Salcedo (à qui ledit Gouverneur auoit i'a au nom du Roy d'Espagne cōferé l'estat de Maistre de cãp vacant par la mort de Martin de Goyti, qui mourut cōme dit est, au premier assaut de Manille) menãt en sa cōpagnie deux cens cinquãte soldats Espagnols, & deux mil cinqcens Indiens, tous amis & confederez qui alloient en intention de venger l'injure receue, ou de mourir en la poursuite. Toute ceste gendarmerie s'embarqua dedans de petits nauires & deux fregates qu'ils auoient amenees des Isles voisines, n'ayant peu attendre d'auantage pour la breueté du temps que requeroit ce voyage, ni chercher de plus grands, vaisseaux, lesquels toutefois ne se fussent aisément trouuez, encore qu'ils eussent attendu, d'autant que la petite galere qui estoit au port de Manille, ensemble les autres gros vaisseaux auoient esté bruslez par les habitans du lieu quand ils virent venir le Coursaire deuers la ville, se mutinant pour ceste cause à l'encontre des Espagnols, ausquels toutefois ils auoiét tousiours esté obeïssans, depuis qu'ils estoient entrez ausdites Isles, pour la grande opinion qu'ils auoient conceue de leur puissance, Le Maistre de camp avec les soldats p'edits partit de Manille le 2. iour de Mars, l'an 1585. & arriua à la

bouche du fleuue de Pangasinan le mercredy saint ensuiuant au point du iour sans estre veu de personne afin d'aller sagement en ceste affaire comme chose qui le requeroit. Si fit des barquer incontinent tous ses gens & quatre pieces d'artillerie, fermant la bouche du fleuue avec toutes les nauires qu'il auoit fait enchesner les vnes aux autres, afin que personne ne peust entrer ne sortir, ni faire sçauoir sa venue audit Courfaire, commandant à quelques vns d'aller reconnoistre son armee, & le lieu où il s'estoit fortifié, & leur commandant sur tout de faire en sorte qu'ils ne fussent point descouverts, d'autant que la fin de leur entreprise consistoit du tout en cela. Les Capitaines executerent son commandement, & trouuerent le Courfaire lequel ne pensoit non plus pouuoir recevoir en ce lieu aucun dommage comme il auoit trouué ceux de Manille alors qu'il vint l'assiéger. Ceste assurance luy prouenoit des aduertissemens qu'il receuoit de la Chine, par lesquels on l'asseuroit que n'agoit qu'on deliberaist au Royaume expedier gens contre luy, toutesfois cela ne seroit pas si tost prest, & qu'on ne pourroit sçauoir ni trouuer ce lieu où il estoit, & moins entendre que les Espagnols des Philippines seroient demeurez sans vaisseaux, pour auoir esté bruslez, ioint que lesdits Espagnols auoient esté si mal traitez qu'ils aduiferoient plustost à se réparer & reparer la perte passée, qu'à se venger d'aucune iniure.

Le M. de camp ayant entendu ceste mesgarde du Courfaire, & s'estant bien informé du chemin le plus secret qu'il falloist tenir pour aller là où il estoit, commanda au Capitaine Gabriel de Ribera qu'il partist vistemment par terre avec ses gens, & que le plustost & avec plus grand bruit qu'il pourroit il donnaist vne alarme à l'ennemi, & par mesme moyen enioignit aux Capitaines Pedre de Chaves & Laurent Chacon qu'ils se missent dedans des vaisseaux legers sur ledit fleuue avec quarante soldats, en leur mesurant le temps de telle sorte que tant ceux qui marchoyent par terre, comme les autres qui alloient par eau, vinsent arriuer ensemblement au lieu où estoit le fort du Courfaire, & donner tous l'alarme en vn mesme instant, pour mieux paruenir à leur entreprise: demeurant quant à luy avec le reste de ses gens pour leur aider & secourir où se presenteroit l'occasion. Ce dessein réussit si bien que les vns & les autres firent leur deuoir; car ceux qui estoient sur l'eau brusle-

rent toute l'armee l'ennemy, & ceux qui venoient par terre vindrent par le moyen de ceux qui auoient mis le feu à entrer dans la palissade que Limahon auoit faite pour sa defense, ensemble pour la garde de ses gens & de son fort, auquel lieu ils mirent pareillement le feu & tuerent plus de cent Chinois : & prirent plus de soixante & dix femmes prisonniers qu'ils trouuerent en la palissade, Comme le Coursaire euyt le bruit, il se retira incontinent dedans son fort, lequel bien qu'il eust esté par luy fait pour se defendre si l'armee du roy de la Chine qu'il scauoit bien se preparer contre luy le venoit là assaillir, luy sauua la vie pour lors. Car il fit sortir dedans quelques soldats, & les enuoya donner vne escarmouche aux Espagnols qui estoient bien las du travail du iour & de chaleur insupportable qu'on sentoit du feu des nauires & des maisons de la palissade qui brusloient en vn-mesme temps. Les Capitaines voyant cela, & s'apperceuant que leurs gens alloient en desordre & que quant à eux ils ne pouuoient pas soutenir l'escarmouche se trouuant aussi laissez que les autres (nonobstant que le renfort que leur auoit enuoyé le Maistre de camp les eust rectreez & raffreschis) sonnerent alors la retraite ayant perdu cinq Espagnols & plus de trente Indiens que tuerent ceux du Coursaire, avec quelques autres qui furent blesez.

Le lendemain le Maistre de camp mit incontinent tous ses gens en ordonnance de bataillon, & commença à marcher deuers le fort en intention de combattre si l'occasion se presentoit, & y estant arriué se campa à deux cens pas pres ou enuiron : mais il trouua que le Coursaire s'estoit bien fortifié toute la nuist & qu'il y auoit danger d'assaillir le fort à cause de trois grosses pieces d'artillerie qui estoient là toutes braquées avec plusieurs autres canons & engins à feu. Ce consideré, & veu qu'ils auoient de petites pieces pour le battre & fort peu de munition, pour l'auoir desia toute employee en se defendant aux assaux que le Coursaire leur auoit donnez à Manille : le Maistre de camp eut sur ce l'aduis des Capitaines, delibera que puisque l'ennemy n'auoit aucunes nauires pour fuir par eau, ny moyens ou preparatifs pour en faire, ny pareillement guere de viures (ayàs esté ars avec les nauires) c'estoit le plus expedient, & où y auoit moindre danger de tenir le fort assiégé & demurer là de pied cōy, attendant que la famine les contrai-

gnist de se rendre à leur merci, ou venir à quelque composition, laquelle ils aimeroient plus cher recevoir quelle que ce fust, que se laisser mourir de male faim. Ceste deliberation sembla bonne à tous, & toutesfois succeda au rebours de ce qu'ils pensoient, d'autant que pendant les trois mois du siege qu'ils tenoient par eau & par terre, le Coursaire qui estoit fin & inuentif, fit faire dedans le fort quelques barques, & les équippa le mieux qu'il peust, & en vne nuit s'echappa dedans avec ses gens (comme il se dira) chose qui sembla impossible, & fit bien esbahir les Espagnols, & encore plus de voir qu'il estoit parti si secrettement sans auoir esté apperceu ni de ceux de l'eau ni de ceux de terre.

Quât aux succez & occurréces qu'aduindrent en ces trois mois ie me deporte de les dire, bien qu'il y en aye de notables, estant mon intention de narrer les causes qui ont fait entrer les religieux Augustins & leur compagnons dans le royaume de la Chine, & raconter ce qu'ils ont dit y auoir veu, pour à quoy mieux paruenir j'ay historié iusques à present la venue de Limahon, & tout le reste que dessus.

CHAP. VIII.

Omoncon capitaine du Roy de la Chine venant en quesse apres le Coursaire Limahon se rencontre avec les Espagnols.

Pendant que duroit le siege que nous auons raconté au chapitre antecedent: il alloit & venoit quelques vaisseaux à la ville de Manille (laquelle ainsi que dit est, n'estoit qu'à quarante lieuës loin de bouche du fleue de Pagassinan) pour apporter des viures & autres choses necessaires à l'entretenement de l'armee. Si aduint vn iour qu'un nauire de Michel de Loarche (dans lequel estoit le P. Herrade, Prouincial des Augustins; qui estoit venu voir le M. de camp à Pangassinan, & s'en retournoit à Manille tenir le Chapitre) se rencontra au sortir du port & isle de Balian à sept lieuës de là, avec vne autre nauire de saint Gley qui dressoit la prouë pour entrer au port: & cuidât que ce fust vn vaisseau des ennemis singla deuers luy avec vne autre nauire de compagnie, bien qu'il n'y eust en tous les deux que ledit P. Prouincial avec cinq autres Espagnols & ses mariniers. Le nauire saint Gley voyant qu'on venoit vers luy se voulut mettre en fuite, ce que toutesfois ne pouuant faire à cause du vent qui estoit contraire, cela fust cause que les deux nau-

res où estoient les Espagnols qui alloient en voile & rame approcherent en peu de temps l'un de l'autre de la portee d'un coup de canon & encore plus pres.

En l'un de ces deux nauires estoit vn Chinois nommé Sinfay qui auoit esté trafiquer souuent à Manille & estoit aimé & conneu des Espagnols, & entendoit bien leur langue? lequel comme il vit que c'estoit vn nauire de la Chine qui n'auoit pas l'apparence d'estre vaisseau de Coursaire, pria les Espagnols de ne point tirer, & ne luy faire aucun tort tant qu'il sceust au vray qui estoient ceux de dedans. Adonc se mettant dessus la prouë du nauire & demandant aux autres quels ils estoient, & de quelle qualité, il sceut que c'estoit vn vaisseau de l'armee enuoyee de par le Roy de la Chine contre le Coursaire Limahon, & qu'ayant laissé la flore derriere, il s'estoit mis dessus mer pour aller descourir les Isles, & scauoir par mesme moyen s'il n'y seroit point, & que pour mieux s'en informer ils alloient au port de Bulian duquel ils estoient partis en mesme temps que les deux nauires desquels ils s'estoient voulus fuir, craignant que ce fussent gens dudit coursaire. Au moyen de ce pour parler ils s'asseurent les vns les autres, & s'approcherent ensemblement en routes paix & amitié, puis se mirent incontinent les Espagnols en vn esquif, & allerent au nauire Chinois menant avec eux le susdit Sinfay pour estre leur trucheman.

En ce nauire estoit vn homme d'autorité nommé Omoncon lequel monstra au Prouincial & aux autres Espagnols vne parente de son Roy, par laquelle luy & son Conseil pardonnoit à tous les soldats de Limahon s'il le vouloient abandonner, & se ranger du parti de la couronne, promettant de grand dons & graces à quicôque le pourroit apprehender, ou tuer. Alors Sinfay luy raconta comme le Coursaire auoit abordé les Isles, & tout ce qui estoit aduenu au siege susmentionné, & comme ils le tennoient assiégré sur le fleuve Pangasinan, & d'où il luy estoit impossible d'eschapper. Le Capitaine Omoncon fut fort aisé de ces nouuelles, & en tesmoignage de ce les embrassa beaucoup de fois, & leur fit mille autres carresses declaratiues de la ioye, & de fait s'en vouloit retourner sur le châp deuers l'armee: toutefois pour s'en informer d'auantage luy ayant esté assésé qu'on attendoit les nouuelles comme le Coursaire seroit pris ou mis à mort, il s'aduifa puis qu'il estoit si pres du Mai-

estre de camp de l'aller voir premierement en la compagnie de Sinfay, qui estoit conneu des vns & des autres, & par le moyen duquel se pourroit mieux faire vn traité de paix & d'amitié entre les Chinois & les Espagnols, & vn bon accord entr'eux touchant la mort ou la capture du Coursaire. Avec ceste resolution ils se despartirent tous d'ensemble, allant les vns à Pangasinan ou ils arriuerent le mesme iour, & les autres à Manille, pour aller querir des viures.

C H A P. XI.

Omoncon est fort bien receu du maistre de camp, puis hebergé à Manille par le Gouverneur, auquel lieu s'accorde le voyage de la Chine avec les Religieux Augustins.

LE Maistre de camp ayant entendu la cause qui amenoit Omoncon, luy fit vn fort bon racueil, & tout plein de courtoisie, & luy monstrant le destroit où il tenoit le Coursaire (duquel il sembloit estre impossible qu'il ne peust s'eschapper s'il ne prenoit des ailles comme vn oiseau) luy conseilla que tandis que viendrait l'issuë qu'on souhaitoit laquelle ne pourroit beaucoup tarder, ils s'en allast à Manille qui estoit proche de là, pour illec se reposer & recreer avec le Gouverneur & les autres Espagnols y estans, attendant que c'estoit assez de luy seul pour faire ce qu'on pretendoit sans que la flote du Roy de la Chine bougeast du port où elle estoit en seureté; & pour ce s'offrir à luy baillet vn nauire à rames de ceux d'où il se seruiroit pour faire apporter des viures & munitions, & enuoyer avec luy le Capitaine de Chaues, lequel pour quelque autre occasion deuoit aller à Manille, l'assurant qu'il luy redroit le Coursaire mort ou vif au plus tost que pourroit permettre le temps à acheuer telle entreprise. Omoncon trouuant bon ce que luy disoit le Maistre de camp y aquiesça, & s'embarquant en la compagnie dudit capitaine enuoya son nauire en haute mer pour auant qu'il estoit grand & demandoit beaucoup d'eau, lequel toutesfois vint à rebrousser au mesme fleuve par le vent contraire ce que ne fit celuy à rames où il estoit, lequel costoyant la riuë à l'abri du vent arriua en peu de iours au port de Manille, où ils furent bien receus & festoyez du Gouverneur.

Omoncon se tint en ce lieu quelque temps, au bout duquel voyant que le siege alloit en longueur, & que sa demeure pourroit engendrer quelque soupçon de sa mort, & considerant d'ailleurs que la flotte enuoyee contre Limahon estoit demeurée en l'attendant, & que ce Coursaire ne pouuoit eschapper des mains des Espagnols qui le tenoient assiegé lesquels l'enuoyeroient sans doute vif ou mort au Roy comme ils luy auoient promis, delibera des'en retourner à la Chine avec ces bonnes nouuelles, en intention de reuenir vne autrefois pour amener ledit Coursaire, aussi tost qu'il seroit pris. Sur ceste resolution il va au bout de quelques iours chez le Gouverneur luy communiquer ce qu'il auoit deliberé à celle fin qu'il luy permist de le mettre à execution. Le Gouverneur trouua fort bon son aduis, & luy confirma la promesse du Maistre de camp, sçauoir est, que si tost que le Coursaire seroit pris ou mis à mort il ne faudroit de l'enuoyer au Roy de la Chine, ou bien qu'il seroit mis en lieu seur, dont on luy donroit aduis afin de l'enuoyer querir, ou bien y venir luy mesme, promettant au reste de luy fournir abondamment tout ce qui luy seroit necessaire pour son voyage. Omoncon le remercia de ses offres, & en reciproque d'icelle promit audit Gouverneur que pour autant qu'il sçauoit & auoit mesme entendu des Religieux Augustins, comme luy & son predecesseur Adelantade Michel Lopés de Legaspy auoyent souhaité beaucoup de fois d'euoyer quelques Religieux à la Chine pour y prescher l'Euangile, & voir le Royaume, & qu'ils n'auoyent peu encore effectuer ce desir pour caule que pas vn des marchans Chinois qui estoient venus negocier à leur port n'en auoit voulu amener aucun, nonobstant que pour ce faire on leur eust offert tout ce qu'ils eussent demandé, craignant tous de contreuenir à la loy de leur royaume, & en estre punis, pour ces causes il ameneroit avec luy à la Chine les Religieux que la seigneurie luy commanderoit, & pareillement quelques soldats s'il vouloyent aller quand & eux, se fiant sur les bonnes nouuelles qu'il portoit, moyennant lesquelles il se tenoit asseuré qu'ils ne tomberoient en aucun danger, & que le Viceroy d'Aucheo ne le prendroit en mauuaise part, pour asseurance dequoy il leur lairroit tels ostages qu'il luy plairoit. Le Gouverneur fut tres aise de ces offres comme de chose que luy & tous ceux de l'Isle desiroient ex-

trement long temps y auoit, & partant les accepta tout à l'heure, luy disant que quant aux estages qu'il promettoit il l'en quittoit franchement, comme estant presque satisfait de sa valeur & preud'homme; suyuant laquelle il ne voudroit faire chose qui fust contre son deuoit & la qualité de sa personne. Sur ce ledit Gouverneur estant tout ioyeux de telles nouuelles enuoya querir incontinent le Prouincial des Augustins esleu depuis peu de iours, qui estoit F. Alonso d'Aluarade personnage de tressainte vie, & l'un de ceux qui furent enuoyez par l'Empeur Charles Quint chercher & descouurir l'neufue Guinee, auquel il communiqua les honestes offres que le Capitaine Omoncon luy auoit faites, dont ce bon pere fut si resiouy, qu'il luy dit que tout vieil qu'il estoit il y vouloit aller luy mesme, ce que toutesfois ne luy accorda le Gouverneur tant pour l'amour de son aage, que pour autres bons respects particuliers. Là dessus ils consultent qui seroit celuy qui iroit & sembloit plus propre à celle entreprise (qui estoit comme nous auons dit de moyenner l'entree de la Foy audit Royaume) & à la parfin resolurent d'y enuoyer sans plus deux Religieux, pour le petit nombre d'iceux en ces quartiers, deux soldats pour leur tenir compagnie, & que les deux Religieux, ce seroient le P. Martin de Herradené & natifs Pampelune, qui seroient tout freschement de la charge de Prouincial) lequel outre ce qu'il estoit tressainct & trespauant personnage, & sur ce desir d'aller à la Chine auoit appris la langue du Royaume, s'estoit encore maintesfois offert pour esclau à plusieurs marchans Chinois, afin qu'ils voulussent l'emmener, & par ce moyen peut effectuer son bon vouloir) & le P. Hieronyme Marin natif de la ville de Mexique qui estoit aussi docte homme, Les hommes d'espee qu'ils nommerent pour accompagner ces religieux s'appelloient Pedre Sarmen natif de Vilorado, grand Alguzil de Manille & son compagnon Michel de Loarche tous bons Catholiques, & hommes de telle autorité qu'il estoit bien conuenable pour l'entreprise de ce voyage, lesquels alloient avec ces religieux à telle fin & intention, que quand ils seroient retenus aupres du roy de la Chine luy annonçant l'Euangile, iceux s'en reuinssent aux Isles y apporter les nouuelles de ce qui seroit aduenü, & auroient veu pour en donner aduis au Gouverneur & le mander au roy d'Espagnes'il en estoit de besoin. Ceste offre du Capitaine Ocomon, ensemble l'election des personna-

ges faites par ledit Gouverneur & Prouincial fut incontinent diuulguee par toute la ville, & avec ce que chacun s'en esioit fout, fut encor approuuee de ro' pour auoir esté esteus à ce faire des personnes si notables, dont chacun estoit trelcontent pour l'assurâce qu'ils auoient que telles gens ne faudroient en ce qui leur seroit reCOMMANDÉ, ayant au demeurant plus d'enuie de les voir partir que de regret de les perdre pour estre ce voyage tant desiré, premiere-ment pour le seruice & l'honneur de Dieu, secondement pour le profit qui deuoit venir à vn chacun par le mutuel trafic, & les bonnes nouuelles qu'on portoit au Roy de la Chine.

Le Gouverneur fit venir les personnages desnommez deuant le Capitaine Omoncon, & leur dit ce qui auoit esté déterminé: à quoy ils condescendirent avec grande ioye & remerciemens, & alors ledit Gouverneur en leur presence donna en signe de gratitude audit Omoncon vne fort belle chesne d'or, & vn tres riche & braue accoustrement de carlate rouge, qui fust vn present que le Capitaine estima beaucoup, & fust prisé encore d'auantage en la Chine comme chose qui est rare, & outre ce luy fit apprestre vn honorable present pour offrir au Gouverneur de Chincheo qui auoit enuoyé ledit Omoncon par le commandement du Roy pour aller en queste apres le Courfairé, encore vn autre pour le Viceroy de la Prouince d'Ocian, qui estoit en la ville d'Aueheo, & d'ailleurs afin que Sinsay qui estoit vn marchand fort bien connu (comme i'ay dit cy dessus) ne s'e allast point mal content avec eux & par ce moyen ne mist quelque empeschement à l'affaire qui se pretendoit, il luy fit aussi present d'une chesne d'or, qu'il meritoit bien sans cela, pour auoir tousiours esté fidele enuy aux Espagnols. Outre ce furent assemblez de l'ordonnance & mandement du Gouverneur tous les esclaves Chinois qui auoient esté au parauant en la puissance de Limahon, & depuis furent pris au fort de Pagasinan, & les donna ledit Gouverneur à Omoncon, afin qu'il les remenast francs & libres en leur païs, menant pareillement au maistre de camp, ensemble aux soldats & Capitaines qui estoient au siege, qu'ils eussent à rendre & deliurer tous les autres qui leur estoient demeurez, s'obligeant de payer luy mesme aux soldats à qui ils appartenioient la rançon de chacun d'eux selon ce qu'ils pouuoient valloir. Cela fait il fit apprestre tres abondamment

outre les choses necessaires pour le voyage, ce qui fust fait en peu de temps.

C H A P. X.

Omoncon ayant entendu le destroit où estoit tenu Limahon, pars de la ville de Manille & mene avec luy à la Chine les Religieux Augustins:

LÉ Dimanche du matin qui estoit le 10. de Iuin en l'an 1575. s'assemblerent le Gouverneur dessusdit, & tous ceux qui estoient dans la ville, & s'en allerent au Monastere des Augustins, auquel lieu fut chantee solennellement vne messe du S. Esprit, & apres qu'elle fut dite, & que tous eurent fait prieres à Dieu que ce fust son saint vouloir d'acheminer ce voyage de la Chine à l'honneur & gloire de sa Diuine maicsté & à la saluation des ames de ce grãd Royau-me, que le Demon retenoit sous sa puissance: Omoncon avec Sinsay prit congé du Gouverneur des autres, les remerciant du bon racueil & traitement qu'ils luy auoient fait, & leur promettant en recompense de leur estre tousiours fidele amy, comme ils le verroient par effect, & par la conduite de ceux qu'il auoit demandee luy mesme & acceptee de son plein gré pour les mener aussi seurement que sa personne, laquelle il lairroit plustost auoir mal, que pas vn de ceux qu'il auoit pris en sa charge. Le Gouverneur, & les autres le regracierent honnestement des nouuelles offres qu'il faisoit, luy repliquant qu'ils auoient de leur costé la mesme assurance de sa personne, & sur ces paroles prirent congé tant de luy que des Religieux & leurs compagnons non sans grands pleurs de part & d'autre.

De ce pas ils se vont tous embarquer dedans vn vaisseau des Isles appresté pour cest effect, lequel demara du port avec vn autre vaisseau de marchands Chinois qui estoit aussi à Manille, & dedans lequel le Sinsay avec tous les viures, & prouisions iusques au port de Bulian, où estoit le grand nauire d'Omoncon, dans lequel se deuoit faire le voyage, & estoit celuy qui auoit esté repoussé du mauuais temps du fleuve de Pagafman comme dit est. Si n'arriverent audit port que le Dimanche ensuiuant, pour auoir eu le temps fort contraire, qui leur auoit fait perdre de veuë l'autre nauire & compagnie où estoient les viures, lequel ils trouue-

rent au port deuant eux, pource qu'estant de hault bord il en auoit mieux nauigué, & estoit arriué. plustost. Ils trouuerent là aussi d'eux soldats que le maistre de camp auoit enuoyez de l'agasinan (duquel lieu il auoit yeu entrer le nauire dans ledit port) avec charge & mandement de leur dire qu'ils voulassent singler iusques à luy. Cela fit soupçonner les Religieux & leurs compagnons, qui craignoient que le Maistre de camp ne les voulast retenir iusques à ce qu'on vist l'issue de l'assiegement du fort qu'on esperoit prendre de iour à autre, afin qu'ils amenaissent avec eux à la Chine le Coursaire Limahon mort ou viif, au moyen dequoy tous furent quasi d'avis que sans luy optemperer ni prendre congé de sa part ils deuoient poursuiure le voyage, qui estoit d'eux tous si fort desiré que chaque heure leur duroit autant que vne année, craignant que quelque euénement ne vint empescher & destourber leur entreprise. Toutesfois ayant sur ce pris meilleur aduis, & connoissant bien le naturel & bon zele du M. de camp (que le P. Herrade auoit tousiours tenu comme fils, pource qu'il estoit neveu de l'Adelantade Legaspi premier Gouverneur habitateur, & decouureur des Philippines, avec qui il estoit allé de Mexique ausdites Isles) lors qu'il l'amena quand & luy fort ieune enfant, ils accorderent d'y aller pour luy obeir, & prendre congé tant de luy comme des autres amis qui estoient en l'ost, & sur cest accord sortirent du port en tournant la prouë vers Pangasinan qui n'estoit qu'à sept lieues de là, mais à peine en eurent ils fait trois qu'il se leua vn vent contraire si impetueux, qui ne les laissa iamais passer outre, & leur fust force de réuenir au mesme port : enuoyant de l'aduis de tous vn nommé Pedre. Sarmient dans le nauire où estoient venus les deux soldats susmentionnez, lequel pour estre petit, & à rames pouuoit plus facilement & sans danger costoyant la terre aborder à Pagasinan, pour aller au nom de tous s'excuser enuers le maistre de camp, & prendre congé de lui, & de tous les autres amis, lesquels il prieroit d'auoir memoire d'eux en leurs prieres, & les recommander à Dieu, & le supplier qu'il luy pleüst les assister & secourir pour paruenir à l'entreprise tant desirée d'eux tous : luy en chargeant au surplus d'amener le trucheman qu'ils deuoient mener avec eux, qui estoit vn ieune garçon Chinois appellé Hernand qu'ils auoient baptisé à Manille, & parloit fort bon Espagnol.

de Sialla à Pagasinan; ledit Pedre, Sarmient, & accomplit fort fidellement ce qu'on luy auoit commandé, toutes fois ne se contentant de ce le Maistre de camp, ny les Capitaines & soldats qui portoient grande affection ausdits religieux & compagnons pour leur merite, ils delibererent de les enuoyer querir, & supplier de les venir voir deuant que partir, puis qu'ils en estoient si pres. Les religieux oyant cela, non toutes fois sans soupçonner ce que nous auons dit ci dessus, & voyant qu'ils ne pouuoient refuser d'aller iusques audit lieu pour satisfaire à leur mandement & priere si honneste ils sortirent du Bulian à vn bon temps, car le vent s'estoit calmé, & auoit laissé la mer vn peu seulement eueuë, & avec ceste bonasse abborderent à Pagasinan, où ils furent receus du Maistre de camp & des autres à tres grande feste dedans & dehors. Adonc ils trouuerent tout le contraire de ce qu'ils auoyent pensé, & tant s'en falust que le Maistre de camp les retinst, qu'au contraire il les expedia en peu de temps, leur baillant sur le champ tous les esclauies que le Gouverneur luy mandoit (dugé & consentement des soldats qui les detenoient, lesquels entendans ce qu'on en deuoit faire, les cederent tres volontiers) & patiemment le truchement qu'ils demandoient & tout le reste qui estoit requis pour le voyage, priant par lettre le Capitaine Omoncon qui estoit demeuré à Bulian de les auoir pour recommandez, comme il esperoit qu'il feroit, & luy promettant de sa part le mesme que luy auoit promis le Gouverneur, scauoir est de luy enuoyer le Courfaire mort où vif si tost qu'il auroit moyen de ce faire. Il pria aussi le P. Ferrade de vouloir mener avec luy vn nommé Nicolas de Cuenea soldat de sa compagnie, qui deuoit achepter pour luy quelques choses en la Chiné, ce qu'il accepta bien volontiers, luy offrant de le traiter comme sa personne propre, puis que dependant de luy il le reputoit comme sien.

Après ces recommandations, & prenant congé du Maistre de camp & de tous les autres de l'armee avecque tant de pleurs & de larmes qu'ils auoient fait à Manille, ils reprennent leur chemin vers le port de Bulian duquel ils estoient partis, & enuoya le Maistre de camp avec eux iusques audit port le Sergent major porter vne lettre à Omoncon, & vn present de viandes & autres choses avec deux lettres missiues addressantes au Gouverneur de Chincheo, & au Viceroy de la prouince d'Ochian, par lesquelles il leur mē-

deoit comme il auoit mis le feu à la flotte de Limahon & tué plusieurs deses gens; & qu'il le tenoit assiégé si estroitement qu'il ne luy estoit possible deschaper, ni estre encore long temps sans se rendre, & qu'il se comporteroit enuers luy fust vif ou mort, selonc comme le Gouverneur de Manille luy escriuoit & promettoit. Il accompagna ces deux missions de deux presens, à sçauoir d'un bassin d'argent & de quelques robes de drap de Castille (que les Chinois estiment beaucoup) & autres choses singulieres qui sont rares en la Chine, avec vn honnestex excuse de ce qu'il ne leur enuoyoit d'auantage à cause du lieu incommode où il estoit lors & loin de Manille où estoient ses facultez.

Si arriuerent le mesme iour avec bon temps audit port de Bulian, auquel lieu ils trouuerent le Capitaine Omoncon qui les attendoit; lequel, ayant receu le present que le Sergeant major luy offrit au nom du Maistre de camp le remercia grandement, & luy confirma de nouueau de qu'il auoit promis au Gouverneur.

Les Espagnols partent du port de Bulian avec le Capitaine Omoncon, & abordent à la terre feyme de la Chine.

LEbon P. Herrade susmentionné auoit si grand desir de se voir dedans la Chine, tant pour y prescher l'Euangile que voir la grandeur qui se racontoit de ce Royaume; que combien qu'il fut desia expedé du Gouverneur & du Maistre de camp dessusdits, si luy estoit il aduén qu'il le vouloit empeschier & destourber de ce voyage. Et partant pour se voir hors de ceste crainte ainsi comme ils arriuoient audit port de Bulian, il parle au Capitaine Omoncon, & le prie gracieusement que puisque le temps n'estoit contraire, ils fissent voile incontinent. Omoncon, qui ne desiroit autre chose, & auquel chascune heure qu'on le retenoit sembloit aussi longue qu'une année, commanda sur le champ aux mariniers qu'ils apprestassent les choses necessaires pour nauiger, & quelles fussent ceste nuit dessus vne ancre, pour sortir du port apres minuit, comme ils firent en leuant l'ancre enuiron l'aube du iour, le Dimanche 25. de Iuin, & embarquerent en leur compagnie vn appelé Iuan de Triá-

ne soldat Espagnol que les Religieux amenerent pour s'en seruir au nauigage, pource qu'il estoit homme de mer. Adonc apres auoir fait priere à nostre Seigneur de les conduire en leur voyage, ils firent voile avec bon temps estant en tout 20. personnes tant Religieux que soldats & gens de service, sans les esclaves Chinois & les gens du Capitaine Omoncon. Peu apres qu'ils furent hors du port le vent vint à se lascher, n'ayant fait encore guerre de lieues, & commença vn calme qui leur fit auoir vn trauers de mer. quelques iours, & apres cela suruint vn fort temps, avec lequel ils voguerent, les Chinois guidant le voyage par le moyen d'une aiguille diuisee en douze parts, dont ils ont coustume d'vser sans aucune carte marine, faisant leurs nauigations seulement par routes, qui sont tousiours presque à veüe de terre, & s'engouffrant bien peu en mer, qui fut cause de les faire bien esbahir, quand les Espagnols leur dirent qu'ils alloient de Mexique aux Philippines en trois mois sans point voir terre. Si pleut à nostre Seigneur qu'avec ce peu de chemin qu'ils faisoient faute de vent, & à cause du calme qui estoit grand, ils commencerent à voir la Chine le Dimanche ensuiuant qui estoit le iour de Juillet, ayant fait à leur aduis depuis le port de Buliah duquel ils estoient sortis iusques à voir la terre sette cent quarante lieues ou enuiron : & à plus de vingt lieues de là premier que d'y arriuer ils trouuerent vn profond d'eau, qui auoit à ce que disoyent les Chinois de septante & quatre vingtes brasses, & alloit tousiours en diminuant iusques à terre, qui est entr'eux le plus grand indice pour connoistre quand ils approchent d'icelle.

Tout le long de ce voyage Omoncon vsa de telle courtoisie à l'endroit des Religieux & des autres de leur compagnie comme s'ils eussent esté les vrais maistres du nauire : car à leur embarquement il accommoda les Religieux en la chambre de poupe qui estoit sienne, nonobstant tous les refus qu'ils en firent : & sarmient, & Loatche leur bailla vne autre chambre fort commode, leur faisant à tous grand honneur, & commandant qu'ils fussent respectez dans la nauire plus que luy mesme. Et fust si grand le respect à leur endroit, que comme vn iour au commencement de leur nauigation lesdits Religieux les trouuerent sacrifiants aux Idoles, & leur remonstrement que telles ceremonies estoient ri-

dicules, & qu'il ne falloit adorer qu'un seul Dieu, les priant de ne plus commettre un tel abus, ils cessèrent pour l'amour d'eux & s'en abstindrēt mesme au demeurāt du voyage, nonobstant qu'ils fussent coustumiers de ce faire plusieurs fois le iour. Outre cela ils adoroient les images qu'ils portoyent lesdits Religieux, se mettant à genoux deuant elles avec signes de deuotion, de sorte que comme ils virent la terre ferme en si peu de iours, & eurent passé si tost ce petit gouffre, qui est ordinairement fort dange-reux & plein de tourmente, & encore plus en ce mois là, ils en attribuerent le tout aux prieres des Religieux, & de leur compagnons & soldats. Pareille courtoisie aussi leur fit tousiours le Sin-say, qui estoit la seconde personne du nauire, & celuy qui entendoit mieux ceste nauigation & voyage, ce qui se vit par effect, en ce que sa guide fut la plus seure.

Or comme ils approchèrent plus pres de terre ils apperceurent vne ville fort belle & enuironnee de tours qui s'appelloit Tituhul, où tient en tout temps le Roy de la Chine dix mille soldats de garnison, & du Gouuernement de la prouince de Chincheo. Le lendemain ils tirerent vers vne centinelle qui estoit dessus vne roche à l'entree d'une plage, laquelle ayant veu le nauire, & reconneu l'estendard du Roy, en donna signe à sept vaisseaux estans derriere la pointe, qui estoient vne bande de ceux qu'il y auoit là en grand nombre pour la garde de celle coste, & estoient plus de quatre cens. Si sortit incontinent le Capitaine des sept vaisseaux pour reconnoistre ceux des Espagnols, sur quoy aduint ce qui se dira au chapitre qui ensuit.

CHAP. XII.

Le Capitaine Omoncon approche pour prendre terre en la prouince de Chincheo, & deuant que de surgir est contraint deuenir aux mains avec un autre Capitaine de mer.

LE Capitaine Omoncon voyāt que les sept vaisseaux venoyēt deuers luy tourna la prouē de son nauire, & s'escartant de la centinelle tira droit vers la ville, laquelle estoit pres de là à deux lieues seulement de ladite poincte; ce qu'ayant veu le General de celle plage, qui estoit à la guerre & iugé selon le tour qu'il auoit fait estre un nauire d'ennemis laquelle venoit pour mal faire: il sortit incontinent de

derriere la pointe avec trois vaisseaux legers à rames, & commença à le suivre chaudement & a luy donner la chasse à trauers le chemin qu'il auoit pris.

Quand il en fut pres il fit tirer quelques pieces de canon pour leur faire baisser voile, ce que ne voulut faire Omoncon, cuidant que ce fust (comme il confessa depuis) quelque homme de peu d'importance, & non le General de la coste: mais voyant apres qu'il fust approché d'auantage que c'estoit luy, & l'eust reconnu à la banniere qu'il portoit en la poupe de la fusse où il estoit avec ses soldats, il fit incontinent caler la voile & attendit. Le mesme fit le General demeurant derriere, & enuoya vn bateau pour le Capitaine qui estoit dans la nauiue, afin qu'il allast par deuers luy, & luy fist entendre qui il estoit, & d'où il venoit. Omoncon se mist à l'instant dedans sa resistance, mais plustost à ce qu'on peut voir avec apprehension, craignant de receuoir desplaisir pour s'estre enfuy de luy; & si tost que le General le vit il le conneust & luy fit fort bon reueil, à ce que peurent voir les Religieux par les signes qu'ils en apperceurent & entendirent depuis.

Si estoit ce General homme de bonne façon, & vestu fort richement, estant assis sur vn siege en la poupe du nauiue & couuert d'un ombraire contre le soleil, & fit assieoir le Capitaine Omoncon à costé de luy, toutesfois sous couleur de la poupe sans auoir siege ny autre chose: en quoy le Capitaine luy obeïr, l'ayant premierement refusé en toute honnesteté & modestie, le remerciant humblement du grand honneur qu'il luy faisoit. Apres qu'il se fust assis il luy raconta tout au long ce qui estoit aduenü en son voyage, & en quel estat estoit demeuré Limahon, ensemble comme il amenoit par de là les Religieux & les autres Castillans qui alloient vers le Viceroy d'Aucheo pour luy donner ces bonnes nouuelles, & faire amitié avecque luy & pour cest effect portoyent à luy & au Gouverneur de Chincheo quelques presens que leur enuoyoit le Gouverneur & le Maistre de camp des Philippines. Le General ayant entendu ce bon recit, fit aller derechef le bateau par deuers eux pour les amener deuant luy, ayant enuie de voir quelle maniere d'hommes c'estoyent, & comme ils seroyent habillez, & en outre se contenter & satisfaire de quelques curiositez qui lui estoient venuës par le propos que le Capitaine lui auoit peu dire d'eux. Les Religieux, leurs compa-

gnons obeïrent au commandement, & s'embarquant dans le bateau, non sans toutesfois auoir peur, arriuerent au nauire qui n'estoit pas loin de là, auquel lieu ils furent receus du General fort courtoisement selon la mode du pais, avec vn fort bon visage, & monstrant signe d'estre bien aise de les connoistre & voir les habits qu'ils portoient. Peu apres il commanda qu'on les menast sous le couuert, qui fust cause de leur faire augmenter la peur qu'ils auoient conceue auparavant, quand il les enuoya querir, & encôres bien plus quand ils virent qu'il les faisoit enfermer dans vne chambre leur trucheman pareillement. Eux estans ainsi là dedans & en grand esmoy de scauoir ce que pretendoit le General, ainsi qu'ils guignoient tout ce qu'on faisoit par derriere vn porche qui estoit au deuant de la chambre en laquelle on les auoit mis: voilà à l'instant qu'ils ont voir tous ceux du nauire prendre leurs armes à la haste: & le Capitaine Omoncon aussi parmi eux, & oyent incontinent tirer du nauire quelques canons, arquebuses, avec vn grand cri & bruit de gens, dont ils furent bien estonnez avec ce qu'ils l'estoient desia attendant de moment à autre qu'on leur viat couper la gorge. Eux estant en ceste destresse, & la considerant en soy mesme, le Capitaine Omoncon qui les auoit amenez, il leur enuoya vn sien seruiteur pour leur dire l'occasion de tout ce qu'ils auoient veu & oïr, au moyen dequoy ils accoiserent & chasserent la peur qu'ils auoient eue de ce qu'on les auoit mis sous le couuert, & des coups de canô qu'ils auoient ouï tirer. Mais, afin qu'on sache que c'est, ie le raconteray succinctement, prenant l'affaire vn peu plus de loin.

Quant le Coursaire Limahon alla prendre la route des Isles, on sceut incontinent en la Chine comme il auoit pris ce chemin, & alors le Viceroy d'Ochian de l'ordonnance du Conseil Royal manda à tous les Gouverneurs des villes proches de la coste qu'ils enuoyassent gens apres luy, les aduertissant que celuy qui seroit le plus promps à ce faire lui seroit le plus de plaisir & l'obligerait à le reconnoistre. Car ils auoyent peur entr'eux que si le Coursaire se venoit joindre avec les Castillans, qui est le nom qu'ils ont donné là aux Espagnols desquels ils auoyent desia bonne connoissance) il ne s'en ensuiuit quelque inconuenient qui seroit par apres difficile à reparer l'occasion dequoy illes

prioit de diligenter afin de l'auoir aux mains s'il estoit possible, ou bien le rompre & desconfire deuant qu'il peust arriuer ausdites Isles. Pour executer ce mandement, le Gouverneur de Chincheo assembla des nauires, & despescha avec elle le Capitaine Omoncon; toutesfois il ne peust si tost s'apprester de gens & d'autres choses necessaires, que de là à quelques iours qu'il partit & vint arriuer au lieu où le trouuerent les Espagnols auprès du port de Bulian, cōme dit est. Presque en ce mesme temps le Gouverneur de la plage qui estoit là gardant la coste, despescha vn autre nauire pour sçauoir nouuelles du Coursaire, & suiuant icelles luy courir sus incontinent avec l'armee. Ce nauire de quelle estoit au pere de Sinsay bon amy des Castillans, qui accompagnoit les Religieux depuis les Isles; & leur seruoit mesme de pilote, comme dit est; lequel bien qu'il fust parti du port en grande diligence arriua encore plus viste sans mats ni antennes, qu'il auoit perduës en vne grande tourmente qui les surprit dans le gouffre où ils se cuidoierent tous perdre. Or lors que les Religieux s'en allerent de Bulian à Pagasinan deuers le Maistre de camp qui les enuoyoit querir (comme dit est) il y auoit au mesme port vn nauire de la Chine qui venoit des Isles de trafiquer, lequel comme il se fut informé tant de l'estat où les Castillans tenoient le Coursaire; que du voyage d'Omoncon, ensemble comme il amenoit à la terre ferme, lesdits Religieux & leurs compagnons; partit vn matin du port secrettement dix iours deuant Omoncon singlant vers la terre ferme y arriua au bout des dix iours desquels il auoit deuançé l'autre. Si donna à l'instant aduis au Gouverneur de tout ce qu'il auoit entendu tant de rapport que de veuë, & comme avec Omoncon & les Castillans venoit de Sinsay qui estoit le conducteur de l'affaire de Limahon, & que de tout le bien qui en viendroit, l'honneur en appartenoit à iceluy, & non audit Omoncon, estant incité à ce dire pour l'amitié & affection qu'il portoit à Sinsay, qui estoit de sa profession. Le Gouverneur de la plage desirant gagner la grace, & parauanture quelque recompense de son Roy, en luy faisant à sçauoir comme le fils de celuy qu'il auoit enuoyé apres Limahon auroit esté le principal instrument du bon succez de l'entreprise, si tost qu'il sceut les nouuelles du nauire (lequel comme nous auons dit arriua dix iours deuant l'autre) fit sortir en pleine mer six vaisseaux, leur en

ioignant de faire surgir à ladite plage le nauire d'Omoncon & ne le laisser aller autre part, & que s'ils ne le pouuoient faire, à tout le moins ils luy amenassent le Sinsay, d'autant qu'il vouloit l'enuoyer en poste au Viceroy, pour luy donner aduïs de tout. Ces vaisseaux arriuerent auprès de celuy du General susmentionné, où estoient avec luy les Espagnols, & ne peurent appercevoir celuy d'Omoncon pour le grand nombre des nauires qui estoient par toute la plage, & de plusieurs autres desquels alloient & venoient, au moyen dequoy le General les enuoya mettre sous le couvert afin qu'ils ne feussent veus ni apperceus, & fit mettre à l'instant la main aux armes pour les defendre s'il en estoit de besoin. Pendant que ces preparatifs se faisoient dans le nauire, l'un des six vaisseaux arriuez approche deuers Omoncon en intention de le prendre pensant le faire aisément: mais il aduint bien au contraire, pour autât que les soldats defendirent si bien le nauire & la personne du Sinsay, le quel se fust volontiers laissé amener dans le vaisseau où estoit son pere, si les soldats d'Omoncon l'eussent permis, qu'ils blesserent à bon escient quelques uns de ceux qui voulurent sauter dedans. Si s'en reuint le nauire vers le capitaine Omoncon, lequel à l'instant fit entrer dedans le sien les Espagnols qui estoient dans celuy du General, ce qui fut fait si legerement que les autres vaisseaux ne peurent iamais approcher, encore qu'ils en fissent tous leurs efforts iusques y en auoir desia dedans: auquel lieu le Capitaine Omoncon se mit en point de combattre pour defendre le nauire & ceux de dedans, ou bien mourir sur la querelle. Les Religieux & leurs compagnons qui auoyent entendu la cause de telle meslee (tant par les coniectures & autres choses qu'ils auoyent veues, que par les paroles que leur auoit mandees Omoncon) s'offrirent tous de mourir là avecque luy s'il en estoit de besoin, le priant de leur commander ce qu'ils deuroient faire, & luy promettant d'y obeyr entierement.

A tant venoyent les vaisseaux pour enuironner Omoncon, & luy qui auoit l'œil fit retirer les pieces de canon & semit alors en defense, demandant pour cest effect de la poudre aux Espagnols, à cause qu'il en auoit fort peu. Le General ne bougea iamais du Nauire depuis que les Castillans entrerent dedans, ny se leua de son siege bien que tout le monde se mist en armes. Sur ce le Capitaine

des six vaisseaux de Chincheo se metant dedant vn bateau
 va deuers le nauire d'Omoncon pour parlementer avec luy,
 mais on ne luy permit pas d'approcher, ains à coup de ca-
 non qu'on deslacha le fit on retirer malgré luy: & adonc
 Omoncon du haut de la poupe commença à luy dire plusieurs
 reproches, luy obiectant eomme il vouloit luy rauer l'hon-
 neur qu'il auoit gagné avec tant de peine. Le Capitaine
 voyant qu'il ne pouuoit venir a bout de ses desseins delibera
 de le laisser; & par ainsi retourna la proue deuers la plage
 de laquelle il estoit sorti, & s'en retourna au port. Cestuy-
 ci amenoit dedans son vaisseau le pere & vn fils de Sintay,
 pour l'obliger par ce moyen de passer de leur costé, ce que
 n'estant aduenu il les fit prisonniers tous deux, & au mes-
 me instant la femme & la mère, & estant la coustume du
 pays que les enfans soient emprisonnez pour les peres, &
 respectiuellement les peres pour les enfans, Sintay qui le dou-
 ta de cela ne voulust point retourner chez luy qu'il n'eust
 obtenu au prealable vn mandement du Viceroy pour faire
 eslargir hors de prison ceux qu'on y auoit mis à tort & sans
 cause, ce que luy octroya le Viceroy avec autres faueurs &
 grâces, comme il se dira en son lieu.

Omoncon & les Espagnols se desbarquent au port de Tansuse & sont bien receus du Corrécteur, & festoyes en grand ioye du mandement de l'Insuante de celle Prouince.

Peu après que le Capitaine des six vaisseaux s'en fust re-
 tourné vers Chincheo; le Capitaine Omoncon arriva
 avecque sa compagnie au port de Tansuse proche de la le-
 Mardy au soir, qui estoit le cinquiesme iour de Iuillet. Ce
 Tansuse est vne ville belle & plaisante, de quatre mille ha-
 bitans, où y a mille soldats de garnison, & vne bonne &
 forte muraille, & les portes renforcees de bandes de fer, &
 sont les fondemens des maisons construits de bonne pier-
 re de taille, & les parois crespies de mortier, & quelques
 vnes de carreau, avec les chambres bien faites & garnies
 de belles courts, & les rues belles & larges & toutes paucees.
 Vn peu deuant que surgir ils virent sur de grandes roches
 panchantes denant le port les soldats & habitans tous en
 armes, & comme en point de combattre, entre lesquels

estoit vn des Capitaines principaux & trois autres avecques luy enuoyez par le Gouverneur de Chincheo (dit en leur langue Insuanto) lequel sçauoit bien desia la venue d'Omoncon & de ceux de sa compagnie par le rapport du nauire qui estoit arriué deuant, comme dit est, afin qu'il les receust en son nom & leur fist toutes les carresses qui seroyent possibles. Le nauire entrâ au port salua la ville avec quelques pieces d'artillerie, & fit descharger six fois l'arquebuserie, & pliant les voiles prirent fond. Incontinent s'en vint au nauire le Capitaine dessusdit, auquel auoit commandé expressément l'Insuanto, que si tost que foroiēt desbarquez les Espagnols, il leur fist tousiours compagnie & les fournit de toutes choses necessaires iusques à ce qu'ils fussent paruenus au lieu où il estoit, ce qu'il accomplit loigneusement.

Tous ces Capitaines, comme aussi les autres Officiers du Roy, portent dessus eux certaines marques & enseignes pour estre conneus, lesquelles ne sont permises à personne du commun peuple, & ne peuuent sortir en public sans icelles, & ne voudroyent quand ils pourroient & en auroient permission, estant respectez à cause d'icelles, tant par les rues, que tout autre lieu où ils vont & se trouuent. Tous ceux là s'appellent generalement, Loytias, qui vaut autant à dire que (Cheualiers ou Gentilshommes) & les marques particulieres dont ils vsent, ce sont des ceintures larges & garnies de diuerses sortes, pource qu'il y en a d'or, d'argent, de coquille de tortuë de bois odoriferant, d'autres d'iuoire, & celles des Seigneurs semees de perles ou de pierreries, & outre ce portent des chapeaux ou bonnets ayant deux longues oreilles & des botines de satin, ou de veloux ras, comme nous auons dit plus amplement en la premiere partie de ceste histoire.

Incontinent que les Espagnols eurent pris port, le Correcteur de la ville enuoya vne permission par escript pour sortir hors du nauire, sans laquelle les gardes de la marine ne leur eussent pas laissé mettre le pied dans la Chine. Ceste permission estoit escrete dessus vn tablon plastré & paraphé de la main du Iuge qui a la charge de donner telles permissions. Si tost qu'ils furent à terre, voici venir à eux les soldats, lesquels de l'ordonnance de l'Insuanto estoient tenus prests pour les recevoir & accompagner, & se mettant en ordonnance les menerent aux hostels que tient le

Roy en celle villè & en toutes les autres du Royaume, & les logerent en ce lieu. Ces hostels estoient fort grands & bien bastis, & garnis de belles courts & allées, avec quelques viuiers dedans pleins de plusieurs sortes de poisson. Par le reiglement que l'Inſuanto auoit enuoyé au Correcteur de Tanſufe, il luy prescriuoit les viures qu'il deuoit donner aux repas, ensemble toutes les autres choses qu'il auoit à faire, le tout si particulièrement limité, qu'on ne pouuoit douter de rien : & quant au capitaine par luy député, il luy enchaigeoit de ne partir iamais d'aupres d'eux avec ses soldats & de les accompagner tousiours par tout où ils iroient : & seroient, iusques à ce qu'il eust receu vn autre mandement de luy, pour à quoy obeyr & satisfaire il se tint ceste nuit là avec eux audit hostel où on les auoit logez. Le Correcteur les ayant logez s'en alla luy mesme au port, & fit desbarquer leur bagage en sa presence qu'il leur enuoya fort soigneusement.

Il affluoit tant de gens qui venoient voir les estrangers, que tât à cause de la foule, que du grand' chaud qu'il faisoit ils estoient fort molestez : ce que voyant le Correcteur il fit mettre aux portes des Alguazils & Sergens pour empêcher le monde d'entrer, lesquels toutesfois bien qu'ils ne fissent tant de peines ne cessoient aucunement allant autour de la maison & grimant dessus les murailles pour les voir comme chose rare, qui venoient de si lointain pais, & portroient des habillemens differens à ceux dont ils vsoient & auoient veus. Le soir venu le Correcteur leur fit vn banquet à la mode du pays & de la manière qui ensuit. On les mit dās vne belle sale où y auoit des flambeaux & chandelles de cire, & au milieu d'icelle autant de tables dreeslees qu'ils estoient de conuiez selon la coustume du Royaume, comme il se dira plus amplement, toutes bien belles & peinturees, & parees de longues pieces de damas ou de satin fort bien faites sans aucunes nappes dessus, desquelles ils n'vsent aucunement, & n'en ont point de besoin, mangeant leurs viandes avec deux petits bastons d'or ou d'argent, ou de bois odoriferant, vn peu plus long que nos fourcheres, dont ils se seruent si gentiment, que combien que la viande qu'ils prennent soit d'vne chose bien menuë, ils n'en laissent rien cheoir sur la table, & ne se gastent les mains ni le visage. A ces tables là furent assis les Espagnols dessus de beaux sieges, selon leur rang, & tous

placez de telle sorte que combien qu'ils fussent en tables, diuerses, ils se pouuoient voir & parler ensemblement. Ils eurent de plusieurs sortes de viandes, & toutes fort bien accoustrees, tant de chair que de poisson, avec jambons, oysons, poulles entieres, & belles pieces de bœuf: & pour le desiert eurent force petits panniens pleins de fruits, de sucre & mie de pains, le tout curieusement bien fait & appresté. Le vin qu'on leur apposa estoit de diuerses couleurs & saveur, & combien qu'il fust fait de palme (ainsi que l'est tout celuy duquel on vse audit Royaume) si sembla il aussi bon aux Espagnols que s'il eust esté de raisins. Le long du soupper il y eut en la sale force musique de plusieurs sortes d'instrumens desquels ils iouoyent fort bien & d'un bel accord chacun leur tour, & ceux desquels ils vsoient le plus estoient clairs, haubois, cornets, trompettes, violons & guiternes semblables à celles d'Espagne, toutesfois d'une façon vn peu differente. A ce banquet qui dura assez long temps se trouuerent avec les Religieux & leurs compagnons le Capitaine susdit qui estoit deputé pour leur garde, ensemble le Capitaine Omoncon & Sinsay. Apres le soupper ils furent menez à vn autre endroit où ils leur baillerent de bons lits pour dormir & se reposer, car ils en auoient bon besoin.

Le lendemain & les autres iours ensuiuans tant qu'ils s'en allerent à Chincheo voir l'Insuanto, & semblablement par le chemin on leur portoit du matin leur viures & provisions en abondance, tant de chair que de poisson, avec des fruits & du vin, afin qu'ils les fissent accoustrer eux mesmes à leur goust, & sans en rien payer, l'ayant ainsi commandé l'Insuanto. Le iour ensuiuant arriua vn capitaine de quarante nauires au mesme port, & soudain qu'il fut desbarqué s'en alla droit à l'hostel royal voir les estrangers, lesquels comme ils en furent aduertis allerent au deuant de luy iusques à la porte de la sale, vsant tant iceux que le capitaine de plusieurs courtoisies & ciuilitiez. Il venoit en grâd majesté ayant deuant luy tous les soldats de sa garde & des massiers avec vn belle musique de haubois, clairs, trompettes & tabourins, & pareillement deux Sergens, qui auoient chacun vne baguette pour fait escarter le monde, & deux executeurs de iustice portans chacun en la main vn fouët de roseau qui est l'instrument duquel ils fustigent les delinquans, & est si cruel, qu'il n'y a homme tant fort &

robuste soit il qui puisse endurer soixante & dix coups sans tomber mort dessus la place. Il les fustigent dessus les cuisses & les iambes faisant estendre le patient dessus le ventre & luy tenant les pieds & le teste. Les Iuges. Capitaines, & Loyties menent tousiours deuant eux ces executeurs pour fustiger ceux qui empeschent la rue quand ils passent ou ne leur font point de place, ou ne descendent point de cheual, ou de leurs chaires couuertes, dont ils vsent ordinairement pour aller en quelque lieu, ou n'abaissent point leurs ombraires qu'ils portent tous communément.

Quant le Capitaine arriva à l'endroit de la sale où estoient allez pour le receuoir les Religieux & leurs compagnons, il vint dedans vne chaire elabouree d'yuoire, qui estoit portee par huict hommes tous habillez fort richement, & comme il fut à vne chambre plus en dedans se mit à pied & s'en alla vers vne sale, où estoit dressé vn haut siege avec vne table deuant. Si s'assit alors en ce lieu, puis se leua incontinent pour receuoir les estrangers, lesquels luy firent la reuerence à la mode du Royaume, en baillant les mains jointes ensemble & inclinant la teste iusques à terre, à laquelle salutation il respondit en panchant vn peu la teste avec vne grand' grauité. Peu apres il commence à parler à eux en maisteté, leur disant qu'ils estoient les bien venus au Royaume où chacun seroit bien aise de les voir & carresser, sans que leur fust fait tort ni desplaisir, comme ils verroient. Ce propos estant acheué, il fit apporter des pieces de soye noire de douze aulnes de l'og chacune, & les Officiers d'iceluy en mirent aux Religieux a chacun deux sur les deux espauls, & leur ceignirent par le milieu du corps. Autant en firent ils par le commandement de leur maistre aux compagnons des Religieux, ensemble au Capitaine Omoncon & à Sinsay, & au trucheman pareillement, donnant outre ce audit Omoncon & à Sinsay vn bouquet d'argent à chacun qu'il se mirent dessus la teste, & est vn honneur qu'ils font coustumierement à ceux qui ont mis à chef quelque haut exploit ou entreprise. Apres ceste ceremonie sonnerent les instrumens de musique qui accompagnoient le Capitaine, & cependant furent apportees force confitures, conserues de sucres, massépains, & bon vin; & leur fit prendre la collation tous debout comme ils estoient, leur donnant luy mesme à boire à chacun d'eux selon leur rang & sans se leuer du siege où il estoit, qui est vne ceremonie que

monie qui se fait par grande faueur & en tesmoignage d'amitié. Cela fait il se leua dudit siege, & se remit dans la chaire portee par huit hommes en laquelle il estoit venu, & baissant vn peu la teste sortit de la salle & du logis & s'en alla à sa maison, où par le conseil d'Omoncon & de Sinfay le furent visiter les Espagnols vne heure apres: auquel lieu ils furent honorablement receus de luy, s'esmerueillant fort toutesfois de le voir tenir si grande maiesté, & comme le Capitaine Omoncon & le Sinfay luy parloient & respondoient à genoux, & les autres ainsi de mesme, tant qu'ayant veu par apres la maiesté de l'Insuanto & du Viceroy, & la maniere qu'on tiét à parler à eux, ils iugerent ceste cy beaucoup moindre. Ce Capitaine leur donna encore chez luy vne belle colation de plusieurs sortes de confitures, de fruit & d'excellent vin de palme, & deuisa avec eux de bonne façon iusque bien tard, & vfa de propos plus familiers qu'il n'auoit fait la premiere fois, s'enquestant par le menu de plusieurs choses, & regardant leur façon d'habits avec grands signes & apparences de contentement.

CHAP. XIII.

Les Espagnols partent de Tansuse pour aller à Chincheo voir le Gouverneur qui les attendoit, & voyent en chemin choses notables.

LEs Religieux & leurs compagnons ayant esté seulement deux iours au port de Tansuse, où ils furent bien festoyez (comme nous auons dit au chapitre au precedent) partirent le troisieme iour du matin pour aller à Chincheo afin de satisfaire au mandement de l'Insuanto, lequel auoit commandé qu'ils fussent menez par deuers luy en diligence. Au sortir du port ils furent accompagnez de plusieurs soldats, arquebusiers & piquiers, avec force tabourins & trompettes & haubois iusques au lieu où estoit le brigantin, dás lequel ils deuoient aller amont le fleuve, & les suiuiot par toutes les rues si grande quantité de peuple; que le nombre estoit presque infiny.

Eltant desia embarquez, ce qu'ils firent en diligence pour se sauuer de la grand' foule, voicy venir deuers eux le Capitaine des cinquante vaisseaux susmentionné avec trois bri-

gantin, dans lesquels portoit sa personne & estoit fort bien esquippe, & aux deux autres estoient les soldats qui l'accompagnoient. Et estant approché il passe au nauire des Espagnols, & leur donna vne colation de confitures, laquelle dura tout le temps qu'il nauigua avec eux qui fust iusques à deux grandes lieues, lesquelles pendant ceste bonne chere ne leur en durerent vn quart. Si estoient les bords du fleuve par où ils alloient tous peuplez de part & d'autre de bons bourgs, & comme les Espagnols en voyoient d'aucunes à leur gré, & pour ceste occasion demandoient leur nom au Capitaine, il leur respondit que ces lieux ne meritoient pas d'estre nommez, mais que quand ils entreroient plus auant en la prouince où estoit le Roy ils verroient des villes & citrez dignes de nom, & neantmoins ces bourgs qu'ils voyent estoient de trois ou quatre mille feux chacun, & seroient tenus pour villes mediocres en d'autres Royaumes de l'Europe. Au bout des deux lieues susdits le fleuve faisoit vne grand' plage où estoit vne grand' armee de plus de cent cinquante vaisseaux, dont estoit General ledit Capitaine qui accompagnoit les Espagnols. Quand l'armee commença à les deseouurir elle se met à les saluer avec l'artillerie & les arquebuses, & autres signes d'alegrees, qu'on a coustume de faire en tels temps, selon que l'auoit enioint le General. Et fut là, ou après que l'escopeterie fut acheuée & eût fait quelques presens & honnestes offres aux Espagnols avec signes & apparences d'estre fâché de les laisser il prit congé d'eux, & se mettant dans l'vn de ses brigantins retourna à son nauire Capitaine, où il s'embarqua.

Les Espagnols nauigerent encor amont le fleuve quelque trois lieues, voyant tousiours de bord à autre force beaux bourgs peuplez d'vne infinité de gens. Au bout de trois lieues ils se desbarquerent à demie lieue de la ville de Tan-goa, & au mesme instant certains hommes chargèrent tout le bagage sur leurs espaules & le portèrent deuant la ville où on les attendoit en bon apareil. Au desbarquement se trouuerent des chaires couuertes toutes prestes pour les Religieux & leurs compagnons, & aussi des chevaux pour ceux de leur suite: & comme les Religieux ne vouloient aller qu'à pied, tant pour le peu de chemin qu'il y auoit & estoit couuert de belles rangees d'arbres, comme aussi par humilité ne voulant pas aller en sieges si riches, ni estre portez par des hommes de si bonne façon qu'estoient ceux qu'on de-

puroit à cest effet, iamais ne le voulust permettre Omoncoñ ni autre Capitaine de leur garde, disant, que puisque tel estoit le commandement de l'Insuanto il n'estoit loisible d'y contreuenir, autrement en seroient punis les Capitaines qui auoient la charge de les conduire, sans pouuoir alleguer par eux aucune excuse, & qu'il leur faisoit cest honneur, afin que d'oresnauant les Chinois leur portassent reuerence, & vissent comme s'estoient gens de marque, puis qu'on portoit à espauls, ainsi que les Loytias Les Religieux consentans à ces raisons, se mirent dans lesdites chaires, qui estoient portées chacune par huit hommes, & celles de leurs compagnons par quatre, suiuant l'ordonnance du Gouverneur, & estoient ces porteurs de chaires si affectionnez à ce seruice qu'ils esurioient ensemblément à qui mettroit le premier la main aux brancars d'icelles.

Ceste ville de Tangua nommee Coan en leur langue peut bien contenir trois mille feux, & a plusieurs arbres & iardins de fruits à l'entree, & la rue par où furent menez les Espagnols allât au logis auoit selon qu'eux mesmes ont affermé vne demie lieüe de long, & ce qui les fit esbahir le plus fust de la voir toute pleine de tables couuertes de belles marchandises & de viande de bouche, & principalement force poisson fres & de salé de plusieurs sortes, & grand foison de volailles, & de chair de route façon, & beaucoup d'herbage & de fruits, le tout en telle quantité que cela estoit suffisant à leur aduis pour vne ville come Seuille. Il y auoit tant de gens que combien qu'il y eust des hommes à leur rue, & des soldats avec eux, si ne peurent ils passer qu'avec grande peine, & en fin arriuerēt à l'hostel du Roy qui estoit fort grand & beau, fait de pierre de taille & brique, avec de belles salles & chambres, mais sans effages. Si tost qu'ils eurent mis pied à terre, voicy arriuer à eux vn messager du Capitaine ou Correcteur de la ville, dit Ticoan en leur langue, qui vint congratuler leur bien venuë, & leur offrir de sa part vn present de plusieurs chappôs, poules canarts, oyes, & oysons, & de quatre ou cinq sortes de chair, & force poisson, vin & fruiets, le tout de telle quantité que cela estoit suffisant pour deux cens personnes: estant toutesfois la chaire tresgrande pour la raison, qui augmenteroit encore d'auantage pour le grand monde qui affluoit, ils eussent mieux aimé vn peu de frescheur.

A ceste occasion les Espagnols s'en allerent pour mener le

soir par la ville, laissant reposer au logis les Religieux, auxquels ils raconterent par apres maintes belles choses qu'ils auoient veüs, & entr'autres comme la muraille de la ville estoit fort large, & faite de bonnes & grosses pierres de taille, avec des canonnières & garites: & comme en passant par la rue estoit sorti vn homme d'honneur, & bien en ordre, lequel venant aborder de bonne façon les auoit priez d'arrester, à cause qu'en vne maison de là deuant estoient des dames de marque, lesquelles les ayant veus par entre les portes, & non contentes de les voir en ceste façon ni de si loin, les enuoient prier humblement de vouloir entrer en leur logis: ce qu'ils auoient fait pour leur complaire, & seroient entrez en vne court où estoient des sieges preparez, dessus lesquels s'assiesant & communicant leur presence à ces dames qui les contemploient atentiuement en toute honnesteté & modestie, peu apres leur auoir esté donné vne belle colation de massépains & autres confitures de sucre, qu'ils auoient prise sans grand scrupule, mangeant & beuuant librement, & qu'apres la colation elles leur monstre- rent signe qu'elles auoient receu beaucoup de plaisir à les voir, & qu'ils s'en pouuoient aller quand il leur plairoit: ce qu'ils auoient fait avec force reuerences, les remerciant de leurs biens & courtoisies.

Au partir de là ils furent voir vne belle maison de plaisance ioignant la muraille de la ville, qui estoit bastie sur l'eau avec de belles allees & chambres hautes pour prendre le repas, toutes faites de pierres de taille, où estoient force tables bien peintures, & de grands viuiers tout à l'entour pleins de beaucoup de sortes de poisson, près desquels estoient des tables faites de pierres de blanc albastre, & toutes d'vne piece, dont la moindre auoit huit espans de diametre, & autour d'icelles estoient plusieurs petits ruisselets d'eau qui couroient tandis qu'on estoit à table, puis de beaux iardins de diuerses fleurs tout à l'enuirō. Vn peu plus loin de là ils virent vn pont tout de belles pierres de taille si bien taillees & si grandes, que quelques vnes qu'ils mesurerent auoient vingt & vingt deux pieds de long, & cinq de large; de sorte qu'il leur sembloit impossible qu'elles eussent esté mises là de main d'homme: toutefois en leur voyage de Chincheo & Ancheo ils en virent d'autres pôts qu'ils passerent beaucoup d'autres de mesme grandeur, & encores plus grandes. Si se reposerent la nuit en celle ville, s'esther-

ueillât fort de ce qu'ils auoiēt yeu puis du matin sitost qu'ils furent leuez, trouuerent prest dans le logis tout ce qui estoit requis pour leur voyage, tant chaires à bras que cheuaux & hommes pour porter leur hardes & bagage, & furent bien esbahis de voir comme chascun d'eux avec vn bastō mis au trauers sur l'espaule portoyent cent cinquante liures pesant en deuant, & autant derriere, diuisant leurs charges en deux parts esgales, avec quoy ils cheminoyent si viftement & facilement, que les cheuaux ne les pouuoient suiure.

Ils furent au logis de Ticoan, qui leur auoit enuoyé le present susdit, afin de le remercier & prendre congé, lequel bien qu'il tint sa grauité accoustumee, leur fit bon accueil & les priant de luy pardonner s'il ne leur auoit fait la courtoisie qu'ils meritoient, leur donna à chascun deux pieces de soye, & leur mit luy mesme de la mesme sorte & maniere que nous auons dit qu'auoit fait le Correcteur de Tansuse. L'ayant remercié de rechef de ce present ils prirent congé de luy, & s'acheminèrent deuers Chincheo, où estoit l'Insuanto, de l'ordonnance duquel leur estoient faites les receptions & courtoisies des Indites.

 CHAP. XV.

Les Espagnols poursuivent le chemin de la Chine, & en allant voyent maintes choses notables de la Chine.

DE Tangoa à Chincheo il y a treize lieuës de chemin par tout si plat, que c'est vn plaisir d'y marcher. Le long de ces treize lieuës ils ne virent pas vn espan de terre inuitele, & ont dit mesme de tous les autres endroits où ils sont allez par ledit Royaume, lesquels estoient si pleins de gens & les villes si proches l'une de l'autre, qu'on les pouuoit presque dire vne seule ville & non plusieurs, pour autant qu'ils n'alloyēt pas vn quart de lieuë ou il n'y eust vne ville, & leur fust dit que c'estoit de mesme aux autres Prouinces.

En leur terre ils vſent d'arrousement presque par tout, qui est cause avec ce que le terroir y est tant fort & fertile, qu'ils font des cueillettes toute l'annee, & à ceste occasion par toutes ces terres labourees les Espagnols virent beaucoup de façons de riz, ſçauoir est l'un qui se cueilloit, vn autre qui

estoit en grain, vn autre en espy, & vn autre tout frés semé. Il labourent la terre avec vaches & des buffes & toreaux qui sont fort priuez, & combien qu'ils soyent grand & gros, n'ont pas les cornes plus longues qu'un espan qui sont recourbées en arriere, de maniere qu'ils ne peuuent faire aucun mal. Ils les gouuernent avec vne longue corde attachee à vn anneau qui est passé par leurs narines, & de mesme façon conduisent les buffes. Ils les font paistre ordinairement aux lieux & endroits semez de riz, car ils n'ont point là d'autres prairies, & tādīs qu'ils pasturent, il y a vn ieune garlon môté d'essus d'eux pour les engarder de faire dōmage au riz, mais seulement d'arracher & manger les mauuaises herbes. Par toute la presente Prouince, & semblablement aux quinze autres du mesme Royaume il se recueille beaucoup de bon blé, orge, espeautre, millet, phasceoles, poix cices, lentilles, & autres grains & legumes: le tout en grande quantité & à petit prix, toute fois le grain le plus abondant & commun en ce Royaume & à ses voisins c'est le riz.

Tous les chemins sont couverts de beaux ombrages d'arbres y plantez qui les embellissent grandement, & le lon d'iceux y a force loges & boutiques de fruits & autres choses, qui peuuent estre agreables ou necessaires aux gens infinis qui passent, par là tant de pied que de cheual, & en chaires couuertes. Les eaux qu'ils trouuoient par les chemins, estoient soit belles & claires, & nonobstant qu'il fit grande chaleur pour lors estoient fort fresches & aux fontaines & aux puits, encore que ce fust en plein midy. A mi chemin de ceste iournee ils virent de loin vn bataillon de soldats qui marchoyent en ordonnance dont ils furent esbahis, & estonnez du commencement, tant que s'approchāt plus pres il leur fust dit que c'estoit le Capitaine de la garde de l'Infuanto de Chincheo qui venoit par son commandement les recevoir avec quatre sens soldats bien armez de piques & arquebuses & tous bien d'ordre. Si tost qu'ils furent approchez, le Capitaine qui estoit monté dessus vn cheual bayard bas & petit) comme le sont la pluspart ceux du Royaume) met pied à terre & s'en vient vers les Religieux & leurs compagnons, qui estoient aussi descendus de leurs chaires à bras, & là se saluerent les vns les autres en grande courtoisie, & alors leur dit le Capitaine comme le Gouverneur l'enuoyoit avec ses soldats par deuers eux pour les recevoir & accōpagner iusques à la ville, où il les attendoit en

bonne deuotion & grand desir de les voir, & qu'il luy auoit en chargé de diligenter le plus qu'il pourroit.

Ce Capitaine estoit bien en ordre, ayât la Chainé d'or pendue au col, & estoit hōme de bōne façon & d'esprit. A son estrier estoit vn laquais qui portoit deuant luy vn grād ôbrage de soye pour le garder du soleil. Le bōnet de ce Capitaine estoit fort diuers & differant à tous les autres qu'ils auoyent veus iusques alors: & deuant lui marchoiēt des trōpettes des haubois qui ioiioyēt fort bien. Ce capitaine & ses quatre cens soldats leur firent tousiours garde iusques à la ville de Chincheo, sans les laisser aucunement, ce qu'ils faisoient plus par applaudissement & magnificence, que pour besoin ou necessité; d'autant que combien que le peuple y soit sans nōbre, si ne portēt ils aucunes armes, estât defendu par vne loy du Royaume à toutes personnes de quelque qualité ou condition qu'elles soyent d'en porter en façon quelconque sur peine de la vie, fors & excepté aux soldats & morte paye qui sōt en garde par les villes, ausquels lieux le Roy riēt gēs de garnison pour obuier aux necessitez qui peuuent venir.

Par tout le chemin alloient & venoyent beaucoup de bestes de seruice chargees de marchandises & autres choses, & estoient mulets la plus part. Les chemins, outre ce qu'ils sont tous si larges & ouuers, que vingt hommes y peuuent cheminer de front sans s'empeschier l'un à l'autre, sont d'auantage tous pavez de grandes pierres, & si fut dit aux Espagnols que ceux des autres prouinces sont faits ainsi, & que ce fut vn Roy du Royaume qui les fit pauer en la sorte, y employant vne grande partie de sa cheuance: ce qui leur semblera veritable, d'autant que par tout où ils cheminerent, jaçoit que ce fust quelque fois par des grandes serres & montagnes, ils y trouuerent tousiours des chemins plats & pavez de la façon.

CHAP. XVI.

Les Espagnols arriuent à Chincheo, où ils sont bien receus & logez. puis sont racontées parmy quelques particularitez de ceste ville.

Les Espagnols arriuerent à Chincheo le Samedi vnziesme iour de Iuillet enuiron quatre heures deuant la nuict. Ceste ville est des communes du Royaume, & estoit

bien à leur aduis de soixante & dix mille habitans & d'auantage, & n'est distante de la mer que de deux lieues, au moyē dequoy elle a grande abondance de viures, & est de grand trafic tant pour ce regard, qu'à cause d'une belle grande riuere passant par dedans sur laquelle se chargent les denres & marchandises qui s'en vont descendre à la mer. Ceste riuere passé aussi par les faux bourgs & y a vn pont des plus beaux peut estre qui soyent au monde, avec ses portes coulissées pour temps de guerre ou quelque autre necessité, lequel contient huit cens pas de long, & est tout basti de pierres si larges, que la moindre à vingt deux pieds de long, & cinq de large, dont ils furent fort esmerueillez.

A l'entree de ce pont y auoit force soldats armez & ordonnez comme pour combatre, lesquels comme virent approcher les Espagnols de la portee d'une arquebuse, les saluerent d'une escopeterie avec vn bel ordre & bonne façon. Ioignant ce pont estoient plus de mille nauires de toutes sortes, & vn si grand nombre de barques, qu'elles couuroient la riuere, & toutes icelles pleines de gens qui estoient venus pour voir passer les Castellans (car ainsi nomment-ils par de là les Espagnols) n'ayant peu tenir par les ruēs des fauxbourgs & de la ville, nonobstāt qu'elles fussent aussi larges que trois ordinaires des villes d'Espagne. Ceste ville est entourée d'une muraille de pierre de taille, qui a sept brasses de haut, & quatre de large, avec plusieurs tours dessus les portes, où ils tiennent l'artillerie & toute leur force, n'ayant l'usage de chasteaux ny de forteresses en leur Royaume, comme l'on a en Europe. Les maisōs y estoient toutes d'une façon basties & non trop hautes, à cause des tremblemens de terre qui sont ordinaires en la dite ville.

Toutes les ruēs, & principalement celle par où ils entrèrent, auoient des supports aux faillies de part & d'autre, sous lesquelles estoient plusieurs boutiques garnies de riches marchandises, & autres choses de valeur. D'espace a autre y a par lesdites ruēs & autres principales du Royaume des Arcs triomphaux qui les embellissent fort, & au milieu de ces ruēs de belles grandes places, où l'on trouue à acheter de toutes sortes de viandes qu'on peut souhaiter, tant de chair & de poisson, comme de fruits & herbages, confereues & confitures, & le tout à si bon marché qu'il se baille comme pour neant. Les viures y sont tous fort bons & de bonne nourriture, & la chair de porc (de la

quelle ils mangent volontiers) y est aussi saine & aussi bonne comme le mouton d'Espagne. Quand est des fruiçts que ils y vivent, les vns estoient comme ceux d'Espagne, & les autres tels qu'ils n'en auoient point encore veu de semblables, toutes fois ils estoient de fort bon goust, & entr'autres vne espee de fruiçt vn peu plus grand que le melon, & de mesme façon, qui estoient vn exquis manger: avec vne forte de prunes fort bonnes lesquelles ne font iamais mal, & ne reuiennent point au cœur, encore qu'on en mange beaucoup, comme l'experimenterent les Espagnols par plusieurs fois.

La grand' ruë par où ils entrerent estoit si pleine de gens que si on eust ietté vn grain de blé il n'eust sceu tomber à terre: de sorte que combien que les Espagnols fussent dans des chaires couuertes que portoient des hommes sur leurs espauls, & que le Capitaine dessusdit marchast deuant, leur faisant large, ils mirent long temps à passer, iusques à tant qu'ils arriuerent à vn grand logis qui estoit vn conuent de Religieux Chinois, auquel lieu ils furent logez estans bien lassez de la foule de tant de monde, & ayant bonne enuie de se reposer.

CHAP. XVII.

Le Gouverneur de Chinchio enuoye querir les Espagnols, & leur fait proposer les ceremonies qu'ils deuoient garder pour auoir audience deuant luy.

LE mesme iour qu'ils arriuerent à la ville (qui fut bonne piece de temps deuant la nuit ainsi que dit est) ayant plus d'enuie de se reposer du trauail du chemin & de la peine qu'ils auoyent eue à passer la ruë à cause du grand monde qui estoit accouru de toutes pars pour les voir, que d'aller faire aucune visite; l'Insuanto ou Gouverneur de la ville leur manda qu'ils l'allassent trouuer en sa maison, pource qu'il desiroit les voir: ce qu'ils firent plus par contraincte que de bon gré. Ils sortirēt de leur logis tout à pied, ou pour autant que la maison du Gouverneur estoit pres de là, ou parauanture pour auoir esté ainsi commandé, car on n'en peut bien sçauoir la cause sinon qu'ils firent ce que leur disoit le Capitaine qui les conduisoit. Au milieu de la ruë (laquelle n'auoit pas moins de gēs que celles par où ils estoient entrez) ils rencontrèrent vn Loytia qui les venoit rece-

uoit en grande pompe avec plusieurs bannieres deuant luy & vn grand nombre de sergens & de massiers, & autres qui trainoyent des foïets attachez à certaines longues baguettes qui sont les bourreaux du Royaume, lesquels (ainsi que dit est) vont tousiours deuant les Loytias pour faire escarter le peuple. Si grande estoit la parade de ce Loytia, & auoit vne telle suite, qu'ils croioient assurement que ce fust l'Insuaro; toutesfois en ayant esté aduertis ils sceurent que c'estoit vn des Auditeurs du Gouverneur, qui retournoit du Conseil à sa maison, laquelle estoit en la rue où ils le trouuerent.

Cest Auditeur estoit dedans vne chaire d'yuoire garnie d'or, avec des courtines de toile d'or, où estoient les armoiries du Roy de la Chine, qui sont des serpens entrelassez comme nous auons dit ailleurs. Quand ils furent aupres des Espagnols, il les salua de la teste sans s'arrester, & leur dit qu'ils vinssent apres luy à sa maison qui estoit proche de là, à quoy les Capitaines obeïrent incontînēt estans suyuis de tous les autres. L'Auditeur entra dedās sa maison qui estoit seigneuriale, & auoit vne grande court, & au dedans vne belle fontaine & vn iardin, & apres luy seulement les Espagnols, demeurant en la rue par le commandemēt du Loytia le Capitaine & ses gens qui les assistoyent. Il les receut d'un bon visage, & avec paroles courtoises, leur disant en somme qu'ils estoient les tresbien venus au Royaume, & autres congratulations accoustumées en tel cas, ausquels ils respondirent respectiuelement de mesme monnoye avecques signes, & par le moyen du trucheman qu'ils menoyent. L'auditeur fit apporter sur le chan la colation, & fut le premier à boire & amanger, & apres cela enuoya querir le Capitaine qui auoit la charge d'accompagner les Espagnols, & le tança bien asprement & seuerement de quoy il les menoit ainsi à pied (combien qu'on ne peut entendre s'il disoit telles paroles à bon escient ou par dissimulation, j'aoit qu'il les proferast de si grande affection qu'elles sembloient estre vrayes) & fit à l'instant apporter deux chaires fort riches pour mener les Religieux, & bailler des chevaux à leurs Compagnons; ce qu'estant fait, leur dit qu'ils s'en allaissent voir le Gouverneur qui les attendoit, & qu'ils se verroyent plus amplement par apres.

Ils poursuiuirent le chemin tout le long de la rue, en auant, laquelle leur sembla plus belle que l'autre par où ils

estoyent entrez avec de plus beaux Arcs & logis, & mesmes les boutiques qu'il y auoit de costé & d'autre fournies de marchandises riches & exquises; de maniere que tant cela comme le grand peuple qu'ils voyoient les retenoit tous suspens, & comme ravis hors d'eux mesmes, leur estant aduis que ce fust songe. En fin apres auoir bien cheminé par ceste rue, en se delectant les yeux à contempler choses nouvelles, & non encore par eux veuës, ils vindrent à entrer dans vne grande place où estoient force soldats en ordonnance vestus de liures de soye avec arquebuses, piques & autres armes, & les enseignes desployees. Au bout de la place estoit vn Palais superbe & magnifique, avec vn grand portail & hauts iambages de pierre de taille grauez de figures, & au dessus de grands fenestragés avec des treillis dorez. Ils furent introduits par ce beau portail, & demurerent les soldats dehors, ce qui se fit avec grande difficulté & force de bras pour la multitude de peuple qui estoit presque infinie. Quand ils furent entrez dedans la premiere court, voici vn homme d'autorité qui sort dehors & fait signe de la main à ceux qui conduisoient les Espagnols qu'ils les missent en vne sale qui estoit là à la main droite, ce qui se fit tout à l'instant. A vn bout de ceste sale (qui estoit fort grande & belle) se voyoit comme vn autel avec force Idoles dessus tous de diuerses façons, & estoit cest autel richement & curieusement bien orné, avec des lampes ardantes, & vn beau daix de toile d'or, & le pavement de mesme. Apres auoir arresté vn peu en ce lieu où estoient lesdits Idoles, voici venir vn laquais du Gouverneur qui leur dit de sa part qu'ils enuoyassent le trucheman à son maistre, pource qu'il vouloit parler à luy, & luy dire quelques choses qu'ils deuoient garder, s'ils vouloyent auoir audience de luy: à quoy eux obtemperant ils enuoyerent leur trucheman, auquel dit de Gouverneur qu'il aduertist les Religieux & leurs Compagnons que s'ils vouloyent parler à luy & communiquer des affaires pour lesquels ils estoient venus, ce deuoit estre avec les mesmes ceremonies & submissions que parloyent à luy les seigneurs de la Prouince, c'est à sçauoir à genoux, comme ils le virent apres par plusieurs fois; autrement qu'ils s'en retournaient à leur logis; & que là ils pourroyent attendre le mandement que le Viceroy d'Aucheo leur enuoyeroit.

Cela estant sceu par les Espagnols, il y eut diuers aduis

part entr'eux, & alterquerent ensemble assez long temps. Car les Religieux que le Gouverneur de Manille auoit enuoyez pour Chefs de l'affaire, lesquels fust fuiuiue l'opinion, disoyent qu'il falloit accepter la condition s'ils ne pouuoient autrement obtenir ce qu'ils pretendoyent sans la laisser eschapper sous pretexte de quelques formalitez de peu d'importance, attendu que Dieu n'y estoit point offensé & que ce pourroit estre le moyen de la conuersion de ce grand Royaume que le Demon tenoit dessous sa puissance, a quoy ce malin esprit deuoit mettre tous les empeschemens qu'il pourroit, comme il commençoit desia à faire: & que Dieu n'estant point offensé en cela (comme dit est) ny eux allant au Royaume cōme ambassadeurs immediats du Roy d'Espagne: ils ne deuoient point contester entr'eux d'auantage s'il falloit condescendre au vouloir de l'Insuanto, & specialement à vne coustume tant ystrée au Royaume. Si fust cest aduis fuiui en fin, nonobstant que leurs compagnons fussent de contraire opinion: & partant manderent pour responce au Gouverneur par le mesme trucheman qu'ils obserueroient les ceremonies accoustumées, & feroient tout ce qu'il leur manderoit selon la coustume & maniere de faire du pays, puis qu'il ne les vouloit point admettre autrement anegocier des affaires, pour lesquelles ils estoient venus de si loin, & avec tant de trauail.

CHAP. XVIII.

*Les Espagnols ont audience en grad' courtoisie par deuant le
Gouverneur de Chincheo, & luy presentent les lettres
qu'ils apportoiēt des Philippines.*

L'Insuanto ayant entendu que les Espagnols entroient avec la reuerence accoustumée au Royaume, & de la forme à eux prescrite, les fit monter incontinent à la sale où il estoit, laquelle paroissoit tresbelle, tant pour sa grandeur, que la richesse d'icelle, ce que ie ne pretens ici declarer, pour n'estre prolix.

Ils sortirent donc de ceste sale où on les auoit mis premierement, puis apres auoir passé la court par laquelle ils estoient entrez, en trouuerent encore vne autre aussi grande, où estoient force soldats en ordonnance, les armes au poing; tous richement habillez, & apres d'eux plusieurs

sergens & Alguazils portant tous diuerſes marques, & ayāt de longues caſaques de ſoy bordees & recamees d'or, & chacun le morion en teſte, les vns d'argens, & les autres d'eſtain doré, qu'il faiſoit bon voir: & portoient tous de grandes perruques teintes de rouge, qui leur tomboient ſur les eſpaules, & eſtoient ſi bien arrangez qu'ils faiſoient vne ruē droite emmy la court par ou paſſerent les Eſpagnols. Sortant de ladite court ils entrent en vne allee ioignant la ſale où eſtoit le Gouverneur, & alors commencerent à ſonner deuant eux vn bon eſpace de temps diuers inſtrumens de muſique, avec telle douceur & melodie, qu'ils dirent n'auoir iamais ouy choſe ſi harmonieufe, laquelle parauenture leur ſembloit encore plus grande, eſtant eſtonnez de voir telle maieſté entre des Gentils & Idolatres. La muſique eſtant acheuee, ils entrerent en la ſale ſuſdite, & à quelques pas de là trouuerent l'Auditeur qu'ils auoient rencontré parmi la ruē, comme dit eſt, & avec luy deux de ſes collègues qui eſtoient debout & nuē teſte deuant ledit Gouverneur, & ſans aucune marques ni parade de leur magiſtratz qui eſt vne choſe pratquee en tout le Royaume quand l'inferieur eſt deuant ſon ſuperieur. On fit incontinent ſigne aux Eſpagnols qu'ils ſe miſſent à genoux, pource que l'Inſuanto eſtoit pres de là en vn haut Throſne ſous vn riche daix, avec autant de maieſté, que pouuoit paroître le Roy, lequel les receut avec grands ſignes & demonſtrances d'amitié, & en leur diſant par le trucheman qu'ils fuſſent les treſbien venus, & qu'il eſtoit ioyeux de les voir, & autres paroles de faueur.

Ce Gouverneur eſtoit vn perſonnage de bonne apparence bel homme, & d'un viſage riant plus que tous les autres qu'ils virēt en tout le Royaume, & fit mettre aux Religieux & aux ſoldats qui eſtoient avecques eux à chacun deux pieces de ſoye, qu'on croiſa par les eſpaules en guiſe d'eſtoles, leur donna auſſi de ſa main à chacun vn bouquet d'argent, faiſant pareille courtoisie au Capitaine Omoncon & à Sinſay, & commandant qu'on dōnaſt à chacun des ſeruiteurs des mantes de cotton peinturees. Ceste ceremonie ſe fait au Royaume à l'endroit des capitaines ou hommes de marque qui ont mis à chef quelque haut fait, comme nous auōs dit autrepart. Apres cela les Religieux luy preſenterent les lettres du Gouverneur de Manille & auſſi du Maire de camp des Philippines, & la memoire des choſes

qu'ils luy enuoyoyent, le suppliant d'excuser si le don estoit petit, pour n'auoir l'opportunité de luy enuoyer plus grandes choses, l'assurant d'amender la faute vne autrefois, si l'amitié qu'ils pretendoient & venoient procurer se pouuoit faire. Il respondit à leurs offres avec paroles fort gracieuses, & leur fit signe qu'ils se leuassent & s'en allassent reposer ou on les auoit logez comme ils firent, & trouuerent qu'on leur auoit appresté lits, seruice, & autres choses necessaires, par l'ordonnance dudit Gouverneur.

Deuant qu'ils sortissent du Palais, le Capitaine de la garde les mena à sa chambre, qui estoit en vn endroit de la dedans, & illéc leur donna vne colation de cōfitures & beaux fruits delicieux, & apres icelle les alla accompagner, luy & plusieurs autres courtisans iusques à leur logis, où ils se desiroient fort, à cause qu'ils estoient tous fort lassez du chemin, & ennuyez de la grand' foule & importunité de tant de monde qui sortoit par toutes les rues pour les voir. Là leur deputa le Capitaine vne compagnie de soldats pour la seureté de leurs personnes, & pour les garder de nuict & de iour (toutefois plus pour parade que pour besoin) ensemble vn maistre d'ostel pour leur pouruoir abondamment de tout ce qu'ils auroient de besoin eux & leur train, sans en rien prendre, le tout suiuant l'ordonnance & particulier mandement du Gouverneur.

CHAP. XIX.

Les Espagnols sont vistez des principaux de Chinceo, & le Gouverneur enuyant querir le Sarmient & le Loarche deuisé avec eux familièrement, & s'informe de l'estat de Limahon.

LE iour ensuiuant, qui fut vn Dimanche douziesme iour de Iuillet, plusieurs Gentilshommes de la ville allerēt visiter les Espagnols à leur logis, vsant de plusieurs ceremonies & paroles courtoises, & leur en promettant l'effect quand il en seroit de besoin: & les autres qui n'y purent aller en personne y enuoyerēt leurs seruiteurs pour les bien vienner, & demander de leur part comme ils se portoyent, & ce qu'il leur sembloit du Royaume & de la ville. Les Espagnols satisfirent aux vns & aux autres, & employerēt toute la matinee & le soir de ce iour là à telles salutations, s'eston-

nant de voir la ciuilité de ces Gentilshommes, & la bonne façon dont ils vsoient à demander ce qu'ils desiroient sçauoir, & à respondre à ce que leur demandoient les Espagnols. Le lendemain l'Insuanto leur enuoya dire que les Religieux demeuraissent au logis à se reposer, & que leurs deux compagnons, à sçauoir Sarmient & de Loarche le fussent voir, & ne se missent en peine de mener leur truchemâ, pour autant qu'il en auoit vn par deuers luy, lequel estoit vn Chinois qui entendoit le langage des Philippines, toutesfois si mal que l'on ne pouuoit traiter par son moyen aucune chose d'importance.

Estans arriuez à son logis ils monterent là où il estoit avec moins de ceremonie que le premier iour, & le trouuerent avec telle majesté que l'autre fois. Il leur demanda comme se portoient les religieux, & eux aussi, & s'ils estoient deslassez du traual du chemin, & en ce qu'il leur sembloit du pays, & autres choses qui denotoient l'affabilité de sa personne; ausquelles ayant esté respondu par les Espagnols, il leur dit qu'ils luy voulussent raconter l'arriuee du Coursaire Limahon aux Philippines, & tout ce qui s'estoit passé avec luy & les Espagnols, nonobstant qu'il s'en fust desia entierement informé du Capitaine Omoncon & de Sinsay susdits, pour autant qu'il se doutoit qu'ils ne luy eussent celé la verité, comme ils auoient fait: car les Espagnols luy ayant recité au vray la venue de ce Coursaire à Manille, & tout ce qui s'en estoit ensuiui (comme il a esté rapporté par ci deuant) il trouua qu'il estoit bié differét de ce que les autres luy auoiét coté, d'autât qu'il s'en estoiet attribué tout l'honneur pour leur profit particulier, ce que descouurit incontinent l'Insuanto, comme personnage bien aduisé. Luy ayant donc certifié que Limahon n'estoit pris, ne mort, mais assiégré seulement, il leur dit que s'ils vouloiét retourner à Págasinâ & l'assaillir où il estoit, il leur bailloirait vne armée de 500. voiles, fournie de toute la Gendarmerie necessaire tant de mer comme de terre, & encore d'auantage s'ils vouloient. Ils luy respondirent que toute la diligence qu'on y feroit seroit superflüe, attendu que le Maistre de camp qui le tenoit assiégré estoit suffisant avec ses gens & vaisseaux de mettre fin à ceste entreprise, & le luy enuoyer pris ou mort: ce qui aduiédroit deuant qu'ils y peussent arriuer avec l'armée: outre ce qu'estant les Isles pauvres de viures, elles ne pourroient soustenir longuement si grosse armée. Estât sa-

est fait de ces raisons il permit qu'entraist leur trucheman qu'ils auoit fait demeurer dehors à la porte, d'autant qu'il voulust s'esclaircir premier de celuy qu'il auoit pres de sa personne touchant le soupçon susdit, sans que celuy des Espagnols, qui les supporroit pareillement, en peust rien celer ne desguiser.

Le trucheman estant entré, & les Espagnols voyans qu'ils auoient bonne occasion de luy declarer ce qui s'estoit passé entr'eux & les Religieux le iour precedent sur le fait de parler à luy à genoux, & le trouuant de bon humeur pour ouyr ce qu'ils leur diroient, luy conterent le debat qu'ils auoient eu pour cela apres auoir amené plusieurs raisons bien cōsiderables pour monstres qu'ils ne le deuoiēt faite, & principalement les religieux, qui estoient les chefs & principaux de l'Ambassade, & ausquels le Roy d'Espagne leur Prince portoit tant d'honneur & de respect, que les faire leuer incontinent qu'ils alloient traiter par deuers luy de quelque affaire si petite fust, pour l'amour qu'ils estoient prestres & vrais ministres du grand Dieu, qu'il adoroit & reuereroit. Là dessus l'Insuanto leur monstrant vn bon visage leur respondit qu'il n'auoit encore entendu chose d'eux, que ce que le Capitaine Omoncon luy en auoit dit, & qu'il ne les connoissoit pour autres que pour Castillans, sans scauoir pourquoy ils venoient ni de quelle part, d'autant qu'il n'auoit pas encore veu les lettres de leur Gouverneur & Maistre de camp, quand il parla à eux la premiere fois, & n'estoit aduerti de ce fait ni de la coustume de leur pays, & que si celle de la Chine qui s'obseruoit indifferemment sans exception de personne, leur sembloit dure, elle se corrigeroit à l'aduenir, & que desormais toutes les fois qu'ils iroient parler à luy ou de leur gré, ou bien de son mandement ils parlassent à luy comme l'on souloit faire en Castille à ceux de la qualité, & qu'il estoient bien cōtent quant à luy, encore que le Viceroy ne feroit iamais ce passedroit, si ce n'estoit à Ambassadeurs qui viendroient immediatement de la part d'un Roy.

Auec ceste, resolution & autres bonnes paroles ils eurent congé de luy, & s'en allerent ioyeux à leur logis, où ils trouuerent les religieux tous fatiguez des visites qu'on leur faisoit, & desireux de les reuoir, & scauoir que leur vouloit l'Insuanto avec qui ils auoient esté si longuement : & ayant entendu tout ce qui s'estoit passé, & comme le Gouverneur

uerneur leur permettoit de parler à luy selon la mode d'Espagne ils s'en resiouyrent grandement, & concurent vne esperance de pouuoir acheuer & mettre à fin ce qui estoit de l'affaire, pour laquelle ils estoient venus, rendant graces à Dieu de ce qu'il daignoit ainsi conduire & acheuer leur entreprise.

C H A P. X X.

Ce Gouverneur fait vn banquet aux Espagnols, pour les aduertir de s'acheminer à Ancheo, où le Viceroy les attendoit.

L'Autre iour d'apres le Gouverneur appella vn gentilhomme de sa maison, & luy commanda d'aller voir les Espagnols, & sçauoir s'ils estoient bien traitez & logez, & leur dire que s'ils vouloient autre commodité particuliere ils y aduisassent, & qu'elle leur, seroit baillee sans faute, tant en signe de l'amitié qu'il auoit prise avec eux par leur bonne communication, que pour le seruice qu'ils auoient fait à son Roy en l'affaire de Limahou, & en outre les inuiter d'aller prendre le repas chez luy le lendemain. Si fit le gentilhomme ce que luy estoit commandé, à quoy respondant les Espagnols ils luy dirét qu'ils baisoient les mains au Gouverneur, & le remercioyent du grand soin qu'ils auoient d'eux l'assurant qu'on leur faisoit fort bonne chere (comme de fait il estoit vray) & qu'ils estoient fort bien logez & caressez, & que les offres correspondoient à l'esperance qu'ils auoyent conceüe de l'amiable presence & generosité de sa personne, acceptant gracieusement la semonse du banquet pour lendemain, lequel leur fait en la maniere qui ensuit.

Estant entrez au palais à l'heure du repas, on les mit dedans vne sale basse, qui estoit à vn costé de l'arriere court, où y auoit grand nombre de chaires & plusieurs tables peintures, avec des daix de veloux, & vne certaine façon de tapis dessus sans aucunes nappes: car comme nous auons desia dit ailleurs en ceste histoire on n'en vse point au Royaume: & n'en est aussi aucun besoin selon leur maniere de mager. Là furent assis les Religieux dedans les premieres chaires, & chacun en vne table à part, apres lesquelles suyuoiient six autres dressees de rang & en vn rond, & apres s'assirent leurs compagnons d'vn mesme ordre, avec cinq tables pour

chacun : puis ioignant le Capitaine de la garde du Gouverneur, & deux autres Capitaines, ayant chacun d'eux trois tables : car c'est la coustume du Royaume de distinguer la qualité de ceux qui sont inuitez par le nombre des pauvres. Si estoient ces tables toutes en rond (comme dit est) & par ce moyen se voient les vns les autres, & au milieu y auoit vne espace rond, où fut representee vne comedie avecques beaux entremedes, qui dura iusqu'à la fin du repas & beaucoup apres. Il y eut aussi belle musique tât de voix que d'insteumēs, avec les plaiseurs & ioieurs de mains & morefques, & telles autres choses d'entretienement.

A chasque premiere table qui estoit dressee pour chacun d'eux, si y auoit lors qu'ils s'affirent, beaucoup de petits paniers tissus de fil d'or & d'argent pleins de plusieurs iolietez faites de sucre & de massépain, comme chasteaux, vases pots, plats, chiens, taureaux, elephans, & telles autres curiositez toutes bien faites & bien dorees. Outre, ces confitures de fruiçts il y auoit force plats de chair, chappons, poules, oysons, canarts, jambons, pieces de bœufs, & autres viandes, dont estoient couuertes toutes les tables, fors la premiere où les inuitez banquettoient chacun à part, dessus lesquelles estoient les viandes en telle abondance, qu'il y eut telle fois plus de cinquante plats de mets, & le tout serui avec grande curiosité. Le vin estoit de plusieurs sortes, & toute de palme, tel qu'il se fait par delà, toutesfois si bō & plaissant au goust, qu'on ne regrettoit point celuy de raisins. Le repas dura quatre heures, & eu esgard à la foison & diuersité de viandes qu'il y auoit, en pouuoit biē durer huit, & estre fait à quelque grand Prince. Quant à leurs seuiteurs & esclaués, ils furent pareillemēt festoiez au mesme temps en vne autre sale proche de là, & traitez aussi magnifiquement que leurs maistres.

Le festin estant acheué, le Gouverneur enuoya querir les Espagnols, & deuisa amiablement avec eux sans permettre qu'ils parlassent à luy à genoux ni teste nuë, & apres les auoir entretenus quelque temps avec grands signes d'amitié leur demandant choses diuerses : en fin si leur dit qu'il auoit receu vn mādémēt du Viceroy, par lequel il luy enuignoit de les enuoyer par deuers luy en diligence : & pourtant qu'il leur conuenoit partir le lendemain, dont ils deuoient estre fort contents, pource qu'ils seroient fort aises de le voir, & luy eux, eux aussi, & pourroient traiter avec luy tât de l'affai-

te pour lequel ils estoient venus au Royaume, que de toute autre chose quelconque, d'autant qu'il pouuoit le tout en ce fait, & estoit bien voulu du Roy. Apres cela il prit congé d'eux avec beaucoup de caresses & courtoisies, & les Espagnols aussi de luy à la mode d'Espagne, ostant le cha-
peau gracieusement, & luy faisant la reuerence, ce qu'il fut fort aisé de voir.

Au sortir de la sale, ils trouuerent les Capitaines qui auoient banqueté avec eux, & plusieurs autres gentils-hommes qui les attendoient, lesquels leur firent compaignie iusques à leurs logis, allant deuant eux force seruiteurs avec la viande creuë, qui auoit esté mise sur les tables au pres de celle où ils auoient banqueté chacun à part, lesquelles estoient là dressées à la grandeur, selon la ceremonie, & maniere de faire qui est fort frequente au Royaume à tous les banquets qu'on y fait. Estant de retour à leur logis ils trouuerent que l'Insuanto leur enuoya vn fort beau present de quatre pieces de foye pour chacun d'eux avec des cabinets & autres choses, & outre ce quelques mantes peintures pour les seruiteurs & esclaves. Ayant pris congé des Capitaines & Gentils-hommes qui leur auoient fait compaignie, ils commencerent à se disposer en grande ioye pour le voyage du lendemain.

C H A P. XXI.

Les Espagnols partent de la ville de Chincheo & arrivent à celle d'Aucho, où les attendois le Viceroy.

LE lendemain du matin deuant qui fussent leuez estoient ià dedans le logis toutes les choses nécessaires pour faire le voyage, tant chaires à bras, que cheuaux & hommes pour porter les hardes, ce qu'ils font si volontiers (comme dit est) qu'ils debatenent entr'eux qui chargera le premier.

Tout estât prest & mis à point, les Espagnols les accompagnez des soldats du Capitaine qui leur auoient esté baillez pour garde, prirent leur chemin deuers la ville d'Aucho où estoit le Viceroy, & y alloient de bon cœur, tant pour negocier leur entreprise, & resoudre ce qu'ils auoient lors à faire comme pour sortir de Chincheo, où ils estoient fatiguez extrêmement du grand peuple qui les venoit voir sans cesse & à si grande foule, qu'vn iour entre autres dessus

les dix heures au soir les ruës proches de leur logis estoient toutes pleines de gens qui les venoient seulement voir; ce qui leur cauſoit vne grande chaleur & ennuy avec le bruit qu'ils faisoient. De maniere que ce dernier iour qu'ils entendirent comme ils s'en deuoient aller, ils s'assemblerent par les ruës en si grand nombre que combien qu'il y eust des Sergens deuant avec des bastons qui faisoient reculer le peuple pour auoir place, ils mirent toutesfois long temps à passer, & estoit desia tard quand ils sortirent de la ville de façon que pour la nuit qui approchoit il leur fust force de demeurer en vne bougade bien pres de là, auquel lieu par le commandement du Gouverneur leur fust appresté le logis & le souper, comme on fit aussi le long voyage qui dura sept iours sans rien prendre d'eux pour cela, ni pour autre chose qui leur fust baillee pour leur viure. Il alloit tousiours vn courrier deuant avec vne prouision du Gouverneur escrite en vn grand tablon, où estoit contenu quels ils estoient, & d'où ils venoient, & qu'on eust à les deffrayer entierement aux despens du Roy de tout ce qui leur feroit necessaire; ce qui estoit cause que tant de gens accouroient les voir, qui les suiuoient hors des villes, & les empeschoient & ennoient par les chemins.

Le troisieme iour ils arriuerent à vne ville nommee Me-goa, qui est la capitale du Gouvernement, & estoit de quarante mille habitans, nonobstant qu'elle ne fust peuplee par tout dont on leur conta l'occasion, qui est telle. Il y auoit enuiron trente ans que les Iapponnois menât avec eux pour les guider trois Chinois (qui demeurent à Manille pour le present, & sont Chrestiens) allerēt assaillir ceste ville pour se venger d'un tort qu'on leur auoit fait, & y procederent si finement & secrettement, qu'ils se firent maistres d'icelle sans aucun danger de leur personne. Car cinquante Iapponnois d'entr'eux, gens d'entreprise se deguiserent en Chinois sans estre reconneus, & allerent à vne porte de la ville où les soldats de la garde n'auoient aucun soupçon d'ennemis, & pour ceste cause ne tenoient point leurs armes prestes, & vn peu apres les furent suivre deux mille hommes qui s'estoient desbaquez en vn lieu secret, & se gardant d'estre descouuers approcherent de la porte de la ville, où estoient desia leurs compagnons qu'ils auoient enuoyez deuant, lesquels comme ils les virent pres de la

porte entrèrent les armes qu'ils portoyēt cachees, & assaillirent les soldats de garde à l'impourueu & desarmez avec vne telle furie, qu'ils les esmeurent & tuerent facilement, demeurant maistres de la porte, en laquelle ils laisserent garde, & poursuyuant leur victoire se firent maistres de la ville sans aucun danger de leurs personnes: la saccagerent, & possederent par quelques iours au grand dōmage des habitans: iusques à ce que du mandement du viceroy d'Aucheco s'assembla vne armee de soixante mille hommes, qui leur courut sus en intention de venger dessus tous les Japponois l'iniure qu'ils auoyent receuē. Mais eux voyāt qu'ils n'estoyent pas assez forts pour se defendre, deguerpirent la place en vne nuit, & retournerent à leurs nauires, qu'ils auoyent laissees avec vne bonne garde, emportant le butin de la ville, & la laissant destruite & despeuplee pour la plus part: & en ceste sorte là trouuerent les Espagnols quand ils passerent, & entendirent que les habitans auoyent aussi fresche memoire de ceste iniure: comme si elle leur eust esté faicte le iour de denant.

Estant donc en ceste ville ils furent logez en vne maison du Roy, qui estoit fort grande & belle, & illec traitez magnifiquement & en abondance, & se reposerent dedans des lits beaux & riches. Si tost qu'ils furent arriuez, le Sarmient & le Loarche allerent voir le Gouverneur, demeurant au logis les religieux, & parlerent à luy à la courtoisie d'Espagne, dont il les receut à grande ioye, & leur fit hōnestes offres avec paroles fort gracieuses. Apres qu'ils eurent pris congé de luy & s'en furent retournez à leur logis, il les enuoya visiter par le Tiū (qui est le plus ancien Auditeur du conseil) lequel fut avec eux quelque temps en leur monstrant toute amitié, & apres s'estre offert à les seruir en tout ce qui se pourroit presenter s'en retourna à sa maison avec grande suite. Le Gouverneur enuoya aux deux soldats qui l'estoyent allé visiter deux pieces de soye à chacun. Sortant de la dite ville & cheminant vers Aucheco, ils passerent vne grande riniere par dessus vn pont tout de pierre de taille la meilleure & la plus grande qu'ils auoyent encore veuē, & là s'arrestèrent assez long temps admirant la longueur du pont, & le mesurant d'un bout à l'autre pour faire mention d'iceluy, comme d'une chose rare, entre les singularitez qu'ils alloient remarquant par le Royaume. Si trouuerent que ce grand pont auoit treize cens pieds de

long, & que la moindre pierre d'iceluy estoit de dixsept pieds, & plusieurs de vingts pieds de long, & huiet de large, de sorte qu'il leur sembloit impossible auoir esté menées là d'industrie humaine; & encore plus s'estonnerent ils en voyant que tout ce qu'il descouuroyent de la veüe estoit vn pais plat & vni sans nulles montagues; au moyen dequoy ils iugeoyent estre necessaire qu'elles fussent amenes là de bien loin.

Ayant passé cedit pont ils cheminerent iusques au soir par vn grand chemin paué fort large & plat, qui estoit de part & d'autre de plusieurs tauernees & de terres semées de rix, blé, & autres grains, & au surplus aussi plein de gens que pourroyent estre les rues d'vne grande ville bien peuplée. Si arriuerent en fin aux faux bourgs de la ville d'Aucheo; où ils receurent vn mandement du Viceroy sur ce qu'ils auoyent à faire, cōme il le dira plus au long au chapitre subsequence.

CHAP. XXII.

L'entree des Espagnols dans Aucheo, & la reception que fait le Viceroy.

A PRES auoir cheminé plus de demie lieuë par le fauxbourg d'Aucheo; ils rencontrerent vn courrier du Viceroy, qui leur venoit dire de sa part qu'ils s'arrestassent en vn logis qui estoit au mesme fauxbourg, où il auoit mandé qu'ils fussent logez pour celle nuit, a cause qu'il estoit desia tard pour aller iusques au logis qui estoit dedans la ville, auquel ils deuoient loger, ou parauenture afin de satisfaire à plusieurs qui desiroient voir les estrangers, la venue desquels desia publicée en la ville, & presque par tout le Royaume, faisant estat qu'ils receuroient plus de plaisir à les voir entrer publiquement.

Si tost qu'ils eurent mis pied à terre, voicy vn gentilhomme qui vint voir de la part du Viceroy pour les bienuenner, & sçauoir cemme ils se portoyent, ensemble pour leur faire bailler abondamment tout ce qui leur estoit necessaire pour ceste nuit: ce qu'ayant fait; il leur dit que le Viceroy estoit fort ioyeux de leur venue, & que pour cause qu'il estoit tard & y auoit loin encore iusque à la ville il les faisoit loger au fauxbourg pour celle nuit iusques au lendemain seulement, afin de mettre ordre qu'ils entrassent avec

l'honneur & autorité que meritoient leurs personnes. Apres ledit gentilhomme, quelques Capitaines les vindrent voir, & leur presenterent force confitures, avec du vin & des fruités (coustume visitée entr'eux, quand ils vont à telles visites) faisant porter leurs presens par des seruiteurs derrière eux dedans des panniens bien gentiment faits, & en debetils de porcelaine doree Deux heures apres vint vn autre seruiteur du Viceroy, accompagné de plusieurs hommes qui estoient chargez de chappons, poules, oysons, canards, jambons, & plusieurs sortes de confitures, & le tout en telle abondance qu'il y auoit pour souper cent hommes, & le disner encore le iour d'apres.

Le lendemain de bon matin allerent à leur logis beau coup de gens estans enuoyez du Viceroy, & portèrent deux chaires tres-riches pour les Religieux, dont les courtines estoient leuees, afin qu'ils fussent mieux veus: puis de bons cheuaux pour leurs compagnons, qui estoient selez & bridez selon la mode du pais, que nous auons dite par cy deuant. On les pressa incontinent de partir, & ce neantmoins encore qu'ils ne perdissent point temps & allassent bon pas, mirent plus d'une heure & demie deuant que d'arriuer à la porte de la ville: tellement qu'ils estimerent auoir fait deux lieuës de chemin par le fauxbourg, lequel estoit tant peuplé, & la ruë si pleine de gens, & de si belles maisons, toutes si bien fournies de boutiques de marchandises, que si on ne leur eust dit que c'estoit, ils eussent creu estre en la ville & non au fauxbourg. Deuant qu'arriuer à la porte, ils passerēt par troisfois vne grande riuere par dessus trois beaux grands ponts, & estoit ceste riuere si profonde que de gros vaisseaux y nauigeoyent, leur ostant toutesfois les mats pour cause des ponts.

Ceste ville là est des plus riches & mieux fournies de tout le Royaume, tant pour estre la capitale de la Prouince, qui est tres-riche, & fertile & bien peuplee de villes, que pour auoir la mer à huit lieuës de là, & posseder ces belles riuieres portant vaisseaux & nauires, comme dit est. A l'entree de la ville ils trouuerent force gentils hommes qui les attendoyent à la porte, lesquels apres les auoir saluez à leur mode & les Espagnols leur auoit fait le semblable à la leur sans s'arrester, commencerent à cheminer par vne ruë grande & large qui alloit à l'ostel du Viceroy, y ayant depuis ladite porte des rangees de soldats de part & d'autre, avec

leurs Officiers & enseignes, & eux tous armez de piques, arquebuses, & rondelles, & vestus de liuree de soye avec les pennaches aux morions. Tous estoient de pied coy sans se bouger & ne permettoient que personne occupast la rue où lesdits Gentils hommes & Espagnols alloient ensemble de compagnie. Ils ne s'aduiserent pas de cōter lesdits soldats, toutesfois ils virent bien qu'ils occupoyent toute la rue depuis la porte de la ville iusques au logis du Viceroy, qui estoit bien loin de là, & estoient vestus brauement & tous d'une mesme couleur. Le peuple qu'il y auoit aux fenestres de part & d'autre de la rue depuis les soldats iusques aux maisons estoit en si grād nombre, qu'il sembloit que ce fust vn iour d'assises, où tout le monde seroit accouru.

Ils arriuerent au Palais à deux heures de iour, & lors les Gentilshommes qui auoyent accompagné les Espagnols les firent retirer là aupres, attendant qu'on ouurist la porte d'iceluy, laquelle ne s'ouure qu'une fois le iour, & n'est ouuerte que lors que le Viceroy donne audience, qui dure bien peu, & se tient ordinairement tous les iours, en faisant tirer premieremēt quatre pieces d'artillerie, & sonner apres plusieurs trompettes, haubois, & tanbours, laquelle ceremonie s'observe infailliblement deuant telles audiences, comme le virent les Espagnols tout le temps qu'ils furent là, & s'en informèrent aussi en particulier. L'heure estant venuē, & la dite ceremonie faite, on ouurit les portes avec vn grād bruit & se virent dedans la court du Palais plusieurs soldats de la couleur & liuree de ceux qui estoient parmi la rue, comme i'ay dit. Au milieu d'eux passa vn Cheualier bien accompagné, qui estoit, à ce qu'on leur dit, le Capitaine de la garde du Viceroy, lequel en grande grauité s'en va vers les Espagnols & apres les auoiraluez, & eux luy, leur fit signe qu'ils cheminassent deuers la porte du Palais. Y estant, & entrant par la premiere court qui estoit fort grande, & ornee de hautes colonnes, ils virent encore vn grand nombre de soldats & Alguazils qui commencerent à entrer à vne autre grande court, & monterent par vn escalier qui estoit là a costé, où ils s'arresterent en grand silence, excepté le Capitaine de la garde qui alla avec les Espagnols iusques à l'huis de la sale où estoit le Viceroy, & se tenant la teste nuē, leur fit signe de faire de mesme, & attendre qu'on eust aduertit le Viceroy, & leur fust commandé d'entrer.

CHAP. XXIII.

*Les Espagnols ont audience deuant le Viceroy d'Aucheo, puis
visitent quelque principaux Officiers, & parmy cela se
racontent quelques choses notables de celle ville.*

INcontinent sortit de la sale vn homme de bonne façon & vestu d'une grand robe, lequel s'en vint demander aux Espagnols s'ils vouloient parler au Viceroy: à quoy luy ayant respondu que si, il leur demanda derechef de quelle part ils venoient, ou de qui ils estoient enuoyez; & iceux respondirent qu'ils venoient des Philippines: & estoient enuoyez du Gouverneur qui estoit seruiteur d'un des plus grands Rois de la Chrestienté. Oyant cela il l'entra dedans la sale, & vn peu apres reuint, & leur dit qu'ils entraissent; mais qu'il leur conuenoit sçauoir qu'en entrant dedans la sale où estoit le Viceroy ils deuoient se mettre à genoux, & parler à luy tousiours ainsi, si autrement ne leur commandoit; & que s'ils vouloient aller de ceste sorte ils entraissent: sinon, qu'ils sortissent. Eux qui auoient desia entendu du Gouverneur de Chincheo qu'il leur faudroit faire ainsi, ne differerent point d'auantage, mais respondirent qu'ils garderoient l'ordre qu'on leur prescriroit.

Par ce moyen entra celuy qui deuoit estre le maistre des ceremonies, leur faisant signe qu'ils le suiussent & fissent ce qu'il leur diroit. Estant à l'entree de la porte, ils s'arrestèrent vn peu, & se mirent à genoux vis à vis du Viceroy, qui estoit assis dedans vn haut siege en maniere de thrône, avec vne table deuant luy, & en vn lieu si obscur, qu'on ne luy voyoit point presque le visage. A vn costé estoient comme des Roys d'armes avec des sceptres en main, & à l'autre deux hommes de belle perfection vestus de deux corselets d'escailles d'or qui leur venoient iusques aux iambes, avec des arcs d'or au poing, & les carquois de mesme derriere l'espaule, & estoient à genoux les vns & les autres. Dessus la table qu'il auoit au deuant de luy, estoit du papier, & le reste qui est requis pour escrire (comme chose visitée entr'eux toutes les fois qu'ils tiennent audience publique) & à vn bout de table estoit vn Lyon de bois noir, lequel, comme l'on sceut par apres, estoit le blason de ceste prouince. Si leur fit signe de main qu'ils approchassent

deuers luy, ce qu'ils firent en se remettant à genoux vn peu arriere de la table, à l'endroit que leur môstra le maistre des ceremonies.

Estant en ceste façon ils commencerent à parler par leur trucheman, & luy dire la cause de leur venuë au Royaume, & en celle ville, ensemble de qui, & pourquoy ils estoient là enuoyez: ce qu'ayant entendu il leur fit signe qu'ils se leuassent, à quoy ils obtempérerent à l'instant & de bon cœur: & comme ils poursuiuoient leur propos, le Viceroy les interrompit deuant qu'ils eussent acheué, & leur demanda s'ils n'auoient point de lettres du Roy d'Espagne pour le Roy de la Chine, auquel ils desiroient auoir accès, & luy ayant respondu que non, il les congédia incontinent, leur disant qu'ils estoient les biens venus, & qu'ils s'en allassent au logis se reposer, & que par apres ils auroient tout le loisir, & commodité de luy communiquer leur affaire, & luy de leur faire responce, & que le Roy demouroit si loin de là, qu'il falloit beaucoup de temps pour aller où il estoit: toutesfois qu'il luy escriroit, & que selon son mandement il leur feroit la responce. Sur cela il prit les lettres qu'ils luy apportoint, & le present pareillement, & à l'instant fit croiser les Religieux en maniere d'estoles à chacun six pieces de soye, & quatre pieces à chacun de leurs compagnons, & autant à Omoncon & à Sinsay, puis aux seruiteurs à chacun deux: & outre ce fit donner deux bouquets d'argent à chacun desdits Religieux & compagnons, & pareillement à Omoncon & à Sinsay: qui est vne coustume dudit Royaume, dont on vse à l'endroit de ceux qui ont exploité quelque grand fait, comme nous auons dit autre par. Avec ces pieces de soye & bouquets en main, & beaucoup de chaud parmi ils sortent par la porte & l'escalier par où ils estoient entrez, puis descendant à la court se vont rendre dans la place, duquel lieu ils virent fermer les portes du Palais avec vn si grand bruit qu'elles auoyent esté ouuertes.

De là à la requeste du Capitaine Omoncon & de Sinsay ils furent au logis du Toroc, qui est le Capitaine general de toute la gendarmerie & aussi au logis du Cagnitoc, qui est le grand Gonfalonnier ou portenseigne, & estoient le logis d'iceux pres l'vn de l'autre, & tous deux for beaux & grands. Si les trouuerent avec autant de Maiesté que le Viceroy, & de mesme façon que lui, avec vne table deuant

eux, & des soldats à costez tous armez & à genoux: mais ils ne furent pas si courtois en leur endroit que de le faire leuer, comme auoit fait le Viceroy: qui fut cause que les Espagnols monstrerent bien tost par leur contenance qu'ils auoient enuie de s'en aller, estans faschez contre Omoncon & Sinsay de les auoir menez là, iusques à leur reprocher que le Gouverneur de Manille les auoit traitez bien autrement, nonobstant qu'il fust Lieutenant d'un des plus grans Roys du monde, & eux fussent simples marchans, ou presque autant, avec ce qu'ils n'estoient venus aux Philippines pour faire le plaisir aux Espagnols, qu'iceux procuroient de faire aux Chinois, en venant à leur Royaume. Ce despit fut cause qu'ils ne voulurent plus faire de visites, combien que lesdits Omoncon & Sinsay les voulussent encore mener pour leur profit particulier aux logis d'autres Officiers & gens de court; & pourtant firent signe à ceux qui les conduisoient de les remettre en leur chemin, pour ce qu'ils vouloient aller prendre le repas, & se reposer où on les auoit logez, qui estoit vn hostel du Roy fort spacieux: d'as lequel les Alcaldes de court tenoient ordinairement l'audience. Y estant en fin artiuiez; ils trouuerent leur bagage, & vn beau souper tout prest, & le logis mis en ordre, comme si c'eust esté pour le Roy mesme, avec beaucoup de gens de service, & soldats de garde, qui les assistoient nuit & iour. A la porte estoient deux tablons par le mandement du Viceroy, esquels y auoit escript quels estoient ceux qui estoient logez leans, & de la part de quel Roy ils venoient, & pour quelles occasions, & qu'il n'y eut aucun si osé de leur faire ennui, sur peine d'estre puni rigoureusement tout à l'heure.

Dedans ce logis furent en plus grand repos les Espagnols qu'ils n'auoyent esté pas vn, & sans estre molestez du peuple, par le moyen du bon soin que les Alcaldes de court y mettoient, suivant l'ordonnance & mandement du Viceroy, nonobstant que ce fust la plus grande ville & la plus peuplée de celle Prouince, combien qu'aux autres il y en aye de bien plus grandes & plus peuplées, leur ayant esté affermé que la ville de Taybin dite autrement Suntien, ou Paquin selon les autres, en laquelle reside le Roy & sa court, auoit 30000 habitans, & qu'il y en a encore vne autre plus grande appelée Lanquin qu'on ne scauroit trauffer de porte à autre en moins de trois iours, contenant plus

de 60. liuës de tour, & n'est pas fort loin de Canton, à raison dequoy les Portugais ont bonne connoissance d'icelle, & tiennent pour vray ce qui se dit de sa grandeur; ce que i'ay ouy aussi asseurer à des personages de marque qui ont esté audit Canton, & des Iesuites pareillement tous dignes de foy.

Ceste ville d'Aucheo a vne fort belle muraille de pierre de taille, qui a cinq brasses de haut & quatre de large, que les Espagnols mesurerent par plusieurs fois, d'autant qu'il y auoit vne porte en leur logis qui auoit issuë à icelle. Elle est toute couuerte de tuiles, afin que la pluye ne luy puisse faire aucun dommage, ce qu'elle feroit facilement n'estant pas bastie de chaux. En toute la ville n'y auoit aucun chasteau, aussi n'en vsent point par tout le Royaume, d'autant qu'ils tiennent toute leur force aux portes des villes, comme dit est, lesquelles sont toutes tresfortes avec des murailles fort larges, au dedans desquelles sont ordinairement des soldats qui les gardent nuit & iour. En ces portes là se tiennent plusieurs pieces d'artillerie, toutefois assez mal faites, au moins celle que virer les Espagnols, encore qu'on leur dit qu'il y en auoit de bien belles & bonnes en quelques lieux. La muraille estoit toute faite à creneaux, & auoit chaque creneau sa canonniere, où estoit escrit le nom du soldat qui est tenu de le defendre quand la necessité le requiert. Tout le long d'icelle y auoit de cent à cent pas de grandes loges spacieuses, où se tiennent les capitaines en temps de guerre, & tant qu'il est de besoin. Toute ladite muraille estoit fortifiée dedans & dehors de grans fossiez, lesquels ils remplissent d'eau quand ils veulent, par des canaux qu'ils tiennent ouuerts depuis la riuere iusques à eux, au moyen desquels ils se fournissent d'eau en la plus part des maisons d'icelle ville au lieu & endroit où ils tiennent tous presque leur fosses à poisson. Ceste grand' ville est vne grande pleine toute entourée de grandes montagnes, lesquelles l'estouffent tellement, qu'elles la rendent mal saine, comme leurs dirent les naturels, & à ceste occasion quand la riuere croit l'hyuer elle ondoie de telle maniere qu'elle rauage l'annee d'apres, vne grand' partie de la ville, comme il aduint lors que les Espagnols la virent, d'autant que l'hyuer precedent la riuere estoit deuenüe si grosse, qu'elle auoit fait vn grand dommage. Mais pour reuenir à nostre propos, les Espagnols

se tindrent au logis susdittout le temps qu'ils seiournerent en ladite ville, estans visitez & carellez des Seigneurs d'icelle, & specialement du Viceroy, lequel à ce mesme iour les enuoya inuiter pour le lendemain à vn beau banquet magnifique, comme il se pourra voir au chapitre qui ensuit.

CHAP. XXIIII.

Le Viceroy fait en son logis deux banquets fort magnifiques aux Espagnols vn iour apres l'autre.

LE iour d'apres que furent arriuez les Espagnols à Au-
cheo, le Viceroy les enuoya inuiter d'aller banqueter
chez luy, où il leur fit vn fort beau festin, & fut de ceste
maniere. Si tost qu'ils entrèrent dans le Palais, voila vn
nombre de gentilshommes de la cour du Viceroy, lesquels
les viennent receuoir avec vne belle musique & grans fi-
gnes de ioye, & estant venus dedans la premiere court les
côduisent du mesme pas à vne sale bien accoustree, où estoit
vne grand' suite de tables dressees à la façon & maniere du
banquet de Chincheo qui a esté dit ci dessus, bien que l'ap-
pareil de cestuy ci fust plus superbe, & les tables en plus
grand nombre.

Deuant qu'on s'assit, voici venir deux capitaines des prin-
cipaux de la ville, ausquels auoit le Viceroy reCOMMANDÉ
le festin, & à eux enioint d'y assister en son nom: car c'est la
coustume du Royaume que ceux qui font vn festin ne s'y
trouuent iamais pour y festoyer les hostes, & leur faire bon-
ne chere. Estant venus deuers eux ils les saluerent courtoi-
sement, & entretindrent de bonne façon iusques à l'heure
du repas, auquel temps les viandes commencerent à s'ap-
porter. Deuant que se seoir à table, les capitaines prirent
chacun vne tasse pleine de vin, avec vne maniere de reue-
rence, dont ils vsent, & s'approchant ensemblement à l'en-
droit où se pouoit voir l'air, offrirent au Soleil & aux
Saints du ciel lesdites tasses, adioustant à ceste ceremonie
plusieurs paroles en forme de priere, & leur demandant
principalemēt que la venue des nouueaux hostes fust prof-
pere à tous, & que l'amitié qu'ils pretendoient tournast au
profit des vns & des autres. La priere estant finie, ils respan-
dirent par terre lesdites tasses en grand solennité & cour-
toisie, puis les remplissant, & faisant la reuerence aux inui-

tez l'un apres l'autre les posèrent dessus la table où devoient banqueter les Religieux, conduisant chacun d'eux à partiusques à leur chaires, où ils les firent asséoir. Cela fait ils mirent le premier seruice, puis allerent s'asséoir à d'autres tables, qui n'estoient pas en si grand nombre, ni si bien ordonnées que les autres. Le banquet fut magnifique & de grand diuersité de viâdes, surpassant de beaucoup celui du Gouverneur d'Aucheo. Tout le long de ce repas qui dura iusques bien tard, il y eut de belle musique tant de voix que d'instrumens, comme violes, guiterres, & rebecs; ensemble quelques plaïsanteurs qui entretenoient la compagnie.

Le banquet estant acheué, les capitaines susdits furent remener les Espagnols à leur logis, puis retournerent derechef les conuier pour le lendemain en la mesme sale: à quoy lesdits Espagnols obtemperant ne firent faute de s'y trouver, & la leur fut fait vn banquet plus somptueux que le premier où se trouua le Totoc (qui estoit celui qu'il auoient visité le premier iour en son logis & trouué en grand majesté) & pareillement aussi les capitaines du premier banquet qui y assisterent comme deuant.

Si y eut en ce banquet fort belle musique comme le iour precedent & vne gentille comédie avec de beaux entremets, & vn faiseur de soubtisesaux qui sautoit agilement en l'air & par dessus vn baston que deux hommes luy tenoient sur les espaules. Deuant que commencer la comédie on fit dire aux Espagnols par le trucheman ce qu'elle contenoit, à fin qu'ils y prissent plus de goust; & estoit l'argument d'icelle que beaucoup d'annees auparauant il y auoit eu de grans & vaillans hommes, & qu'entr'eux estoient particulièrement trouuez trois freres qui surpassoient tous les autres en grandeur & vaillantise, & l'un d'iceux estoit blanc & l'autre rouge, & l'autre noir. Le rouge qui estoit de meilleur esprit procura de faire Roy son frere blanc, & de son aduis fust l'autre, & tous trois se ioignans ensemble offerent le Royaume au Roy qui regnoit pour lors, lequel s'appelloit Laupicono, homme effeminé & vicieux. Voila ce qu'ils iouïerent & repreïenterent nayement bien avec des habits bien appropriez aux personages.

Le banquet estant acheué & la comédie aussi, les Espagnols furent reconduits par les capitaines de la mesme façon & maniere que le iour antecédent iusques au sortir du

Palais, & de là s'en retournent à leur logis avec la compagnie ordinaire à eux depute'e par le Viceroy, qui estoit le capitaine que nous auons dit avec ses soldats, lesquels ne bougeoient d'aupres leurs personnes ne nuit ne iour.

CHAP. XXV.

Les Espagnols portent le present au Viceroy, lequel l'ayans receu par les mains du Capitaine Omoncon l'enuoye seelé & cacheté au Roy de la chine, & cependant leur fait defense de sortir de leur logis & voir la ville : avec quelques autres choses particulieres y traicees.

LE soir de ce mesme iour les Espagnols aduiferent entr'eux qu'il seroit bon de commencer à donner ordre à l'affaire pour lequel ils estoient venus, puis qu'ils auoient moyen d'en traiter avec le Viceroy, qui leur faisoit tant de faueur & courtoisie : & partant se resolurent que le lendemain du main, le Sarmient & le Loarche iroient avec Omoncon & Sinsay luy offrir le present qu'ils luy auoient apporté, & le prier par mesme moyen d'assigner le iour auquel ils pourroient traiter de leur affaire. Ceste resolution fut mise à effect, & s'en allerent les deux Espagnols avec le present, selon qu'il auoit esté accordé.

Estant arriuez au Palais, & ayant attendu que l'on eust ouuert la porte, ce qui se fit avec la ceremonie que nous auons dite ci deuant, ils entrerent dedans, & fut on dire au Viceroy que les Castillans estoient là; qui luy apportoiert vn present : à quoy il fit responce qu'il ne pouuoit pas leur donner audience pour l'heure : toutesfois que le capitaine Omoncon & Sinsay entraissent avec ledit present; & que quant à eux ils s'en retournaissent au logis, qu'il ne faudroit à les enuoyer querir quand il auroit loisir de communiquer avec eux ce qu'ils vouloient. Si s'en retournerent les Espagnols, & entrerent avec le present ceux qu'il demandoit : lesquels racontant par apres aux Espagnols ce qui s'estoit lors passé, leur dirent comme le Viceroy auoit ataint le present, & iceluy desployé en la presence d'un Notaire, puis l'auoir fait remettre comme il estoit en la presence du mesme Notaire, & de quelques tesmoins, & qu'apres

cela il l'auoit seellé & cacheté & enuoyé à la ville de Tabin, dite autrement Paquin deuers le Roy & son conseil quant & celui que luy auoit enuoyé le Gouverneur de Chincheo comme il se dira incontinent; pour y auoir vne loy tres rigoureuse au Royaume prohibant à ceux qui sont en estat de Iudicature ou gouuernement de receuoir aucun present quel qu'il soit sans le congé du Roy ou de son conseil, sur peine d'estre priuez de tous estats le reste de leur vie, & condamnez à porter des bonnets rouges, qui est vne espee d'infamie, comme i'ay declaré par ci deuant vn chapitre particulier.

Le mesme auoit fait le Gouverneur de Chincheo, deuant les mesmes Espagnols; lors qu'ils vouloient prendre congé de luy pour s'en aller à Aucheo; car il fit tirer presentement tout ce qu'ils luy auoient présenté, & le monstant piece à piece leur demanda si ce n'estoit pas le present qu'ils luy auoient apporté: à quoy ils luy respondirent que si, estât bien esmeus de telle demande, pource qu'ils pensoient que par ces paroles il leur voulust reprocher le present qui estoit petit eu esgard à sa grandeur. Si leur demanda derechef s'ils s'en falloir quelque chose; & iceux luy disant que non, alors il fit remettre le present au mesme lieu qu'il estoit premierement, puis en la presence d'eux d'un Notaire, & quelques tesmoins le fit seeler & cacheter, & l'enuoya au Viceroy d'Aucheo quand ils partirent; leur disant qu'il n'osoit le receuoir sans permission. Les Espagnols s'en reuenans du Palais, prirent pour signe de disgrâce de quoy on les auoit laissez entrer avec le present, & étant arrivez au logis le conterent aux religieux, lesquels ne le trouuerent pas bon aussi, toutefois delibererent de patienter, & prier Dieu que ce fust son bon plaisir de conduire & acheminer leur affaire & selon comme il verroit estre plus expedient pour son seruice. Le iour ensuiuant le Viceroy les enuoya visiter, & demander vne des espees des soldats: ensemble vne arquebuse & vn flaque, pour en faire de mesme, ce qu'ils luy enuoyerent volontiers & sceurent apres qu'en auoit contrefait, mais nullement bien.

Cependant les Espagnols voyant que ce iour prenoit long trait, cerchoient pour ceste cause à passer le temps comme ils pouuoient, s'allant pourmener par la ville, & achetant chacun d'eux ce qui leur plaisoit, & trouuoient si grant abondance de toutes choses, & à si bon pris, qu'il leur

sem.

sembloit qu'on les donna pour neant. Entre autres ils acheterent force liures traittant de plusieurs matieres lesquels ils emporterent à leur retour aux Philippiens, comme il a esté dit plus amplemēt en vn chapitre particulier, avec plusieurs autres curiositez. Vn autre iour ils alloient voir les portes de la ville, & toutes les singularitez qu'ils entendoient y auoir deuelles estoient en grand nombre, & entre les autres qu'ils trouuerent, ce fut vn Temple tres-somp-
ptueux, en la grande chapelle duquel ils conterent cent onze Idoles sans plusieurs autres qu'il y auoit aux chappelles particulieres. Ces Idoles estoient tous taillez en bois, fort bien faits, & biē dorez, & principalement trois qui estoient au milieu de tous: l'vn desquels auoit trois testes sur vn corps, qui se regardoient l'vn l'autre: & le second estoit d'vne femme qui tenoit vn petit enfant: & le troisieme d'vn homme de la mesme façon que nous Chrestiens auons coustume de peindre & représenter les Apostres. Quant aux Idoles, les vns auoient quatre bras; les autres six, les autres huit, & les autres estoient des lampes ardantes, & plusieurs parfums, & particulièrement deuant les trois.

Le Viceroy sçachant que les Espagnols alloient ainsi par la ville visitant les portes & Temples, & luy estant rapporté parauenture qu'ils pouuoient auoir quelque mauuaise intention, leur enuoya dire qu'ils n'eussent à sortir de leur logis sans congé, & mada au Capitaine de leur garde qu'il ne les laissast sortir, ce qu'il fit commandant incontinent qu'on ne leur portast rien à vendre, & faisant fouëtter quelques vns qui contreuindrent au mandement. Ce non-obstant on ne laissoit pas de leur baillet tous les iours leurs viures & prouisiōs pour leurs personnes, & ce en telle abondance qu'ils en auoient de demeurant. Estant ainsi resserrez, ils furent quelques iours en melancolie, & tristesse, voyant que l'affaire pour lequel ils estoient venus tiroit en trop grand longueur, & empiroit mesme chaque iour: toutesfois ils se consoloient le mieux qu'il leur fust possible, recommandant à Dieu de bon cœur, pour l'honneur duquel ils auoient esté incitez à faire ce voyage, & le suppliāt tres humblement d'esnouuoir le cœur de ces Idolatres, afin qu'ils permissent aux Religieux de demeurer en leur Royaume & y apprendra la langue, comme ils auoient déjà commencé beaucoup de iours auparauāt, afin que par ce moyen peussent ces ames estre sauuees, & deliurées de la

tyrannie du Demon qui les possédoit si fermement. Apres auoir esté quelques iours en ceste tristesse, ils s'aduiferent d'aller pailer au Viceroy, & resoudre leur affaire pour demeurer ou s'en aller ce qu'ils mirent à execution, & en resulta l'effect qui se dira au chapitre subseqent.

C H A P. XXVI.

Les Espagnols vont pour parler au Viceroy, ce que ne leur estant permis ils luy escriuent vne lettre, à laquelle il respond verbalement avec d'autres choses particulieres.

N Ous auons desia dit ci dessus comme le iour que les Espagnols furent parler au Viceroy il leur demanda s'ils n'apportoient point de lettres de la part du Roy d'Espagne : & qu'ayant entendu que non, il leur dit qu'il escriroit à la Court, & que quand la response seroit venuë, il la leur communiqueroit touchant ce qu'ils pretendoient.

Voyant donc les Espagnols que c'este response tarδοit beaucoup à venir, & qu'on les tenoit presque comme en prison ils delibererent d'aller parler au Viceroy, pour sçauoir au vray sa volonté, & donner ordre d'aller en Court, à fin qu'il leur fut permis ou de demeurer en la ville, ou bien de s'en retourner aux Isles, en attendant l'heure qu'il pleust à Dieu ouurir la porte en ce Royaume à son Euangile. Sur ceste deliberation ils persuadent au Capitaine qui les auoit en sa garde de leur permettre d'aller parler au Viceroy, ce qu'il octroya pour l'amitié qu'il leur portoit : mais comme ils furent au Palais, la garde de la porte ne les voulut iamais laisser entrer; & furent contrains de reuenir à leur logis tres mal contens ayant presque perdu toute esperance d'effectuer l'entreprise pour laquelle ils estoient venus, & considérant à par eux que combien qu'on ne les chassast appertement, si leur faisoit ou des actes tendant à ce qu'ils s'en allassent.

Ils furent en ceste fascherie quelques iours, & en fin pour en sortir & s'en resoudre delibererent d'escrire vne lettre au

Viceroy, & luy mander particulièrement en icelle comme leur venuë au Royaume auoit esté intention de traiter paix, & amitié entr'eux & les Castillans, en quoy faisant les soldats s'en fussent retournez aux Philippines, pour en porter les nouuelles au Gouverneur, & eux eussent demeuré au Royaume pour y prescher l'Euangile. Mais il ne se trouuoit personne qui voulust escrire la lettre; nonobstant qu'ils promissent la bien payer, tant qu'en fin le Capitaine Omoncon l'escriuit à fine force de prieres, & apres cela prit incōtinē occasion d'aller à la ville d'Ampin, qui estoit proche de là pour y visiter (à ce qu'il disoit) le Visiteur de la Prouince, appellé Sadin, où il voulut mener deux des Espagnols à fin de les luy faire voir, mais ce sien desir ne sortit point à effet; pource qu'il n'y en eut aucun qui voulut aller avec lui. On sceut depuis qu'il vouloit faire ce voyage pour n'estre point soupçonné d'auoir escrit ladite lettre, si d'aduenture le Viceroy l'eust prise en mauuaise part. Si y eust autāt de difficulté à l'enuoyer à cause que personne ne vouloit s'auancer de la porter, avec ce qu'on ne les lairroit iamais entrer, toutes fois ils le gagnerent en fin par presens, & persuaderent au Capitaine de leur garde de la porter; ce qu'il fit, & la presenta au Viceroy pour & au nom des Castillans, luy disant qu'il l'auoit prise pource qu'ils luy auoient certifié que c'estoit chose d'importance.

Le Viceroy ayant leu la lettre fit responce de bouche qu'il en aduertiroit le Roy, comme il leur en auoit dit la premiere fois, & que quand à ce qu'ils demandoient que les Religieux demeurassent au Royaume pour y prescher, il ne pouuoit faire pour lors, d'autant qu'en cela estoit requis au prealable le bon plaisir du Conseil royal, & que touchant la missiue qu'ils luy auoient apportee du Gouverneur de Manille, il y donneroit responce, avec laquelle ils pourroient partir, & reuenir par apres quand ils luy emmeneroient Limahon mort ou pris, & par ce moyen contracteroient avec eux l'amitié qu'ils pretendoient, & lors qu'ils pourroient demeurer au Royaume pour y prescher. Ayant eu ceste responce ils perdirent l'esperance de demeurer, & commencerent à se preparer pour s'en retourner à Manille, achetant des liures qui traitoient de choses appartenantes à ce Royaume pour les emporter quand & eux, afin d'en pouuoir donner plus grande information à Dom Philippe Roy d'Espagne: ce qu'ayant entendu le Viceroy, qui auoit desia mis

des espions autour d'eux, il leur manda qu'ils ne se missent point en peine d'acheter des liures, & qu'il leur en donne roit pour neant tant qu'ils voudroient: ce que toutesfois il n'accomplit, fut par oubliance ou autrement, comme nous auons dit plus à plain a la premiere partie de ceste histoire. Par apres il leur enuoya demander quelques liures de ceux qu'auoient apportez les Religieux, qu'ils luy enuoyèrent à l'instant, lesquels luy renuoya les ayant veu, & leur fait demander par mesme moyen quelque escriture faite de leur main & caracteres: pour en quoy luy obeyr, ils luy enuoyèrent le *Pater noster*, & l'*Aue Maria*, & les dix commandemens du Decalogue, mis en Espagnol & en leur langue, correspondant l'un à l'autre: ce qu'il receut, & apres auoir veu le tout, monstra en auoir receu grand contentement, iusques à dire que tout cela estoit tresbon, comme ils sceurent depuis de celuy qui luy porta l'escriture.

Pendant ce sejour, les Espagnols euyrent dire entre autres choses, qu'on tenoit la prisonnier vn Portugais, qui auoit esté pris en vn nauire de lapponois avec quelques autres de sa nation, lesquels ils auoient tous fait mourir en prison, excepté celuy-là. Les Espagnols ayant enuie de le voir, & sçauoir de lui quelques secrets du Royaume, à cause qu'il y auoit assez long temps qu'il y demouroit, moyennement de parler à luy, demandant congé pour cest effect au Iuge & Lieutenant du Viceroy, lequel ne leur refusa pas seulement ce qu'ils demandoient, mais en outre fit grande perquisition de celuy qui leur auoit descouuert ce fait, pour, & en intention de le punir, comme sans doute il eust fait, & avec grande seuerité. Toutesfois les Espagnols ne luy voulurent iamais dire l'auteur, nonobstant qu'il leur eust demandé par plusieurs fois, & à grande instance, & avec telle enuie de le sçauoir, qu'il eust volontiers usé des moyens propres à ce faire, s'il eust osé, comme il donna bien à connoistre par les diligences qui s'en firent.

C H A P. XXII.

Il vient nouuelle à Ancho qu'un Coursaire faisoit grand ramage en la coste de Chinchco, & qu'il auoit saccagé une ville. Le Viceroy à soupçon que c'est Limahon, & que les Espagnols, ensemble Omoncon & Sinjay ne luy auoient dit la verité.

LY auoit desia vingt iours que les Espagnols estoient en la ville d'Aucheo de la maniere que nous auons dite, sur esperance qu'on deust permettre aux Religieux d'y demeurer pour y prescher l'Euangile, qui estoit la principale occasion de leur voyage, quand il vint nouuelle à la ville, que le Coursaire Limahon couroit par la coste de Chincheo, faisant ses cruantez accoustumees, & qu'il auoit destruit & mis à sac vne telle ville maritime.

Ce bruit estant diuulgé, qui estoit bien vray quant au fait, mais faux quant à la personne, pource que c'estoit vn Coursaire qui s'appelloit Taocay, grand ennemi de Limahon & ami de Vintoquian, duquel nous auons parlé ci dessus. Le Viceroy & tous ceux de la ville se confirmèrent au soupçon qu'ils auoient conceu à l'encontre des Espagnols, lesquels il iugeoient estre venus au Royaume, pour sinistre intention, & voir les secrets d'iceluy à quelque mauuaise fin, qui fut cause que d'oresnauant on commença à les esclaireir & observer aucunement que l'on n'auoit accoustumé. Et de fait le Viceroy fit incontinent appeller le Capitaine Omoncon, qui estoit desia reuenu du voyage où il estoit allé, & Sinlay pareillement; lesquels il auoit remunerez à leur ientour, & fait tous deux, & Loytias Capitaines, & les rance tres-apremement d'auoir amené les Espagnols, leur disant qu'ils estoient controuueurs de bourdes de luy auoir dit que Limahon estoit assiégué si estroitement qu'il ne pouoit eschapper, ni n'en auoir les moyens pource que les Castiliens lui auoient bruslé les nauires, mais que c'estoit toute menterie inuentee entr'eux, & que les esclaués qu'ils amenoient & disoient auoir pris à Limahon, deuoient auoir esté destrobbez en quelque autre part, & autres choses semblables, iusques à leur dire que les Espagnols estoient espions, qui venoient voir les forteresses du Royaume, lesquels auoient esté corrompus par force d'argent pour les amener avec eux. Si luy respondirent fort humblement que ce qu'ils luy auoient dit estoit la verité, laquelle se connoistroit lors que les nouuelles du Coursaire seroient mieux secues, & que s'il se trouuoit au contraire, ils estoient prests de subir & endurer telle peine qu'il leur voudroit imposer.

Le Viceroy estant satisfait aucunement de ceste iustification des licentia, remettant dessus le temps la reuelation de cest affaire. Omoncon & Sinlay s'en vont de ce pas aux Espagnols leur conter ce qui s'estoit passé entr'eux & le Vice-

roy ensemble les paroles qu'il leur auoit dites, dont ils furent si fort effrayez que iusques à tant que la verité fut entendue, ils payerent bien la feste & les festins, qu'on leur auoit faits. Si aduint ladite reuelation lors que le mesme Capitaine Omoncon, & son compagnon Sinsay prirent querelle ensemblement, & se dirent des paroles iniurieuses l'un à l'autre, par lesquelles se descouurirent leurs desseins, & intentions, & apparut clairement qu'ils auoient donné faux à entendre au Viceroy, & aux autres, & principalement Omoncon, lequel estant aidé de Sinsay, qui auoit dissimulé la verité; auoit dit à tous que par son moyen, & industrie les Espagnols auoient bruslé les nauires de Limahon; & le tenoient assiégué, & autres choses semblables, y ayant plus de vingt iours que le bruslement & le siege estoient aduenus quand il arriva, côme il appert de ce que dessus. Le mortif de la querelle d'eux vint de ce que le Viceroy auoit donné à Omoncon vne plus grande charge, & vn tiltre plus honorable qu'à Sinsay, ayant fait accord entr'eux de partir esgalement leurs recompenses, & dire tout bien l'un de l'autre au Viceroy, pour auoir de lui quelque don. Mais Omoncon, à ce qu'il apparut depuis, accomplit mal cette promesse, estant transporté de son profit particulier, & estimant à part soy que Sinsay, pour estre de bas estat & homme de mer, ne meritoit pas tant que luy qui se disoit noble, & tenoit charge de Capitaine. Tout cela fust cause, côme i'ay dit, que leur fraude se descouurit, & fit soupçonner le Viceroy, que comme ils estoient menteurs en ce fait, aussi le pouuoient ils estre en ce qu'ils lui auoient dit de l'assiegement de Limahon, & de la perte de ses vaisseaux.

CHAP. XXVIII.

Les Gouverneurs de la Prouince s'assemblent pour traiter de l'affaire des Espagnols, & là se resoud qu'ils s'en retourneront aux Philippines: puis voyent deuant que de partir quelques choses curieuses & remarquables.

AVEC ce souci & fascherie les Espagnols se tindrent quelques iours en leur logis, sans auoir tant de visites qu'au commencement, qui fut cause de leur augmenter la peur, iusques à ce qu'ils sceurent que le Viceroy de sa propre

autorité ou du special mandement du Roy & de son Conseil auoit fait appeller tous les Gouverneurs de celle province d'Aucho, pour traiter de l'affaire de Limahon, & de la venue des Espagnols, & resoudre qu'o verroit estre à faire.

Après qu'ils furent tous arriuez, ce qui se fit en fort peu de temps, & entre autres le Gouverneur de Chincho, que nous auons autrement appellé Insuanto, ils firent quelques assemblees particulieres entr'eux & le Viceroy, où ils auoient déterminé que s'en feroit vne generale, à laquelle seroient appellez les Castillans, & illec interroguez publiquement de l'occasion de leur venuë, nonobstant ce qu'ils en auoyent desia dit en particulier à l'Insuanto & au Viceroy, & qu'après les auoir ouis leur seroit respondu ce qui estoit accordé de commun consentement. Partant eux tous excepté le Viceroy, s'assemblerent vn iour au logis du Cagontoc, & firent venir là les Castillans, qui y allerent de bon cœur; sçachans qu'on les appelloit pour traiter de leur affaire, & de meurance au Royaume, & estant ainsi arriuez furent introduits en la sale, où ils estoient tous assis en des riches sieges avec grande grauité & maiesté, y presidant l'Insuanto, ou pource qu'il estoit le premier de la Prouince après ledit Viceroy, ou bien, à ce qu'on leur dit, pource que c'estoit lui qui auoit expedie Omoncon à la poursuite du Coursaire.

Estant entrez, il les firent approcher pres d'eux, & là sans leur donner siege, ni vser enuers eux de courtoisie particuliere l'Insuanto leur print la main, & les interroqua par le trucheman, pourquoy ils estoient venus au Royaume, quelle chose ils pretendoient, pour leurs respondre là dessus suiuant la resolution & volonté du Viceroy, au mandement duquel ils estoient assemblez pour lors, & appellez Les Espagnols respondans, leur dirent qu'ils estoient venus en intention de traiter vne bonne paix & amitié avec eux, de l'ordonnance du Gouverneur des Philippines, qui en auoit mandement du Roy d'Espagne son maistre, & particuliere charge d'icelui, depuis que ces Isles furent peuplées, ayant tousiours ledit Roy recommandé aux Gouverneurs que par toutes voyes à eux possibles ils monstrassent par effect leur bon desir, comme ils auoient fait iusques à present, en rachetant tous les Chinois qu'ils auoient peu trouuer esclaués, & les renuoyant libres à leurs pais avec presens, & autres choses qui leur estoient toutes

notoires, outre ce qu'ils auoyent assiégé nouuellement le Coursaire Limahon, & bruslé sa flotte, au moyen dequoy ils estoient venus avec ces bonnes nouvelles pour traiter & capituler amitié entr'eux & les Castillans, qui estoit la principale occasion de leur bon voyage par deuers eux, de laquelle prouieroit grande commodité aux vns & aux autres, a quoy s'ils pouuoient paruenir, ils deliberoient d'en faire porter les nouvelles par leurs compagnons au Gouverneur de Manille qui les auoit enuoyez pour cest effect, afin qu'il les fist sçauoir au Roy d'Espagne; & que quât a eux ils demeureroient en tel lieu qu'il plairoit deputer, acheuant d'apprendre leur langue, pour les prescher en icelle, & leur declarer le saint Euangile, qui estoit le chemin du salut des ames. Ils escouterent toutes ces choses en tres grand silence, mais avec bien peu d'enuie de les essayer, comme il apparut. Car taisant ce qui estoit le plus d'importance ils commencerent à leur demander en quel estat ils auoyent laissé Limahon, & s'il pouuoit eschapper, & autres choses à ce propos, qui durerent assez longuement, sans toucher à ce qui estoit plus essentiel. Les Espagnols leur ayant respondu ce qu'ils en sçauoyent, & fait entendre que selon leur opinion le Coursaire deuoit estre alors pris ou mort, le pourparler fut conclu par l'Insuanto, lequel leur dit qu'ils s'en retournassent aux Isles, & que quand ils ameneroyent le Coursaire, il leur accorderoyent tout ce qu'ils demandoient, tant de l'alliance que de la predication de l'Euangile.

Sur ceste dernière resolution les Espagnols prirent congé & s'en retournant à leur logis delibererent de ne plus parler de cest affaire, attendu que ce seroit chose vaine, & qu'il en auoit esté conclu de l'ordonnance du Roy, & de son Conseil, mais d'aniser à leur partement qu'ils desiroient voir desia, tant pour le peu de fruit qui prouenoit de leur peine, que pour se voir deliurez de ceste maniere de prison où ils estoient detenus, leur estant prohibé de sortir hors du logis sans expresse permission. Et pourtant Ils commencerent depuis ce iour là à solliciter leur depesche faisant entendre au Viceroy qu'ils auoyent enuie de s'en aller, lequel entendant leur volonté leur fit respondre qu'ils se reposassent & se tinssent ioyeux, & qu'ils auoyent leur depesche si tost que seroit venu le Visiteur de de celle Prouince, lequel deuoit venir dans dix iours à Aucheo, pource que

ledit Visiteur lui auoit mandé de ne les expedier tant qu'il fust venu, & qu'il desiroit les voir. Depuis ce iour là il commanda qu'on les laissa sortir quelquefois pour s'en aller esbattre, & recreer, & qu'on leur monstra quelques carresses particulieres, l'une desquelles fust de les mener voir vne monstre de gens de guerre qu'ils ont coustume de faire generalement par tout le Royaume au commencement des nouuelles Lunes, & est chose fort belle à voir, & fut faite dedans vn pré proche de la muraille de la ville, en la maniere qui ensuit.

Il y auoit environ vingt mille soldats tant piquiers qu'arquebusiers, lesquels estoient tant adextre au son de la trompette & du tabourin, qu'à l'instant que le signal fust donné ils se mirent en ordre pour marcher puis se ranger en bataillon, & incontinent au son d'un autre signal se vont escarter les arquebusiers, & apres auoir deslaché leurs arquebuses d'une belle suite s'en retournerent incontinent chacun à leur place: ce qu'ayant fait, voici les piquiers qui vont sortir, lesquels combattirent si brauement, que selon l'aduis des Espagnols ils surpassoient en ce fait la gendarmerie des autres nations, & que si le courage eust correspondu à leur adresse & nombre de gens, ils eussent peu facilement estre seigneurs de tout le monde. Si d'auenture quelque soldat failloit en sa charge, & à se rendre en sa place, & faire ce qu'on luy commandoit, il en estoit sur le champ castigé bien asprement: qui estoit cause que chacun prenoit garde à soy. Si dura ceste monstre quatre heures entieres, & fut certifié aux Espagnols qu'au mesme iour, & à la mesme heure, il s'en faisoit autant par toutes les villes du Royaume, encore qu'ils n'eussent aucun soupçon d'ennemis.

Vingt cinq iours apres que fut donnee responce aux Espagnols, arriua là le Visiteur, au deuant duquel sortit la ville pour le receuoir, & avec telle compagnie entra en si grande pompe & maiesté, que qui n'eust sceu quel il estoit, l'eust facilement pris pour le Roy. Le lendemain l'allerent visiter les Espagnols pour s'aquitter de leur deuoir, & correspondre au desir qui estoit en luy de les voir, & le trouuerent en son hostel, ayant desia commencé à faire la visite de la ville. Les courts du logis estoient pleines d'une infinité de monde, qui luy alloient faire des requestes, & des plaintes; mais aux Sales, & principalement en celles qui

estoyent plus en dedans, n'y auoir autres personnes, que son train, & des Alguazils. Quand quelqu'un luy vouloit presenter vne requeste, l'Huissier crioit à haute voix de l'huis de dehors, qui estoit assez loin du siege du Visiteur, & incontinent sortoit vn page qui la prenoit, & luy alloit presenter. Partant luy ayant esté dit que les Castillans estoient à la porte il les fit entrer, & leur rint peu de paroles, toutes fois fort gracieuses, & toutes sur l'assegement de Limahon, sans parler mot de leur venuë ni séjour, de sorte qu'apres auoir contemplé vn peu leurs habillemens, & personnes, il les congedia d'avec lui, leur disant que pour estre fort occupé à la visite, il ne les pouuoit pas carresser pour l'heure, ni s'enquister d'eux de quelques choses qu'il auoit enuie de sçauoir: les remerciant bien fort de l'honneur qu'ils lui auoient fait de l'estre venu visiter. Il estoit assis en la mesme sorte qu'ils auoient trouué le Gouverneur de Chincheo, & le Viceroy susmentionné, avec vne table deuant luy, & quelques papiers dessus, & le reste qui est necessaire pour escrire, qui estoit à ce qu'ils entendent, vne mode commune à tous les Iuges du Royaume, ou pour iuger ou pour donner audience, ainsi que dit est.

Trois iours apres la venuë du Visiteur, l'Insuanto partit de ce lieu pour retourner à sa maison, avec charge de preparer des nauires en diligences, dans lesquelles les Castillans s'en retourneroient aux Philippines: & ce mesme iour partirēt les autres, qui estoient venus à l'assemblée tenuë par le Viceroy pour traiter de ce que dessus, puis fut mandé aux Espagnols qu'ils se tinssent encore a la ville iusques à la pleine lune, qui estoit le vingtiesme d'Aoust, afin de partir ce mesme iour, lequel est tenu heureux entr'eux, pour commencer toutes choses: & à ceste cause vnt de grande superstition en iceluy, & y font plusieurs banquets, comme aussi à leur premier iour de l'an, duquel nous auons parlé amplement.

Si furent inuitez les Espagnols le iour precedent, de la part du Viceroy, lequel leur fit vn banquet à la mesme sorte, & maniere qu'il leur auoit fait auparauant, sinon que ce dernier cy qui estoit pour leur depart, se trouua plus magnifique, & y fut representee vne Comedie fort belle, dont l'argument leur fust dit premierement, qui estoit. Qu'un ieune homme nouveau marié, estant en discord avec sa femme, se

delibera d'aller à vne guerre qui se faisoit à vn Royaume proche de là, auquel lieu il exploita de si beaux faits d'armes que le Roy lui fit de grandes faueurs, & connoissant sa vaillantisse, l'enuoya pour Chef, & Capitaine aux plus importans affaires de guerre qui s'offroyent mettant fin à tout ce qu'il entreprenoit au grand contentement du Roy, & de son Conseil: à raison dequoy il l'esleut son Capitaine general, & lui commit en son absence toute son armee, avec la mesme puissance qu'il auoit. La guerre estant acheuee, & ayant enuie de s'en retourner en son pais & maison, on luy fit present de trois charettes pleines d'or, & de ioyaux inestimables, avec quoy il s'en retourna riche & content, estant receu en grand honneur en son pais. Tout cela fust representé si naïuement, & avec de si beaux habits & personnaiges qu'il sembloit à voir la chose mesme. Le Viceroy ne se trouua point audit banquet, mais seulement les Capitaines qui auoient assisté aux precedens avec vn autre, à qui on auoit donné charge en l'assemblée des Gouverneurs susmentionnez de reconduire les Espagnols à Manille, lequel s'appelloit Chautalay; l'un des principaux capitaines de la Prouince.

Estant sortis du banquet ils furent conduits avec bonne compagnie depuis la sale où ils auoient banqueté iusques au logis du Cagontoc, qui estoit le Thresorier du Roy, demeurant bien pres de là, lequel les receut amiablement & avec paroles fort gracieuses, leur disant qu'il esperoit de les voir bien tost derechef au Royaume, quand ils emmeneroient Limahon, & que ce seroit lors que l'amitié qu'ils pretendoient se capituleroit plus particulièrement. Apres cela il leur bailla vn present pour porter au Gouverneur de Manille en recompense de celui qu'il auoit enuoyé au Viceroy, & consistoit ce present en quarante pieces de foyé & vingt de burat, & vne chaire à bras doree, deux ombraires de foye, avec vn cheual: & autât pour le Maistre de camp avec vne lettre adressante à chacun d'eux; qu'ils mirent chacune à part dedans vne petite layette bien gentille & enluminée. Outre ce il donna encore quarante pieces de foye de toutes couleurs, pour les partager entre les Capitaines & Officiers qui estoient au siege de Limahon, avec trois cens mantes noires, & autât d'ombraires pour les soldats. Finalement il donna à chaque Religieux huit pieces de foye, & aux soldats de leur compagnie quatre pieces, &

deux ombraires, & vn bon cheual de voyage à chacun le sié.

Auec tout cela le Cagontoc les licentia, les admonnestant d'aller prendre congé du Viceroy & du Visiteur, pour partir en diligence, d'autant que tout estoit prest pour leur voyage: ce qu'ils firent incontinent estans fort contents & satisfaits des gracieuseté que les vns & les autres leurs auoient faites, & pareillement le Totoc, qui est le Capitaine general, le quel ils allerent voir aussi chez luy. Ces visites faites, ils s'en retournerent à leur logis avec bonne enuie de se reposer: ce qu'ayant fait iusques au lendemain matin, ils prirent leur chemin deuers le port de Tansufe, apres auoir seiourné quarante sept iours à Aucheo.

CHAP. XXIX.

Les Espagnols partent d'Aucheo, & vont à Chincheo, où estoit l'Insuanto, lequel leur manda d'aller au port de Tansufe, où il fust luy mesme les expedier, leur faisant au departir tout plein de faueurs & de carresses.

LEs Espagnols partirent de la ville d'Aucheo le mardy vingt troisieme iour d'Aoust à la veüe de tout le peuple de la ville, qui sortoit pour les voir en aussi grande multitude que le premier iour qu'ils y entrerent. Ils estoient tous dedans des chaires à bras, iusques aux esclaves, pour l'auoir ainsi ordonné le Viceroy, estant chaque Religieux porté par huit hommes, & leurs Compagnons par quatre, & les seruiteurs & esclaves par deux. Ces porteurs estoient tous en double nombre, pour changer les vns apres les autres, sans vingt quatre autres encore, lesquels portoiient le bagage. Il y auoit aussi vn courrier qui marchoit ordinairement deuant pour les pouruoir de logis, & vn Payeur avec luy qui auoit la charge de fournir d'hommes pour porter les chaires à bras, & leur bailler ce qui estoit taxé pour leur peine; ensemble payer & defrayer la despenſe des Espagnols & de leur train. De puis qu'ils sortirent d'Aucheo ils allerent tousiours d'oublant iournee, & à ceste cause furent à Chincheo en quatre iours.

Entrant dans la ville ils trouuerent vn seruiteur de l'Insuanto, qui leur venoit dire du mandement de son maistre qu'ils passassent sans arreſter, & poursuiussent leur chemin

jusques au port de Tanfufe, ou pareillement l'Insuanto s'achemineroit le lendemain. Ils accomplirent le mandement & firent telle diligence, qu'ils arriuerent en deux iours à Tangoa, qui est vne ville par où ils auoient passé en allant, & dont a esté parlé ci dessus, auquel lieu ils furent logez & bien traitez. De là ils allerent en vn iour à Tanfufe, lequel fut le premier port où ils desbarquerent en allant des Philippines à la terre ferme (comme dir est) & en ce lieu les logea le Correcteur, & au mesme endroit où ils auoient esté l'autre fois : & les fournit magnifiquement & en abondance de tout ce qu'il leur estoit necessaire iulques au retour de l'Insuanto, lequel vint quatre iours apres, n'ayant peu arriuer deuant à son grand regret, pour le mauuais temps qu'il auoit fait.

Le lendemain de son arriuee, qui fust le 1. iour de Septembre, il enuoya dire aux Espagnols qu'ils s'en lassent embarquer à cause de la conionction de Lune qui estoit ce iour là, nonobstant que les nauires ne fussent pas encore à point pour partir. Si firent cōme il leur māda, & fut l'Insuanto luy mesme à la plage & s'y trouuerent pareillement quelques vns de leur Religieux, qui firent des sacrifices à leur mode, avec des prieres adressees au ciel, par lesquelles ils le requeroient de donner bon temps & heureux voyage à ceux qui deuoient voguer en ces nauires. Telle ceremonie estant acheuee, laquelle est fort vñitee audit Royaume, les Espagnols furent deuers l'Insuanto, qui estoit là en grande compagnie & maïesté, & iceluy les receut amiablement & de paroles fort gracieuses, par lesquelles il demonstra qu'il les aimoit, & estoit fasché de leur départ. Sur cela il leur demanda quels viures & munitions ils vouloient, pour les en prouoir & fournir, comme il fit & si largement qu'il y en eut pour le voyage, & si en demeura beaucoup de reste. En apres il fit apporter la colation, & luy mesme les seruit de sa main, mangeant & beuuant aussi avec eux, qui est la plus grande faueur qu'ils ont coustume de faire. La colation acheuee, il les fit entrer au nauire en presence, leur disant que combien qu'ils ne peussent partir si tost, ils deuoient toutesfois s'embarquer, tant pour cause du iour qui estoit heureux, que pour accomplir ce que luy auoit commandé le Viceroy, à sçauoir de ne les laisser, tant qu'il les eust veus embarquer. Les Espagnols luy obtemperant prirent à l'in-

stant congé de luy en grand' courtoisie, luy monstrant pat signes qu'ils luy demeuroient fort obligez de tant de biens qu'ils auoient receus de sa main, & sur ce s'acheminèrent vers le batteau, qui les attendoit à la plage

En passant par où estoient ces Religieux susdits, ils virent vne table dressée, sur laquelle estoit vn bœuf entier esgorgé, & auprès de luy vn pourceau & vne cheure, & autres choies à manger, apprestées pour le sacrifice, dont ils vsent en tel cas. Estant dedans le batteau, ils furent menez à la nauire capitainesse, en laquelle ils deuoient aller, & incontinent d'autres bateaux qui estoient là pour cest effect se mettent à la demener de part & d'autre. Alors leurs prestres & sacers commencerent le sacrifice, qui dura iusques à la nuit, & acheuerent la feste en mettant force chandelles allumées parmi la ville & port, & destachant les soldats leur arquebuses, & les nauires leur artillerie, avec vn grand bruit de tabourins, & de cloches. A tant se desbarquerent les Espagnols, & s'en allerent à leur logis, s'estant premierelement retiré chez luy l'Insuanto, & la compagnie qui estoit venue.

Le lendemain les enuoya inuiter cest Insuanto, & leur fit vn festin autant magnifique que pas vn autre qu'il leur eust fait, où il se trouua luy mesme avec le capitaine general de celle Prouince, & y eut grande abondance de viandes, & force entretenemens, qui le firent durer plus de quatre heures. Le festin estant acheué, l'Insuanto fit appoiter les presens qu'il leur vouloit faire en recompense de ceux qu'il auoit receus; & consistoyent ces presens en quatorze pieces de soye pour le Gouverneur de Manille, & dix pour le Maistre de camp, quatre à chacun des Religieux, & aux soldats à chacun deux, avec des mantes peintures aux seruiteurs & esclaves. Sur cela il les congédia amiablement leur baillant les lettres qu'il escriuoit au Gouverneur & Maistre de camp, pour responce à celles qu'il leur auoyent enuoyées, & leur dit que tout estoit prest pour leur partement, avec des viures & du biscuit pour dix mois, qui estoit dans les nauires, & qu'ils pourroyent bien partir quand ils verroyent le temps propre: adioustant que si d'auanture quelqu'un des Chinois qui alloient avecques eux faisoit quelque chose de mal, ou en chemin ou aux Isles, le Gouverneur le punist cōme il luy plairoit, pource que le Viceroy luy en scauroit fort bon gré. Si leur fit à ce depart beaucoup d'offres,

& leur dit qu'il eseroit les reuoir bien tost au Royaume quand ils ameneroyent Limahon ; & que lors s'amenderoyent toutes les fautes, qu'ils auroyent peu faire à les traiter. Les Espagnols luy baisèrent humblement les mains, & luy dirent que touchant le bon racueil & traitement à eux fait il y auoit plus d'excez que de defaut ; au moyen dequoy ils demeureroient obligez à leur faire à tous seruice, comme ils feroient entendre à leur Roy, pour à la premiere occasion leur pouuoir rendre la pareille. Sur ces paroles l'Insuanto s'en alla à son logis, demeurant avec les Espagnols cinq Capitaines qui leur deuoyent faire compagnie ; ensemble Omoncon & Sinsay, qui s'estoyent trouuez ce iour là au banquet avec l'habit & les marques de Loytias, à eux donnees par le iour de deuant.

Le beau temps estant venu, qui fust le Mercredy 14. iour de Septembre, ils firent voile avec bon vent : se trouuant à la greue pour les voir partir, l'Insuanto & le Corrécteur de Chincheo, lesquels auoyent pris si grande amitié aux Castillás, que quand ils les virent leuer l'ancre, les Chinois les virent pleurer à chaudes larmes, à ce qu'ils dirent & asseurerent ; ce que creurent facilement les Espagnols, pour les auoir conneus tres humains & amiables, & specialement l'Insuanto, lequel outre ce estoit homme de belle presence & bien né, enquoy il surpassoit tous ceux qu'il virent en icelle Prouince.

CHAP. XXX.

Les Espagnols partent du port de Tansuse, & singlant vers les Philippines prennent port à des Isles par chacun iour dont se raconte ce qu'ils y virent.

ESTANT donc sortis du port avec bon temps (comme dit est) à sçauoir les Religieux, Michel de Loarche, Omoncon, & les trois autres Capitaines en vn nauire, & Pedre Sarmient, Nicolas de Guenca, Iuan de Triane, Sinsay, & les seruiteurs en vn autre : ils dressèrent la prouë avec huit autres d'armaison à eux dōnez pour la seurété de leurs personnes vers vne petite Isle proche de là, en intention d'y faire aiguade, pource qu'elle estoit abondante en bonnes riuieres où ils arriuerent en peu de temps, & virent qu'elle auoit vn port tresgrand & bien seur, qui estoit capable de plusieurs vaisseaux,

Ils se tindrent là tout le Ieudy, se reposant & recreant, à cause que l'isle estoit fort fresche & abondante en plusieurs riuieres, comme dit est, & le Vendredy 14. iour de Septembre firent voile à huit heures du iour, & a quatre lieuës de là prirent port en vne autre isle appellee Lauo, pour prendre vn autre chemin que celuy qu'ils auoient pris en allant à la terre ferme, & suiure le rum des vents, que les Chiuois sçauoient par experience estre fauorables en telle saison, & souffler presque tous brigans, comme les appellent les mariniers.

Si passerent la nuict en ceste Isle, & le lendemain singlerent à vne autre dite Chautubo, non fort distante de l'autre qui estoit pleine des bourgades, l'une desquelles appellee Gautin, auoit cinq forts ou tours, faites de chaux & de grosses pierres de taille, & estoient ces tours carrees, & de six brasses de haut, basties expres pour les manans de toutes ces bourgades circonuoisines se refugier dedans & se sauuer des Courraires qui sont ordinairement par là. Elles estoient toutes pleines de creneaux, & edifices de telles sortes, que les Espagnols les trouuant belles de la façon, & se trouuât pour lors de loisir, eurent enuie de les aller voir dedans pour voir l'artillerie qui y estoit, au moyen dequoy ils singlerēt vers celle part: ce que voyant les soldats de garde ils leurs fermerent les portes au nez, & ne leur permirent iamais de contenter leur desir, pour quelque priere ou promesse qui leur fut faite. Ils remarquerent en ceste Isle, que combien qu'elle fust pleine de grandes roches, & sablonnières, elle estoit toutefois toute eultiuée & peuplée de terre à riz & à blé, & autres grains & legumes. Il y auoit en icelle grande abondance de bœufs, vaches, & cheuaux & entendoient qu'ils se gouuernoient eux mesmes, sans estre suiers à aucun Seigneur ni naturel, ni de la Chine, & que neantmoins ils viuoient ensemble en bonne paix & amitié contentant chacun du sien.

Si partirent de là le Dimanche au soir, & cheminant toute la nuict, arriuerent le matin à vne autre isle appellee Corchu à vingt lieuës loin du port de Tânsie, duquel ils estoient partis. Voyant donc les Espagnols le peu de chemin qu'ils faisoient, ils prièrent les Capitaines de commander aux mariniers de ne point prendre tant de ports, n'en estant aucun besoin, ne laisser passer le beau temps, attendu que telle nauigation leur sembloit plustost, vne pourmenade

qu'un voyage. Les Capitaines respondirent qu'il leur pleust auoir patience, & que nauigeant ainsi de la sorte ils faisoient le commandement du Viceroy, & aussi de l'Insuanto, lesquels leur auoient expressement enchargé de nauiguer entre ces Isles tout posément & à loisir, afin de les rendre à Manille sains & dispos de leurs personnes. Ce mesme iour renforça le vent de Nort, & commença à souffler de telle sorte qu'ils ne voulurent point s'asseurer de sortir du port tant pource que nous auons dit leur auoir esté commandé, que pour autant que les Chinois craignent ordinairement l'eau, & ne sont accoustumez à s'engouffrir en haute mer, & passer fortune.

Pres de ceste Isle estoit yne autre quelque peu plus grande, appelée Ancon, qui estoit deserte & inhabitee, combien que la terre y soit meilleure & plus propre à y semer & cueillir que celle de Carchu, dont s'esmerueillant les Espagnols ils entendirent des Chinois qu'elle auoit esté anciennement bien peuplée; mais qu'estant venu en ce lieu vne armée du Roy de la Chine, & y ayant esté submergée par vne tourmente, le General d'une armée qui vint garder celle coste, en soupçonna les habitans, cuidant qu'ils les eussent tuez: au moyen dequoy il leur courut sus, & en occit tres grand nombre, emmenant les autres dans des nauires en la terre ferme, lesquels n'auoient plus voulu retourner, jaçoit que la verité du fait estant connuë ils en eussent eu permission: & depuis ce temps estoit ceste Isle demeurée deserte, & habitée seulement de porcs sangliers qui estoient encore de ceux qui demurerent lors dudit saccagement. Ceste Isle & les autres circonuoisines, qui sont en grand nombre, ont toutes bons ports & seurs, & abondance de poisson; & se continuent de l'une à l'autre iusques à vn petit gouffre contenant quarante cinq lieues, qui se passe tout en vn iour, & au bout de là se trouue le port de Capite, que nous auons dit cy dessus estre proche de Manille.

Ils partirent de l'Isle d'Ancon si tost que le temps le permit & nauiguerent iusques à vne autre Isle appelée Plon, où ils sceurent de quelques pescheurs qu'ils rencontrèrent comme le coursaire Limahon estoit eschappé du fort de Pangasinan, de la maniere & astuce qui se dira au chapitre qui en suit.

CHAP. XXXI.

*Les Espagnols ont nouuelle que le Coursaire Limahon s'est enfuy.
Et qu'il estoit à vne Isle proche de là. Les vns sont d'opinion
qu'on l'aille assaillir, les autres d'aduis contraire. En fin ils
resondent de poursuivre leur voyage, puis arriue-
rent tous à Manille.*

AYant surgy en l'Isle de Plon, & attendant vn temps propre pour continuer leur voyage, avec bõne enuie d'arriver en quelque lieu où ils peussent auoir Limahon, ils vinrent entrer au port vn nauire de pefcheurs, & pensant qu'il fust de ces Isles allèrent vers luy, & ayant demandé à iceux de dedans de quel lieu ils estoient partis. & s'ils ne sçauoient aucunes nouuelles de Limahon que tout le monde connoissoit ou pour quelque tort receu ou pour le commun bruit & renommee, ils entendirent par le discours qui leur en fut fait que Limahon s'estoit enfuy en quelques barques, qu'il auoit fait fabriquer secrettement dedans le fort par des charpentiers qu'il menoit avec luy pour tel cas, se seruant à cest effet des ais & sons qui luy estoient demeurez de ses nauires bruslees, que ses soldats amassoient de nuit par l'endroit du fort qui estoit proche de la riuiere: ce qu'il auoit fait si secrettement, que les Castillans ne s'en estoient point apperceus, qui entendoient seulement à garder la bouche du fleuve, pour luy oster le secours, & aussi le costé de terre par où il pouuoit fuir sans s'estre iamais doutez de ce qui aduint: ayant esté si fin & secret en cest affaire, que quand ils le sceurent, le Coursaire s'estoit desia mis en sauueté, & calfeutroit ses vaisseaux en l'Isle de Tocoaticā: pour avec iceux se mettre plus seurement: & estoit icelle fuite aduenue depuis huit iours.

Ayant entendu ces nouuelles, ils furent tous bien estonnez, & spécialement Omoncon & Sinfay, lesquels se tournant vers les Espagnols leur dirent que cest euadement n'estoit point sans intelligence, & qu'il y auoit eü du consentement des Espagnols, ou bien que le Coursaire auoit fait des presens au maistre de cāp, pour le laisser ainsi aller, autrement qu'il luy estoit du tout impossible d'euader, estant comme il estoit, voire quand les Castillans, qui le tenoient assiegé eussent tous esté endormis. Les Espagnols prenant

la cause pour leurs compagnons monstrent si bien leur innocence en ce fait, que les Capitaines Chinois en demeurèrent satisfaits, comme ils s'en asséurèrent encore plus amplement estant à Manille, où ils ouïrent parler le maistre de camp & les soldats qui s'estoient trouvez au siege.

Cette Isle de Tocoatican, où le Coursaire calfeutroit ses barques, estoit distante de l'Isle de Plon, où estoit pour lors les Espagnols, de douze lieues seulement, & encore moins se sembloit il dessus mer, se voyant l'un l'autre tout à plein; au moyen dequoy Omoncon, & Sinsay estant fort fâchez pour la suite du Coursaire, & craignant mesme quelque danger à venir s'ils retournoient à la Chine, & que ce seroit le moins d'estre priez honteusement des tiltres, & grades d'honneur à eux conferez pour ce regard, s'aduiserent de moyenner qu'on allast combattre le Coursaire, estimant que pour estre pris au despourueu, & harassé du long siege, il seroit aisé de le prendre aux mains. Si proposerent cest aduis au General, qui leur respondit que le Viceroy d'Aucheco, & le Gouverneur de Chincheo l'auoient enuoyé pour conduire les Castillans à Manille, & remener Limahon pris ou mort, s'ils le lui liuroient, & qu'il ne vouloit contreuenir à ce commandement par aucune voye, comme aussi ne pouoit il quand il le vouloit, attendu que les nauires estoient toutes empeschees des cheuaux, qu'ils menoient au Gouverneur de Manille, & que les gens qu'ils auoient estoient plus propres à nauiguer qu'à combattre; outre que le combat seroit hazardeux, estant tout certain que le Coursaire & ses complices mourroient plustost qu'ils se rendissent: ioint que pour effectuer telle entreprise il falloit auoir des vaisseaux & gens, qui y vinssent expressement & non de hazard, comme ils venoient.

Toutes ces raisons considerées, ils se conformerent tous à l'aduis du General, & voulurent departir, si tost que le tēps le permettoit, s'engouffrant en haute mer pour aller droit à Manille, sans toucher l'isle Tocoatican, où estoit le Coursaire, comme ils firent l'onzième d'Octobre, faisant voile deux heures deuant le iour, apres auoir esté là trois semaines entieres sans pouoir desmarter du port: y estant retenus par un vêt de bise, qui auoit tousiours soufflé sans cesser un iour, cela fut cause que nul des vaisseaux qui estoient au port de Plon ne peut sortir, n'y aller donner les nouuelles au coursaire de la venue des Espagnols, & des Capitaines Chinois.

A seize lieues de ce port en allant vers le midy ils trouuerent vne Ile grande & haut fit, appellée Tangarruan, qui contenoit plus de soixante lieues de circuit, & estoit peuplée de gens qui ressembloyent fort aux habitâs des Philippines. Ils passerent de nuit les isles avec vn fort vent d'auant, qui fut cause que le nauire où estoient les Religieux, se ietta en haute mer, & que les autres neuf de compagnie abborderent l'isle, & s'escarterent si loin de luy, qu'ils se perdirent de veüe le matin, de maniere qu'il fut en grand danger, ayant couru vne grande tourmente toute la nuict, & perdit non seulement le timon, mais aussi l'esperance d'en eschapper. Estant en ce grand travail, ils se recommanderent à Dieu de bon cœur, & se mirent à trauers mer tant que le timon fut racoustré, ce qui ne se fit qu'avec grande peine, & alors il pleut à Dieu que le vent se tourna si favorable, qu'il fut le matin du Dimanche, qui estoit le dixseptieme iour d'Octobre, ils descoururent l'isle de Manille tant souhaitée d'eux, où ils ne peurent toutesfois que le iour S. Simon & S. Iude; à cause qu'ils trouuerent arriere la plage de Pangasinan chercher les neuf nauires de leur flote, ayant conclu entr'eux, que si d'auenture ils couroient tourmente, & s'escartioient les vnes des autres ils vinssent là se rassembler, comme ils firent. De ceste plage ils prirent leur chemin de Manille, & arriuant à Bulian sans entrer au port, le Capitaine Omoncon enuoya vn Chinois à terre, qui entendoit la langue de l'isle, pour s'informer là du fait du Courfaire, qu'il ne pouuoient encoré bien croire. Les vaisseaux l'attendirent hors de la Trinque, & estant de retour leur verifia ce qui leur auoit esté dit en l'isle de Plon, sans en varier d'vn point.

Cela donna plus grande fâcherie à Omoncon & à Sin'ay que la rouuelle precedente, laquelle comme nous auons dit ils ne tenoient pour assurée, & fit soupçonner aussi aux Espagnols que ces Chinois ne s'en voulussent retourner à la terre ferme, sans aller iusques à Manille, & les laisser en ceste Ile: ce qui n'aduint pas ainsi, d'autant que nonobstant l'enueie que l'esdits Omoncon & Sin'ay en faisoient paroistre iusques à dire aux autres qui se falloit descharger des Espagnols, & les enuoyer en vne nauire, puis qu'ils estoient hors de danger, & voyoyent leur Ile: Le General n'y voulut iamais consentir, leur disant qu'il n'outrepasseroit en rien le commandement à luy fait, pour quelque chose qui aduint.

Partant ils prirent le chemin de l'Isle qu'ils desiroyent, & voyoyent de veüe, & s'abborderent le vingthuitiesme d'Octobre (comme dit est) ayant demeuré à venir depuis le port de Taususe, qui est le premier de la Chine, jusques à l'Isle de Manille, l'espace de quarante cinq iours, jacoit qu'il n'y aye pas deux cens lieüs qu'on fait ordinairement en dix iours tout au plus, entre temps conuenable.

CHAP. XXIII. Arrivée des Capitaines Chinois à Manille.

Les Capitaines Chinois arrivent avec les Espagnols à Manille, où ils sont receus du Gouverneur & de ceux de la ville en grande joye & apres avoir esté là quelques iours parmy la feste qu'on leur fit, informez de plusieurs choses de nostre Foy & estre s'en retournent à la Chine avec bounee enuie d'estre Chrestiens.

LE Gouverneur de Manille & Maistre de camp ensemble les autres Capitaines, & soldats, entendant l'arrivée des Espagnols qu'ils desiroyent extrêmement, tant pour l'enuie qu'ils leur portoyent, que pour sçavoir des nouvelles de la Chine par tesmoings si dignes de foy, sortirent pour les recevoir en toute joye, & pareillement les Capitaines de leur compagnie. Si les menerent incontinent au logis, & les firent reposer du long travail de la mer, dont ils avoyent bon besoin, & apres cela s'ensuiquirent force festes & festins, que lesdits Gouverneurs & Maistre de camp, & autres particuliers firent aux Chinois en recompense de ceux qu'ils avoyent faits aux Espagnols. Mais toutes les gioüissances estoyent troubles de la souvenance du Cour-saire qui s'estoit enfuy, & principalement Omoncon, & Sinsay, lesquels sollicitoyent à tout moment le General d'expedier leur partement, & retourner à la Chine, afin que le Gouverneur de Chincheo estant aduerty à temps de l'estat de Limahon, il eust encôre moyen de se prendre aux mains deuant qu'il se peust refaire, comme desiroit tout le Royaume. Le General qui se plaisoit en la bonne chere qu'on luy faisoit, leur respondit que les vaisseaux avoyent besoin d'estre rabillez pour les tourmentes passées, & les mariniens pareillement, & que quand cela seroit fait, ils partiroyent.

Le Maistre de camp fut fort fâché de la fuite de Lima-

hon, & encore plus quand il sceut qu'on le soupçonnoit de l'auoir laissé euader, & pour ceste cause si les Capitaines n'eussent esté si trauaillez du long siege, & du mais temps qu'ils auoient eu, c'est sans doute qu'il fut allé après luy pour le poursuiure, & ne l'eust iamais laissé, tant qu'il l'eust pris ou mis à mort, encore qu'il fust bien certain qu'il seroit deuenü si sage du grand danger & trauail où il s'estoit veu avec que si peu de gens, qu'il procureroit plustost à se sauuer, que retourner à mal faire, & ne se mettroit point en lieu, où il peust estre à la mercy de tant de gens qui se sentoient offensez de luy, & desiroient s'en venger. Aussi pour obuier à cela, comme l'on sceu du depuis, si tost qu'il eut mis à point les barques qu'il auoit fait faire dans le fort, & recueilly des viures pour le voyage, il s'enfuit avec les siens à vne Isle fort escartee, où il lui sembla que personne ne l'iroit chercher, & tint là quelque temps pendant lequel il deuint malade de melancolie, qu'il eut de se voir reduit en tel estat, à comparaisõ de la felicité où il s'estoit veu auparavant, quand il estoit redouté de tout le Royaume: qui fut cause qu'il en mourut de regret, & qu'après sa mort se disperferent ça & là tous ses complices, sans qu'il en fut plus nouvelle, de peur qu'ils eurent d'estre apprehendez, & punis comme ils meritoient.

Mais pour reuenir à nostre propos, apres que parmi les festins sudsits les Chinois eurent fait grand chere, & esté long temps à se recreer, & attendre bonnace de mer, discourant cependant de plusieurs points de nostre religion Chrestienne, de la quelle ils s'informoyent fort soigneusement des Religieux, & leur reuelant quelques secrets qu'ils leur auoyent celez au royaume, pour estre estrangers, en fin ils aduiserent de partir monstrant estre fort dolens de laisser si bonne compagnie, & leur promettant de moyenner de tout leur pouuoir la cõtinuation de l'amitié cõmencee entr'eux, les Chinois, comme chose qui estoit au profit d'eux tous, & entre autres s'offrit le General d'auoir cest affaire en particulier recomandation, chercher tous les moyens de faire entendre au Viceroy d'Aucheo, duquel il estoit fort familier la grande honnesté des Castillans, & comme ils estoient gens de marque: & de quelles ceremonies ils vsoient, lesquelles lui plaisoient fort: adioustant qu'il lui conteroit la fuite du Couisaire de la maniere qu'elle estoit venue, & comme il n'y auoit point de la faute du maistre de camp, ny

des autres Capitaines, afin que si Omoncon & Sinlay auoient dit quelque chose contre verité, & pour leur profit particulier, ils n'en fussent creus

Outre ce il dit en secret quelques choses au Gouverneur, lesquelles pouuoient faciliter l'amitié qu'ils pretendoient l'une desquelles estoit qu'ils suppliasent le Roy d'Espagne d'escrire au Roy de la Chine, & luy enuoyer vn Ambassade quil illuminast en la foy Chrestienne, pource qu'il tenoit sans doute que, non seulement se feroit l'amitié des Rois, & suiers de part & d'autre, mais encore que le Roy de la Chine & tout son Royaume receuroient la foy de Iesus Christ, car pour y auoir entr'eux plusieurs vs, & ceremonies symbolisantes avec les Chrestiennes, & obseruer en maintes choses de leur vie morale les dix Commandemens de la loy de Dieu, duquel il s'estoit particulierement informé, comme pour n'y auoir point plus grande difficulté en cest affaire, sinon de donner entrée à la predication de l'Evangile, laquelle estant obtenue, on verroit en peu de temps tout le Royaume estre Chrestien, pource qu'adorant les causes secondes, & entendant comme elles tiennent leur estre & vertu de Dieu, qui est la cause premiere, ils transferoient aisement l'adoration, & la rendoient à la plus digne, à qui elle est due. Le General adiousta plus, & leur dit qu'il estoit tant affectionné à la Religion Chrestienne, que s'il ne craignoit d'estre priué de son pays, & de sa maison & faculté sans doute il se feroit baptizer, mais qu'il ne le pouuoit faire sans tout perdre, y ayant loy au Royaume gardee inuiolablement, par laquelle il est prohibé aux Chinois de ne recevoir aucune Religion estrangere & differente à la leur, sur peine de la vie, sans le consentement du Roy, & de son Conseil, ce qui auroit esté establi pour oster toutes nouueutez, & viure tous d'une façon, & avec mesmes ceremonies. A ceste cause quelques marchands de la Chine, s'estant affectionnez, à la Loy Evangelique, & ayant esté baptifez aux Philippines, s'y sont arrestez pour y demeurer, & y demeurent pour le iourd'huy en vn bourg, qu'ils ont peuplé lez Manille, où ils vivent en bon Chrestiens.

Le General ayant fait toutes ces offres promettant finalement d'estre tousiours bons amis aux Espagnols, parrit de Manille pour s'en retourner à la terre ferme, avec Omoncon & Sinlay, & les autres Capitaines, ayans tous bonne esperance de se voir bien tost d'une mesme foy, & prenant

congé les vns des autres fort affectueusement & avec grans signes, & tesmoignages d'amitié pour lesquels ils s'obligoyent de se faire plaisir & seruice en toutes les occasions qui s'offriroient. Depuis ce depart les Espagnols furent tousiours fort soigneux de supplier la Diuine Maiesté que ce fust son bon plaisir d'acheminer cest affaire à l'honneur de son Saint seruice; priant par mesme moyen le Roy d'Espagne de vouloir enuoyer vn ambassade au Roy de la Chine, pour lui offrir son amitié, & l'exhorter de receuoir la foy de Nostre Seigneur Iesus Christ, comme estant le vray moyen, & le plus propre, à ce qu'en auoyent entendu les Religieux Augustins & leurs compagnons, lors qu'ils estoient en la Chine, & ce que leur en auoit dit le General susmentionné Cela fut bien tost de par eux affectué, enuoyant vn personnage au Roy d'Espagne, lequel au nom de toutes les Isles luy fit la requeste lui donnant à entendre la grande importance d'icelle, & y adioustant la presente relation; & plusieurs raisons particulieres, pour l'esmonuoit à enuoyer ledit ambassade, comme il a fait du depuis; & de la manière qui a esté dite à la fin de la premiere partie de ceste histoire, où il a esté parlé plus clairement de ce fait, & de l'estat où il est pour le iourd'huy N. S. Seigneur par sa grace vueille acheminer c'est affaire, comme il est à luy & à l'honneur de son S. seruice, & au salut de toutes ses ames.

Fin du quatriesme Liure.



LIVRE CINQUIES-

ME DE L'HISTOIRE DV

GRAND ROYAUME

DE LA CHINE.

Contenant les voyages que le Pere Pedre d'Alfarc,
Gardien des Philippines, de la Prouince, S. Ioseph,
& trois autres siens compagnons ont fait
vers ce grand Royaume, en l'an 1579. ensemble
leur entree miraculeuse en iceluy, & ce qu'ils y
ont veu & entendu, & leur est aduenue en sept
mois qu'ils y ont esté.

C H A P. I.

*Les Observantins de S. François arriuent aux Isles
Philippines, & procurent de passer à la Chine,
avec zele & intention d'y prescher le S.*

Euangile.

LE iour de la visitation N. Dame, en l'an
1578. arriuerent d'Espagne à la ville de Ma-
nille aux Philippines le P. Pedre d'Alfarc,
qui alloit estre Gardien de ceste Prouince,
& avec luy quatorze Religieux du mesme
Ordre enuoyez là par le Roy d'Espagne, &
son grand Conseil des Indes, tant pour estre coadjuteur aux
Augustins, qui auoient vagué seuls iusques à la conuersion

des habitans, & presché les premiers le S. Eſuangile, au grãd profit des naturels, deſquels ils en auoient deſia baptisé plus de cent mille, quand leſdits Obseruantins y allerent, & auoient preparé & catechisé les autres que pour auoir le moyen d'entrer à la premiere occasion dans la Chine, pour y prescher l'Euangile. Iceux ayant esté aux isles vn an entier, aidant à conuertir & prescher les naturels, & ayant ſceu en ce temps par le recit deſdits Augustins, & auſſi de plusieurs marchands de la Chine, les choses admirables de ce Royaume, & l'inſinité des ames que le Demon tenoit deſſous ſa puiſſance par le moyen de l'Idolatrie: ils conceurent en eux vn grand zele de moyenner le ſalut d'icelles, & de les aller prescher, quand ce deuroit eſtre en danger de leurs perſonnes.

Si communiquerent leur deſir par plusieurs fois au Gouverneur de ces Isles, qui eſtoit pour lors le Docteur Fran- ciſque Sandi, & luy demanderent ſa faueur & permiſſion pour aller à ce voyage en la compagnie de quelques marchands Chinois qui eſtoient au port de Manille avec leurs nauires, ſe propoſant d'obteñir d'eux ceſte faueur eſcore qu'ils ſe deũſſent donner pour eſclaués, ou ſe ſoumettre à quel que autre condition tant duré & facheuſe fuſt elle. Et comme ils virent que toutes les fois qu'ils luy parloient, il ſe mettoit vn peu tiède, & les entretenoit d'eſperances, eux ſe remettant deuant les yeux comme la principale intention qu'il auoit fait ſortir d'Eſpagne eſtoit pour taſcher d'entrer dans la Chine pour ceſt eſſect, & s'augmentant en eux de iour à autre ce nouveau deſir par la communication qu'ils prenoient avec les marchands Chinois, pour eſtre gens ſociables & diſcrets, & de fort bon entendement, ce qui facilitoit d'autant plus leur affection, & leur perſuadoit qu'il ſeroit facile de leur faire entendre les points de la Foy, ils ſ'uniferent de chercher d'autres moyens, puis que celuy du Gouverneur tiroit ainſi en longueur.

Si aduint dedans peu de iours, qu'eux eſtant à traiter de ceſt affaire, & ayant requis inſtamment à Dieu qu'il luy pleuſt conduire le tout ſelon & ainſi qu'il verroit bon eſtre pour ſon ſeruiſe, & le ſalut de tant d'ames; vn Chinois arriua aux Philippines qui eſtoit à ce qu'ils entendirent l'vn des Prestres & religieux du royaume, qui eſtoient en grand nombre en chaque ville. Ceſtuy cy eſtoit fort ſouuent au Conuent des religieux, & diſcouroit avec eux de la crea-

tion du monde, & d'autres choses, qui leur ouvrirent le chemin pour luy declarer les poincts & articles de la Foy qu'il escoutoit tres-volontiers, & avec grand cōtētemēt, & iceluy apres leur auoit bien & au long & en special declaré les secrets & singularitez de la Chine, dont ils desiroient si fort la conuersion, & leur auoir fait quelques demandes curieuses & subtiles, concernantes la Foy Chrestienne, les pria quelques iours apres en grande instance de le vouloir baptizer, pource qu'il vouloit estre Chrestien, à quoy ils obtempererēt tres-volontiers des qu'il fut instruit en la foy, & fut baptisé avec vne ioye incredible de toute la ville, & de luy pareillement. Apres qu'il fut fait Chrestien, il s'arrestoit ordinairement au Monastere pour y prendre sa refection, & ne vouloit iamais autre chose que des herbes creuës, & comme il voyoit que les religieux se leuoient à la minuit pour aller dire matines, & qu'ils se disciplinoient, & estoient vne grande partie de la nuit en oraison deuant le Saint Sacrement, il ne faillloit point à faire comme eux, avec signes & apparences de grande deuotion.

Tout cela incitoit le Gardien & ses confreres, à vouloir effectuer leur desir, qui estoit si grand, comme dir est, & pouttant s'en alla trouuer derechef le Gouverneur, & le supplia tresardamment de ce dont il l'auoit requis tant de fois, à scauoir qu'il leur pleust donner quelque moyen, par lequel ils peussent aller à la Chine pour y prescher la loy de Dieu, s'offrant franchement luy-mesme à estre du nombre : avec protestation que s'il ne leur donnoit congé, ils iroient de leur propre autorité, & à la premiere occasion qu'ils trouueroient, ayant la benediction de Dieu, & de leurs superieurs, puis qu'il estoit question du salut de leur prochain. Mais ni ces instances & protestations : ny l'exemple du bon esprit du Chinois nouvellement baptisé ne peurent iamais persuader le Gouverneur : au contraire icelui perseuerant à sa premiere opinion leur fit response qu'il n'estoit pas encore temps de ce faire, pour estre encore petite l'amitié & conhoissance qu'ils auoyent avec ces Chinois, & auoir esté par les religieux Augustins essayé desia beaucoup de fois pour y entre, lesquels n'auoyent sceu iamais y paruenir, ayant tousiours esté trompez par ses Chinois, & laissez dedans ces Isles ; iusques à ce que l'occasion du coursaire Limahō se presenta avec la venue du Capitaine Omoncon qui les emmena quand & luy, moyennant les

bonnes nouvelles qu'il portoit de l'assiegement du Cour-
saire, & du destroit où il estoit, & que nonobstant cela on
ne leur auoit pas permis de passer outre à Aueho, ni donné
permission de demeurer au Royaume pour y prescher l'E-
uangle, & que d'y vouloir aller derechef, ce seroit occa-
sionner les Chinois de se rire des Espagnols: au moyen de-
quoy il falloit attendre que Dieu fust l'entree luy mesme
quand ce seroit son saint vouloir, ce qui ne pourroit beau-
coup tarder.

Le Pere Gardien oyant la responce du Gouverneur, & le
voyant persister si fort en son propos, sans vouloir trouuer
les moyens de faire l'entree tant desirée en la terre ferme,
commença à tramer secretement ce voyage en quelque
maniere qu'il pourroit, encore que ce fust sans l'ordonnance
du Gouverneur, puis qu'il n'estoit possible autrement: ce
qui fut mis incontinent a effect, a cause que ledit Pere Gar-
dien, & vn religieux nommé F. Estienne Ortiz, lequel ap-
prenoit la langue de la Chine en intention d'y aller, & la
sçauoir ia passablement, cōmuniquerent leur desir à vn sol-
dat affectionné à leur religion & à eux particulièrement,
nommé Iuan Diaz Pardo, lequel leur auoit dit autrefois
qu'il desiroit fort de faire quelque seruice pour l'amour de
Dieu, encore que ce fust au danger de sa personne, lequel
approuua volontiers leur bon desir, & les accompagna, jus-
ques à la mort. Se trouuant ceste conformité de vouloir,
ils s'en vont à l'instant ensemblement parler à vn Capitaine
Chinois, qui estoit au port de Manille avec vn nauire, & a-
uoit esté souuentefois à leur conuent, pour s'informer de
quelques points de Dieu & du ciel, avec grandes appa-
rences de bon esprit, moyennant lequel on le voyoit con-
sentir à tout ce qu'on luy en disoit avec grand plaisir & con-
tentement. A cestuy là ils communiquerent leur entrepri-
se, & pour l'exécution d'icelle le requirrent de leur aider,
lequel s'offrit à eux volontiers, & leur promit de les mener
à la Chine, moyennant qu'ils donassent quelque chose pour
bailler aux mariniers. Ledit Iuan Diaz luy promit bailler
tout ce qu'il voudroit, luy donnant sur le champ quelques
reales pour les atres: & afin que cela se fit sans que le G-
uerneur ny autre en sceust rien, ils accorderent entr'en que
le Capitaine diligenteroit, & iroit deuant ou port de Bin-
dore à vingt lieus de Manille emmenant avec luy ledit
Chinois baptisé, & que là les attendroit.

Le capitaine ayant fait toute diligence s'en alla au port assigné, & peu apres le suivirent le Pere gardien & son compagnon Religieux, avec leur ami Iuan Diaz. Mais quand ils furent deuers luy, ils le trouuerent d'un autre aduis de sorte qu'il ni eut ni dōs, ni prieres: qui luy peurent persuader d'accomplir ce qu'il leur auoit promis à Manille, & leur rendit mesme les arres qu'il auoit receuës, leur disant resoluement qu'il ne les meneroit pour rien du monde, estant bien certain que s'il le faisoit, il luy cousteroit la vie & les biens. Ce voyant le religieux Chinois nouuellement baptisé, il se prit à pleurer amèrement de regret & desplaisir, voyant le Démon auoit changé le courage de ce capitaine, pour empêcher que l'Euangile ne fust preschee en la Chine. Le Pere Gardien le consola, & se resolut de reuenir à Manille y attendre vne autre occasion, comme il fit, où il le tint quelque temps iusques à ce que l'appella vn iour le Gouverneur & luy pria de luy donner vn religieux, pour enuoyer au fleuve de Cayapan, où peu de iours auparauant il auoit expédié quelques Espagnols pour le peuple. Le P. Gardien luy dit qu'il luy en bailleroit vn, lequel il meneroit quād & luy iusques à la prouince des Illoques, où il alloit en visite & que de là il l'enuoyeroit à Cayan, où il le mardoit, le priant par mesme moyen de luy dōner pour l'accompagner par le chemin le portenseigne Francisque de Duenes, & sondit ami Iuan Diaz, en intention d'aller de là à la Chine. Le Gouverneur luy voulant complaire luy octroya ce qu'il demandoit & incontinent apres partit le P. Gardien, menāt avec luy les soldats susdits, & vn religieux pour confrere, nommé frere Augustin de Tordeiles, qui fut celuy lequel mit depuis par memoire ce qui leur aduint en la Chine, d'où a esté tiree la presente relation.

Estant arriuez le quatriesme de Iuin aux Illoques, auquel lieu estoient F. Iuan Baptiste, & F. Sebastien de S. Francisque, religieux du mesme ordre, occupez à endoctriner les naturels: ils firent vne petite consulte le lendemain, en la quelle tous ceux qui y assisterent resolurent de s'auanturer d'aller à la Chine, pour conuertir ces Gentils ou de mourir en l'entreprise. Partant ils trouuerent bon de parler à vn Persire de Villaroel soldat, qui se trouua là avec eux, & luy demanderent, sans declarer leur intentiō, craignant qu'il ne luy les descourrist, s'il vouloit aller avec eux & deux autres soldats là presens, & vn affaire concernant le seruice de

Dieu, & le salut de beaucoup d'ames, & qu'il leur dist sa volonté, sans vouloir sçauoir où, ni pourquoy, estât chose qu'il ne luy pouuoit pas dire iusques à ce qu'il en fust tēps. Si leur respondit incontinent qu'il les accōpagneroit de bon cœur, & ne les abandonneroit iamais; & par ainsi estās tous d'accord ensemble s'en vont de pas avec vne ioye incredible trouuer le nauire, qui auoit amené là de Manille le P. Gardien & son compagnon avec les deux autres soldats, & estoit vne moyenne fregate, où y auoit peu de matelots, & tous mal experts sur mer. S'estant eux tous embarquez avec ce qu'ils auoient peu amasser de viures en si peu de temps pour la prouision du voyage, ils se mirēt en point de voguer le mesme iour, qui estoit le 12. dudit mois de Iuin, apres auoir dit la messe, & s'estre recommandez à Dieu, le priant d'estre leur guide en ce voyage, qu'ils entreprenoient pour l'amour de son saint seruice. Ils tascherent à sortir du port: il ne leur fut iamais possible, estant la mer par trop furieuse à la rade, de sorte que s'efforçant de vaincre, ils furent sur le point de se perdre: ce qui fust cause de les faire rentrer au port fort fachez, ou il se tindrent tout le iour.

CHAP. I I.

Les Religieux & leurs compagnons partent des Illoques, apres s'estre recommandez à Dieu en leur voyage: ils ont de grandes tourmentes. & les passent toutes avec la confiance qu'ils ont en Dieu: puis en fin arriuent miraculeusement à la Chine.

LE lendemain du matin, qui fut le iour de saint Antoine de Pade, ils dirent messe, puis se vont mettre en la fregate afin de sortir, mais la mer estoit encore si esmeuë & si forte, que le vaisseau se mit de trauers; & beut beaucoup d'eau, tant qu'il pleust à Dieu le faire approcher la coste, où estant il heurta fort dedans le sable, & fut vn tel euidēt miracle qu'il ne se mit tout en pieces, & que ne furent tous noyez ceux de dedans, croyant pour certain que Dieu les auoit gardez par l'intercession du bien heureux S. Antoine; dont la feste estoit ce iour là, & auquel ils s'estoient recommandez deuotement, & de bon cœur. Si vindrent entrer dans

le fleuve duquel ils estoient sortis & toutefois avec grand travail & danger, dont le Pere Estienne Ortiz eut si grande peur, qu'on ne luy sceut iamais plus persuader par prières ni raisons de poursuivre le voyage encommencé, ains respondit qu'il ne vouloit plus tenter Dieu, lequel on pouvoit colliger apertement par les signes, que son saint vouloir n'estoit qu'ils fissent pour lors ce voyage: ce qui fut cause de troubler les autres, & leur faire presque changer propos. Le P. Gardien le voyoit bien pareillement, mais il le dissimuloit le plus qu'il pouvoit, monstrent bon visage, & disant à tous qu'ils ne perdissent point cœur, & que toutes bonnes œuvres & entreprises estoient au commencement pleines de difficulté, lesquelles se facilitoient en apres par perseuerance & patience, comme l'effect l'auoit montré plusieurs fois. Par ce moyen il les entretint, iusques à ce que le iour de la Trinité, apres que les Prestres eurent dit messe, & les seculiers communié, ils furent tous d'aduis de s'embarquer, hormis le P. Ortiz susmentionné, qui demeura au logis en sa premiere opinion, & avec luy ledit Chinois baptisé à cause qu'il estoit tombé fort malade, & ne pouuoit souffrir la mer, ce qui les mit tous en grande peine.

Le iour ensuiuant pour effectuer leur aduis, ils se rembarquerent & font voile, le recommandant à Dieu deuotement, lequel les fit par sa grace sortir du fleuve, mais avec grande peine, tirant vne barque par la poupe de leur frigate, dans laquelle ils estoient deliberez de mettre à terre les Indiens qu'ils en menoient de l'Esquipage: ce que toutesfois ils ne firent craignant qu'il ne se noyassent. Estant hors du fleuve, ils tirerent droit à vne petite isle, qui estoit à vne lieue de là, auquel lieu ils laisserent en terre lesdits Indiens, & vn ieune gens Espagnol, qui estoit venu de Manille pour leur seruire: & y demurerent seulement ce soir ceux qui devoient faire le voyage, à sçavoir le P. Gardien natif de Seuille, le P. Iuan Baptiste, de Persare en Italie. F. Sebastien de S. Francisque, de Baee en Espagne, & F. Augustin de Tordesillas, aussi Espagnol, portât le nom de la ville, qui estoient tous quatre prestres, le P. Gardien en eust bien voulu mener d'auantage, mais il n'osa pas, tant de peur d'estre descouuert, que pour ne laisser sans predicateurs ceste Prouince des Illoques où estoient desia plusieurs Chrestiens: au moyen dequoy il en laissa quelques vns, qu'il voudroit bien tenir par apres avec soy. Les soldats qui leur faisoient compaignie

estoiēt trois, à sçauoir le portenseigne, Frâcisque de Due-
nes, natif de Velezmalaga en l'Andulensie, Iuan Diaz Pardo
de S. Lucar de Barremede, & Pedre de Villaroel, de la ville
de Mexique, & outre iceux vn ieune garçon Chinois, qui
sçauoir la langue Espagnole, & auoit esté pris en la guerre
de Limahon, & quatre autre Indiens de Manille.

Ils partirent de la petite Isle enuiron l'aube du iour, le
quinzieme dudit mois de Iuin, & tournerent la prouë vers
celle part, où ils estimoient que pouuoit estre la Chine,
sans auoir pilote ni autre certitude de voyage, que celle
que leur monstroit N. Seigneur, & leur bon desir, qui faci-
litoit le iour. Si leur fut ce iour là le vent contraire, au
moyen dequoy ils firent bien peu de chemin puis il se chan-
gea sur le soir, commença à venter le Noit, qui excite
ordinairement force tempestes par icelle coste, dōt ils eu-
rent grand peur craignant toutesfois bien d'auantage d'e-
stre descouuert & pourfuiuis du commandement du Gou-
uerneur de Manille: & pour ceste cause au lieu de tourner
& costoyer le long de la rīe, ils firent le contraire, se mē-
tant en pleine mer, non sans grand danger d'aller en fond,
mais Dieu voulust que le vent se calma avec la nuit, contre
sa coustume, laissant la mer si esmeuë, & avec si grande
marce, qu'ils y cuiderent estre noyez, & estoit leur fregate si
impetueusement agitee, qu'il sembloit qu'yne legiō de De-
mōs fut attachee à chaque bord, & luitassēt les vns cōtre les
autres, s'abaissent à chaque fois l'vn ou l'autre dessous l'eau
iusques à la moitié du couuert, de sorte que les mariniers
ne se pouuoient tenir sur leurs pieds, & estoient contraints
de se prendre aux cordes & aux chables. Les Religieux
ayant confiance en Dieu, le zele duquel les auoit poussez à
ce danger, le prioient à chaudes larmes les deliurer &
ne point permettre au Demon de destourber leur voyage:
& fut leur priere de telle efficace, ensēble quelques coniura-
tions contre les Demons, qu'ils pensoient voir visiblement
que le vent de Nort s'arresta depuis minuit, & commença
à venter Nordest, avec lequel la mer s'appaisa, & eurent
moyen de voguer par la route d'Ouest Nort est, sçachant
bien que c'estoit le plus court par le ium pour abborder à
terre ferme. Ce vent qui leur estoit fauorable, creut si fort
dedans deux heures, & enfla tellement la mer, qu'il leur
fit oublier la tourmente precedente, & cause de la fregate
qui estoit petite & legere, les forçā de couper le mats, &

rendre à la mercy des flots, & des ordes, avec bien peu d'esperance d'en eschapper : mais N. Seigneur pour le seruice duquel ils s'estoient hazardez à ce chemin, voulut estre la guide de leur voyage, de maniere que faisant bonace, le lendemain ils eurent moyen de remettre vn autre mats au lieu de celuy qu'ils auoient coupé en la tourmente, & poursuire leur voyage.

Le Vendredy ensuiuant, ils descoururent terre au point du iour, & croyant que ce fust la Chine rendirent graces à N. Seigneur, & deuindrent si ioyeux, qu'ils oublierent les travaux passez, & singlant vers celle part y aborderent vers le midy, & au desbarquer virent que c'estoit vne petite isle distante à quatre lieues de terre ferme, laquelle pour estre si proche, ne sembloit point separee. Estant aupres de ceste Isle, ils commencerent à descourir tant de nauires, qu'il sembloit que la mer en fut couuerte : & les Religieux desirans sçauoir où ils estoient firent tourner la prouë de leur vaisseau vers celle part; mais iceux les voyant venir, & ne cōnoissant les voiles, se mirent incontinent à fuir. Ce voyant les Religieux, & n'en sçachant l'occasion, ils estoient en tres grande peine, & encore plus de ce qu'ils ne pouuoient sçauoir, en quel endroit ils estoient, au moyen dequoy voyant aupres d'eux trois nauires vers le costé de Soufvent ils vont pour les aborder, mais comme ces vaisseaux les virent approcher, ils en firent autant que les autres, & se mirent à fuir. Ils passerent toute la iournee à aller çà & là vers les nauires, pour s'informer où ils estoient, ce qui ne leur seruit de rien tant qu'au soir sur le coucher du Soleil ils entrerent avec leur fregatè en vne cale où y auoit vn cours d'eau qui tomboit plus gros que deux hommes d'vne roche coupee de cent estages de haut. En ceste cale estoient trois nauires l'vne au pres l'autre, vers lesquels ils dressèrent la prouë & se mettant parmy eux prindrent foud, & s'informerent en quel país ils estoient, mais les autres sans leur rien respondre, ne faisoient rien que se regarder les vns les autres, puis contemplant les Espagnols, rioient ensemble tant qu'ils pouuoient. Ils furent toute la nuit en ceste cale, estant tous confus de voir ces hommes comme enchantez, & sans pouoir entendre d'aucun en quel endroit ils estoient.

Le lendemain au mati, qui estoit vn Samedi, ils firent voile par entre des Isles, & s'approchant tousiours vers ces-

le part qui leur sembloit estre terre ferme rencontrèrent vne infinité de vaisseaux tant petits que grands, les vns peſchans, les autres voguans, & les aucuns abbordans, dont ils furent esmerueillez. A mi jour leur aduint vne chose miraculeuse, & fut que nauigeant par vn destroit large seulement d'un quart de lieuë, qui estoit entre la terre ferme & vne Isle où il y a tousiours garde d'une armee de quatre vingt voiles, ils passerēt tout à trauers sans estre veus: car si les autres les eussent descouuers, c'est sans doute qu'ils les eussent iettez en fond, & tous tuëz, suivant l'ordonnance qu'ils ont des Generaux de la mer, par laquelle il leur est enioint que autant de gens estrangers qu'ils trouueront par leur coste, quels qu'ils soient, ils ayent à les tuer ou ietter en fond, s'ils n'ont passeport & congé des Gouverneurs des villes maritimes, qu'on a accoustumé de leur enuoyer demander eſtât encore bien auant en mer. Ceste loy & garde naualle fust establie à ce qu'on dit, pour cause des Iapponois, lesquels estaïs entrez en quelques ports, & se deguisant en Chinois, & parlant leur langue, leur ont fait beaucoup de brauade, comme il a esté dit & déclaré au liure precedent.

Ayant passé ce destroit, ils voguerent presque six lieuës par vne plage de fort belle veüë, & suivirent des nauires qui alloient deuant eux à voile, pensant bien qu'ils se deussent arrester en quelque port, où ils peussent ſçauoir en quelle part ils estoient, ce qu'ils desiroient grandement, & comme ils eurent nauigué deux lieuës ils attraignirent l'un des trois vaisseaux, & demandant par le trucheman aux gens de dedans en quel endroit ils estoient, ou quelle terre estoit celle qui se descouuroit, le chef d'iceux qui estoit dedans le nauire entra dedans le bateau qui alloit derriere la poupe, & vint à la fregate des Espagnols pour entendre mieux ce qu'ils demandoient, à cause qu'estant loin d'eux, il les auoit entendus seulement par signes. Ayant ouy leur demande, il leur fit responce qu'il estoit Chinois, & qu'il venoit de charger du sel de la ville de Chincheo, & alloit vendre à Canton, qui estoit si pres de là, & qu'il esperoit y estre au soir.

Comme il fut entré au nauire des Espagnols, & eut veu les Religieux & les autres qui estoient avec eux, sans les pouoir connoistre aux habits, ny au parler, il leur demanda qu'els ils estoient, & d'où ils venoient, & où ils alloient: & ayant ſceu qu'iceux estoient Castillans (desquels il auoit

ouy parler, & ſçauoit bien y en auoir aux Philippines: & entendant qu'ils venoient des Iſles, & s'en alloient à la Chine, en intention d'y preſcher, il leur demanda avec grande admiration, quel paſſepoit ils auoient pour entrer en la terre ferme, & comme il eut entendu qu'ils n'en auoient point; leur repliqua avec plus grande admiration, comment les auoir laiſſé paſſer les gardes & flottes du deſtroit ſuſmentionné, & les Eſpagnols luy ayant dit n'y auoir trouué aucun obſtacle il en fut fort eſtonné, & r'entrant dedans ſon bateau commence avec grande furie à s'eſcarter du nauire, & s'en fuir au ſien.

Les Eſpagnols le voyant partir, le prièrent de les vouloir guider vers la ville, ſurquoy bien qu'il leur fit ſigne qu'ainſi le feroit, craignant toutes fois la peine ſeuere du Royaume, qui eſt impoſée à celuy là qui introduit quelque eſtranger (comme nous auons deſia dit en la premiere partie de ceſte hiſtoire) & doutant pareillement que s'il entroit avec ce nauire; on ne luy miſt ſus de les auoir amenez: Pour ce regard arriuant à demie lieuë de la bouche du fleuue, il ouurit les voiles de ſon nauire; & ſe reiectant en mer s'eſcarta ſi loin du port que les Eſpagnols le perdirent de veü en peu de temps: de maniere que ſe voyans ſans aucun guide ils ſuiuient la meſme route, qu'auoit tenuë ce nauire auant qu'il ſinglaſt en mer, & pareillement les deux autres dont nous auons deſia parlé: & ſuiuant ainſi ce chemin, vn peu deuant Soleil couché deſcouurirent la bouche d'vn fleuue fort large, qui faiſoit deux bras ſi grands; que par l'vn & l'autre montoient & aualloient les nauires; & eſtimant que le bras gauche fuſt plus droit, & propre au vêt qu'ils auoient, ſe mirent dedans. Ayant nauigé vn quart de lieuë ils virent telle multitude de barques; qu'il ſembloit à voir vne grãde ville peuplee, leſquels les voyant approcher, & ne connoiſſant le voile; commencerent toutes à fuir avec vn auſſi grand bruit & eſmotion que ſi on leur euſt voulu mettre le feu ou bien les ietter en fônd. Les Eſpagnols les voyant troublez de la forte, & ſçachant qu'ils en eſtoient cauſe, ſe deſtournerent en arriere; & ſe mirent au milieu du fleuue, & calant les voiles, s'arreſterent & ietterent l'ancre, pour illec paſſer la nuit qui commençoit deſia à venir, ce qu'ils firent tout à leur aiſe, ſans qu'aucun approchaſt de leur frigate que de bien loin.

Le iour ensuyuant qui fut vn Dimanche²⁷. de Iuin, ils leuerent l'ancre & d'spoyant le trinquet allerent en montant par le mesme bras de riuiera, qui non loin de là alloit s'assembler avecque l'autre, auquel lieu il s'enfloit si gros qu'il sembloit à voir vne mer. Par ceste riuiera alloient montant & auallant force barques & plusieurs nauires, & comme les Espagnols demandoient à ceux de dedans si le port estoit encore loin, ils ne leur donnoient autre response qu'en se riant & se monstrant esmerueillez de les voir ainsi vestus. Ayant nauigué deux lieuës amont l'eau, ils descoururent vne tour fort haute & belle, sous laquelle estoit à l'abry vn grand nombre de nauires, deuers lesquels ils singlerent. Approchant pres de la tour ils virent vn grand quay, où estoient garrez les vaisseaux, & comme ils furent à la pointe, craignant qu'on ne leur tirast quelques pieces de canon, baissèrent les voiles selon la coustume des ports d'Espagne: toutesfois comme ils se furent arrestez là quelque temps sans appercevoir rien de nouveau ni de la tour ni des nauires, ils reguiderent les voiles, & allant trouuer lesdits vaisseaux se mirent entr'eux, & prirent fond attendant qu'on les vinst reconnoistre, ou leur demander quelque chose.

C H A P. I I I I.

*Les Religieux & leurs compagnons arriuerent à la ville de Canton, & prenant terre rendent graces à Dieu de voir l'accomplissement de leur desir. Vn Iuge les vient reni-
siter, & parlent avec luy longuement.*

LEs Espagnols voyant y auoir desia long temps qu'ils estoient surgis, & que personne ne venoit à eux, deslièrent la barque de leur fregate, & entrât dedans allerent à terre, auquel lieu se prosternant tous deuotement à genoux dirent le cantique **T E D E V M L A V D A M V S**, rendant grace à Dieu de les auoir sans pilote ny autre industrie humaine amenez miraculeusement au royaume de la Chine tant desiré de par eux. En apres ils commencerent à cheminer par l'oree du quay, à costé duquel estoient quelques petites maisonnettes, où l'on gardoit les esquipages des nauires, & cherchant la porte de la ville, là trouuerent en fin, apres auoir cheminé depuis le port, où ils s'estoient des-

barquez, le long de quatre portées d'arquebuse, estoit ladire porte grande & magnifique, & d'un fort & beau bastiment.

Ceux du lieu voyant comme ils s'estoyent mis à genoux descendant à terre, & que leur habits & façons de faire estoient différentes des leur, furent bien esmerueillez de les voir, ne sçachant quelles gens c'estoient, ne d'où ils venoyent, & s'assemblant en grand nombre se mirent à les suyure, pour voir ce qu'ils vouloient faire. Ceste multitude de peuple fut cause qu'ils entrerent dedans la ville, sans que les gardes de la porte leur fissent aucun empeschement; ni s'en apperceussent mesme, comme gens qui estoient troublez, & esmeus de voir vne si grande troupe & nouveauté de tant de peuple. Apres auoir vn peu cheminé par la rue, s'augmentant tousiours le monde qui les suiuoit ils s'arrestèrent au portail d'un grand logis où les Alcades de mer tenoyent ordinairement l'audience, & comme ils furent là assez longuement, les gardes de la porte entendant que tant de gens s'estoyent assemblez, pour voir des estrangers nouveaux venus, qui estoient entrez quand & eux dedans la ville, contre le commandement à eux fait sur tres grandes peines: ils accourent incontinent vers les Espagnols, ayant grand'peur qu'on s'apperceust de leur mesgarde, & leur mettant la main sur le collet les mirent hors de la porte. sans toutefois leur mal faire, leur disant qu'ils attendissent en ce lieu, tant qu'on eust esté aduertir le Gouverneur, & qu'il leur eust enuoyé la permission d'entrer.

Apres auoir esté long temps là où les gardes les auoyent mis, voici venir à eux vn Chinois, nommé Canguin, qui sçauoit parler Portugais, lequel connoissant à leur port & à leurs habits qu'ils estoient Chrestiens, approcha d'eux, & leur demanda en Portugais ce qu'ils cerchoyent. Les Espagnols luy respondirent qu'ils estoient venus au Royaume pour leur declarer le chemin du ciel, & leur donner à connoistre le vray Dieu createur du ciel & de la terre, & que pour communiquer de cela ils seroyent fort aises de parler au Gouverneur. Le Chinois leur amena à l'instant vn homme qui parloit fort bien Portugais, & estoit Chrestien; ensemble sa femme, & ses enfans (comme les Espagnols entendirent depuis) & nonobstant qu'ils fussent Chinois auoyent demeuré trois ans à Macon, qui est à vingt lieues de Canton, & illec vescu en la compagnie des Portu-

gais, lesquels sont là residens Si leur demanda ce que leur auoit demandé l'autre, à quoy ayant respondu de mesme, il leur repliqua quel pilote les auoit amenés à ce pais, sur quoi ils firent responce qu'ils n'auoyent point eu autre guide que la volonté de Dieu, pource que sans sçauoir comment, ny par où, apres auoir nauigé sur mer quelques iours, ils s'estoyent trouuez en ce lieu, qui estoit à ce qu'ils entendoient, la ville de Canton, de laquelle ils auoyent ouy dire de grandes choses. Le Chinois leur demanda derechef comment les auoit laissez passer la garde nauale, qui estoit au destroit susdit, à quoy ils lui respondirent qu'ils n'auoient veu aucune garde, ni personne qui leur eust empesché le passage. Le Chinois Chrestien fust bien estonné de ce propos, & estant esmeu d'un bon zele leur dit qu'ils s'en retournaissent à leur nauire, & n'en bougeassent, tant qu'il eust esté dire leur venuë aux Mandarins (qui est vne espeece de Iuges de mer) afin qu'ils en aduertissent le Gouverneur, pour sur ce faire ce qu'il luy plairoit ordonner.

Si s'en vont les Espagnols à leur nauire, où ils furent assez longuement, endurant vne grand' chaleur, & cependant virent entrer en vne maison proche de là, vn homme de grande autorité, porté dans vne chaire à bras, & accompagné de beaucoup de gens, lequel s'arresta en ce lieu, & enuoya querir les Religieux & Espagnols par quelques vns de sa suite. Deuant eux y en auoit vn qui portoit vn tablon plastré, contenant, à ce qu'ils entendirent depuis, le congé que le Gouverneur leur enuoyoit pour descendre à terre, sans lequel il n'est permis aux estrangers de desbarquer. Les Religieux obtemperant au commandement sortirent à l'instant du nauire, estans accompagnez de plus de gens qu'ils ne vouloient, s'estant amassé là tant de peuple pour les voir, que combien que les Alguazils du Iuge qui les auoient enuoyez querir, allassent deuant faisant place à force de coups de bastons, si demurerent ils longuement deuant que d'abborder au logis où estoit ledit Iuge. nonobstant qu'il y eust peu de chemin. En y arriuant, vn des Alguazils leur dit qu'ils se missent à genoux, ce qu'ils firent humblement, & sans contredit. Il estoit assis dedans vne chaire fort riche, & tenoit telle majesté qu'ils s'en esbahirent, & encore plus quand ils sceurent du Chinois Chrestien susnommé, que ce n'estoit ny le Gouverneur ny aucun des Iuges supérieurs. Il auoit vne grande robbe de soye, close depuis le haut

iusques en bas, avec des manches fort larges, & vne ceinture garnie de bossiettes d'or, & vn bonnet dessus la teste avec deux fanons pendans, comme ont les mitres des Euesques. Deuant luy estoit vne table avec du papier & de l'encre; & de costé, & d'autre deux rangees d'hommes, qui sembloient estre sa garde, combien qu'ils fussent sans armes. Ils auoient presque tous en main de longues cannes ou roseaux, gros de deux doigts, & larges de quatre, avec lesquels comme ils entendirent depuis, sont fustigez les delinquans dessus les cuisses, avec la cruauté qui a esté dite en la premiere partie de ceste histoire. Tous ceux là auoyent en teste vne sorte de morions de cuir noir avec des pennaches de plumes de paon, & certaines medailles de fonte qui sont les enseignes qu'ont accoustumé de porter par le Royaume les maistres executeurs de Iustice.

Siditle Iuge au trucheman qu'il leur demandast de quelle nation ils estoient, & ce qu'ils venoient chercher au pais, & qui les y auoit amenez: ce que leur ayant esté dit les Religieux respondirent qu'ils estoient tous Castilans, & vassaux de Dom Philippe, Roy d'Espagne. & qu'ils venoyent prescher le S. Euangile, & leur donner à connoistre le vray Dieu, createur du ciel & de la terre, afin que laissant l'adoration des Idoles, lesquelles n'auoyent point d'autre estre que celuy que leur donnoient les hommes qui les faisoient, ils l'adorassent & conneussent, receuant sa S. Loy declaree par la bouche de son fils vnique, & confirmee par signes du ciel, en l'obseruance de laquelle consistoit le salut des ames. Et quant à la veille du voyage, qui estoit le dernier point de la demande, ils respondirent qu'esauoit esté Dieu luy mesme, à la volonte duquel toutes creatures estoient suiettes, comme leur vray Createur. Tout cela, comme il apparut depuis, fut de guisé par le trucheman lequel ne tendoit à autre chose qu'à tirer quelque recompense des Espagnols, sedoutant bien qu'en interpretant fidelement leur response, le Iuge les expediroit incontinent ce qui seroit cause de n'auoir rié d'eux, relata audit Iuge ce qui lui sembloit mieux à son propos, craignant, comme il confessa depuis que s'il eust dit la response des Religieux, le Iuge ne l'eust trouuee odieuse, dont eust peu à eux & a luy s'ensuiure quelque inconuenient. En somme il respondit à ce Iuge que c'estoyent certains Religieux qui menoyent vne vie austere, & viuoyent en communauté à la façon de

ceux de la Chine, & que s'en allant de l'Isle Luffon à celle des Illoques par vn diuers temps qui leur estoit suruenu, leur nauires'estoit enfondié, & qu'ayant esté les gens de dedans tous presque noyez, ceux ci auoient eschappé par leur bonne diligence, & s'estoyent sauuez dedans ce petit vaisseau, qui alloit en la compagnie du grand sans pilote ni mariniers: qui estoient tous quasi morts, & qu'ayant fait voile au mieux qu'ils peurent, estant aydez de la seule necessité, & le laissant voguer à l'auanture ils estoient apres maints naufrages arriuez moyénât le vouloir du ciel à cestuy leur port dont ils ne sçauoient encore le nom. Là dessus le Iuge leur demanda où ils auoient pris ce Chinois qui estoit en leur compagnie, & leur seruoit de truchemân; sur quoy ils lui respondirent que l'ayant trouué à Luffon esclaue d'un Castillan qui l'auoit acheté, ils l'auoient mis en liberté: au moyen dequoy entendant comme ils vouloient aller à la Chine, d'où il estoit né & natif, il les auoit priez de l'emmener; ce qu'ils auroient fait de bon cœur, tant pour condescendre à sa volonté, que pource qu'ils auoient besoin de luy, pour leur seruir en ce cas. Tout cela fut falsifié par le trucheman susdit: craignant d'offenser le Iuge, s'il disoit qu'il auoit esté captif des Chrestiens, & lui dit que s'estant embarqué dans vn nauire de quelques marchans qui s'en alloient à Luffo, il s'estoit lui seul sauué, à nage, & abordé à vne Isle où il auoit esté esclaue par l'espace de huit ans; auquel lieu venant faire aigade le vaisseau des presens Religieux, il se seroit mis dedans sans sçauoir où ils alloient.

Or ces faulxetez controuuoit il, pour mieux paruenir à sa malice, & celer l'intention des Religieux, de laquelle il auoit desia esté imbeu & instruit deuant que le Iuge les eust mandez. Si leur demanda là dessus ledit Iuge, quelle chose ils auoient en leur petit nauire; & iceux luy respondirent y auoit seulement vne caisse, & deux liasses de liures, & des ornemens pour dire Messe. Cela fut déclaré fidelement par le trucheman, pource que l'experience s'en deuoit faire, & de fait cōmanda le Iuge qu'on alast promptement querir ladite caisse avec ornemens & les liures, & qu'on les lui apportast, ce qu'ayant esté effectué, il fit auant dire tout ce qu'il y auoit, & iceluy regardant particulièrement chaque chose, les trouuant toutes estranges & peregrines en son endroit, pour ne les auoir iamais veues,

monstroït par signes prendre grand plaisir à les voir, & spécialement les images: toutesfois ce qui plus luy agreea, fust vne pierre d'autel noire qui estoit si claire, & transparente, qu'on s'y voyoit comme en vn miroir, & l'auoyent les Religieux apportee du royaume de Mexique, où il y en a en abondance, & spécialement à Mechuacan.

Après l'auoir bien regardée, & pris garde qu'elle estoit sèche, & sans aucune apparence d'estre tombée en la mer, reslouenant que le trucheman auoit dit que le nauire des Religieux s'estoit enfondré par tourmente, & qu'iceux auoient eschappé à nage, se mettant dans ce petit vaisseau qui les auoit amenez, & coniecturant y auoir de la menterie, leur repliqua, & dit que si ce qu'ils disoient estoit vray, comment n'auoient point esté mouillez leurs liures & autres choses; adioustant que s'il y auoit de la menterie en ce fait, comme il leur prouuoit apertement, il croyoit aussi y en auoir en tout le reste. Le truchemân craignant que la faulseté ne se descourrist par cest argument: par la vn peu avec les Religieux, leur faisant des demandes & des responses bien différentes de ce que le Iuge luy demandoit, puis incontinent avec vne subtilité estrange respondit à la difficulté par luy proposée, disant que comme les marchâds voyâr le nauire estre en danger de naufrage auoient sauné premierement leurs marchandises plus précieuses sans se soucier des autres qui estoient moindres, aussi que lesdits Religieux auoient mis toute diligence à garder leurs liures & ornemens, qui estoient tout leur thresor, & que nonobstant leur deuoir ils en auoient perdu beaucoup d'autres. Toutes ces mengeries furent sceuës des Religieux long temps apres.

A l'instant le Iuge leur demanda s'ils n'auoient point d'armes en leur nauires: & ils respondirent qu'ils n'estoyent pas hommes qui en portassent ni en peussent porter selon leur vacacion, pourcee qu'ils estoyent Religieux qui faisoient profession de choses contraires aux armes promettans à Dieu perpetuelle pauureté & chasteté, & continuelle obediencia à leurs Prelats & superieurs. Là dessus le Iuge leur demanda derechef, comment donc n'ayant point d'argent, ils pouuoient viure & s'entretenir d'habits, & acheter ces liures & ces ornemens; & ils respondirent que les Chrestiens & bonnes gens leur donnoient ces choses par aumosnes pour l'amour de Dieu, auquel ils seruoient

afin qu'ils priaſſent pour eux, & pour le ſalut de leurs ames, Le Iuge ſ'elmerueilla d'ouyr telle choſe, qui luy fut declarée fidelement par le trucheman, & monſtra par apparence auoir cōpaſſion d'eux, encore qu'il n'adiouſtaſt entiere foy à ce qu'il auoit entendu. Si leur dit qu'il vouloit aller à leur nauire, pour voir s'ils n'auoient point d'armes, ni de marchandises, ni pareillent or & argent, comme ils diſoient: ce qu'il effectua à l'inſtant, commandant à ceux qui le portoiēt de le mener ſur le port, & faiſant marcher les Religieux à coſté de la chaire à bras, apres leſquels ſuiuoient les gens de ſa ſuite, & vne infinité de peuple qui s'eſtoit là amallé pour voir examiner les eſtrangers.

Eſtant entré dedans la fregate, il ſe tint aſſis en ſa chaire, & alors commencerent ſes officiers à cercher par tout deſſus, & deſſous, & ne trouuant qu'un peu de riz, qui leur eſtoit reſté du voyage, le vont dire au Iuge, lequel ſur ce point entendant les Eſpagnols, dit tout haut en la preſence de ceux du vaiſſeau qui l'ouïrent tous: Certainement ceux ci diſent vray, & me ſemblent eſtre bonnes gens ſans ſuſpection, & eſt credible qu'ils ſoient de la ſorte & maniere de nos Religieux, leur eſtant conformes en habits, & en cheueux & en barbe. En apres il ſe mit à leur faire quelques demâdes plus de curioſité que de ſouſpon, auſquelles comme ils reſpondoient en leuant les yeux au ciel, pour les propos des choſes diuines, ils apperceuoierēt que le Iuge eſtoit fort aïſe de cela, luy eſtint aduis que puis qu'ils regardoient tant le ciel, c'eſtoit ſigne qu'ils le tenoient Dieu, comme ils font entre eux Chinois. Apres cela le Iuge ſortit du nauire, & cōmanda aux Religieux, & compagnons de ne bouger, leur laiſſant pour garde quelques vns de ſes Officiers, auſquels il enioignit de demeurer au bord de la mer; & aupres de la fregate, plus pour engarder que ne leur fut fait tort, que pour mauuiſe ſuſpection qu'il euſt d'eux.

Le peuple qui vint tout le long du iour à la plage voir les Eſpagnols dans leur fregate, aſſuoiēt en ſi grand nombre qu'ils ſ'ebaïſſoient d'en tant voir, ſe reſiouïſſant touteſois ces ames qu'ils auoient eſperance de baptiſer quand il plairoit à N. Dieu leur donner l'occaſion. Le lendemain du matin ils virent venir deuers eux un autre de ſes Mandarins, accompagné d'une grand' ſuite, & autant preſque de maieſté que celui du iour precedent, lequel eſtant entré en la fregate la fit fouïller deſſus & deſſous, pour voir s'ils n'auoyent

aucunes armes ou marchandises & ne se trouuant autre chose que les liures & ornemens susmentionnez, il se les fit apporter & les regarda avec grande curiosité tout piece à piece, monstrant estre espris d'admiration, & prendre grand contentement à voir les liures & images, & sur tout la pierre d'autel dessusdite, Si commanda à l'un des Religieux de lire en l'un de ses liures, puis apres d'escrire: ce qu'ayant esté par luy fait en grande agilité & promptitude, le Iuge en fut fort content, & alors leur demanda si avec ces caracteres on pouuoit escrire en vn autre langue que la leur. Les Religieux luy respondirent que l'on s'en pouuoit seruir en toutes langues, & pour en faire l'experience escriuirent dessus du papier quelque chose en langue Chinoise; ce qui occasionna le Iuge à s'estonner, & dire en se tournant vers quelques vn qui estoient avec luy; *Ces hommes ne sont point barbares, ny de peu d'esprit en ce que j'en voy: A tant sortir il du nauire, & alla trouuer le Gouverneur, qui l'auoit enuoyé pour luy raconter tout ce qu'il auoit veu & entendu en la uisitation des Espagnols lequel leur enuoya incontinent en vn tablon le congé de descendre à terre, & entrer librement dedans la ville.*

CHAP. IIII.

Les Espagnols descendent de leur fregate, & voyent la ville, auquel lieu ils disent Messe au logis d'un Chinois Chrestien

Si tost qu'ils eurent ledit congé, ils sortirent de leur fregate, & entrant par la porte de la ville, non toutesfois sans grande peine, à cause des gens qui abordoyent à la foule pour les voir, comme chose nouuelle, s'en allerent au logis du Chinois Chrestien, qui auoit esté trucheman, lequel leur fit bonne chere, & leur donna à entendre qu'il auoit dit tout ce qu'ils luy auoyent commandé, s'offrant à eux d'abondant de faire en sorte avec les Iuges, qu'ils peussent obtenir congé du Gouverneur pour demeurer au pais, & auoir vne maison pour les loger. Toutesfois il les aduertit qu'ils ne parlaissent point encor du Chrestienement des Chinois iusques à tant qu'ils fussent conneus & sceussent la langue, pource que lors ce seroit chose aisée à faire.

Or ces promesses; ensemble les falsifications qu'il auois

controuues deuant le Iuge en l'inquisition des Espagnols, ne tendoient elles à autre fin, comme il apperceurent avec le temps, que pour le faire trouuer bon aux Religieux, & par ce moyen tirer d'eux quelque piece d'argent, estimant ne se pouoir faire qu'ils n'en eussent beaucoup, venât d'un riche païs qui est abondant en or, & pour un affaire de tant d'importance, qui les deuoit retenir long temps. Et de vray suiuant ce qui a esté dit, & ce que mesme les Espagnols entendirent depuis plus amplement, si ce trucheman eust fidelement déclaré au Iuge ce que disoient les Religieux, c'est sans doute qu'on ne leur eust iamais permis de débarquer, où qu'ils eussent esté mis en prison pour auoir entré sans congé, ou à tout le moins les eust on fait retourner incontinent par où ils estoient venus, auquel lieu les gardes de ce passage que nous auons dit les eussent iettez tous en fond, & noyez de males eaux ou secrettement ou publiquement, comme gens qui se tenoient fort offensez d'eux, à cause que l'Aytaa (qui est comme nous auons dict en la premiere partie President du conseil de guerre) ayant sceu que les Espagnols auoient passé par l'armée sans estre veus, dont ils furent tous bien esmerueillez, fit faire vne secrette information de ce bruit, & le trouuant veritable condamna les Capitaines à perpetuelle prison, après les auoir fait sustiger cruellement, & confisquer tous leurs biens: au moyen dequoy tous leurs parens, & les autres gardes estoient grandement indignez à l'encontre des Espagnols, & s'en fussent vengez facilement, s'ils n'eussent craint la Iustice, laquelle est aussi seueré en ce Royaume, qu'en toute autre part du monde. Estant donc les Espagnols au logis de cedit Chinois Chrestien, ils y prirent leur repas ce iour là, & plusieurs autres apres, s'en retournant tous les soirs coucher dedans leur fregaté, d'autant qu'ils n'osoyent laisser leurs hardes seules, ny coucher ailleurs, pour leur auoir esté ainsi commandé par l'un des Iuges.

Quatre iours apres qu'ils furent entrez, vint la feste S. Iean Baptiste, auquel iour ayant bonne affection de dire Messe, ils accommoderent un autel en vne des chambres dudit Chinois, & preparerent des hosties, & autres choses requises pour la celebration; ce que se faisant facilement, l'un des Religieux chanta & communia les autres: qui fut à eux tous vne tresgrande consolation spirituelle & corporelle, & leur donna nouuelle force & augmentation de courage, pour

surmonter tous les trauxaux qui leur pourroient suruenir iusques à entiere execution de ce qu'ils desiroient.

CHAP. V.

Les Espagnols sont mandez de la part d'un Iuge, qui les examine, & escriit au Viceroy en leur faueur, Le Viceroy enuoye commission à l'Aytaa pour examiner leur cause: Et cependant le Capitaine maje de Macao les accuse pour espies, avec ce qui s'en ensuit.

LE mesme iour saint Iean Baptiste, apres qu'ils eurent dit Messe, ils furent mandez de par vn Iuge de plus grande autorité que les autres à ce qu'ils entendirent depuis, & estant venus là où il estoit tenant audience, les Officiers leur commanderent de s'agenouiller si tost qu'ils eurent la veüe du Iuge, ce qui fut fort grief aux Religieux.

Si leur fit pareille demande que les autres Iuges: à quoy ils luy respondirent en somme, qu'ils venoient prescher l'Euangile, & que pour ce faire ils les prioient de leur donner permission de demeurer en icelle vile de Canton, afin d'apprendre la langue, & leur pouuoir donner à connoistre le vray sentier & chemin du ciel. Le trucheman falsifia ces paroles, cōme il auoit fait deuant les autres Iuges, & dit seulement puisque l'auanture & le mauuais temps les auoit iettez à ce port, ils desiroient viure avec eux, encore qu'ils leur deussent seruir d'esclaues; attendu que ja soit qu'ils eussent bonne enuie de retourner à l'isle de Luso, ou biẽ à Manille, ils ne pourroient toutefois y paruenir, pour ne sçauoir pas le chemin, & n'auoit aucun pilote à les conduire. Le iuge eut compassion d'eux, & dit qu'ils luy apportassent les choses qu'ils auoient en leur fregate pour les voir, entre lesquelles ce qui luy sembla plus admirable, furent les imprimés des liures, & l'autel de laspe noir, dont nous auons fait ia mention. Si requit les Espagnols qu'ils luy donnassent deux de ces liures imprimez, ce que luy ayant accordé, il monstra estre fort aise du don, comme de chose non vstee par de là. En apres il parla à eux amiablement, & les fit leuer de terre où ils estoient à genoux, & en signe de plus grand honneur leur fit boire en sa presence d'un certain breuuage fait de quelques herbes & fort vsté entr'eux, encore qu'il n'ayent

pas soif, comme le tenant trefbon & salutaire poud le cœur, ce que les Chinois presens repouterent à tref grande faueur. Ce Iuge entendit plus de chose de l'intention des Espagnols, que nul des autres precedens, luy ayant dit le trucheman qu'ils auoyent affection de demeurer au pays pour solliciter les malades & y enterrer les morts, l'un & l'autre desquels offices ils scauoient faire pour excellenc. Le Iuge oyant ces paroles donna vn grand coup de la main dessus la table qu'il auoit là deuant luy, & avec grans signes d'admiration dit aux autres Iuges presens selon que le trucheman leur raconta par apies : *O que voila de bonnes gens à les voir, ie seroy tres-aise de leur accorder ce qu'ils demandent, si ie le pouuois faire de ma propre auctorité, mais nous auons des loix contraires qui nous le prohibent & defendent estroittement.*

Sur ce fait voici entrer à l'audience vn Chinois homme commun, estant tout en sang, & criant tant qu'il pouuoit, lequel se prosternant deuant le Iuge se plaint à luy d'autres Chinois, avec qui ayant querelle il auoit esté battu d'eux à coups de poings, & excédé de la sorte. Le Iuge commanda à ses officiers d'aller querir les delinquans, ce qu'ils firent en diligence, & emmenerent trois Chinois liez par les bras, lesquels estoient à les voir gens de basse condition. Si fit ledit Iuge en sommaire information du fait, & sans autre forme de procesz les condamna sur le champ à auoir chacun vingt coups de fouët. Incotinēt les bourreaux les empoignent à belles mains, & d'une cruauté diabolique les estendent par terre le ventre dessus, pour executer la sentence du Iuge & leur ayant osté les chausses se mettent à les fustiger par les cuisses avec les fouëts de roseau, dont nous auons parlé ailleurs. Les Religieux qui estoient presens à ce spectacle esmeus de grande pitié & compassion se iettent aux pieds du Iuge, & le requierent par signes pour l'amour de Dieu, que le supplice ne passast outre : & le Iuge condescendant benigneement à leur requeste, commanda aux bourreaux de cesser, & pardonna aux delinquans quinze coups de fouët restans de vingt coups, ausquels ils les auoit condamnés. Ce Iuge s'esbahissoit fort de voir la pauuereté des Religieux, & l'habit austere qu'ils portoient; mais ce qui le fit encore estonner sur toute chose, fut quād il entendit qu'ils estoient passez par la flote du destroit sans auoir esté veus aucunement, luy semblant estre impossible que cela cust peu aduenir sans la volonté du ciel. Ayant a-

cheué ce propos & examen, il les renuoya au nauire, leur promettant d'escrire de leur fait au Viceroy, qui estoit à trente lieües de là, & luy mander comme estoient gens sans soupçon ausquels il pouuoit donner licence de l'aller voir, & que moyennant ce sien aduis, le Viceroy luy mäderoit s'ils deüoient y aller ou demeurer. Peu de iours apres ils sceurent que ce Iuge auoit tenu sa promesse & que le Viceroy en auoit commis l'affaire à l'Aytaa, auquel appartient de connoistre du fait des estrangers, disant par sa commission ce qui ensuit. *On m'a escrit de Canton, que sont arrivez quelques hommes vestus fort austierement à la façon Es maniere de nos Hermites Religieux, & qu'ils n'ont point d'armes ny autre chose, qui monstre y auoir en eux quelque mauuaise intention. Puis que c'est le deu de vostre charge de regarder à ce fait, examinez les en diligence, & y pouuoyez comme vous verrez bon estre, nous faisant de tous fidele & ample rapport*

Ce mesme iour de saint Iean, estant les Espagnols tranquilles d'esprit, & tout ioyeux d'auoir communiqué celle iournee, ils virent venir deuers eux en leurs fregate les truchemans, qui leur declarerent appertement leur vilanie & auarice, disant qu'ils pouuoient desia bien voir ce qu'ils auoient fait pour eux, & en quel darger ils s'estoient mis pour l'amour d'eux: partant que c'estoit raison qu'ils fussent recompensez de leus peines, autrement qu'ils ne leur aideroient plus en rien, & ne se mesleroiert plus de leur affaire; les aduisant qu'au defaut d'eux ils ne trouuoient par homme qui s'y employast si diligemment ni de telle affection, comme ils verroient par experience: adioustant qu'ils auoient esté cause dequoy on ne les auoit mis en prison, pour estre entrez au Royaume sans congé, ou pour vser enuers eux de plus grande grace, qu'on ne les auoit fait retourner par où ils estoient venus, en fin dequoy les Iuges les traïtoient si amiablement comme ils faisoient. Le P. Gardien voyant que l'intention des truchemans estoit totalement fondee sur le lucre, & considerant la necessité qu'ils auoient d'eux & que s'ils ne les contentoient, à peine trouueroient ils qui les vouleust aider en ce besoin, il eut recours au dernier remede, & leur bailla pour gage de leurs salaires l'un des deux Calices qu'ils auoient, leur enchargeant de le tenir & garder comme chose consacree & dedice à receuoir le precieux sang de IESVS CHRIST. Le principal trucheman le prit à l'instant fort volontiers,

& luy trouuant maistre le vendit le plus qu'il peust à des orfeuures, pour le fondre & en faire des ouurages de leur estat. Non content de cela, & croyant que les Religieux auoyent apporté beaucoup de richesses, il tascha par belles paroles de sçauoir d'une ieune garçon Chinois, qui leur seruoit de trucheman, s'ils n'auoient point d'or ou d'argent ou de prieries, ou autres choses de valeur; & comme il eust entendu qu'ils n'auoient autre richesses que les liures & ornemens à dire Messe, il se proposa d'inuenter quelque moyen pour attraper l'autre Calice qu'il auoit veu, & pour mieux conduire l'affaire alla reuoir les Religieux, & leur tint les mesmes termes que dessus, adioustant autres raisons & paroles, & leur affermant qu'à les nourrir & traicter chez luy il auoit despensé douze Taës, reuenans à douze ducats de Castille, plus que ne pesoit le Calice qu'il luy auoient baillé, ia soit que lors qu'il les traittoit il leur donnast à entendre qu'il le faisoit pour l'amour de Dieu, & par aumosne, à quoy il se monstrois tant affectonné, que voyant par fois que les Espagnols ne vouloient manger de choses exquisés, & se contentoient de petites viandes, il les exhortoit de faire hardiment bonne chere, & sans eux challoir de rien, leur disant que quand son bien viendrait à faillir, il engageroit son propre enfant.

Voyant donc apertement le Gardien qu'il taschoit à tirer de luy l'autre Calice, il luy fit responce qu'ils n'auoient que luy donner pour l'heure, & que tant pour leur viure & nourriture, que pour la peine qu'il auoit prise, ils luy auoient baillé en gage ce qu'il leur auoit demandé. Le trucheman repliqua que s'ils n'auoient que luy donner ils en trouuaissent puis que c'estoit despesne de bouche, estant la coustume du païs, que quand vn homme deuoit quelque chose & n'auoit de quoy payer, il vendoit ses enfans, ou se faisoit esclau au creancier; partant qu'ils luy donnassent l'autre Calice qui restoit, attendu que celui qu'il luy auoit baillé ne pesoit pas plus de seize taës, ce qui ne suffisoit pas pour le payer seulement de sa peine de trucheman. Le P. Gardien l'appaisa le mieux qu'il peust, & luy promit de le contenter entierement quand il en auroit le moyen, ce qu'il s'efforceroit de faire; le priant cependant de garder en toute reuerence le Calice qu'ils luy auoient baillé en gage, comme chose qu'ils estimoient fort, & plus pour estre sacrée & dédiée au diuin seruice, que pour son prix & valeur; luy disant en outre qu'il escriuoit

criroit aux Portugais de Macao touchant leur nécessité, & les priroit de leur faire quelque aumosne, & tout ce qu'ils luy enuoyeroient fut peu où prou, ils luy bailleroient. Le trucheman qui auoit seulement les yeux à son profit particulier, luy dit qu'il se despechast donc d'escrire, & qu'il luy trouueroit vn messager pour porter la lettre, & en apporter responce, comme auoit fait peu de iours auparauant d'une autre misse.

Or auoit ledit Gardien escrit à l'Euesque de Macao, luy faisant entendre, comme luy & ses cōpagnons estoient arrivez à Canton, pour procurer d'auoir congé d'y prescher le S. Euangile, & conuertir ces Idolatres : à quoy l'Euesque auoit fait responce qu'il louïoit grandement l'intention des Religieux, les exhortant des saintes paroles à effectuer vn si bon œuvre, & les priant par mesme moyen de luy enuoyer la coppie des bulles, qu'ils auoyent de N. S. P. le Pape touchant ce fait, pour y obeïr de sa part, & faire ce qui seroit de sa charge, luy ayant esté tout ce pais là iusques au Iappon, particulièrement recommandé de sa Sainteté. A ceste responce auoit respondu ledit P. Gardien, disant que quand il auroit l'opportunité il obeïroit à ses cōmandemens, & luy monstreroit l'octroy qu'il auoit, & qu'il yroit vers luy en personne luy baïser les mains, & satisfaire aux habitans de par de là, lesquels, à ce qu'ils auoyent entendu les auoyent scandalisez, & fait bruire d'eux qu'ils estoient des vagabons, & gens perdus, & non vray Prestres ni Religieux, & que mesmes ils auoyent prié des Chinois, qui estoient arrivez pour lors à Macaos, que quand ils retourneroyent à Canton ils disent aux Iuges qu'ils prissent bien garde à des Castillans, qu'ils sçauoyent bien estre en leur ville s'assurant qu'ils n'estoyent de leur nation, mais d'autre pais, & sujets d'un autre Roy : lesquels ils croyoyent estre allez là à mauuaise intention, & en habit deguisé, comme espions des Castillans qui estoient en l'isle Lussou, & qu'ils se doutoyent qu'apres eux ne deust aller vne armee pour leur faire dommage en quelque part ; au moyen dequoy il leur conseilloit d'y prouuoïr à temps, afin que si quelque chose leur suruenoit, ils n'en missent la coulpe sur eux.

Tout cela faisoient les Portugais, comme l'on sceut bien depuis, de peur qu'ils auoyent que les Castillans ne leur ostassent le trafic, & gain qu'ils faisoient en la ville de Canton, & pour ceste cause ils poursuyrirent si auant leur

entreprife, que les Chinois luy certifierent que le Capitaine maje de Macao y mis par le Roy de Portugal auoit enuoyé aduis à vn autre ville proche de Canton, aduertissant les Iuges de ce que dessus, & leur prorestant que s'il venoit quelque inconuenient au pais pour auoir admis les Castillans, ils ne leur fust imputé. Mais le Iuge de Cāton connoissant le mauuais dessein du Capitaine, & voyant que l'accusation venoit plus d'euuie que de verité, fit response qu'il s'estoit particulièrement informé des Religieux qu'ils accusoient, & que s'estoient hommes ou il n'y auoit cause de craindre, ni auoir aucun soupçon d'eux, comme il s'est vcu manifestement quand on visita leur fregate, où furent seulement trouuez quelques liures & autres choses qui estoient plus indices de deuotion, que d'intention d'esmouuoir guerre. Ce Iuge nonobstant telle response, retint deuers luy l'aduis dudit Capitaine, afin qu'il ne luy peust susciter aucun chose, & l'enuoya fort soigneusement au Viceroy de la prouince d'Aucheo pour le voir: lequel comme il eust facilement colligé par iceluy l'intention de celuy qui le donnoit, & entendu l'innocence des accusez, manda au Gouverneur de Canton qu'il leur fist bon traitement, sans permettre que leur fust fait desplaisir, & qu'il les lui enuoyast à Aucheo, pource qu'il les vouloit voir à cause qu'on luy auoit dit qu'ils auoient apparence d'estre saints gens, & qu'ils portoient vn habit, lequel bien qu'il fust de mesme façon que celuy des Religieux Augustins lesquels il auoit desia veus, estoit toutesfois d'une autre couleur & plus austere. Le Capitaine maje voyant que son dessein ne reüssoit pas bien avec les Iuges de la Chine, fit crier publiquement à Macao, que personne n'eust à leur escrire, ni auoir aucune communication avec eux, sur peine de banissement, & de deux mille ducats. Mais tout cela ne peut iamais refroidir la ferueur de quelques vns qui estoient affectionnez à l'ordre de S. François, ains les incita d'auantage à leur bien faire, voyant qu'ils estoient en necessité, & spécialement l'Euesque les aida de ses facultez, & vn seculier homme d'honneur, appelé André Cotin, l'esquels ne se soucians du cy qui auoit esté fait, leur escriuirent par plusieurs fois, combien que ce fust secrettement, accompagnant leurs lettres d'aumosnes, & les exhortant à poursuiure & continuer tousiours leur saint zele. Outre cela vn Castillan nommé Pedre Quintero, qui auoit demeuré beaucoup d'annees a-

neque les Portugais, leur enuoya à toutes les fois que s'en presenta l'occasion, beaucoup de presens, & de missiues sans inscription, afin que si d'aduenture on les trouuoit, elles ne luy peussent point nuire.

Reuenant donc à nostre propos, le trucheman ayant enuie d'estre payé de ce qu'il disoit auoir despensé, leur presenta le messager par luy promis pour aller à Macao, & porter les lettres à leurs deuors & autres amis, par lesquelles les supplioiét de leur faire quelques aumosnes pour payer le trucheman, les priât aussi pour l'amour de Dieu de leur enuoyer de l'argent pour desgager leur Calice, ne sçachant encore qu'il fust deffait. Si alla ce messager secrettement & en diligence, & au retour apporta ce qu'ils auoient demandé, avec plusieurs honnestes presens, lesquels vindrent bien à point, à cause que l'un des Religieux nommé F. Sebastian de S. Francisque, estoit fort malade d'une fièvre de laquelle en peu de iours il deceda sainctement, ayant un tres grand desir de souffrir martyre pour le nom de I E S U S C H R I S T. Quand ce messager fut de retour, l'Ayao qui est Iuge des estrangers, & auoir ainsi que dit est, la commission d'examiner les Religieux, s'en alloit les trouuer pour c'est effet en la frigate, & estoit desia hors de la ville: lequel apres les auoir examinéz particulièrement, commanda qu'ils fussent traitez en toute faueur & courtoisie, comme luy auoit enchargé le Viceroy d'Aucheo.

C H A P. VI.

Les Religieux se voyant en necessité, demandent l'aumosne par les rues, le Gouverneur le sçait qui leur fait bailler des viures au despens du Roy. Le trucheman continué en son auarice se tromperie. Ils sont mandez deuant les Iuges de la ville, lesquels traitent avec eux de quelques choses, puis aduisent de tout le Viceroy, lequel leur mande de les luy enuoyer à Aucheo.

LEs Religieux ne se voulans plus voir en danger avec le trucheman comme ils auoient fait, n'alloient plus manger en sa maison, mais pour donner bon exemple à ceux de la ville, alloient tous les iours deux à deux demander l'aumosne, laquelle leur estoit donnee par ces infideles tres volontiers & de bon cœur, comme estant chose

nouvelle en cestuy Royaume de voir demander l'aumosne, à raison qu'il n'y a point de pauvres, & que quand bien il y en auoit, il ne leur permettoient aucunement d'aller par les rues, & par les temples, comme nous auons dit ailleurs. Le Gouverneur sçachant que les Religieux demandoient l'aumosne, & que c'estoit par necessité & faute d'autre moyen pour s'en nourrir, leur fit bailler tous les iours leur viure aux despens du Roy en telle abondance; qu'avec ce qu'ils nourrissoient les soldats qui estoient de leur compagnie, il leur en demouroit encore de restz, leur estant baillé leur viure en deniers qui estoient six masas ou masas d'argent, dont ils auoient tousiours de restz, pour le bon marché qui est par tout le païs, comme nous auons dit en plusieurs endroits.

Voyant donc le tiucheman comme les Religieux auoient receu des aumosnes de Macao, & sçachant qu'un de leurs deuots enuoyoit secrettement vne cedula, par laquelle il promettoit de payer toute la despense qu'ils feroient en ce besoin & necessité, avec vne lettre adressante au P. Gardien, par laquelle il l'exhortoit luy & les autres à poursuivre la sainte entreprise que Dieu leur auoit inspirée au cœur pour la saluation de ces ames, commence à imaginer qu'il falloit pour son profit retarder le partement des Religieux, d'autant qu'il leur retenoit tous les iours la moitié de l'argent qu'ils luy donnoient pour acheter leur ordinaire. Partant ils'en vint vn iour bien esmeu, leur feignant que l'Ay-tao auoit commandé qu'ils fussent mis hors du Royaume, & leur disant pour les consoler qu'il feroit vne requeste en leur nom par laquelle ils suppleroient, qu'attendu que le tēps n'estoit commode pour nauiger, ni les vaisseaux prest pour ce faire, vn logis leur fut deputé pour quelques trois ou quatre mois, pendant lesquels ils se pourroient preparer de tout ce qui seroit necessaire pour le voyage, & comme on verroit durant ce temps que leur maniere de viure seroit bonne, & exemplaire, on les lairroit demeurer librement au païs, & pourroient apprendre la langue, & commencer à y prescher. tout cela leur disoit il cauteleusement, & pour tirer d'eux ce qu'il preterroit; sçachant bien que l'Ay-tao luy auoit enioint de leur dire qu'ils ne pouuoient pas demeurer au païs comme ils pretendoient, à cause d'une de leurs loix qui le prohiboit formellement s'ils n'auoient permission du Roy, laquelle deniroit plustost aux Espagnols &

Portugais, qu'à aucuns autres, y ayant entre eux vne prophétie venuë de la bouche du Demon, & tenuë entr'eux pour tres certaine, pour s'estre verifiée plusieurs autres choses, qui furent de par lui predites, par laquelle il leur annonça, *Qu'un temps viendroit qu'ils seroient subietz à des hommes qui auroient beaucoup de barbe, & de longs nez aquilins, & de grans yeux semblables à ceux de chat: enquoy ils sont differens des Chinois, entre lesquels à peine y en a vn qui aye plus de vingt poils au menton, & si ont tous les nez camus, & de petits yeux: & pour ceste cause quand veulent offenser quel qu'un, & lui dire vne grande iniure, ils ont coustume de l'appeler (yeux de chat.)*

Comme donc les Religieux ne desiroient autre chose que demeurer, pour mettre à effect leur bon zele, ils remercièrent le trucheman de la courtoisie qu'il leur faisoit, & le prièrent instamment de presenter la requeste, afin que par ce moyen leur desir fust entendu, & la cause de Dieu iustifiée lequel vouloit entrer chez eux par la porte de la predication. Il presenta leur requeste, estant tous les Iuges assemblez, lesquels eurent grand compassion des Religieux; & commanderent qu'on les fist venir deuant eux, ayant eue de les voir, & entendre appertement leur volonté. Si y allerent le Religieux avec grand' ioye, & ainsi qu'ils entroient dedans la sale, vn des Iuges qui estoit le plus grand de tous, & personnage d'autorité, leur demanda par l'entremise du trucheman, quelle estoit leur intention à demander vn logis pour y demeurer. Le P. Gardien respondit que c'estoit pour bien apprendre la langue moyennant laquelle ils leur peussent donner la connoissance du vray Dieu, & les adresser au chemin pour aller viure avec lui suivant l'office qu'ils en tenoyent, & la promesse qu'ils auoient faite. Tout cela fut relaté de la sorte par le trucheman qui leur souloit estre peu fidele, ainsi qu'il a esté veu: à quoy respondit le Iuge au nom de tous ses collegues que leur demande estoit illicite; & ne pouuoient leur octroyer. Le trucheman oyant cela, & sans attendre ce qu'ils diroyent le Religieux repliqua, & dit qu'à tout le moins il leur donnassent permission de seiourner là tant que viussent les Portugais, qui y deuoyent estre en bref pour y charger des marchandises, & qu'ils s'en iroyent quand & eux, estant tous d'une mesme loy. Là dessus le Iuge leur demanda si les Portugais & Castillans estoient tous vn: à quoy le P. Gardien respondit

qu'en fait de creance & religion ils ne differoyent en rien, mais qu'ils estoient vassaux de Princes diuers, bien qu'ils fussent tous deux parens fort proches. Ceste derniere petition sembla au Iuge plus equitable que la premiere, & qui leur pouuoit estre condee avec moins de difficulté: toutefois il fit responce qu'il ne pouuoit pas en resoudre, mais qu'il escriroit au Viceroy d'y condescendre, puis que les Portugais pour le plus tard deuoient venir dedans quatre ou cinq mois, pendant lequel temps on feroit en sorte qu'ils peussent aller librement par tout où ils voudroient, & sans que personne leur fit ennuy.

Le lendemain, qui fut le 2. iour d'Aoust, le Iuge tint sa promesse, enuoyant la petition au Viceroy, avec aduis sur icelle, tant de luy, que des autres Iuges. La responce tarda beaucoup à venir, & en fin arriva le mandement du Viceroy au Gouverneur de Canton, par lequel il luy escriuoit qu'il enuoyast les Religieux à la ville d'Aucheo où il estoit, & qu'ils portassent tout ce qu'ils auoient apporté quand & eux, sçauoir est les liures & ornemens. Le Iuge ayant receu ce mandement les en aduertit aussi tost, afin qu'ils s'aprestassent pour le voyage, ce qu'ils firent ioyeusement & en diligence, comme il se dira au chapitre qui ensuis.

C H A P. VII.

Les Religieux vont à Aucheo : & icy est raconté ce qu'ils virent, & rencontrèrent par le chemin.

LE lendemain, qui fut le seizeiesme d'Aoust, les Religieux partent incontinent de Canton pour aller à Aucheo voir le Viceroy, ayant bien bonne esperance d'obtenir de lui la permission qu'ils pretendoyent, & voulant laisser au partir deux Indiens pour prendre garde à leur fregate, les Iuges qui estoient presens leur dirent qu'il n'en estoit point de besoin, & qu'ils la feroient garder eux mesmes : pour ceste occasion firent attacher avec de la colle certains cartels en papier sur les escoutilles du nauire, lesquels ne se pouuoient oster, sans que l'on s'en apperceust. Apres cela ils firent amener pour les Religieux quatre bonnes barques larges, garnies de belles galleries & jalousies, & les

faisant embarquer dedans, leur enchargerent d'aller en toute diligence accomplir le mandement du Viceroy, enuoyant avec eux pour les guider, & leur faire bailler ce qui leur seroit necessaire, des gens idoines & d'autorité.

Si nauigerent tousiours par vn grand fleuve amont l'eau, où ils virent des choses fort notables par l'espace de quatre iours. que le voyage dura. Le long du riuage, il y auoit de part, & d'autre tant de villes & grosses citez, qu'ils ne les peurent conter, tant pour le grand nombre, que pource qu'ils cheminoyent de nuit le plus du temps, afin de fuire la marce, & fuir la grand' chaleur qu'il faisoit de iour sur l'eau. Les autres bors, & riuages, qui ne se voyoyent point peuplez, estoient toutes terres ensemencees, où ils virent labourer plusieurs buffes d'une autre mode qu'en Castille, d'autant qu'un buffe tiroit la charuë tout seul, & laboureroit, estant mené par vn homme qui estoit monté dessus, & le conduisoit facilement là où il vouloit, avec vn licollié à vn anneau, qui lui passoit par les naseaux, & seruoit de bride. Ils virent aussi plus de vingt mille troupes d'oyes, qui espluchoient les mauuaises herbes, qui se procreent parmi le riz, & les autres grains & semences, estant la coustume du Royaume de les mener ainsi par troupes paistre emmy les champs, & semailles; ce qu'elles font de telle sorte qu'il semble y auoir en elles quelque vsage de raison, sçachant discerner en pasturant les racines qui sont mauuaises, & se gardant bien d'arracher les bonnes plantes, ou de leur faire aucun dommage; dont furent estonnez grandement les Espagnols, & plus que de toute autre chose qu'ils virēt. Tout le pais y est peuplé de telle sorte, & les bourgs & villes si proches les vnes des autres, qu'on les pourroit mieux appeller vn seul peuple que non pas plusieurs: & dire plus proprement la ville, que le Royaume de la Chine. On n'y sçauroit voir vn espā de terre, qui ne soit occupé & cultiué: ce qui aduiuent tant à cause de la multitude de peuple, que de ce que n'y sont tolerez gens ocieux & faineans, comme nous auons monstré ailleurs plus à plein: au moyen de quoy, & de ce que la terre y est si fertile, les viures y sont en abondance, & à tresbon prix.

Reuenant donc au voyage des Religieux, qui leur fut heureux & de grand contentemēt, tant par les villes maritimes, que dessus l'eau, où on leur faisoit bonne chere, en fin au bout de quatre iours, qui fut le 20. d'Aoust, ils arriuerent

aux fauxbourgs de la ville d'Aucheo, toutesfois si tard, qu'il leur fut force de demeurer là iusques au matin, auquel lieu ils furent bien traitez & logez. Le lendemain du matin, ce lui qui les conduisoit les sollicita de partir pour aller trouver le Viceroy; & pour ceste occasion prirent leur chemin par vne grand' rue, qui auoit à leur aduis plus d'une lieue, de sorte qu'ils pensoient estre dans la ville; mais comme ils furent au bout d'icelle, ils virent la porte de ladite ville, où il entendirent que tout ce qu'ils auoyent passé estoit le fauxbourg. Quand à la grandeur d'icelle, & la multitude du peuple qu'ils s'esmerueillèrent d'y voir; ensemble le pont admirable qu'ils passèrent, & plusieurs autres choses qu'ils rēcontrerent particulièrement, ie les passe sous silence, pour les auoir ia traitez au long en la reueiacion des Augustins, qui est au liure precedent. Quand ils arriuerent au logis du Viceroy qui n'estoit pas encore leué, ni la porte du Palais ouuerte, qui s'ouure seulement vne fois le iour, de la sorte qui a esté dite, & voyant celui qui les guidait, qu'on ne l'ouueroit pas si tost selon leur coustume, il les mena à la court d'une maison, qui estoit ioignant au Palais du Viceroy.

Or estoit ce lors sur le point que tous les Iuges de la ville alloient tenir l'audience: de maniere que comme ils sceuerent que des estrangers estoient venus ils les firent venir deuant eux, & les contemplant de pied en teste, n'admirerent autre chose en eux que l'austerité de leurs habits, d'autant qu'ils auoyent desia veu les Religieux Augustins. Cependant s'ouurit la porte du Palais: avec vn grand son d'artillerie, & instrumens de musique, comme trompettes, cornemeüses, saquebutes, & haubois, qui faisoient vn si grand bruit, qu'il sembloit que la ville deüst fondre. Dedans la premiere court estoit vn nombre de soldats en ordonnance, armez de lances & arquebuses; & en vn autre plus en dedans, qui estoit fort grande, & toute entourée de batteux de bois peinturez de noir; & d'azur, qui sembloit de loin estre de fer, & d'un estage de haut, ils virent encore d'autres soldats en ordonnance, & vestus de pareille liuree que les premiers, toutesfois vn peu plus lestes, & de meilleur port. Estant en ceste arriere court, apporté leur fust vn mandement du Viceroy, contenant qu'ils reuinssent le soir, pource qu'il ne pouuoit parler à eux presentement, à cause de quelques affaires, qu'il auoit avec les Auditeurs du conseil, lesquelles ne se pouoyent différer.

Au moyen de ce, ils sortirent du Palais, & retournerent le soir en la mesme court, que nous auons dite, comme il leur auoit esté commandé, d'où il furent introduits dans vne grande sale patee richement, au bout de laquelle y auoit trois portes, dont celle du milieu estoit fort grande, & les deux autres plus petites, & core(pondoient à trois autres, qui estoient de mesme grandeur, avec vne autre sale en dedans où estoient le Viceroy, front à front de la porte du milieu, par laquelle il n'estoit permis à aucun ni d'entret, ni de sortir. Il estoit assis dans vne chaire magnifique, eslabouree d'or, & d'yuoire, sous vn beau d'aix de toille d'or; au milieu duquel estoient bordees des armoiries du Roy de la Chine, qui sont des serpens entrelassez, comme nous auons dit ailleurs. Il auoit aussi vne table deuant luy où estoient deux chandelles allumees, acause qu'il faisoit tard, & vne escrutoire dessus, & du papier: Vis à vis du siege où il estoit il y auoit contre vne muraille blanche vn fier Dragon peint, qui iettoit le feu par la gueulle, par les yeux, & les narieres: qui est la peinture, à ce qu'ils entendirent, que tiennent communément tous les Iuges du Royaume deuant leurs sieges & tribunaux, pour signifier que celuy qui est assis en tel lieu doit estre rigoureux & seuer à redre iustice sans crainte ni apprehension de personne. La forme qu'ils gardent à tenir leur audience, c'est avec les ceremonies, & en la mesme façon & maniere qu'il a esté dit dy deuant en la relation des Augustins: parlant chacun à genoux au Viceroy, encore que ce soient Iuges & Loytias, comme le virent par plusieurs fois lesdits Augustins.

Ce iour là les Religieux, qui attendoyent qu'on les fist entrer, virent tenir l'audience au Viceroy touchant le fait des Notaires, pour voir & connoistre s'ils verfoient bien en leur estat: & lors y en eut cinquante qui furent batus & fustigez, pour auoir esté trouuez coulpables à prolonger l'expedition des actes; & quelques autres pareillement pour auoir receu des presens des parties negociantes, ce qui est prohibé sur tresgrandes peines, pource que le Roy leur baille à tous suffisans gages pour eux nourrir & entretenir, afin qu'ils n'ayent occasion de prendre aucun droit ni salaire. Ils furent fustigez cruellement avec des cannes & roseaux en la façon & maniere que nous auons declaree ailleurs. Les soldats de la garde du Viceroy estoient plus de deux mille hommes, tous posez en rang & vestus de liaree de soye

avec les morions de fer reluisans dessus la teste, & timbrez de grands plumars. Tous ces soldats faisoient rué depuis la porte de la sale, où estoit le Viceroy, iusques à la grande porte, par où l'on entroit au Palais. Ceux qui estoient dans les sales & aux escaliers, portoient l'espee ceinte, & ceux des cours auoient des lances, & par entr'eux estoit posé vn arquebusier. Les soldats de ceste garde estoient, à ce qu'on leur dit, tous Tattares & non Chinois, mais ils n'en peurent sçauoir la cause, bien qu'ils s'en enquirent diligemment.

C H A P. VIII.

Les Espagnols ont entree chez le Viceroy, & parlent à luy. Il leur fait quelques demandes, puis les rennoye au Timpintao, qui estoit son lieutenant, lequel les receut humblement, & leur donna de bonnes paroles.

A TANT sortit vn domestique du Viceroy, personnage d'autorité, lequel leur fit signe qu'ils entrassent dedans la sale, & les aduertit qu'ils s'agenouillassent à l'entree, ce qu'ils firent incontinent: & comme ils estoient à plus de cēt pieds loin du siege, le Viceroy leur fit signe avec la main qu'un des Religieux vint plus pres, ce que fit le P. Gardien se remettant à genoux aupres de la table, qui estoit là deuant luy.

Si s'arresta quelque peu le Viceroy à le contempler & enuysager, puis luy demanda avec vne grande grauité d'où ils estoient, & ce qu'ils venoient chercher en celui Royaume, où personne ne pouuoit entrer sur peine de la vie, sans licence particuliere de quelqu'un des Iuges de la coste, le P. Gardien respondit que luy & ses compagnons estoient Castillans, & que le zele de l'honneur de Dieu, & le salut de leurs ames les auoit emmenez à celui Royaume, pour leur prescher l'Euangile, & enseigner le chemin du ciel Cela luy fut déclaré par le trucheman, bien qu'ils ne peurent iamais sçauoir s'il auoit vsé de fidelité ainçois selon la demande que leur vint faire le Viceroy, est à presumer qu'il vfa de telle fausseté qu'il auoit fait aux autres fois, en ce que sans lui respondre à ce qu'il auoit dit de la predication de l'Euangile, il leur demâda quelles marchâdises ils amenoyent. Le Religieux lui respondit qu'ils n'en amenoyent aucunes,

d'autant qu'ils n'estoient pas gens qui se mesloient de trafiquer, mais d'enseigner les choses du ciel, & acheminer les ames à ce but. Le Viceroy ayant ouy ceste responce, ou celle qui voulut feindre le trucheman pour mieux servir à son dessein, les congedia, leur commandant de reuenir vn autre iour, & d'apporter avec eux les images, & autres choses qu'il luy auoit mandé de Canton auoir esté trouuees en leur frigate, d'autant qu'il vouloit tout voir.

Pour accomplir ce commandement ils retournerent le lendemain du main à l'heure que leur fut dit que s'ouuroit le Palais (ce qui se fit de la mesme sorte, que le iour de deuant, avec musique & artillerie) & estant le Viceroy aduertit que les Castillans estoient venus commanda que l'un d'eux montast avec le trucheman seulement, & les choses qu'il leur auoit enioint d'apporter, comme il fut fait. Incontinent il commença à visiter les images & les liures piece à piece, & s'arresta à les contempler par le menu, monstrent à sa contenance prendre plaisir à les voir, mais sur tout luy agrea fort l'autel de l'aspe noir, qui auoit pareillement semblé chose belle & rare aux autres Iuges qui l'auoient veu. Cependant estoit a genoux le Gardien, & le trucheman auprès de luy, sans qu'on leur demàdast aucune chose, & qu'ils dissent mot aussi; & y auoit là des hommes anciens, & d'autorité à les voir, lesquels venoient prendre ces choses l'une apres l'autre & les alloient presenter au Viceroy, tous à genoux. Apres qu'il eu bien tout veu, il commanda qu'on remist chacune piece comme elle estoit, puis fit signe au gardien & au trucheman qu'ils s'en allassent, & emportassent tout ce qu'ils auoient apporté. Quand & eux sortiront de ces vieillards, qui estoient à costé de luy, & leur dit en venant à l'arriere sale que le Viceroy auoit esté tres aise de les connoistre, & voir ce qu'ils auoient apporté: au surplus qu'il leur mandoit d'aller trouuer le Timpintao, qui estoit son Lieutenant, & celuy qui despeschoit toutes les affaires dont on requeroit par escript le Viceroy, pource qu'il consulteroit avec luy de leur negoce, & leur presfiniroit l'ordre qu'ils deuoiennent tenir en iceluy.

Ils affectuerent à l'instant ce mandement, & arriuant au logis du Timpintao virent qu'il n'auoit guere moins de garde que le Viceroy, & tenoit presque autant de maiesté. Apres qu'il eurent esté quelque temps dans la court, attendant son commandement (car on estoit allé l'aduertir com-

me le Viceroy les renuoyoit par deurs luy, il les fit monter où il estoit en vne sale bien parée, & presque aussi bien garnie que celle du Viceroy, en laquelle il estoit assis comme luy dedans vne chaire riche, avec vne table au deuant. Si fit attaindre, les chose qu'ils auoient dedans leurs caisses, s'arrestant à les regarder, & visiter toutes piece à piece, comme auoit fait le Viceroy, puis estant fort aise de voir les images, demanda curieusement de quelques vnes, ce qu'elles signifioient, & entre autres d'un Crucifix, lequel apres auoit bien attentiuement contemplé, il demanda qui estoit celuy qui pendoit en Croix, & que signifioient ces caractères qu'il auoit dessus sa teste, entendant le tiltre de la croix: que le luy ayant esté déclaré par le Pere Gardien, il se prit à rire en la sorte que s'il eust ouy dire quelque nouvelle ridicule: puis vint manier l'habit des Religieux & s'esmerueilla grandement de l'austerité d'iceluy.

Le P. Gardien voyant son affableté, & iugeant à sa contentance qu'il eust pitié d'eux, le supplia de le vouloir favoriser vers le Viceroy, & le prier de leur permettre de demeurer au pais, en quelque part qu'il luy plairoit, luy remontrant qu'il ne feroient ennuy à personne, & que tout leur soin estoit de vaquer aux œuures de charité, & procurer que les hommes pussent en fin iouyr de celle felicité & beatitude, pour laquelle ils sont creéz. Le truchemant fit son deuoir ceste fois aussi fidelement que les autres, luy faisant à croire que les Religieux le supplioient d'interceder pour eux à l'endroit du Viceroy, afin qu'il leur donnast permission de sejourner au pais pour deux ou trois mois, étant la saison pour lors mal commode pour nauiger, & ne pouuant sans grand danger de leur vie retourner aux Philippines. Sur ce le Iuge respondit qu'ils ne se souciaient de rien, & se tinssent tousiours ioyeux, pour autant qu'il leur feroit assigner vne maison pour ces trois ou quatre mois, avec ordonnance & commandement que personne n'eust à leur faire aucun desplaisir. Mais le truchemant leur dit, que le Lieutenant disoit soy estre bien aise de ce qu'ils vouloient demeurer en ce pais, luy semblant gens de bon exemple, & vtiles à la Republique, & qu'ils pourroient librement apprendre la langue pour enseigner, comme ils disoyent, le chemin du ciel. Les Religieux oyant ces paroles furent tous ravis d'admiration, & deslors commencerent à se promettre de pouoir paruenir à leurs des-

seins; & sur ceste opinion prennent congé du Iuge en grand ioye, & s'en vont à leur logis, où ils rendirent à Dieu infinies graces de ce qu'il acheminait ainsi leur affaire, le pria de leur assister pour en voir l'issue qu'ils desiroient.

Tous ses desguisemens & faussetez, que controuuoit le trucheman, aduindrent par permission diuine (cōme colligerent depuis les Espagnols, quand il se descouurit luy mesme à eux, & leur declara à quelle fin il vsoit de telles subtilitez) pour autant que si les Iuges eussent entendu apertement qu'ils vouloient demeurer au Royaume, ils ne leur eussent iamais souffert de prendre terre; & le Viceroy en ayant esté aduerti, les eust fait vider du Royaume en si incommode saison, en laquelle ils fussent parauenture eux tous peris & submergez, pour estre ceste coste de mer surierte ordinairement aux tourmentes és mois de Iuillet, Aoust, & Septembre.

CHAP. IX.

Les Religieux sejournerent quelques iours à Ancheo Esq^{rs} visiterent les principaux de la ville, Esq^{rs} spécialement le capitaine General de mer, lequel ayant affectiō à la pierre de Iaspe noir qu'ils auoient les sollicita grandement de la luy donner.

TOut ce temps que les Religieux furent en la ville d'Ancheo, ils l'employèrent à aller visiter tous les principaux de la Cour, entre lesquels celuy qui sembla plus aisé de les voir fut le General des gens de celle prouince, lequel apres les auoir caressiez & communiqué avec eux amiablement, les pria de le reuenir voir le lendemain, & luy apporter la pierre de Iaspe qu'ils auoient monstree au Viceroy, d'autāt qu'il la vouloit voir, pour la grāde estime qu'on luy en auoit faite, ensemble quelques vns de leurs images.

Ils obtempererent à son commandement, & estant retournez chez luy le trouuerent prenant son repas avec grande pompe & majesté, à l'issue duquel il les fit entrer dās la sale où il estoit; & comme en approchant pres de luy il vit que le trucheman s'agenouilloit & faisoit signe aux Religieux de faire le mesme, il les fit leuer & assuler, s'amutant à contempler la pierre de Iaspe, & se monstrant espris d'ad-

miration à les voir. Si demanda aux Religieux quelques choses de curiosité, & apres leur dit qu'ils luy vendissent ce ste pierre, & qu'il leur en donneroit tout ce qu'ils voudroient: à quoy le P. Gardien respondit, qu'ils ne vendroient aucune chose; & encore moins ceste là, pour estre sacree & dedice au diuin seruice. Le Capitaine repliqua, & dit que s'ils ne luy vouloient vendre, ils luy en fissent donc present, & qu'il le reconnoistroit en autre chose qui leur pourroit venir à gré: surquoy s'excusa le Gardien, luy faisant entendre qu'ils n'auoient moyen de ce faire, d'autant que c'estoit vne chose, sur laquelle ils disoient Messie, quand ils faisoient sacrifice au vray Dieu. Alors le capitaine mit les mains dessus pour la manier, & le P. gardien luy fit signe qu'il les ostast, pource que c'estoit vn grand peché. Sur ce voyant qu'ils ne la luy vouloient donner, les congedia, & leur dit qu'ils la luy laissent pour la voir tout à loisir, promettant leur rendre par apres; à quoy le P. gardien condescendit, & le pria par mesme moyen de ne la point toucher des mains. Apres l'auoir bien veüe & contempee, il deuint encore plus enuieux de l'auoir, & pour ce faire trouua vne ruse pour ne point faillir à sa promesse, & enuoya querir le gardien, qui l'alla trouuer fort ioyeux croyant fermement qu'il luy vouloit rendre son laspe. Estant chez luy, il le receut en grand, ioye & luy dit qu'il estoit prest de s'en aller à vne guerre par le commandement de son Roy, & que parmi ceux qu'il menoit pour son seruice y auoit deux Chinois Chrestiens fugitifs de Macao, où ils auoient esté prisonniers des Portugais, desquels il auoit entendu au long les ceremonies des Chrestiens, & leur venue pour baptiser ceux qui le voudroient estre: au moyen dequoy luy ayant fort pleu & agréé le Christianisme, dont il s'estoit informé, il esperoit estre l'un de ceux qui receuroient les premiers la foy, lors que son Roy donroit congé de ce faire. Or disoit il tout cela, comme il estoit bon à voir, à l'intention que le Religieux luy voulust donner le laspe, auquel, ainsi que dit est, il auoit si grande enuie: toutefois le P. gardien fit si bien qu'il le retira de ses mains, bien que ce ne fust sans grand peine.

Quelques iours apres le Capitaine estant sur le point de s'embarquer pour aller audit voyage, enuoya dire aux Religieux qu'ils deux d'entr'eux l'allaissent trouuer, & apportassent le laspe, pource qu'il le vouloit faire voir à quelques

amis. Le gardien n'osant pas luy refuser y va promptement & porte le laspe, & pensant que s'ils luy faisoit present de quelque singularité il luy pourroit oster l'enuie de ce qu'il vouloit porta encore avec le laspe vne image de Magdelaine faite de plume, qui valoit plus que le laspe, hormis qu'elle n'estoit sacree. Quand les religieux vindrent vers luy, il alla au deuant d'eux plus de dix pas loin avec grand signe de ioye, & les retirant à part leur dit derechef, que ces Chinois susmentionnez luy auoient fait tant bon recit de leur vertueuse maniere de viure, & de plusieurs autres choses qu'ils luy auoient fait entendre du ciel, qu'il desiroit extrêmement les voir demeurer au royaume pour y baptiser le peuple, dont il vouloit estre tout le premier à receuoir le baptisme; ce qu'il différoit encore de faire, pour ne point encourir aux peines ordonnees en leur Royaume contre ceux qui reçoient loy & ceremonies estrangeres sans special congé du roy: & que pource qu'il estoit pressé de partir presentement pour aller peupler vne Prouince, en laquelle il procureroit au plustost que seroit possible d'y planter la foy Chrestienne, & qu'à cest effect estoit consacré leur laspe, comme ils luy auoient fait entendre: il les prioit de le luy donner pour porter quand & luy, & le mettre en la premiere Eglise qui seroit bastie & edificie de par les nouueaux Chrestiens, ce qui aduiendroit bien tost, deliberant d'enuoyer querir en peu de iours à Macao deux des religieux du lieu, pour estre instruit d'eux plus à plein és choses de la foy Chrestienne. Le P. gardien luy dit que si ce qu'il leur disoit procedoit de vraye affection, ils luy feroient compagnie tres volontiers luy & ses confreres & compagnons. Le Capitaine respondit que cela ne se pouuoit encore faire tant que l'Eglise fust bastie, & eust eu pour ce faire congé du roy, ou du Viceroy lequel il ne pouuoit demander pour lors, estant pressé de partir. Le P. gardien luy replica qu'il fist donc cependant faire l'Eglise, & que quād elle seroit faite, il luy promettoit le laspe, lequel il luy enuoyeroit, & ne le donroit à pas vn autre; pour assurance de quoy il luy donnoit ceste image de Magdelaine faite de plumes, qu'il prioit de vouloir prendre. Le general l'accepta avec grād contentement & s'esbahit fort de la subtilité dont elle estoit faite & fit sans aussi par mesme moyē que la pierre de laspe luy demeura, bien que plus par force qu'autrement. L'ayant à sa deuotion, il fit apporter incontinent deux pieces de damas

de grande valeur, & commanda qu'on les donnast au Gardien pour en faire vn parement en recompense du laspe; mais le Gardien bien fasché de voir que la pierre d'autel luy demeuroid avec l'image de plume, les refusa, & nonobstant la grande instance du General, ne les voulust iamais prendre. On sceut depuis que le trucheman ayant esté corrompu par vn domestique du General, changeoit & retouinoit les paroles que disoit le Gardien, offrant de par luy la pierre de laspe, & tout autre chose qui luy peust plaire: autrement ne se fust iamais enhardy le General de rien prendre contre le gré des Religieux. En fin s'embarqua le General pour aller à son voyage, portant quand & luy le laspe & l'image au contentement de sa personne: & au grand regret du Gardien, & de ces confierés, lesquels estoient fort dolens d'auoir perdu ces deux pieces qu'ils auoient en si grande estime. A ce depart le General vîa de grande courtoisie à leur endroit, prenant congé d'eux avec grands signes & tesmoignages de l'amitié qu'il leur portoit, & de desplaisir qu'il auoit de les laisser, & ne les pouuoir mener avec luy, comme ils l'en auoient requis. Le trucheman cōsoloit les Religieux, les exhortant de ne se fascher si le General auoit pris lesdites choses, d'autant qu'il estoit vn grãd personnage qui les pouoit fauoriser à l'endroit du Vice-roy, les assurant d'abondant qu'il tiendroît la promesse qu'il leur auoit faite de receuoir le Christianisme, pource qu'il estoit fort affectionné aux Chrestiens. en quey ne mentoit le trucheman, selon que les domestiques mesmes du General, lesquels comme i'ay predit estoient Chrestiens, l'auoient dit aux Religieux beaucoup de fois.

Si fut tant fasché le Gardien de sa pierre de laspe, & de son Image de plume, que luy auoit emportee le General, qu'il faisoit estat d'auoir perdu vn grand thesor: de sorte que le desirant recouurer il se recommanda de bon cœur à S. Antoine de Pade, qu'il sçauoit bien par experience estre le particulier Aduocat des choses perduës, luy voüant & promettât de celebter Messe en son nom, lors qu'il se verroit en lieu où il le peust faire commodément. Si aduint apres, que le principal trucheman eut querelle avec l'autre qui luy aidoit, touchant leur lucre & salaire, & le menaça de dire au Gouverneur cōme on luy auoit baillé force argent pour negocier le fait de la pierre de laspe, que les Religieux auoient donnee plus par force que de leur gré. Le

truchem^e

trucheman se trouuant coupable, & craignant d'en estre puni seuerement s'en va de ce pas au General, qui estoit desja embarqué pour faire voile; & attendoit le temps propre, & luy conta la querelle qui s'estoit esmeuë entr'eux, ensemble la menace que luy faisoit l'autre: ce qu'entendant ledit General, & se doutant aussi de ce qui pourroit aduenir si vne fois le scauoit l'Aytaa de Canton (comme il le scauroit sans doute) il appella vn sien domestique, & luy commanda de prendre la pierre de Iaspe & l'image, & les porter aux Religieux, comme il fit, lesquels les receurent en grand ioye, rendant graces à Dieu pour ce fait, & au benoist S. Anthoine de Pade, par l'intercession duquel ils creurent fermement auoir recouuré ce qu'ils tenoient pour perdu.

C H A P. X.

Le Timpintao enuoye querir les Religieux, & les expedie. Ils prennent congé de luy, parsent d'Aucheo & arriuent à Canton, où estant ils delibèrent entr'ux les vns de s'en retourner aux Philippines, & les autres d'aller à Macao.

LE lendemain qui fut le 3. iour de Septembre, le Timpintao, qui estoit comme j'ay dit le Lieutenant du Viceroy, enuoya querir les Religieux, & leur bailla quelques lettres, où il leur dit estre contenu tout ce qu'il luy auoient demandé avec vn mandement adressant au Gouverneur de Canton pour ny mettre aucun empeschement, au moyen dequoy ils pouuoient partir quand ils voudroient, & là dessus les congediant vsa enuers eux de grande courtoisie. & paroles fort gracieuses. Les Religieux se departent de sa presence avec vne ioye incredible, croyant qu'il leur eust octroyé tout ce qu'ils luy demandoient, & qu'il leur permit de demeurer au Royaume pour y prescher; & sur ceste ioye s'apprestèrent pour le voyage, qu'ils commencerent le lendemain en diligence, estant aidez à ce faire tant du grãd aise qu'ils auoient, que des bonnes prouisions, & commoditez qui leur estoient fournies par le chemin, de l'ordonnance & mandement de ce mesme Timpintao.

Estãt arriuez à Canton, ils vont de ce pas visiter le Gouverneur, & luy presenterent l'expedition qu'ils auoient, lequel l'ayãt leuë, leur dit qu'ils estoient les biẽ retournez, & qu'ils se fesoient fort aise de les voir tant fauorisez du Viceroy, au

moyen dequoy il les asseuroit qu'en ce qui dependoit de sa charge pour l'exécution du contenu, il s'y comporteroit conformément au mandement : sans en rien y contreuenir : & pour y donner commencement leur assigna pour leur demeure vn hostel du Roy à demi ruiné, qui estoit dans le fauxbourg, où ils furent logez, toutesfois avec defense de sortir dehors, ni d'entrer dedans la ville sans expresse permission. Si se tindrēt leans plusieurs iours avec leur faulx persuasiō, s'estonnant fort neantmoins dequoy le Gouverneur ne leur donoit point congé de bastir vn Monastere, ni d'entrer dedans la ville, pour donner ordre à ce qu'ils croyoyent leur auoir esté concedé par le Viceroy : iusques à ce qu'ils entendirent le stratageme des truchemās par le rapport d'un ieune Chinois qui estoit venu avec eux des Philippines, lequel declara tout le fait comme lesdits truchemans n'auoient iamais dit aux Iuges qu'ils auoyent enuie de demeurer au Royaume, mais qui estant abbordez par vne fortune de mer ils les prioient de les laisser seiourner tant que le temps fust moderé, ou que les nauires des Portugais arriuaissent : qui estoit en somme ce que le Viceroy & son Lieutenant leur auoit permis, & rien plus.

Quand le Pere Gardien & ses compagnons (lesquels estoient fort ioyeux de ce qu'ils croyoyent que leur affaire fust sur le point de s'effectuer) eurent entendu la malice & fausseté, dont auoient vsé les truchemans, ils en furent faschez extremement, & pour y remedier delibererent de trouuer vn autre trucheman, qui declarera fidelement leur volonté au Gouverneur, & bien que s'en rencontraissent quelques vns qui l'eussent peu faire par le moyen du langage Portugais qu'ils entendoient mediocrement, si n'y eut iamais aucun qui le voulust accepter, ni par prieres, ni par presens qu'on leur ceust faire & promettre. Ce que considérant le Gardien, & voyant que le temps prefix se passoit sans auancer aucune chose, il assembla vn iour tous ses compagnons, & consulterent ensemblement de ce qu'ils deuoyent, & pouuoient faire en la presente necessité.

Si y eut diuerses opinions : car le P. Gardien & vn autre Religieux estoient d'aduis qu'on s'en allast à la ville de Macao, attendu qu'elle estoit fort proche, & que là ils administroyent les Sacremens, & prescheroyent l'Euangile aux Chinois Chrestiens, & que cependant ils pourroyent apprendre la langue de la Chine, en attendant & procurant la

premiere occasion qui s'offriroit, ce qui leur seroit facile en-
tendant bien la langue, à cause qu'ils n'auroient plus be-
soin de truchemans, ni crainte d'estre trompez, comme ils
l'auoient esté iusques à lors, avec ce que s'en allant en ladite
ville, les Portugais n'auroient point la mauuaise opinion
que le Capitaine maje auoit fait courir contr'eux, & plu-
sieurs autres choses à ce propos. Les Religieux & les soldats
estoient de contraire aduis, disant qu'il ne falloit pas aller
à Macao, mais s'en retournerent aux Philippines, desquelles
ils estoient partis sans la permission du Gouverneur, non
sans grand danger qui leur en pourroit venir, au lieu de la
foy Chrestienne qu'ils pensoient planter en la Chine ce que
n'ayant peu mettre à effect par l'oculte iugement de Dieu,
ils estoient tenus de s'en retourner vers leur Gouverneur,
duquel il seroit aisé d'obtenir pardon de la faute par eux
commise, luy proposant le bon zele qui les y auoit poussez
pour procurer l'honneur de Dieu, & le salut de tant d'ames:
au moyen dequoy ils se purgeroient enuers ceux qui auro-
ient pris leur voyage en mauuaise part, & s'aquitteroient
aussi pareillement de l'obligation & obeïssance qu'ils de-
uoient audit Gouverneur, mais que s'en allant à Macao, ils
se mettoient en danger d'estre reputez pour traîtres enuers le
Roy, & que leur voyage de la Chine se pourroit interpreter
à la fantasie d'un chacun.

La resolution de ses opinions contraires fut de commun
consentement differee à quelques iours, pendant lesquels
il priaient tous Dieu deuotement de leur vouloir inspirer
au cœur ce qui seroit plus conuenable à son saint seruice, &
au bout d'iceux le P. Gardien & l'autre Religieux, qui estoit
de son aduis, se resolurent de persueuer en iceluy, & s'en
aller à Macao comme ils auoient proposé, & les autres de
s'en retourner aux Isles à la premiere occasion, laquelle ne
peust si tost arriuer, que ne vint à mourir l'un des Religieux,
qui deuoient aller à Manille. Apres ceste resolution, ils se-
journerent plus long temps qu'ils ne pensoient, pour cause
que les Iuges de la ville estoient occupez à l'examen des
estudiants, qui se faisoit de trois en trois ans, de telle sorte &
maniere que nous auens dite en la premiere partie, pendant
lequel ils furent plus de quarante cinq iours parmy les fe-
stes & festins, sans vaquer à autre affaire.

Le P. Gardien enuoye vn messager à Macao , par lequel il pria l'Euesque & vn seculier , de leur faire quelque aumosne pour s'en retourner. Le Capitaine maie le sçait , qui requiert l'Euesque de ne leur aider en rien , & fait plusieurs autres choses à l'encontre des Religieux.

EN ce temps le Pere Gardien descha vn messager à l'Euesque de Macao, & au seculier leur deuot, duquel nous auons fait mention cy dessus, leur faisant entendre ce qu'ils auoient resolu, & leur demandant quelques aumosnes, afin d'auoir des prouisions de nauire, tant pour ceux qui deuoyent aller aux Philippines, que pour luy & son confrere, qui les vouloient aller voir. Cela ne se peut faire si secrettement, qu'il ne vint à la connoissance du Capitaine maje des Portugais, lequel en estant bien despité & coléré s'en va vers le seculier lui demander les lettres du Gardien qu'il scauoit fort bien lui auoir esté apportees par vn messager Chinois, le menaçant s'il ne les luy bailloit de le punir rigoureusement, & le chasser du pais comme suspect. Le seculier lui confessa auoir bié receu quelques lettres, mais qu'il les auoit enuoyees incontinent à l'Euesque, auquel elles s'adressoient. Là dessus s'esmeurent paroles de part & d'autre, tant que ledit Capitaine vint à mettre la main sur le seculier pour le prendre; mais l'Euesque le sçachant y va soudain en personne pour obuier à ce desordre, & le lui oster des mains. Adonc voyant le Capitaine qu'il ne pouuoit paruenir à ses desseins, fit grandes requisirions à l'Euesque, le priant de ne permettre qu'on receust des lettres de ces Religieux Castillans, sçachant bien par le rapport qu'on lui en auoit fait au vray, qu'ils estoient espions, & non Religieux, avec protestation; que s'il en venoit inconuenient de leur part, il luy en imputerait la faute, comme à celui qui y consentoit & leur aidait. L'Euesque luy respondit qu'il estoit bien asseuré que c'estoient vrais Religieux & bons seruiteurs de Dieu, & qui estoit bien content de prendre à ses perils & fortunes tous & tels inconueniens, qui procederoient de leur part, ou au pais, ou au Roy de Portugal.

Le Capitaine oyant cela appaisa vn peu sa colere, mais non pas tant qu'il laissast de machiner choses nouuelles cō-

tre les pauvres Religieux. Car bien peu apres se proposant de les prendre, avec l'enuie qu'il en auoit, il manda vne lettre aux truchemens par laquelle il leur offroit grand' somme de deniers, s'ils vouloient moyenner entr'eux que les Iuges de Canton fissent aller à Macao les Religieux & Castillans, qui estoient pour lors par de là, les aduertissant du moyen qu'ils pourroient tenir à ce faire, sçauoir est que la premiere fois qu'ils iroyent parler au Gouverneur, & demanderoyent à retourner aux Philippines, iceux l'interpretassent au contraire, & dissent aux Iuges qu'ils demanderoyent à aller à Macao. Si prirent soudain les truchemens cest affaire en affection, pour l'amour du luchre, & du gain, & le conduisirent tant dextrement, que les Iuges les eussent fait aller à Macao bon gré malgré, si la maiesté Diuine qui ne vouloit pas que telle imposture se fit à ses bons Chrestiens & seruiteurs, n'y eust remedié lors qu'elle estoit presté à s'effectuer, & ce de la façon & maniere qui se dira au chapitre subsecutif.

CHAP. XII.

Un Portugais de Macao decouure la mauuaise intention de son Capitaine maje, &c. en aduertir les Religieux par vne lettre sans souscription; au moyen dequoy ils remedient au danger qui leur estoit imminent. L'Aytaa de la ville les enuoye querir, & traite avec eux de plusieurs choses qui sont icy racontées, puis leur donne congé &c. permission, aux vns pour aller à Macao, &c. aux autres pour s'en retourner à Lussou.

UN Portugais bon Catholique, de la ville de Macao, ayant sceu les intelligences que le Capitaine maje traamoit contre les pauvres Religieux, & leurs compagnons, qui estoient pour lors à Canton, & estant bien acerténé de leur sainte intention, & lui pesant fort dessus le cœur que les Chrestiens se fissent tort les vns aux autres, & qui plus est les empeschassent de procurer le salut des ames, delibera de les aduertir le plustost qu'il seroit possible, comme il fit par vne lettre sans souscription, par laquelle il leur mandoit comme le Capitaine maje procuroit par le moyen des truchemens de les faire venir en lieu où il les peust apprehender, & les enuoyer au Roy de Pourtugal, ou leur faire

quelque dommage en leur personnes, auéc vne fausse information qu'il auoit pratiquee secrètement : partant qu'ils y aduisassent, & se gardassent de la trahison

La lettre veüe & le contenu d'icelle, ils delibererent de la communiquer à vn Chinois leur amy, homme d'affaire, qu'ils auoient expérimenté auparavant, & trouué fidele, & bon amy, lequel leur promit qu'il s'informerait de tout en peu d'heure, & sçauoir si cela estoit vray ou non. Avec ceste intention, il s'en va où les Iuges tenoient l'audience, & se tint là comme n'ayant pas beaucoup à faire, iusques à ce qu'il vit venir l'un des truchemens avec vne requeste en main, qu'il vouloit presenter à l'Aytaa, comme au plus grãd Iuge, lequel en ayant ouy la lecture par vn Greffier, ordonna que fust fait ainsi qu'il estoit requis : ceste requeste fut veüe par ledit Chinois, comme le trucheman s'en reuenoit fort content de l'audience, & trouua par le contenu d'icelle, qu'il supplioit le Iuge au nom des Religieux de leur donner permission de s'en aller à Macao, comme en lieu qui leur estoit plus commode que les Philippines, & que le iuge l'auoit desia octroyé, & ne restoit plus que souscrire ladite requeste, ce qu'il auoit différé iusques au soir, pour quelque occupation qui luy estoit suruenüe : en quoy opera euidement le vouloir de Dieu, d'autant que si elle eust esté desia souscrite, il eust falu necessairement l'accomplir.

Le Chinois s'estant acertainé de ce que dessus, va trouuer de ce pas les Religieux, ausquels auoit desia dit le trucheman qu'ayant de mandé permission en leur nom de retourner aux Philippines, desquelles ils estoient venus, les Iuges ne leur auoient voulu octroyer que pour aller à Macao, qui estoit plus proche, à quoy il leur commandoit d'obeir sans contredit, sur peine d'y estre emmenez par force. Les Religieux se conseillerent au Chinois ami comme ils pourroyent remedier à ce danger, que le trucheman auoit commencé à tramer : il leur dit qu'il sçauoit bien que l'Aytaa les aimoit, & que pensant leur faire faueur, il auoit respondu la requeste selon qu'elle lui auoit esté presentee par le trucheman : que toutefois puis qu'elle n'estoit encore souscrite, il y auoit moyen d'y remedier, s'il en presentoit vne autre qu'il leur donroit : & alloient incontinent la presenter à l'Aytaa, & luy presentant luy faisoient entendre comme quelques vns d'entr'eux vouloyent aller à Lussou, & les autres à Macao : en quoy faisant ils les accompagneroit volon-

tiers pour l'amitié qu'il leur portoit, n'estoit qu'il craignoit d'encourir la peine & rigoureuse punition, qui estoit imposée à ceux qui s'auenturoient de parler pour vn estrangier, sans licence & commission expresse des Iuges.

Eux estans en cest aduis, & ayant desia la requeste faite, voyent entrer où ils estoient vn domestique de l'Aytao, qui leur vint dire que son maistre auoit enuie de les voir, & parler à eux deuant leur depart. Si s'en vont de ce pas quant & lui, & apres auoir marché longuement par le fauxbourg arriuent à la porte de la ville, où ils furent arrestez & retenus, tant que vint par deuers eux vn autre domestique de l'Aytao, qui apportoit leur congé escrit dessus vn tablon, en la façon & maniere que nous auons dit ailleurs. Estant entrez dans la porte ils cheminēt longuement par vne rue laquelle ils virent tant de singularitez & richesses, que le P. Gardien en estant rai d'admiration dit à l'instant ces paroles : *L'ay esté aux plus principales villes de Flandre & d'Italie, mais ie n'y ay iamais veu tant de si belles & riches choses, que j'en voy en ceste seule rue cy :* & de fait au dire de ceux qui la virent, il auoit cause de l'admirer. Estant au bout de celle rue, & rencontrant vne autre porte qui estoit de fer, ils se la virent fermer aux nez par les soldats qui la gardoyent, lesquels vont pousser d'impetuosité en leur presence vne grande grille de bois qui estoit deuant la porte. Lors ses soldats leur demanderent par vn guichet de la grille le congé qu'ils auoyent d'entrer, & iceux le leur monstrerent incontinent, nonobstant lequel lesdits soldats, outre ce qu'ils voyoyent estre avec eux le domestique de l'Aytao, & le Trucheman, ne leur voulurent point ouurir, tant qu'ils eurent porté leur dit congé referender, & reconnoistre par vn autre Iuge & qu'ils le leur vindrent monstrer.

L'ayant veu, ils leur ouurirent la porte, & les menerent au logis d'un qui estoit comme Alcade de court, dit Tequisi en leur langue, afin qu'il allast avec eux chez l'Aytao, qui l'auoit ainsi ordonné. Si baillerent à ce Tequisi la requeste qu'ils auoyent apportee toute faite, sans que le trucheman en sceust rien, le priant par signes, & quelques paroles qu'ils scauoient dire en sa langue; de la presenter à l'Aytao, & leur vouloit faire oëtroier ce qu'ils demandoient par icelle. La presentant à ce Iuge, dont fut bien esneü le trucheman : ils lui dirent que ce trucheman estoit vn traïstre & vn larron, lequel les auoit vendus au Capitaine majo-

de Macao, & mis en vne requeste qu'il auoit faite en leur nom, qu'ils vouloiēt aller à Macao, & non à Luffon, où toutesfois ils auoient enuie de retourner: ce qu'il auoit fait moyennant quelques presens que ce Capitaine lui auoit promis. Le Tequifi oyant cela sort de chez lui avec les Religieux, pour aller au logis de l'Aytao qui estoit proche de là & comme il alloit par le chemin lisant la requeste, & la voyoit differente à celle qu'il auoit veüe presenter à l'Aytao par le trucheman, vint à s'arrester là dessus, & penser ce que les Religieux luy auoient dit en lui baillant la requeste; pource que ia-soit qu'il apperceust bien par les signes qu'ils faisoient, & la contenance qu'ils tenoyent en luy parlant, comme ils estoient idignez à l'encontre du trucheman, si n'auoit il peu bien entendre tout, pour n'auoir sceu les Religieux lui deduire clairement le fait en sa langue, iusques à tant qu'il descouurit la contradiction des deux requestes, & apperceut que le trucheman estoit esmeu: au moyen dequoy il l'appella, & lui demanda comme le faisoit telle chose. L'autre, lui respondit tout tremblant, qu'il auoit entendu que le Gardien vouloit aller à Macao; & que sçachāt bien qu'il estoit le chef de tous, ioint qu'il communiquoit seulement avec lui, il pensoit aussi que les autres fussent de mesme opinion; à cause dequoy & pensant bien faire, il auoit présenté celle requeste, par laquelle il demandoit pour eux tous vn mesme congé, afin qu'ils s'en peussent aller librement.

Au moyen de ceste excuse & de ce que les Religieux ne se voulurent plaindre d'auantage, voyant ledit trucheman auoir pour lors si belles affres, & les supplier humblement de n'en vouloir faire plus grande instance, le Tequifi se contenta, & laissant les Religieux en l'allee du logis de l'Aytao, où il leur dit qu'ils attendissent, entra dedans avec la requeste. Peu apres ils furent introduits dans la sale où estoient les Iuges, lesquels auoient desia veu la requeste, & opiné sur icelle, & comme ils entroyent par la porte de ladite sale, on leur fit signe qu'ils s'agenouïlassent, ce qu'ils firent incontinent à vingt pas loin de la table, qui estoit deuant le Iuge. Ce Iuge tenoit la requeste; que l'Acalde luy auoit baillée, & combien qu'il l'eust desia leuë, commença encor à la reuoir, puis l'ostant de deuant ses yeux demanda qui estoient ceux qui vouloient aller à Macao. Le Gardien monstra la personne, & celle du P. Iean Baptiste,

disant que pour estre vieux deormais & gens qui craignoient la mer, ils desiroient aller là, à cause que c'estoit plus pres: & que les autres qui n'estoient pas tant aagez, ne si peuteux, vouloient tourner à l'isle de Luffon, de laquelle ils estoient venus; & viure là comme deuant avec leurs freres & amis. Cependant le trucheman, sentant vn remors de conscience pour les tromperies par luy faites, estoit faisi de telle peur, que chacun le pouuoit bien voir; car les magist rats de la Chine son si seueres, que si la plainte eust passé plus outre, c'est sans doute que luy & son compagnon en eussent esté punis rigoureusement: mais les Religieux ne permirent à leurs compagnons qu'ils en declarassent d'auantage encore qu'ils en eussent grand enuie, se contentant pour leur punition de les voir en l'angoisse où ils estoient, & mesme en ayant pitié.

Sur cela l'Aytaa voulut voir leurs liures & images, car s'estoit la principale occasion pour laquelle il les auoit mandez; & comme on les luy monstrois au grand contentement de sa perionne, il dit au P. Gardien qu'il s'approchast de vers lui, pour lui demâder la signification de quelques choses qui luy sembloient plus nouuelles, desquelles apres qu'il fut satisfait, il le fit lire en l'un des liures, & l'escoutant attentiuement sembloit estre tout estoonné de voir la forme de ces caracteres differens des leurs, lesquels comme nous auôs dit ailleurs, sont faits comme lettres Hieroglyphiques. Apres qu'il se fust arresté quelque temps à cela, il commanda que ceux qui vouloient aller à Macao se missent d'un costé, & ceux qui auoient enuie de retourner à Luffon passassent de l'autre: ce qu'estant fait, il leur donna à tous cōgé gracieusement, leur disant qu'il leur permettroit de partir quand ils voudroient, & que combien qu'il ne peust ce faire sans en aduertir premierement le Viceroy d'Auqueo, il les licenciéroit toutesfois dedans dix iours: apres lesquelles ceux qui deuoient aller à Macao pourroient librement s'y acheminer, & ceux qui vouloient retourner à Luffon seroient de par luy enuoyez à Chincheo, afin que le Gouverneur les fist embarquer en ce lieu au premier abord des marchands.

Cest Aytaa estoit vn homme fort doux & humain, lequel estant touché de compassion à l'endroit des Religieux qui luy sembloient gens de bien, commanda qu'outre la provision qui leur estoit fournie aux despens du Roy, comme dit

276 HISTOIRE DV ROYAUME
est, leur fut encore baillé pour le voyage vn porc, & du riz,
& autres viandes. Avec cela ils s'en retournèrent tous con-
tens à leur logis, & le trucheman encore plus; lequel pen-
soit comme l'on dit, estre ressusité ce iour là.

CHAP. XIII.

*Les Religieux sejournerent quelques temps à Canton, pendant le
quel estant arrivez quelques Portugais de Macao, ils se dontent
d'eux au commencement, puis en fin s'assurent les uns des au-
tres, & deuiennent tous bons amis. Le Viceroi d'Aucheo vint à
Canton, & expedie les Religieux, leur faisant à tous grand sa-
ueur.*

LEs Religieux ayans attendu les dix iours à eux prefix
par l'Aytao, & quelque peu d'auantage, & voyant qu'on
n'auoit non plus de souuenance d'eux que si on ne les eust
iamais veus, estoient tous en grand souci, & doutoyēt mes-
me que le Capitaine maje de Macao susmentionné n'eust
entendu que sa trame estoit descouuerte, & ne leur en vou-
lust ourdir vne autre, prenāt pour instrumēt à ce faire quel-
que Iuge, ou vn autre des principaux.

Comme il estoient en ce doute, voici arriuer à Canton
quatre Portugais, qui venoient vendre & acheter des mar-
chandises sous le fausconduit qu'ils ont des Chinois pour
cest effect: qui fut cause d'en faire entrer en plus grand
suspçon, & se douter du sinistre inconuenient, dont ils auo-
ient auparauant esté aduertis de Macao. Toutesfois com-
me ils eurent vn peu parlé avec eux, & les furent visiter ex-
pres pour descourir leur intention, qui leur fut communi-
quee par les autres, ils mirent arriere tout leur suspçon, &
tant s'en faut que les Portugais leur fussent contraires, que
mesme ils leur firent beaucoup d'aumosne & de charitez,
leur aidant en tout ce qu'ils peurent, comme bons Chre-
stiens deuoyent faire. Estant donc hors de cest esmoy, ils
penserent à leur parlement, & voyant qu'on n'y soignoit
point, pour estre les Iuges occupez à la monstre des soldats
de là à l'entour (qui se faisoit en vne grande pleine, où ils
estoiēt esprouuez en toutes especes d'armes, leur faisoit tirer
de l'arc & de l'atquebuse, bransler la lance, piquer les che-
uaux, & faire autres exercices militaires, apres lesquels ceux
qui auoient mieux fait que les autres, tant auparauant qu'à

l'heure presente, estoient esleus & instablez capitaines, ils delibererent de ramenteuoir à l'Aytao ce qu'il leur auoit promis, & pour l'effe&uer plus aisément & en plus grande de diligence, firent vne requeste qu'ils portèrent à son logis où ils pouuoient deormais aller librement

Comme ils y alloient, ils rencontrerent d'auanture le Tequisi dessusdit, qui les appella, & leur demanda ce qu'ils vouloient; à quoy respondant le Gardien qu'ils vouloient seulement presenter vne requeste à l'Aytao, pour le faire souuenir de leur partement, le Tequisi si la prit, & leur promit de luy presenter comme il fit incōtinent. L'Aytao l'ayant leuë, la respondit, & fit adioster sur icelle, qu'il estoit fort soigneux de leur fait, mais qu'il attendoit le consentement du Viceroy, qui ne pouoit plus guere tarder, & que dès qu'il seroit venu il ne faudroit à y aduider, comme il fit peu de iours apres, & tout aussi tost qu'arriua le mandement du Viceroy qui vint fort au gré des Religieux, pource qu'il estoit porté par iceluy qu'on leur fist honneste depart, & leur fust fourni abondamment ce qui leur seroit de besoin pour le voyage. Le mesme iour que vint ledit mandement, on ouyt aussi les nouuelles que le Viceroy venoit à Canton, & qu'il y seroit dans peu de iours. Cela esmeut tellement l'Aytao & les autres Iuges, que sans cesser ne nuict ne iour ils firent les preparatifs necessaires pour le receuoir; lesquels furent de telle pompe & grandeur, que si c'eust esté pour le Roy mesme, avec des arcs triomphaux, tapisseries, & telles autres magnificence que i'obmets, pour remarquables qu'elles soient, afin de ne dilater par trop ceste histoire, où il reste encore vn liure, auant que taire la fin; joint que si ie vouloy historier tout ce qui se fit en icelle reception, il s'en pourroit faire vn gros liure.

Quatre iours apres la venuë du Viceroy, fut baillee de l'ordonnance d'iceluy vne expedition aux vns & aux autres, par laquelle estoit mandé aux Gouverneurs & aux Iuges, qu'ils eussent à les recevoir aux lieux & villes de leur iurisdiction; par où ils deuoient passer, sans permettre qu'en aucun endroit leur fust fait tort, & qu'ils leur tintent les chemins seurs, iusques à ce qu'ils fussent arriuez aux lieux qui estojēt specifiez par leur expedition, sçauoir est à Macao & à Lussō, entendant pareillement qu'ils fussent tousiours accompagnez de deux Capitaines, tant qu'ils

fussent hors de danger, & que l'on baillast à ceux qui alloient à Macao des viures & provisions necessaires pour cinq iours, ià-soit qu'il n'y aye que pour trois iouts de chemin, & pareillement à ceux qui retournoient à Lusson, fussent baillees des munitions pour quarante iours, bien que le voyage se face ordinairement en quinze ou vingt iours pour le plus: enioignant en outre à ceux qui auoyent la charge de les mener, qu'ils eussent bien esgard à leur santé, & les conduisent à l'aïse. Quant aux truchemans, il leur fut commandé par l'Aytao qu'ils eussent à vendre la fregate des Religieux, & le leur bailler l'argent qui en produiendroit, pour en disposer par eux comme bon leur sembleroit: ce qui firent lesdits truchemans; leur retenant toutefois la moitié dudit argent, & bien encores d'autres choses que leur auoit deutees le Viceroy pour le voyage, dont n'en firent autre instance les Espagnols, afin de se voir plus tost hors de leurs mais & artifices. Au depart du P. gardien, l'un des soldats, nommé Pedre de Villaroel changea d'aduis & d'opinion, & s'en alla avec luy à Macao, se desguisant en Portugais, à cause qu'il n'auoit pas congé d'aller d'une autre façon.

Tout estant prest pour le voyage, ils se departirent les uns des autres avec grandes larmes & regrets, puis au bout de quatre iours le Pere gardien arriva avec ses compagnons en bonne santé à Macao, le 15 iour de Novembre, en l'an 1579. comme il escriuit par apres; auquel lieu il fut bien receu de l'Euesque, & de tous les autres, & en peu de temps eut vn lieu pour y faire vn Monastere, où il peust demeurer luy & son confrere, & aussi tous autres qui voudroient estre de leur Religion.

Ceux qui alloient à Lusson partirent de la ville de Canton en vne de ces grandes barques, qui sont en grand nombre en la Chine, toutes bien couuertes, & garnies de belles chambres, galleries, & ialousies peintures, ainsi que dit est, & estant dans ce vaisseau furent bien cheries & caressez du patron, & de plusieurs passagers qui y estoient & alloient porter des marchandises en diuers lieux. Quand est à ce qu'ils virent par le chemin depuis Canton iusque à Chicheo, il s'en dira quelque chose au chapitre subsecutif.

CHAP. IIII

*Ceux qui alloient à Luffon prennent leur chemin vers Chin-
cheo, & voyent en allant plusieurs riuieres & villes,
& autres choses particulieres.*

LEs Religieux & leur compagnons laisserent le fleuve de Canton, apres auoir nauigé enuiron trois lieuës par mer entrerēt en vne autre grande riuiere, sur laquelle furent quatre iours: & est vne chose incroyable des citez & villes qu'il y auoit le long des bords, & toutes si proches les vnes des autres, qu'il sembloit que ce ne fust qu'une seule ville.

Au bout de ces quatre iours ils prirent port en l'une de ces villes, & en abordant affluoit tant de gës pour les voir, qu'il sembloit que tout le peuple du Royaume se fut assemblé en ce lieu, & y estoit la foule si grande, qu'ils demorerent plus de quatre heures à aller à l'ostellerie, en laquelle ils deuoient loger, ia-soit qu'il n'y eust qu'un quart de lieuë de chemin; & pour ceste cause se trouuerent si las de la presse, quand ils y furent, qu'ils n'en pouuoient plus. Ils seiournerent vn iour en icelle ville. & le lendemain du matin leur furent amenez des cheuaux, sur lesquels il cheminerent deux iours par terre, qui estoit peuplee & habitee presque par tout, & au tiers iour se mirent en vne petite barque, dedans laquelle ils nauigerent sur vne petite riuiere de fort peu d'eau, enuiron deux heures, puis apres entrerent dans vne grande barque, & en vn grand fleuve qui sembloit estre vn bras de mer, sur lequel ils nauigerent cinq iours, pendant lesquels ils virent monter & aualler tant de bateaux & de junques qu'ils en estoient tous esmerueillez.

Si estoient les bors de ce fleuve aussi peuplez & pleins de villes, que ceux de l'autre dont nous venons de parler: ce qui sert de beaucoup pour faire croire ce qui a esté dit par ci deuant de l'estenduë de la Chine, & du grand peuple qu'il y a. Estant au bout de ce fleuve, ils entrerent dedans vn autre, qui n'estoit pas du tout si large, mais auoit le courant plus grand, & estoit tout couuert de beaux grands arbres de par & d'autre de la riuie, de maniere qu'on n'y voyoit point presque le Soleil: & combien que le terroir fust rude & aspre en cest endroit, si y auoit il plusieurs citez bien murees, infinies villes & villages, & tous si proches que les faux-

bourgs serenoient presque les vns aux autres. Sortant de ce fleuve, ils cheminerent par terre quatre autres iours, s'estonnant de voir la fertilité de ce país, qui estoit grande, & plusieurs autres choses notables, lesquelles pour auoir esté desia mises au voyage des Augustins, ie passe à présent sous silence.

Au bout de ces quatre iours, ils arriuerent à vne ville distante à dix lieuës de Chincheo, & furent logez aux faux bourgs. Là accourut tant de monde qui les venoit voir, que combien qu'ils fermaissent les portes pour se defendre de ceste importunité, si ne leur fut il iamais possible de les empêcher d'entrer, d'autant qu'ils ne se contentoient pas seulement d'enfoncer les huis & les portes, mais encore grimpoient dessus les murailles, & entroient par les fenestres: de maniere que l'hoste voyant le dommage qu'on luy faisoit en son logis, pria les Espagnols de sortir dehors, & s'en aller en vne grande place, qui estoit proche de là entre des iardins, ce qu'ils firent incontinent, tant pour le regard de cest hoste, que pour contenter le monde qui auoit tant d'envie de les voir. Si estoit si grand le bruit de ce peuple que le Gouverneur l'oyant, & craignant que ce ne fut autre chose y enuoya vn Iuge pour les scauoir; mais ayant entendu que c'estoit, il enuoya aux estrangers qu'ils l'allaissent trouuer chez luy, pour autant qu'il les vouloit voir. Ils obeïrent à l'instant à son mandement, & s'acheminant vers son logis, aduint qu'ils passant par vne ruë, où joiuoient des Comédiens, aussi tost que les spectateurs apperceurēt les Espagnols ils se mirent tous à les suiure, & laissēt là les comédiens.

Ils entrèrent au logis du Gouverneur, lequel bien qu'il se monstroit à eux en grande pompe de seruiteurs & soldats de garde, leur fit toutefois fort bon accueil, leur demandant quels ils estoient, & d'où ils venoient. Lors luy fut monstré par le trucheman le mandement du Viceroy, contenant en somme que ces Espagnols alloient avec son congé en la ville de Chincheo; & pourtant que nul n'eust à empêcher leur voyage, mais que chacun les aidast & favorisast de toutes choses necessaires: puis l'ayant tout luy, leur dit auoir entendu ce qu'il desiroit scauoir, & ce que le Viceroy mandoit à tous les Gouverneurs; au moyen dequoy luy comme l'un d'eux leur offroit entierement tout ce qui estoit en sa puissance, comme il fit, leur faisant tout plein de faueurs & de caresses,

Le lendemain, ils partirent d'icelle ville avec bonne prouision de viure que le Gouverneur leur bailla pour le chemin, & allant par terre arriuerent le mesme iour à vn beau bourg, distât a cinq liuës de là, où ils delibererent passer la nuit, pour n'aller loger à vne ville qui estoit vne lieuë plus oultre, où ils se doutoient deuoir estre autant molestez de gens qu'ils auoient esté en l'autre le iour precedēt. Estant à ce bourg, encore que le lieu fust petit, & eust bien peu de gens, si y abborda il tant de peuple de tous les endroits d'alentour, que cela fut cause de les faire partir plus matin qu'ils ne pensoient, n'ayant peu dormir toute la nuit pour le grand bruit de ces personnes.

Après qu'ils furent sortis de ce bourg, & eurent fait vn peu de chemin, ils arriuerent à la ville susmentionnée, qui leur sembla la plus belle & la plus gentille en situation & édifice, qu'ils eussent point encore veüe en toute celle Prouince. Tout par le milieu d'icelle couroit vn gros fleuve qui passoit par dessous des pont, lesquels estoient tres beaux & grans. En ce lieu afflua pareillement tant de monde afin de les voir, qu'ils tarderent là assez long temps sans pouuoir entrer dans la ville, & mesme apres qu'ils furent dedans, ce peuple les environna de telle sorte qu'ils n'eurent pas le loisir de prendre des viures, & leur fut force de s'aller sauuer dans vne barque, & se garrer à vau l'eau entre des arbres; & ce nonobstant il y eut tant de ce peuple qui s'alla lancer avec eux dans la mesme barque, qu'ils estoient ia dessus le point d'enfondrer, si ceux qui estoient entrez voyant le danger present ne fussent descendus à terre en les laissant là tous seuls avec les passeurs & leur maistre, lequel leur alla querir à manger, & les hebergea la nuit dans sa barque.

Le lendemain du matin, deuant que le monde les peust empescher, ils prirent leur chemin vers la grande & fameuse ville de Chincheo, où ils entrerent le Dimanche matin ensuiuant, qui fut le 6. iour de Decembre; auquel lieu de meurant rousiours en leur barque, pour estre en plus grand repos & seureté, ils enuoyerent le trucheman avec leur patente vers le Gouverneur, pour sçauoir de luy ce qu'ils deuoient faire. Le Gouverneur ayant veu le mandement, dit au trucheman qu'il fist entendre de sa part aux estrangers, qu'il estoit fort aise de ce qu'ils estoient arriuez sains & saufs, & qu'il seroit fort content de les voir, & leur faire

la courtoisie que le Viceroy luy recommandoit par le contenu; que toutefois pource qu'il doutoit qu'ils ne fussent molestez du peuple qui les iroit voir à grand foule, il estoit content de s'en priver, & leur suadoit pour leur aise de continuer le voyage dedans leur barque, & aller au port d'Ay-tin, où ils y auoit des nauires qui alloient iusques à Luslon dans lesquelles il manderait qu'on les embarquast, pour de là passer aux Isles, au plustost que seroit possible. Pour ce faire il retint par deuers luy le mandement du Gouverneur, & en expedia vn autre adressant au Gouverneur de ce port; où pour lors ils les enuoyoit, par lequel il luy escriuoit tout ce qu'il leur auoit promis.

Les Religieux & leurs compagnons, encore qu'ils eussent esté bien contens de voir la ville de Chincheo, & les singularitez d'icelle, firent sans autre repliqué ce que leur mandoit le gouverneur, qu'ils croyoient leur bien conseiller, & poursuyuans leur chemin se trouuerent au port susdit, le iour ensuiuans de bon matin; auquel lieu, pour faire le mesme qu'ils auoient à fait à Chincheo, ils enuoyerent le trucheman avec leur expedition par deuers le gouverneur; lequel fit tost qu'il l'eust leuë, leur enuoya dire qu'ils descendissent a terre, & l'allaissent voir, comme ils firent, mais avec autant de peine qu'ils auoient eue aux autres lieux, à cause du monde qui abbordoit pour les voir. Le gouverneur les receut d'un visage, & de paroles fort gracieuses; & deuant qu'ils partissent d'avecques luy, enuoya querir le capitaine d'un nauires qui deuoit aller à Luslon, & luy demanda quand il partiroit; à quoy l'autre luy respondant que ce seroit dedans dix iours, il luy commanda de mener les Espagnols avecques luy dans son nauires, & leur procurer toutes les faueurs & commoditez qui seroient possibles, ce que l'autre luy promit faire. La dessus il les congedie, & s'offrant de leur faire plaisir en tout ce qu'ils auroient de besoin, les enuoye avec ledit Capitaine, lequel les mena de ce pas à son nauires, où apres leur auoir montré toute chose, il leur donna la collation, & leur fit beaucoup de courtoisie.

Si s'eslouerent en ce port plus de quinze iours, endurant vn fort grád froid & maisaise; au moyen dequoy comme ils virent que le nauires ne se hastoit point de partir, ains estoit encore pour tarder là quelques iours, eux tous ayant vn incredible desir de se reposer, & se voir parmi
eux

ceux de leur nation, & sçachant d'ailleurs qu'un autre vaisseau estoit sur le point de partir, s'en allerent ensemble au Gouverneur, qui tenoit pour lors l'audience, & luy dirent à haute voix (comme c'est la coustume du Royaume) que le Capitaine auquel il auoit enjoint de les mener à Luffon, ne se hastoit point de partir, ny ne monstroit le deuoir faire si tost: partant qu'il lui pleust leur donner congé, & par mesme moyen commanda à un Capitaine d'un autre nauire qui estoit prest, & mesme alloit à Luffon, de les emmener avec lui, pource qu'en autre vaisseau ils y estoient mal accommodez, & y enduroient un si grand froid. Le Gouverneur oyant cela se fâcha extremement, & de grande colere commanda à l'un des Alguazils, de lui aller querir presentement le Capitaine, auquel il auoit recommandé d'emmener les estrangers, ce qui fust fait en telle diligence qu'ils en furent rousestonnez, & virent amener le Capitaine qui estoit saisi de telle peur, qu'il ne sçauoit s'il estoit au ciel ou en terre. Si lui demâda chaudemêt, pourquoy il n'estoit parti dans les dix iours, comme il auoit dit: à quoy le capitaine faisant response que le temps n'auoit esté propre, ni n'estoit encore pour la nauigation. Il lui repliqua si ainsi estoit pourquoy donc un autre nauire estoit tout prest de partir: surquoy comme vint à vacille le Capitaine, & donner des raisons impertinentes, le Gouverneur commanda aussi tost qu'il fut fustigé en sa presence pour la maniere qu'il auoit dite, & ainsi qu'on alloit le despoüiller pour executer le commandement, les Religieux ayant pitié de ce Capitaine, qui auoit la façon d'un homme d'honneur, se ietterent aux pieds du Gouverneur, & le supplierent de luy pardonner, lequel condescendit à leur vouloir, & commanda qu'on le laissast, se contentant de luy dire quelques paroles qui estoient si aigres & aspres, que selonc ce qu'on peut colliger par la contenance de l'un & l'autre, elles ne luy cuifrent pas moins que les coups de fouët qu'il eust peu souffrir.

Après cela il enuoya querir le Capitaine du nauire, qui estoit prest de laisser le port, & luy baillant les commissions, qu'il auoit baillees à l'autre, luy commanda sur tres grande peine de mener les estrangers à l'isle Luffon, & au retour apporter certificat comme il les auoit menez sains & saufs & laissez au lieu qu'ils desiroient. Ce Capitaine, qui sçauoit ce qui s'estoit passé avec l'autre, pour ne se voir en mes-

me danger, accepta à l'instant le commandement, & lui tardant fort d'estre hors de là, promit encorè plus qu'on ne luy demandoit: au moyen de quoy emmenant les Espagnols à leur nauire, il fit toute diligence de sortir du port, de peur qu'il auoit d'estre remandé.

C H A P. XV.

Les Espagnols partent de la Chine pour s'en retourner à Luffon: il leur vient sur mer quelques tourmentes, durant lesquelles les mariniers se mettent à inuoker les Demons, dont ils sont repri. par les Religieux: puis en fin arriuent au port de Siré, où ils sont receus en grande ioye.

LE lendemain du iour des Rois, le nauire où estoient les Espagnols, & deux autres vaisseaux de compagnie sortent du port d'Ayrin avec bon temps, & combien qu'il ne leur durast guere à cause que c'estoit au temps d'huiuer, si arriuent-ils le mesme iour à l'Isle d'Amoy, distante à six lieues de la terre ferme, où ils se tindrent vn iour, & le lendemain, comme ils se mirent à n'auiger, s'esleua vn si fort & impetueux vent; qu'ils furent transportez sur mer entrant çà & là, & le plus souuent sans esperance, ains en grand danger de se perdre.

En ceste furieuse tourmente, qui dura l'espace de quatre iours, bien que la mer & le vent ne fussent tousiours de mesme force, les trois vaisseaux se perdirent & escarterent, allant tous espars çà & là, & taschant chacun d'eux à se sauuer, comme il aduient coustumeremēt en pareil cas, sans se soucier des autres. Tant qu'en fin il pleut à Dieu que le nauire où estoient les Espagnols, & l'vn des deux vaisseaux de compagnie artinerēt à vn port seur, toutesfois tant travaillez, & si plein d'eau, qu'ils alloient quasi en fond, & specialemēt celuy là de la compagnie. Le troisieme prit pareillement port à cinquante lieues de là, jacoit que ce fut, comme ils entendirent depuis, avec autant de travail & de danger. Estans abbordez à ce port, ils se iournerent quelques iours en recalfeurant leurs nauires, & attendant le temps propice: puis en sortirent le 2. iour de Ianuier, avec vn assez bon temps, & qui sembloit deuoir durer, pendant lequel ils nauigerent cinq iours entiers. & au bout d'iceux descouurirent l'Isle de Luffon, nō sans grande ioye d'eux tous, à raison

dequoy les Espagnols se mirent à rēdre graces à Dieu, pour estre eschappez par la faueur de la tourmente qu'ils auoient eue.

Mais il aduint vn peu apres, que comme ils alloient costoyant l'isle pour prendre le port de Manille, & en approchoient desia à cinq lieues pres, s'esleua tout soudain vn vent de bise si impetueux, & de si grande mer, qu'ils se virent en vn bien plus grand danger, qu'en la tourmente precedente: de maniere que n'ayant plus que le trinquet au milieu de l'arbre, tout s'en alloit mettre en pieces, & estoient à chaque moment sur le point d'aller en fond Les Chinois voyant cela comme ils sont tous superstitieux, & fort addonnez aux charmes, commencerent à inuoker le Demon (comme ils ont accoustumé de faire toutes les fois que ils se trouuent en tels perils) le priant de les secourir & leur enseigner ce qu'ils deuoient faire pour eschapper le naufrage. Quand les Religieux les entendirent les empeschèrent de passer outre, avec leurs fors & inuocations, & se mettant à coniuurer les Demons, furent cause qu'ils ne peurent respondre à l'inuocation des Chinois qui les appelloient en diuerses sortes, ainsi qu'il a esté dit en la premiere partie, ainçois ouirēt vn Demon, qui leur dit qu'ils ne leur sceussēt point mauuais gré s'ils ne respondoient à leurs demandes, d'autant que ces moines Castillans qu'ils menoient dedans leur nauire, les empeschoient de ce faire, par les coniuurations dont ils ysoient. En fin sur la nuit, Dieu voulut que la tourmente s'accoisa, & en peu d'heure furent en bonnasse, laquelle toutefois leur dura peu, pource que se mettant à singler derechef vers le mesme port, ainsi qu'ils estoient quasi pres d'y entrer, il leur vint encore vne autre tourmente si forte, qu'il leur fut force de prendre mer, pour se sauuer du naufrage.

Cependant l'eau & les viures commençoient à leur faillir, qui estoit encore vne autre tourmente, & se virent en telle extremité, que pour quatre vingts & seize personnes qu'ils estoient dans le nauire, il ne leur pouuoit rester à boire & à manger pour deux iour les. A raison de ces Chinois retournant à leurs inuocations, appellerent les Demons par caracteres, qui est la maniere de sort, à laquelle ils ne faillēt jamais de respondre, comme ils firent aussi celle fois, nonobstant que les Religieux s'efforçassent par leurs exorcismes à les empeschier de ce faire: toutesfois ce qu'ils leur

respondirent fut pure bourde & mensonge, d'autant qu'ils leur dirent que dedans trois iours ils arriueroyent à Manille, & neantmoins ils en tarderent plus de quatre. Finalement ayant par la grace de Dieu surmonté toutes les difficultez de la mer, & la disette d'eau & de viures, ils arriuerent au port de Manille tant desiré, le 2. iour de Feurier en l'an 1580. auquel lieu ils furent receus du Gouverneur & de tous les aultres en tresgrande ioye, leur pardonnant la faute qu'ils auoient commise de s'en estre allez sans congé, & leur faisant force caresses, & au reste bien mari de la demeure de leurs compagnons, qui estoient passez à Macao, & specialement du P. Gardien, qui estoit tât aimé d'eux pour sa sainteté & grandes lettres, lequel toutesfois quelque tēps apres escriuir vne lettre aux Religieux de Manille, par laquelle il leur mandoit comme il estoit arriué à Macao en peu de temps, & en bonne disposition, & l'Euesque & le Capitaine maie, ensemble tous les habitans du lieu auoient esté fort aises de leur venue, & osté la faulxte opinion qu'ils auoient d'eux; au moyen dequoy ils auoient bonne esperance de voir l'effet de leur desir, pour eux estre en vne ville, où ils hantoyent & negoioient tous les iours avec les Chinois, lesquels ils esperoyent instruire en la foy, s tost qu'ils pourroient auoir quelque connoissance de leur langue. Il adioutra encore cecy, qu'il auoit entendu de bonne part, açoit qu'on luy eust comandé de le vouloir tenir secret, que le Royaume de Cochinchine distant à quatre iournees de Macao, où y a trafic de Portugais, & vn beau port pour les nauirés qui viennent des Indes auoient enuoyé demander des Prestres à l'Euesque de Macao, pour par eux estre endoctrinez & baptizez: & qu'ils auoient tous si bonne affection de estre Chrestiens, qu'en quelques endroits ils auoient desia le bois tout couppé pour edifier des Eglises. On a estimé que cela luy auoit esté dit par le mesme Euesque, ce qu'on a coniecturé par les paroles contenues à la fin de la lettre, la teneur desquelles s'ensuit.

On m'a nuist à cest entrepriſe. ¶ Voudroy bien pour m'y employer auoir plusieurs compagnons. Car c'est le theſor que nous allons tous cherchant. Es en vn lieu ſitué en terre ferme, où nostre Seigneur a preparé vne grande moisſon, ¶ entre des gens politiques, qui ſont plus faciles à c nuertir que les Chinois, pour n'y auoir point là le Demon mis tant d'empeschement à l'Euan-gile, comme il a fait en la Chine, avec ce que le Royanme

luy est voisin à raison de quoy il seroit facile, moyennant la grace de Dieu d'oster toutes les difficultez qu'il y a pour le present lesquelles toutes fois ne sont si grandes, ni en si grand nombre, qu'on se doive desfier de les pouuoir vaincre: principalement eux estans hommes de si bon esprit & entendement, comme nous auons vus par experience quand nous y estions, & en outre si humains & de bonnaire, que combien que nous eussions entré sans permission, & partant encouru peine de mort, si nous firent ils bon traitement, nous donnant tout ce qui nous estoit necessaire, & mesme nous eussent ils laissé prescher: si nous eussions seu leur langue, laquelle aidant Dieu nous hastierons d'apprendre, estant icy en un lieu, où incessamment nous hantons avec les Chinois. Si d'uoins prier deuolement N. Seigneur, de vouloir tellement guider & conduire ceste entreprise que son S. Nom en soit exalté; & les ames de ces Mescreans le puissent connoistre, & le croire, & en le croyant se sauuer. Telle estoit la substance de ladite lettre, par laquelle il me semble d'estre raisonnable de mettre fin à ceste seconde relation, & donner commencement à la troisieme, qui apportera, comme ie croy, grand contentement au lecteur, & sera intitulée Itineraire, contenant tout plein de choses nouuelles & belles, comme il se verra par la lecture, qui ont esté sceuës & entendues par le rapport de celui qui les a veuës de ses propres yeux, l'auoir est du Pere Martin Ignace, de l'ordre S. François, lequel apres auoir circuy le monde est venu icy à Rome, avecque Marc Simeon, Euesque de l'isle du poiure, situee aux indes Oriëntales, avec qui i'ay parlé par plusieurs fois Il est Caldee de nation, & nature de Nin ue en Babylonne, le Patriarche de laquelle luy a conseré cest Euesché, & à ceste occasion vint icy à Rome rendre obedience à N. S. P. le Pape Gregoire XIIII & à S. Eglise Romaine; & negocier quelques affaires vers la Saincteté, le 24. iour de Nouembre, en l'an 1584.

Fin du cinquiesme Liure.



LIVRE SIXIESME DE L'HISTOIRE DV GRAND ROYAVME DE LA CHINE.

Contenant vn Itineraire du nouveau monde; ensemble le voyage de P. Martin Ignace, lequel en l'année 1584 est allé depuis Espagne iusques à la Chine, & de la Chine est retourné en Espagne par les Indes Orientales. après auoir fait le tour de la terre: Auec vn abbregé & epitome des choses plus singulieres & notables qu'il a veuës & entenduës audit voyage.

CHAP. I.

*Du port où l'on s'embarque au partir
d'Espagne; ensemble des Isles de
Canarie.*



AINCT Luçar de Berramede, & la ville Caliz, d'où partent ordinairement les flottes & nauires pour aller aux Indes Orientales, sont distantes à cinq lieuës seulement l'une de l'autre, & situées à 37. degrez de hauteur, & de lieu iusques aux isles dites Canaries, y a deux cens trente lieuës, lesquels se nauigent tousiours en S^uvest, & se font ordinairement en 8 ou 10. iours, La mer y est fort impetueuse, & y fait de grandes vagues & ondes, à cause de quoy est ce passage appellé, Le gouf-

tre des Yegues.

Les Isles que les anciens nommoient Fortunees, se disent à present Canaries par les Espagnols, lesquels les appellent ainsi de ce mot (*Canes*) c'est à dire (chiens) à cause que quand elles se descouvriront il y auoit en icelle grande quantité de gros chiens & dogues. Ces Isles sont sept en nombre. Sçauoir est la grande Canarie, Tenerife la Palme, la Gomere, le Fer, Lançarote, & Forteuenture; & sont situées à 8. degrez ou enuiron, & contiennent en soy maintes choses particulieres, quelques vnes desquelles ie reciteray ici sommairement.

En l'Isle de Tenerife vers l'Occident, & à l'extrémité d'icelle, il y a vne montagne appelée le pic ou bec de Tereyre, laquelle au iugement de ceux qui l'on veü est le plus haut lieu qui soit au monde, & se voit de soixante lieues loin tout à plein; au moyen dequoy quand les nauires singlent d'Espagne deuers ces Isles, c'est la premiere chose qui se descouure à la veü que celle montagne. On ne sçauroit y monter qu'au mois de Iuillet & d'Aoust pource qu'au reste de l'année il y a tousiours de grandes neiges, (jaçoit qu'il ne neige iamais en toutes ces Isles circonuoisines) & faut trois iours pour y monter. Au sommet d'icelle est vne terrasse faite comme vne plate forme, où se mettant quand la mer est calme, on voit toutes les sept Isles separément l'vn de l'autre, & semble de chacune que ce soient petites ruës iointes ensemble, bien que quelques vne d'entr'elles soient distantes des autres à plus de cinquante lieues de loin, & en ayent encore autant de circuit. Durant les deux mois susdits se recueille au haut d'icelle toute la pierre de soufre, qui est de ceste isle transportee en Espagne en quantité. Ceste montagne appartient au Duc de Maquede, par le don que luy en a fait le Roy d'Espagne.

En ladite isle de Tenerife est vne image de nostre Dame, qui a fait & fait encore plusieurs miracles, & est nommée ceste image, ensemble l'Eglise où elle est, *Nostre Dame de la Chandeleur*, qui est vn monastere de Iacobins, distant à cinq lieues de la ville de Saint Christofle. Ceste sainte image apparut en ladite Isle du temps que les naturels estoient payens, & beaucoup deuant que les Chrestiens y allassent, & fut l'intention & apparition d'icelle de la sorte & maniere qui ensuit. Il y auoit vne cauerne, qui est parroisse pour le iourd'huy, où les bergers auoient coustume de se

lauuer de la pluie & autres iniures du ciel, & y mettre leurs cheures à l'abry; car il ni auoit pour lors autre bestail en toutes ces Isles, dont en est encore pour le iourd'huy demeurée grande quantité. Si aduint vn iour que comme vn berger faisoit retirer ses cheures en telle cauerne, elles y virent dedans vne grande clarté, & incontinent de grande furie sortent dehors à la campagne, estant toutes si effarouchées, qu'elles ne s'arrestèrent que bien loin de la. Le berger voyant telle nouueauté entre dans la grotte pour en sçauoir l'occasion, & y apperceuant la clarté, & vn visage, ainsi qu'il empoignoit vn pierre pour ruer contre, le bras lui demeura tout roide mort, & la pierre au poing, lequel en témoignage du miracle se tint tousiours ainsi fermé le demeurant de sa vie. Cela estant sceu par les habitans, ils commencerent à retenir l'image en grande reuerence, l'appellant la Mere au Soleil, & est encore pour le iourd'huy demeurée ceste deuotion entre tous les naturels, que les Espagnols appellent Guachas, lesquels la tiennent en grande veneration, celebrant vne grande feste chasque année le iour de la Chandeze, en laquelle ils chantent & dansent, & demeurent ioye en plusieurs sortes.

En l'Isle du Fert, qui est l'une des sept sudites, il y a vne continuelle merueille, qui est à mon iugement des plus grandes qui soient au monde, & comme elle merite bien d'estre sceuë, de tous les hommes, afin qu'ils magnifient la prouidence de ce grand Dieu, & lui rendent graces pour cest effect. Toute ceste Isle, qui est des plus grandes, ou pour mieux dire la plus grande de toutes les sept, est vne terre aspre & infertile, & tellement seche, qu'il n'y a point d'eau par tout, sinon au bord de la mer, encoire en bien peu d'endroits, lesquels sont fort loin de la demeure des habitans. Mais la prouidence du ciel remedie à telle necessité par vn moyen admirable comme dit est: car il y a vn arbre grand & haut non iamais veu ny conneu en autre part de la terre, ayant les fueilles longues & estroites, & tousiours vertes comme le lierre; sur lequel se voit vne petite nuee, qui ne croist ne diminue iamais au: moyen dequoy les fueilles distillent sans cessè vne eau fort claire & subtile, laquelle tombe dedans des bassins, que les habitans tiennent là exprès pour la receuoir, & remedier à leur defaut, se sustentant de ceste eau eux & leurs bestes, & en ayant mesme à suffisance, que toutesfois ils sçachent quand cest estrange

& continuel miracle a commencé.

A main droite desdites Isles enuiron à cent lieuës loin, il y a vne autre chose qui n'est guere moins admirable que celle que nous venons de raconter: & cest qui se voit souuent fois vne certaine Isle, qu'on appelle Sainct Borodon, en laquelle ont esté perdus beaucoup de gens en y allant & dit-on: quelle est fort belle & plaisante, & bien peuplée d'arbres & de viures, & habitée de Chrestiens, & si toutesfois on ne scauroit dire de quelle nation ils sont, ni de quelle langue ils vsent. Deuers icelle sont allez infinies fois les Espagnols en intention de la trouuer: ce que iamais ils n'ont sceu faire: d'où vient qu'il y a diuerses opinions d'icelle en toutes ces Isles, les vns disant qu'elle est enchançee, & quelles se voit seulement quelques certains iours les autres estimant n'y auoir autre qui l'empesche d'estre trouuée, si non qu'elle est trop petite, & ordinairement couuverte de neiges, & qu'il sort d'icelle des riuieres si imperueuses, qu'elles rendent les auenuës difficilles. Mais mon opinion est, si elle peut valoir en quelque chose, que posé que fust vray le commun bruit qui court de ceste Isle par toutes les sept Canaries, scauoir est qu'il n'y a point d'autre cause qui empesche de la trouuer, si n'est l'air qui y est nuble, & ces courans d'eau susdits, si est ce que quand ainsi seroit pour le regard de ceux de dehors, il ne le pourroit pas estre pour ceux de l'Isle, ne se pouuant faire que s'il y auoit dedans quelques habitans, quelqu'un d'entr'eux ne fust sorti quelquefois pour quelque affaire aux isles voisines, & n'eust esté veu & apperceu. & le secret déclaré par ce moyen. Dont ie collige que la dite isle est imaginaire, ou enchançee, ou bien qu'il y a vn autre plus grand mistere en icelle, au moyen duquel, à fin de nous exempter de le croire, où de l'entendre, il est plus expedient de passer outre, & en concluant ce qui concerne nos sept Canaries: dite que l'air & climat d'icelles y est extrêmement bon, & qu'elles sont abondantes en toutes choses necessaires à la vie humaine, & que s'y recueille grande quantité de blé & de vin, & d'autres legumes, & qu'il s'y fait force sucre, & s'y nourrit beaucoup de bestail & de bien bon, & spécialement des Chameaux qui y sont en abondance. Les viures y sont à bon prix, & tous à meilleur marché qu'en Espagne.

Au surplus elles sont toutes peuplées d'Espagnols, qui y viuent en toute commodité, entre lesquels restent encore

pour le iourd'huy quelques naturels des Guanches fufdits, lesquels font fort efpagnolifez. La principale d'icelles s'appelle la grande Canarie, où il y a Euefché, inquisition, Audience Royale, d'où depend le gouuernement des fix autre.

C H A P. II.

Des Ifles appellees la Desfree, la Dominique, & S. Iuan de Portriche, ensemble des choses notables qui font contenûes en icelles.

A Pres que les flotres & nauires se sont rafreschies ausdites isles de Canarie, elles vont singlant vers la meisme route iufques à vne Ifle appellee la Desfree, qui est à 15. degrez del'Equinoctial, & à huit cens trente lieuës des Canaries que courent les nauires toutes d vne traite, sans voir terre, & tardent ordinairement vingt huit ou trente iours à faire ceste nauigation.

Ceste isle (qui est appellee Desfree, pource que ce goulfe est si grâd, & d vne traite si longue, que quand on l'auoit c'est apres l'auoir bien desfree) contient plusieurs autres isles aux enuirois, l vne desquelles est celle qui se nomme la Dominique, laquelle est peulee d vne maniere d'Indiens, que l'on appelle Caribes, lesquels sont gens tres cruels, qui mangent ordinairement chair humaine, & ont fort adroits à tirer de l'arc, ayant coustume de froter leurs fiesches avec vne herbe mortelle & si ven meuse, que quiconque en est blessé, à peine en peut il guarir par aucun remede. Cest Ifle est aussi à 15 degrez, & est petite & de peu de gens, lesquels toutesfois ont tué grand nombre d'Espagnols tant hommes que femmes y abordans, lesquels sans se douter du desastre descendent à terre pour prendre de l'eau, ou lauer leurs hardes, sur lesquels se ruët incontinent ces Indiens, & les tuent, & mangent, disant que la chair humaine est fort sauoureuse, pourueu que ce ne soit point d vn Religieux: car ils n'ont plus garde de manger, depuis que leur vint ce qui s'en suit.

Comme vn nauire qui alloit à terre ferme eut abordé à ceste Ifle, ceux du vaisseau, entre lesquels estoient deux Religieux de S. François, descendirent à terre, & sans se douter de la fortune qui leur pouuoit aduenir, se tindrent sur le bord de l'eau pour y prendre la frescheur, & se recreer de la longue & penible nauigation qu'ils auoient faite depuis les

Canaries iusques là. Quand les Caribes les virēt ainsi de repos, & sans se douter de rien ils descendirent d'une montagne, & les vindrent tous assommer, sans pardonner à aucun. Tout ces iours là ils firent grande chere, mangeant de ceste chair d'homme, qu'ils rotissoient & cuisoient, & apres cela comme ils en voulurēt faire autāt de l'un des Religieux qui estoit vn homme fort frais & blanc, ceux qui en mangerent deuindrent bouffis en peu de iours, & moururent tous comme enragez, escumant & faisant horribes grimasses: qui est cause qu'ils ne mangent plus depuis de telle chair. Ils ont fait vne infinité de tels massacres & retiennent encore avec eux pour le iourd'huy maints hommes & femmes d'Espagne, ausquels ils ont sauué la vie pour se seruir d'eux, ou pource qu'ils estoient ieunes, lesquels à ce que disent quelques vns qui se sont enfuis de là, vont tous nus comme les Indiens, & parlent leur langue, & sont presque desia changez en leur naturel. On pourroit remedier à ce grand desastre, si le Roy d'Espagne mandoit à vn General de mer de terre ferme, ou de là nouuelle Espagne, de se tenir là quelques iours; & exterminer de l'Isle toute ceste race de gens qui le meritent (ce qui se feroit en peu de temps) remettent en liberté les pauures Chrestiens, qui y sont deuenus captifs en grands nombre, & mesmes dir-on que aucuns d'eux sont gens de marque & de qualité. On ne peut entrer dans ceste Isle, sans estre veu par les espies ordinaires qu'ils y tiennent: & si d'auanture ils voyent que ceux qui abordent sont en grand nombre, & qu'ils ne les peuuent offenser, ils se tiennent au haut de la montagne, ou dedans des halliers & buissons espars, iusques à tant que les nauires s'en aillent apres auoir fait aiguade, ou pris du bois. Ce sont gens fort traistres, lesquels se sentant auoir l'auantage ne faillent pas d'affaillir & courir sus, & de ceste façon ont fait & font encore plusieurs dommages, comme dit est.

Aupres de ceste Isle vers Nortuest, est celle de S. Iuan de Porriche, qui est à 18. degrez, & contient quarante six lieues de long, & vingt cinq de large, & de tout enuiron cent cinquante lieues. Il y a en icelle force bestail de bœufs & vaches, beaucoup de sucre, & de gingembre, & pareillement de blé qui y croist fort. C'est vn terroir où il y a beaucoup d'or, lequel toutesfois demeure aux mines faute de gens pour le tirer. Elle est munie de tresbeaux ports vers le Midy, & de la part de Septentrion elle en a vn si bon & seur que

pour le regard d' celuy les Espagnols ont donné le nom de Portiche à toute l'Isle. Si y a dedans icelle quatre peuplades d'Espagnols, & Eglise Episcopale, ou est l'Euesque pour le iourd'huy le R. P. F. Diego de Salmangue, religieux Augustin. Quand les Espagnols y furent la premiere fois (qui fut a ce que dit le R. P. des Cases Euesque de Chiapa, en l'annee 1509) toute ceste Isle estoit si pleine d'arbres & fruits, qu'ils l'appellerent l'Isle des Iardins, & y auoit en icelle enuirõ six cens mille Indies, desquels il n'est pas resté vn pour le iourd'huy. Depuis ladite Isle iusques à celle de S. Domingue il a quatre vingt lieuës de port en port, & douze seulement de pointe en pointe; & combien que de port à autre on y aille ordinairement en trois iours, si à on coustume de tarder vn mois, & plus à faire le tour, pour caule des vents qui y sont contraires.

CHAP. VIII.

De l'Isle de saint Domingue, dite autrement Espagnole & des proprietex d'icelle.

L'ISLE Espagnole, dite autrement S. Domingue, pour ce qu'elle fut descouuerte le iour de S. Domingue, que les Espagnols appellent Domingue, est située à 18. degrez; & fut la premiere qui se descouurit aux Indes par le capitaine Christofle Colomb, digne de perpetuelle memoire, & fut peuplee l'an 1492.

C'est vne Isle qui contient plus de six cens lieuës de tour, & est diuisee en cinq Royaumes, l'un desquels, qui se nomme à present la Vague, & alors qu'il se descouurit s'appelloit Magua, contient quatre vingt lieuës de circuit, qui s'estendent toutes depuis la mer de Septentrion iusques à celle de Midy, en laquelle (selon que tesmoigne en son histoire le R. P. de Chiapa) entrent trente mille riuieres & ruisseaux venans seulement de ce pais là, dõt les douze sont aussi grans que le fleuve Ebre, le Duere, & le Guadalquinar en Espagne. Et adiouste ledit Euesque vne autre merueille, que la plus grãd part de ces riuieres, c'est à sçauoir celles qui sortent de la môtagne qui est deuers l'Orient sont tres affluentes en or, lequel en quelques endroits est fin & exquis en carats, comme est celuy qui se tire des minieres de Cibao, tant res-

nommé par de là & en Espagne, pour sa grande perfection, desquelles manières est aduenü qu'on en a tiré vn lingüot d'or vierge, aussi grãd qu'un grãd gasteau ou fouace, qui pesoit trois mille six cens Castillans, & fut perdu dedãs le mer en l'apportant en Espagne, cõme testifie le mesme Euesque.

Il y a en ceste isle ci plus grande quantité de bœufs & vaches qu'en celle la de Portriche, & s'y recueille force casse, sucre & gingembre, pareillement beaucoup de fruits tant de ceux d'Espagne, que du creu de l'Isle, lesquels y sont à foison. Il y aussi force porcs, dont la chair est aussi saine & sauueuse que le mouton en Espagne, & y a fort bon marché de tout, & n'y vaut vn bouuillon que huit reales, & consequemment ainsi les autres choses, lesquelles sont du creu de l'Isle; car les marchadises d'Espagne y sont chaires. C'est vn país abundant en or, s'il y auoit gens pour le tirer, & y a aussi forces perles. Il ne se recueille point de blé en toute l'Isle, si ce n'est en l'Euesché de Palenquerem, bien qu'il y aye plusieurs autre endroits, où il pourroit bien prouenir si on en semoit: mais la nature qui a coustume de suppléer aux necessitez à suppléé aussi si vn tel défaut de blé, leur donnant au lieu d'iceluy vne racine, qui prouient par toute l'Isle en grande quantité & abondance, & leur sert de pain encore pour le iourd'huy, comme elle faisoit auparavant, quand les Espagnols y allerent. Ceste racine est blanche, & s'appelle *Cacane*, laquelle ils moudent, & de la farine en font du pain pour leur viure: lequel encore qu'ils ne soit si bon que celuy dublé, est propre pour les nourrir & sustenter, & s'en contentent.

Le terroir y est fort chaud, & à ceste occasion les viures y sont de peu de sustâce. La ville capitale est S. Domingue, où il y a Archeuesché, & Audiance Royale, & est bastie au bord de la mer, & garnie d'une grande riuere, qui luy sert de tresbon. Il y a aussi trois conuens de Relieux, & aussi deux de Religieuses. Quand les Espagnols entrèrent dans l'Isle, il y auoit, à ce que resmoigne en son Histoire ledit Euesque de Chiapa, trois millions du naturels Indiens, desquels ne s'ot pas restez deux cẽs pour le iourd'huy, & encore la plus part d'iceux sont tous petits, & enfans d'Indiens & d'Espagnols, ou de Negres; & à ceste cause ont peuplé toute le país, & sont de l'humeur & complexion desdits Negres, qui sont semez par toute l'Isle, en nombre de plus de douze mille. C'est vn país lequel est fort sain pour ceux

qui ont accoustumé d'y demeurer.

Il y a par toute celle mer grande abondance de baleines, que l'on voit en nauigeant, & font grand' peur quelquefois: mais sur tout y a vne infinité de certains poissons fort grands, que l'on appelle Tiburons, lesquels vont par grandes bandes, & sont fort frians de chair humaine, & pour ceste cause suiuent vn nauires cinq cens lieues loin, sans se laisser voir aucunement. Si est aduenu maintefois qu'on a pêché ce poisson, & luy ont esté trouuees dans le corps toutes les immondices & autres choses, qu'on atoit iettées du nauires en beaucoup de iours de nauigation, iusques à des testes de mouton toutes entieres avec leurs cornes. Si d'auenture ils trouuent vn homme dans la mer, où à l'oree, ils ne faillent à le deuorer, ou à tout le moins luy arrachent tout ce qu'ils peuuent attraper, soit bras ou iambe, ou bien la moitié du corps, comme il s'est veu plusieurs fois; ce qui leur est facile à faire, pour autant qu'ils ont deux rangs de dents qui sont aiguës comme rasoirs, ou crochets de porc sanglier.

CHAP. IIII.

Du chemin & isle, qu'il y a depuis ceste Isle S. Domingue, iusques aux Royaume de Mexique.

LA premiere Isle qui se rencontre depuis que l'on a laissé S. Domingue, c'est celle qu'on nomme ordinairement Nauace, qui est vne petite isle à cent douze lieues de la ville de S. Domingue, & située à 17. degrez.

Loignant celle en est vne autre, que l'on appelle, Iamayque, de cinquante lieues de long, & quatorze de large. Apres d'icelle y a coustumierement de grans vracans & birasques (car ce mot ici [*Vracan*] est vn vocable des Insulaires, lequel signifie en leur langue les quatre vents joints ensemble, & soufflans l'un contre l'autre) lesquels ventent ordinairement en ceste coste au mois d'Aoust, Septembre, & Octobre: au moyen dequoy les flotes qui vont aux Indes raschent tousiours de passer ladite coste deuant ou apres lesdits trois mois; sçachant bien par experience que plusieurs nauires se sont perdus en cest endroit pendant ledit temps.

De ceste Isle on va à celle de Cube, qui est située à 20. degrez, en laquelle est le port de la Hauane, qui est à 2. degrez, depuis lequel iusques à la dernière pointe d'iceluy

appelée le cap S. Antoine, se content enuiron deux cens lieues, & est ledit Cap à 22 degrez de hauteur. C'est vne grande Isle, qui contient deux cens vingt cinq lieues de longueur, & trente sept de largeur, & est habitée d'Esgagnols, & toute conuertie à la foy Chrestienne, & en icelle y a Euesché, & Conuens de Religieux. Les nauires qui vont à l'Espagne neusue passent à la veuë d'icelle, & au retour, tant celles qui viennent de là, que celles qui retournent du Peru entrent toutes audit port de la Hauane, lequel est tresbon & sent, & où se trouuent toutes sortes de viures necessaires pour la prouision de flottes, les vns estans du cru de l'Isle, & les autres amenez d'ailleurs, & specialement y a quantité de bois & de bien bon, tant pour refaire les nauires, que pour plusieurs autres choses, dont on charge ordinairement celles qui s'en retournent en Espagne. Le Roy Catholique tient en ceste Isle vn Gouverneur, & vn Capitaine avec garnison, pour la defence du lieu & d'un fort qu'il a là le plus seur de toutes les Indes. Ceste Isle de Cube se descouurit l'an mil cinq cens onze, & y auoit en icelle estant de la grandeur que dit est, grand nombre de gens naturels, lesquels sont fort peu pour le iourd'huy. Il y a vn fleuue en icelle, qui a beaucoup d'or, selon la tradition des naturels, & suivant ce qu'ils en ont dit à leurs enfans, lequel or ils ietterent en l'eau de la maniere qui ensuit.

Vn Cacique appellé Hatuey, lequel pour la creinte des Espagnols auoit abandonné l'Isle Espagnole, & s'estoit retiré à celle ci avec grand nombre de ses gens, & toutes ses richesses & beaucoup d'or, comme quelques autres Indiens de S. Dominique, où il auoit esté Roy & Seigneur, luy eurent dit les nouuelles que les Espagnols venoient vers ceste Isle de Cube, il assembla tous ses gens, & plusieurs autres de l'Isle, puis leur tint vn tel propos : *On dit pour certain que les Chrestiens viennent par deça : vous sçauex par experience ce qu'ils ont fait aux naturels du Royaume d'Aytm, c'est à dire l'Isle Espagnole: ils en feront autant en ce lieu & sçauex vous bien pourquoy? Pource, luy respondirent ils, qu'ils sont cruels de leur naturel. Ce n'est pour cela, dit le Cacique, mais c'est pour auant qu'ils ont vn Dieu, lequel ils adorent. Es pour l'auoir de no^s autres cherchèt ainsi à no^s tuer. Ayât dit cela il aduint vn petit coffre tout plein d'or & joyaux qu'il auoit apporté secrettement, & en le monstrât leur dit: *voici le Dieu que ie dy, faisons luy des Areiros* (c'est à dire des bals & dâses) & paranture luy,*

donneront nous contentement, & commandera à ses suiets de ne nous point faire de mal. Pour ceste cause ils s'en vont chacun en leurs maisons prendre l'or qu'ils y auoient, & l'ayant mis tout en vn, & fait d'iceluy vn grand monceau se metrent à danser tout alentour tant qu'ils se lassierent, & alors leur dit le Cacique: L'ay pensé en dansant à ce Dieu cy de ses gens qui viennent: car quoy qu'il en soit: si nous le gardons il nous tuent pour l'auoir: & d'ailleurs si nous leurs baillons, ils ne nous pardonneront pas, afin d'en tirer de nous d'auantage: partant iurons le dans ceste riuere: ce qu'ils firent tous de commun accord & volonté.

Depuis ceste pointe S. Antoine, on va trouuer S. Iuan de Lua, qui est vn port en la terre ferme de Mexique, distant à deux cës trèrè lieux. Par tout ce chemin y a grande pesche; & principalement de certains poissons appelez Meros, qui sont si aisez à prendre, qu'on en peut charger en vn seul iour non seulement des nauires, mais aussi des flotes: & aduient souuentefois qu'ils montent & entrent eux mesmes dans les nauires, & est on contraint de les reietter dans la mer, faute de sel pour les saler. En faisant ceste nauigation, on passe à la veuë d'vne Isle appelée Campesche, qui est vne belle contrée, proche du royaume de Mexique, & bien fournie de viures, & specialement le miel & cire, & contient trois cës lieux de tour. Les originaires d'icelle sont tous conuertis à la Loy de nostre Seigneur Iesus Christ, & y a Eglise cathedrale, & vn Gouverneur pour le Roy d'Espagne, & des conuens de Religieux. Peu de iours apres que l'on a passé ladite Isle, on arriue au port S. Iuan de Lua, ou il est besoin que les nauires entrent avec grand esgard, à cause de plusieurs gours & bans de sable qu'il y a là. Le Roy d'Espagne y a fait batir vn fort, qui est acheué, & est tres bon.

À cinq liuës de cedit port est la ville de la vraye Croix, où se fait le trait du trafic, & y sont les officiers pour le Roy d'Espagne. C'est vne contrée fort chaude, à cause qu'elle est à 19. degrez, toute fois elle est bien fournie de viures. Elle souloit estre mal saine au commencement, mais pour le iourd'huy elle ne l'est pas tant: ie ne sçay si le changement d'air en est cause, ou la diette & le bon regime de ceux qui viuent. Elle est distante de celle de Mexique, qui est la capitale du Royaume, & d'où il a pris son nom, enuiron soixante & dix liuës de chemin, le tout si peuplé d'Indiens & d'Espagnols, & si abondant en viures, qu'il semble à voir vne terre de

de promission. Elle est temperée de telle sorte, que presque tout le long de l'année il n'y fait ne froid ne chaud, & n'y est le iour plus grand que la nuit, ni la nuit plus que le iour, sinon que bien peu, à cause qu'elle est presque située dessous la ligne Equinoctiale. La grande estendue de ce Royaume, & quelques particularitez d'iceluy se pourrônt voir au chapitre qui ensuit.

 C H A P. V.

De l'estendue du Royaume de Mexique, ensemble de quelques autres choses particulieres & notables, qu'il y a en iceluy.

C E Royaume de Mexique est terre ferme, & se baigne d'une part la mer de Septentrion, & de l'autre celle de midy. Quand à sa longueur & largeur, il n'est pas possible de le dire, à cause qu'il n'est pas encore tout decouvert, & qui s'y trouve chaque iour des terres neuves, comme il s'est veu nouvellement en l'an 1583. à l'entrée que fit un nommé Anthoine d'Espeje, lequel avec ses compagnons decouvrit une estendue de pais, où se trouverent quinze provinces toutes pleines de villes & bourgs, & peuplée de maisons de quatre & cinq estages de haut, & appella cestuy pais, *Le nouveau Mexique*, pour estre conforme en plusieurs choses à l'autre Mexique decouvert. Il est du costé de Septentrion, & croit on que par cest endroit on peut aller iusques à la terre de labour, comme nous en parlerons plus amplement cy apres. Du costé d'Orient il est connu au Peru, & courant ainsi par la mer Septentrionale se va rendre droit au Noudou qui est un port du Royaume, & allant depuis Acapulque, qui est un autre port de Mexique, & en la mer de Midy va trouver Paname, qui est pareillement un port de Peru, & située en ladite mer auprès du destroit de Magellan, & non loin du fleuve d'argent, & du Bresil.

Brief cedit Royaume est si grand, que l'on n'en a point encore trouué la fin, se decouvraient tous les iours nouvelles terres, où les Indiens qu'on y trouve sont tous faciles à convertir à N. foy, pour estre telles gens dociles & doüez de bon entendement. Il y a en iceux grande diversité de langues & d'idiomes fort differens, toutesfois ils entendent

tous le langage Mexican, qui est le plus commun & ordinaire. Il contient plusieurs provinces peuplées d'Indiens & d'Espagnols, chacune desquelles est aussi grande qu'un mediocre Royaume: toutefois la plus grande & principale est celle de Mexique, où il y a force Indiens & Espagnols, & en plus grand nombre qu'aux autres. Les nom d'icelles sont Hondure, Guatimala, Cápésche, Chapa, Guajaca, Mechucan, nouvelle Galice, nouvelle Biscaye, Guadiane & quelques autres que ie laisse pour n'estre prolix, en toutes lesquelles y a audience Royale, ou des gouverneurs, ou Correcteurs, tous Espagnols. Quand au naturels d'icelle, depuis qu'ils sont conuertis on ne les a iamais trouuez en heresie, ny en autre qui soit contre la foy Catholique Apostolique Romaine. Toutes cesdites Provinces sont suiuettes à celle Mexique, & la reconnoissent comme capitale, y ayant en icelle vn Viceroy, Inquisition, Archeuesché, & Audience Royale pour le Roy d'Espagne.

La ville de Mexique est vne des bonnes villes qui soient au monde, & est bastie dessus l'eau, comme Venise en Italie. Partout le Royaume on ne scauroit presque sçauoir quand il est hyuer ou esté, tant à cause que tout le long de l'année les iours n'y sont guere plus longs ou plus courts que les nuicts, comme pour le temperamēt du pais. Les champs y sont verds la plus grande part de l'année, & y sont les arbres presque tousiours chargez de fruit, à cause que quand l'hyuer est en Europe, il tombe là roses du ciel, qui tient la terre fleurie, & puis en Esté il y pleut tousiours d'ordinaire spécialement aux mois de Iuin, Iuillet, Aoust, & Septembre, pendans lesquels à peine se passe vn iour sans pleuvoir. Et est aussi chose merueilleuse, qu'il ne pleut presque iamais depuis le midy de releuee, ne passe iamais minuit: de maniere que ceux qui voyagent peuuent cheminer depuis minuit iusques au midy ensuiuant. Il y pleut avec telle furie & impetuosité, que tant que dure la pluye il se faut mettre à couuert, pource qu'elle y est coustumièremēt si dangereuse, quelle peut tuer vne personne sur la place. Partout le Royaume se seme & recueille presque tout le long de l'année tant de blé froment, qu'il y est en grande abondance, cōme du maiz, qui est la nourriture ordinaire de tous les Indiens, Negres, & Cheuaux, lesquels y a là à force, & tous aussi bons & beaux, qu'il s'en puisse trouver au reste du monde. La race y fut mencee là d'Espagne,

lors que le païs commença à se descouvrir; & pource faire furent choisis les meilleurs qu'on peust trouver, au moyen dequoy lesdits chevaux qui en sont sortis, avec ce qu'ils mangent toute l'année de l'herbe verte, & du maiz, qui est le blé des Indiens, méritent d'estre tenus en telle valeur que dit est. Bref cedit Royaume est l'un des plus abondans en viures que nous sçachions, & pareillement aussi en richesses, pour y auoir ven iceluy vne infinité de mines d'argent, d'où il se tire en telle quantité, que l'on peut voir chaque année, quand la flore arriue à Seuille.

Il est dessous la zone torride, & ce nonobstant est temperé comme j'ay dit, contre l'opinion des anciens Philosophes, qui la disoient estre inhabitable. Mais afin de les excuser, ce ne sera point hors de propos de dire la cause, pour laquelle ils se sont trompez, qui est que durant les quatre mois que le Soleil est en la plus grande force (qui sont ceux que j'ay nommez cy dessus) il y pleut tousiours d'ordinaire, au moyen dequoy le pays y est temperé. Outre cela il a pleu à la diuine prouidence que cestuy païs soit rafraeschy de vents doux, qui viennent de la mer de Septentrion & de midy, & soufflent si continuellement, qu'à grande peine est elle calme. Et à ceste occasion l'air y est par tout si frais, que combien que le Soleil y soit fort chaud & ardent toutcfois en se mettant à couuert dessous quelque ombre, si petite soit-elle, il y court vne frescheur fort souueue. Au moyen de ceste temperature d'air, qui y est douce, les habitans du Royaume n'ont que faire toute l'année de diminuer ni augmenter leurs habits & couuertures de liêt: car le ciel y est si sain & salubre, qu'il vaut autant dormir en pleine campagne dessus la dure, que dedans vne sale bien close & bien tapissée. Tout ce qui s'est descouvert iusques à present, excepté le païs des Chichimesques (qui est vne sorte d'Indiens viuans comme les Arabes d'Afrique sans tenir maison ne buron) est fort pacifique, baptisé, en doctrine, & peuplé de plusieurs monastères de Iacobins, Augustins, Cordeliers, & Iesuites, sans vn grand nombre de Prestres & Clercs, qui sont departis çà & là: lesquels tant les vns que les autres s'occupent là ordinairement à enseigner les naturels & Espagnols qu'il y a par tout le royaume, lesquels encore qu'ils soient peu à comparaison des Indiens, y sont plus de cinquante mille.

En la ville capitale qui est Mexique, comme dit est, il y a vne belle Vnuerſité, & en icelle plusieurs chaires, où l'on lect en toute ſacultez, comme à Salmanque en Eſpagne, par des Docteurs & gens ſçauans, qui ſont bien gagez & grandement honorez. Il y a pareillement pluſieurs hoſpitaux grâs, & ſpacieux, tant pour Eſpagnols, que pour Indiens, où les malades ſont penſez ſeigneuſement & avec grande charité, y ayant pour ceſt eſſect de grandes rentes & reuenus. Le ne parle point des Eglises, & monaſteres de Religieux & Religieuſes, ni des autres ſingularitez qui y ſont, pource qu'il y a vne hiſtoire traitant amplement de ce ſuiet, avec ce que mon intention eſt de dire en forme d'Itineraire tant les choſes que le P. Ignace ſuſmentionné m'a communiquees de bouche & par eſcrit, auoir veuës & enterduës en ſon voyage, comme celles que ie ſçay eſtre veritables, pour en auoir eu l'experience en quelques lieux. Si ſe nourrit en ceſtuy royaume plus grande quantité de beſtail, qu'en autre part qui ſoit au monde, tant pour la bonté, & temperature du ciel, & pour la fertilité de la terre. Les vaches & les brebis y portent bien ſouuent deux fois l'annee, & les cheures ordinairement trois fois, au moyen dequoy, avec ce qu'il y a grande eſtenduë de lieux champetres, & iceux tous peuplez de gens s'occupans à telle choſe: il y a ſi grande abondance de beſtail, que tout s'y vend à fort bon marché, & arriue ſouuentefois que ſ'y tuent dix mille beſtes à corne, pour ſe ſeruir ſeulement des cuirs que l'on enuoye en Eſpagne, laiſſant la chair emmy les champs pour les oiſeaux, ſans en tenir autre conte. Il eſt abondant en beaucoup de fruits, & les aucuns d'eux differens de ceux qui ſe recueillent en Europe, ſans y comprendre les noſtres, leſquels y ſont en auſſi grande quantité, ou peu ſ'en faut.

Entre les choſes norables, & dignes d'eſtre remarquees, leſquelles ſont en grand nombre audit royaume, il y en a vne touchant vne plante, nommee Maguey, fort commune & frequente en toutes ces provinces & villes, de laquelle ſe font tant de choſes pour le profit & ſeruice de naturels, que malaiſément le croira qui ne l'aura veu, combien qu'il y ayé des teſmoins de cela en chſque endroit. De ceſte plante ſe tire du vin (qui eſt le breuvage que boient ordinairement les Indiens & les Negres) & du vinaigre fort bon, du miel, & du fil, pour faire des couuertes, dont ſe vèſtent les naturels, & pareillement pour les coudre, & de

la pointe des feuilles que iette la palme, se tirent les aiguilles, dont ils couzent les mesmes habits, ensemble les fouliers & patins de corde lesquels se font du mesme fil. Les feuilles de ladite plante, outre ce qu'elles sont fort medecinales, seruent encore aux maisons en lieu de tuiles, & estant destrempees en eau se fait d'icelle comme du chanvre, qui sert à faire maintes choses, & principalement des corde. Le tronc ou caule du milieu est si gros & fort, qu'il sert de poutre & solives à des maisons, qu'ils ont coustume de couvrir de chaume, ou de feuilles d'arbres grandes & larges. Comme sont celles du plane Mais toutes ces proprietiez, bien qu'elles semblent singulieres, sont toutesfois de peu d'importance, comme pourra iuger le lecteur au regard des commoditez, lesquelles promiennent de la palme, comme nous dirons cy apres venant à parler des Philippines, où il y en a en abondance.

CHAP. VI.

*Suite & continuation des particularitez
de Mexique.*

LEs Indiens de cestuy Royaume sont fort ingenieux, & ne voyent rien faire qu'il ne contrefacent & imitent, d'où vient qu'ils sont fort bon chantres, & ioueurs de toutes sortes d'instrumens, iagoit que la voix ne leur y aide pas. Ils sont fort affectionnez aux ceremonies de l'Eglise, & adonnez au diuin seruice, & en cela surpassent de beaucoup les Espagnols. Il y a des chantres deputez en chasque lieu, lesquels vont tous les iours à l'Eglise dire l'office N. Dame le chantant deuotement & avec grande attention Pour bien parer vne Elise, & l'orner de diuerfes fleurs & curiositez, ils y sont adroits par dessus tous autres Ils peignent mediocrement en quelques parts, & font des images de plume de certains petits oiseaux, appelez Cinçons en leur langue, qui n'ont point de pieds, & ne viuent d'autre chose que de la rosée du ciel: & est ceste peinture si belle à voir, que les plus excellens peintres d'Espagne l'admirent, & principalement pour la subtilité du pinceau, & le Iugement qu'ils ont à appliquer les couleurs des plumes.

Ils font tous grands aumosniers, spécialement à l'endroit des gens d'Eglise, & à ceste cause telles personnes peuuent nauiger d'une mer à autre, qui sont plus de cinq cens lieues de distance, sans despendre vne seule reale de leur viure ny autre chose, pource que les naturels leur suppeditent fort volontiers tout ce qui leur est de besoin. Pour ce faire y a par toutes les villes des logis & hostelleries pour heberger les estrangers, & illec des gens deputez pour recevoir tous Religieux passans par la, & leur essargir gratuitement, ce qui leur est necessaire: ce qu'ils font aussi aux seculiers pour leur argent. Et tant s'en faut qu'il face cela à regret, qu'au contraire ils s'en vont eux mesmes les prier de venir chez eux, & leur font honneste recueil à leur venuë, allant tous au devant d'eux tant petits que grans en procession, & quelquefois plus de demie lieue loin, avec les trompettes, flustes, cornets, & haubois. Les principaux portent des bouquets de fleurs en leurs mains d'où ils font presët aux Religieux qu'ils reçoient, & luy iettent quelquefois plus de fleurs qu'ils ne voudroient. Ils reuerent par tout le royaume les Ecclesiastiques, & particulièrement ceux des Religions, qui sont employez à les conuertir, & baptiser au commencement; & est telle reuerence si grande, que si le Religieux veut discipliner quelqu'un d'entr'eux pour quelque faute, il le fait aussi aisément que peut faire un maistre d'escole les petits enfans qu'il enseigne.

Ceste grande submission & reuerence fut introduite iadis entr'eux par le vaillant Capitaine Hernand Cortes, Marquis de la Val, qui fut celuy qui au nom de l'Empereur Charles Quint de bonne memoire gagna & conquesta ce grand Royaume; lequel entre autres vertus qui se racontent de luy, & durent encore à present en la memoire des naturels (dont l'estime que son ame en est exaltee au ciel en grande gloire) en eust vne sublime & excellente, sçauoir est un tresgrand respect & reuerence à l'endroit des Prestres, & spécialement enuers des Religieux, laquelle voulant habiter entre tous ces Indiens, à chaque fois qu'il parloit à quelque Religieux, c'estoit avec autant d'humilité & de respect, que fait un seruiteur enuers son maistre, & iamais ne les rencontroit par la rue, que si d'avanture il alloit à pied il n'ostast le chapeau de loin, & ne leur baïst les mains en approchant; & s'il estoit à cheual, il les deuangoit comme de coustume, & mettant pied à terre leur faisoit la

mesme submission. Par cest exemple de luy les naturels ont retenu la mesme coustume, qui se garde encore à present par tout le royaume, & avec telle deuotion, qu'en quelque part qu'arriue vn religieux, le premier qui l'apperoit s'en va courant à l'Eglise, & sonne la cloche, qui est le signal conneu par tout de la venue d'un religieux. À l'instant sortent toutes les femmes portant leur petits enfans entre les bras, & s'en allant à la rue par laquelle il doit passer, luy presentent leursdits enfans, à fin qu'il leur donne sa benediction combien qu'il soit à cheual, ou passe chemin sans arrester.

Tout ce pays est si abundant en viures & aussi en fruits, que comme ainsi soit que l'argent pour sa grande foison & abondance y soit tenu en peu d'estime, & qu'une reale de là n'y vale pas tant, que fait un quartir en Espagne: on y trouuera un beau bouillon pour douze reales, & cinquante mille, à mesme prix, une ienisse pour six ou huit, un monton entier pour quatre, & deux poulles de Castille pour une des poulles d'Inde, appellees Pauos en Espagne, ils s'en trouuera cent mille à une reale & demie la piece, & ainsi consequemment de toutes autres viandes, tant rares & exquisés qu'elles puissent estre: excepté le vin & l'huyle qui sont chers, pour ce qu'ils s'y transportent d'Espagne, non que la terre n'en peust bien porter en abondance comme l'effect s'en est veu, mais pource qu'ils le laissent à faire, à cause d'autres occasions.

Ily a par tout le royaume des herbes medecinales à planter, & sont les Indiens grands simplistes, vsant d'herbes en toutes leurs cures, de maniere qu'il n'y a presque maladie, laquelle ils ne sçachent guarir par application de leurs simples, & à ceste cause se maintiennent tous en bonne santé, & ne meurent point presque de foiblesse, ou de defect de l'humilité radicale.

Ils n'vsent gueres de saignes, & moins de medecines composees, pource qu'ils ont forces simples dont ils vsent à se purger, que chacun d'eux va querir aux champs, puis les appliquent à leur malades. Ils sont de peu de travail, & se passent aussi à peu de viandes, & ne dorment ordinairement qu'emmy la terre dessus des nates faites de jonc, & le plus souuent au serain, lequel comme l'ay predicé ne fait iamais mal à eux ni aux Espagnols. Et pour abbre-

ger en peu de paroles ce qui merite vn lōg discours qui tous-
esfois ne pourroit suffire pour tout ce qui reste à dire du dit
royaume, ie feray fin & conclusion, en le comparant à l'vn
des plus grands & riches pays qui soyent point au monde.
excepté celuy de la Chine, dont se sont dites tant de choses
en ceste presente histoire, & se diront encore en leur lieu par
l'apres, & viendray maintenant à parler du nouueau Mexi-
que, cōme j'ay promis cy dessus estimant qu'vn tel discours
sur estre chose nouuelle sera fort agreable au lecteur.

C H A P. VII.

*Du nouueau Mexique. Et comme
il a esté descouuert.*

I'Ay dit au chapitre antecedent qu'en l'an 1533. auoyent
esté descouvertes quinze Prouinces, que les inuenteurs
ont appellees le nouueau Mexique, situé en la terre ferme
de l'Espagne neuue, & ay promis de raconter comme il a
esté descouuert, ce que ie feray en ce lieu avec la plus gran-
de breueté que sera possible: car si ie vouloy diffusément &
au long historier tout ce que s'y est veu & entendu, il seroit
besoin de compiler vn autre histoire. Si est le fait tel que
s'ensuit.

L'an 1531. vn Religieux de S. François, dit F. Augustin
Ruyz, lequel demouroit au val S. Berthelemy, oyant par le
rapport de certains Indiens appelez Conches lesquels
hantoient & trafiquoiēt avec autres leurs voisins dudit Pas-
sagers, que vers le costé de Septentrion en cheminant tous-
iours par terre il y auoit de grans pays non encore sceus ny
descouverts des Espagnols, luy estāt poussé d'vn grand zele
de charité du salut de ces peuples, demanda licence au Cō-
te Coruñe Viceroy de la dite nouuelle Espagne, & pareille-
ment à ses anciens & superieurs d'aller par de la, afin d'ap-
prendre leur langue, & par le moyen d'icelle les baptiser, &
leur prescher l'Euangile. Ayant eu congé dessusdits, & pre-
nant deux autres confreres de son ordre il partit avec huit
soldats qui le voulurent accompagner de leur bon gré, pour
mettre à execution son saint poinct.

En peu de iours ils trouuerent vne Prouince, qui s'appel-
pit les Rigvas, distantes des minieres de S. Barbe, d'où ils

commencerent leur voyage environ deux cens cinquante lieues vers Septention, auquel lieu pour certaine cause les naturels tuerent l'un des compagnons Religieux dudit Frere Augustin Ruyz. Ce que voyant luy, & les soldats qui l'accompagnoyent, & craignant plus grãd inconuenient qui pouuoit s'ensuiure, ils resolurent de commune vois de reprendre le chemin des mines, desquelles ilsestoient partis. consideré qu'ils estoient trop petit nombre pour resister aux ennemis qui se pourroient presenter en celle part, & qu'ils estoient loin des Espagnols & de leur secours necessaire. Les deux Religieux qui restoient, ne furent point de cest aduis, mais au contraire voyãt si belle occasion pour effectuer leur bon desir, & vne si grande moisson meue & preste pour offrir à la table de Dieu, & considerant d'autre part qu'ils ne pouuoient persuader aux soldats de passer outre & poursuivre le descouurement, demurerẽt eux deux en ceste Prouince avec trois ieunes garçons Indiens, & vn metiz. qu'ils auoyent amenez avec eux s'asseurent dessus l'amitié que leur portoyent les naturels, deuoir estre audit lieu en seureté, nonobstant qu'ils y fussent seuls Les huit soldats estans arriuez où ils desiroyent, despescherent incontinent vn messaige à la ville de Mexique, d'istante à cent soixante lieues desdites mines sainte Barbe, pour porter les nouuelles au Viceroy de ce qui estoit aduenü. Si furent bien dolens les autres Religieux dequoy leurs cõfreres estoient demeurez, & craignant qu'estant ainsi seuls ils ne fussent en dãger d'estre tuez, commencerent à encourager quelques soldats, & leur persuader de faire compagnie à vn autre Religieux de leur ordre, nommé Frere Bernardin Beltran, pour retourner en ladite prouince des Tiguas, & ayant mis hors de danger leurs deux Confreres susmentionnez, leur aider à poursuivre leur entreprise en commencee.

En ce temps estoit ausdites mines pour vne certaine occasion vn habitãt de Mexique, appellé Antoine d'Espeje, natif de la ville de Cordue, homme riche & de grand esprit & industrie, & pareillement fort zelé au seruice de son Prince le Roy d'Espagne. Iceuluy ayant entendu le desir desdits Religieux, & l'importance de l'entreprise, s'offrit à faire le voyage & y hazarder son bien & sa vie, au cas que luy fust donnee licence de ce faire quelque officier ou lieutenant du Roy d'Espagne, laquelle luy fust moyennée tost apres par l'entremise desdits Religieux, & à luy condee

& octroyée par le Capitaine Iuán d'Ontiueres , grand Alcade pour sa Majesté sur la contrée , & les peuples , qu'on appelle les quatre Cienegas , qui sont du gouuernement de la nouuelle Biscaye, à soixante & dix lieues desdites mines sainte Barbe, contenant pouuoir & permission tant d'aller faire ledit voyage, que d'assembler autant de gens & de soldats qu'il pourroit pour l'accompagner , & luy ayder à venir à chef de sa Chrestienne entreprise. Ledit Anthoine d'Espeje ayant le congé predit , affectonna tellement cest affaire qu'en fort peu de iours il leua & assemblea les soldats & munitions requises pour faire ledit voyage, y employant vne bonne partie de son bien , & avec telle cōpagnie partit dudit val saint Barthelemy le 10. Nouembre l'an 1582. emmenant pour les occasions qui s'offroient , cent cinquante montures tant en cheuaux qu'en mulets, ensemble beaucoup d'armes, viures & munition, & quelques gens de service.

Si prit son chemin vers Septentrion , & à deux iournees de là trouua grande quantité d'Indiens de ceux qu'on appelle Conches demeurans dedans des hameaux & maisons champetres , qu'ils appellent en leur langue *Rancherius* , lesquels entendant leur venuë , & ayant ouy parler d'eux bien long temps auparauant , furent au deuant les recevoir avec grands signes de ioye. La viande ordinaire de ces Conches & autres habitans de la Prouince , qui est de grande estendue , git en cōils , lieures , cheuures , & telles autres sorte de venaison , qui est l'à en abondance ; laquelle ils prennent à la chasse ; & les tuent pour leur viure ordinaire. Ils ont aussi force maiz , qui est le blé commun des Indes, ensemble des courges , & bons melons à planté, & y a grand nombre de riuieres toutes peuplées de bon poisson , & de plusieurs sortes. Ils vont entr'eux presque tous nuds ; & les armes dont ils se seruent sont arcs & fleches, viuât dessous la puissance de certains seigneurs dits Caciques , ainsi que sont les Mexicans. On ne leur trouua point d'Idoles, & si ne peut-on sçauoir ne connoistre qu'ils en adorassent aucuns ; au moyen dequoy ils consentirent facilement que les Chrestiens missent des Croix, & furent fort cōtens de les auoir apres qu'ils eurent esté informez par les Espagnols ce qu'elles signifioient , ce qui se fit par le moyen des truchemans qu'ils auoient , par lesquels aussi ils eurent connoissance d'autres peuples qu'ils furent guidez & conduits par lesdits Cōches,

lesquels les accompagnerēt plus de vingt quatre lieux loin par vn païs tout peuplé de gens de leur nation, qui les venoyent receuoir courtoisement, moyennant les aduertissemens, que les Caciques enuoyoyent de lieu à autre.

Ayant fait ces vingt quatre lieux, ils trouuerent vn autre nation d'Indiens, dits Passaguates, lesquels viuoyēt à la mode des susdits Conches leurs voisins, & leur firent le mesme recueil, les guidant plus outre, à quatre iournees de la, avec les aduertissemens des Caciques de la maniere que dessus. Ils trouuerent par le chemin grande quantité de mines d'argent, lequel à l'aduis de ceux qui s'y connoissoyent estoit d'vn metal fertile & riche. En l'vne de ces quatre iournees ils trouuerent vne autre nation, dite de Toboses, lesquels voyant venir les Espagnols, abandonnent leurs maisons & s'enfuirent aux montagnes. On sceut depuis, que quelques années auparauant estoient passez par là certains soldats, qui alloient cerchant des mines, lesquels auoient emmené esclaués quelques naturels du lieu : ce qui fit fuir ainsi les autres, & se tenir sur leurs gardes. Le Capitaine sçachant cela, aduisa comme on les iroit appeller, & asseurer que ne leur seroit fait aucun mal, & s'y comporta de telle sorte, qu'ils en fit reuenir plusieurs, auxquels il fit bon recueil, & donna quelques presens, leur faisant dire par le trucheman qu'ils ne venoyent faire mal ne deplaisir à personne : au moyen dequoy tous commencerent à s'asseurer, & consentirent qu'on leur mit des Croix, & qu'on leur donniast à entendre le mystere d'icelles, dont ils monstrerent estre fort contents, & en tesmoignage de ce les allerent accompagner comme auoient fait leurs voisins, iusques à ce qu'ils les mirent dedans vn autre païs de nation differente, qui estoit distante de leur enuiron quelques douze lieux. Leurs armes sont arcs & fleches, & vont tous nuds.

C H A P. V I I I.

Suite du descouurement du nouueau Mexique.

LA nation, iusques où les guiderēt lesdits Toboses, s'appelloit Iumanes en leur langue, que les Espagnols nomment autrement Patatabuyes. Ils tiennent vne grande prouince, & remplie de villes peuplées, qui sont disposées en fort bon ordre, & estoient les maisons basties de chaux & de

bonne pierre de taille , avec des portiques & galeries au haur d'icelles. Les hōmes & femmes ont tous le visage rayé, & les bras & iambes pareillement. Ils font de grande corpulence, & les mieux policez de tous ceux qu'ils eussent point encore veus, & auoient chez eux force viures, & abondance de venaison & de gibbier, & grande quantité de poisson à cause de belles & grandes riuieres qui viennent du costé du Nort, l'vne desquelles est aussi grande que le fleuve de Guadalquinir, & se va rendre en la mer septentrionale. Il y a plusieurs lacs d'eau salee se congelant en certain temps, dont se fait de fort bon sel.

Ce sont gens guerriers & materiaux, ainsi qu'ils firent apparoir, pource que la premiere nuit que les Espagnols se camperent, ils leur tuerent cinq cheuaux à coups de fiesche, & en blessèrent cinq autres, & les eussent tous mis à mort sans les gens du corps de garde, qui les sauuerent. Ayant commis meschef, ils desguerpirent à l'instant la place, & s'enfuyrent en vne montagne proche de là, où fut incontinent du matin le capitaine avec cinq soldats bien aimez, & vn trucheman appelé Pedre, lequelestoit Indien, & de leur mesme nation, & là par bonnes raisons les appaisa, & les faisant venir à leurs maisons les persuada de vouloir mander vn petit mot d'aduertissement à leurs voisins, comme ils n'estoient point hommes qui alloient pour faire mal, ni prendre les biens de personne; ce qu'il obtint facilement par sa prudence, en faisant presens aux Caciques de quelques patenotres de verre, & des chapeaux de telle autre mercerie, qu'il auoit porté pour cest effect. Au moyen de ce que dessus, & du bon traitement qu'on leur faisoit, plusieurs d'entre eux furent accompagner les Espagnols par quelque temps costoyant tousiours le bord de la grand'riuere, susdite, le long de laquelle y auoit tant de villes & de villages peuplez d'Indiens de mesme nation, qu'ils tarderent douze iours à les passer: en tous lesquels lieux les Caciques enuoyoyent des aduertissemens & passeports les vns aux autres, & par ce moyen ces Indiens venoyent au deuant des Espagnols sans arcs ni fiesches les receuant humainement, & leur apportent force viures, & autres presens, & specialemēt des cuirs & chamois si bien parez, qu'ils ne cedoyent point à ceux de Flandres.

Ce sont gens qui vont tous vestus, & si apperceurent les Espagnols qu'ils auoient quelque lumiere & scintille de N.

foy car ils demonstroient vn Dieu en regardant deuers le ciel, & l'appellent en leur langue *Apolio*, & le reconnoissent pour fouuerain de la liberale main duquel ils confessent auoir receu la vie, l'estre & les biens. Plusieurs d'entreux s'en venoient avec leur femmes & petits enfans, afin que le Religieux susnommé, qui assistoit le capitaine & les soldats, leur donnast la benediction, si que comme iceluy leur eut demandé de qui ils auoient appris ceste connoissance de Dieu qu'ils demonstroient, tout luy respondirent qu'ils tenoient cela de trois Chrestiens, & d'un Negre, qui auoient passé par là & s'estoient tenus quelques iours en leurs pays. Or selon les marques & enseignes qu'ils donnerent de ces trois Chrestiens & du Negre, on iugea que c'estoient Aluar Nuñez, dit Cabeca de Vaca, & André Dorante, & Castille Maldonat, avec le Negre de leur compagnie, lesquels estoient eschappez de ceste armee, que Pamphile de Naruaés auoit menee à la Floride & apres auoir esté esclauues vindret abborder parmi ce peuple, où Dieu leur fit faire plusieurs miracles. & guarit grand nombre de malades par le seul atouchement de leurs mains, pour lesquelles choses ils ont laissé par tout ce pays vne grand memoire de leur nom. Ceste prouince se môstra par tout fort paisible à l'édroit des Espagnols, & en tesmoignage de ce les allerēt accôpagner, & leur firent seruice quelques iours le lōg de ladite riuere.

Peu de iours apres ils trouuerent vn grands pays, & tref-peuplé d'Indiens, lesquels selon les nouuelles qu'ils receurent de leurs voisins les vindrent recueillir humainement, & leur apporterent pour vendre & changer maintes belles choses faites de plume, & grand nombre de mantes de cotton barrees de blanc & d'azur, comme sont celles que l'on apporte de la Chine. Si estoient eux tous tant hommes que femmes & petits enfans vestus de chamois fort bon & bien accoustré: mais les Espagnols ne peurent sçauoir quelle nation c'estoit par faute de trucheman qui entendist leur langage. Toutesfois ils trafiquerent avec eux par signes, & comme on leur eust monsté quelques pieces de riche metal, & demandé s'ils se trouuoit de pareille chose en leur pays, ils respondirent par mesme signes qu'à cinq iournees de là vers Occident il y en auoit de semblable en tref-grande quantité, & qu'ils les guideroient eux mesmes sur les lieux, & leur montreroient l'endroit: cōme ils firent apres les accompagnant par l'espace de vingt deux lieuës, qui

estoyent toutes peuples de gens de leur nation, apres lesquels s'en ensuyuoient d'autres le long de la mesme riuier en amour, qui estoient en bien plus grand nombre que ceux qu'ils auoient passez, & illec furent bien receus & carellez de plusieurs presens, & principalement de poisson qu'ils auoient en infinité, à cause de certains grans lacs circonuoisins, où il s'en procree en grand nombre.

Ils furent trois iours avec eux pendant lesquels & jour & nuit ces Indiens firent plusieurs danſes à leur mode, avec demonstration de toute ioye. Si ne peurent iamais ſçauoir comment s'appelloit ceste nation par faute de trucheman toutefois ils entendirēt qu'elle estoit de grande eſtēdue. Ils trouuerent parmi eux vn Indien de nation Conche, lequel leur dit & monstra par ſignes qu'à quinze iournees de la vers le couchant y auoit vn lac treslarge, & pres d'iceluy de grandes villes avec les maisons de trois & de quatre estages, & les habitans d'icelles bien vestus, & tout le païs fourni de viures; où il s'offroit les mener, & en estoient bien contents les Espagnols; ce que toutefois ils n'effectuèrent, pource qu'ils vouloyent pourſuiure leur entrepriſe, qui estoit d'aller au Septentrion donner ſecours aux Religieux. Ce qu'ils remarquerent de particulier en celle prouince, fut qu'il y auoit vn fort bon air, & vn païs riche en metaux, & plein de gibbiers & de venaiſon, & autres commoditez particulieres.

Sortant de celle prouince, ils ſuiuirēt touſiours leur route, cheminant quinze iours durās par vn chemin plein d'arbres de pin, tels qu'on en voit en Caſtille, ſans y trouuer aucunes gens, au bout duquel ayant fait à leur aduis enuiron quatre vingſ lieues, ils rencontrerent vne petite Rancheria ou bourgade de peu de gens, & en leurs maisons; qui estoient pauvres cauernes de chaume, trouuerent grande quantite de cuits de beſtes de chasses, auſſi bien parez & courroyez que ceux de Flandres, & force ſel blanc bien bon. Ils les logerent & traiterent honneſtement tous les iours qu'ils y furent, au bout deſquels ils les accompagnerēt douze lieues loin vers vn grand pays bien peuplé, cheminant touſiours par la riuier du Nort ſuſdit, tant qu'ils entrerent en la terre qu'on appelle le nouueau Mexique. Si estoit ladite riuier bordée de coſté & d'autre de peupliers, leſquels en quelques endroits contenoient quatre lieues de large, & pareillement de pluſieurs noyers qui auoient des vignes entortillees, comme on en voit en Caſtille. Ayant cheminé deux

Jours par ces noyers & peupliers, ils trouuerent dix bourgs ou villes situees aux deux bords de ladite riuiera, sans plusieurs autres qui se descouuroient a costé, toutes fort peuplées, & y auoit en ce qu'ils virēt plus de six mille personnes.

Les Indiens de celle prouince leur firent fort bonne reception, & les menerent chez eux où ils leur baillerent des viures, & des poules du païs, & autres choses, le tout de bonne volonté. Là se trouuerent des maisons de quatre estages, toutes bien basties, & garnies de belles chambres, & en la plus par d'icelles y auoit des poësles & estuues pour la saison de l'huyter. Ils alloient vestus de coton, & de cuir de bestes de chasse, & estoient leurs habillemens tant des hommes comme des femmes fait à la mode des Mexicans, & ce qui les fit plus esbahir fut de les voir eux & elles tous chaussez des bons souliers, & de botines de bon cuir, avec des semelles de vache: choses qu'ils n'auoient encore veuës. Les femmes auoient leurs cheueux bien pignez & agencez, sans porter autre chose dessus la teste, & y auoit par tout des Caciques, qui les gouernoient comme seigneurs à la façon du Mexique, avec des Sergens & Officiers pour executer leurs mandemens, lesquels vont par tout le lieu publiant à haute voix la volonté desdits Caciques, & leur enioignant d'y obeir.

Si se trouua là grand nombre d'Idoles qu'ils adoroient, & y auoit en chaque maison vn oratoire pour le Demon, où ils luy portoient ordinairement à manger, & virent en outre les Espagnols, que comme entre nous Chrestiens nous tenons des Croix par les chemins, ils ont aussi par entr'eux vne façon de chappelles hautes, toutes biē ornees & peinturees, où ils disent que se repose le Demon, quand ils s'en va de lieu à autre. En toutes leurs terres labourables, qui sont là de grande estenduë, ils ont d'vn costé d'icelle vn porraïl à quatre piliers, où les travailleurs prennent leur repas, & y passent mesme la feste, estant tout ce peuple fort addonné au labeur, & s'y occupant ordinairement, combien que le païs soit montagneux, & plein par tout d'arbres de pin: leurs armes sont arcs tres forts, & vlent de fiesches qui ont vne pointe de caillou, avec quoy ils trauerferont vne cotte de maille toute outre. Ils portent aussi des Macanes, lesquels sont certains bastons de demie aulne de long, & tous pleins de cailloux pointus, lesquels peuuent fendre vn homme en deux. Outre cela ils ont encore comme des targes & boucliers, faits de cuir de vache cru & non paré.

CHAP. I X.

*Suite du nouveau Mexique, & des choses
reues en iceluy.*

A Pres auoir esté quatre iours en celle prouince, ils pour-
suiuent leur chemin, & non guere loin de là en trou-
uerent vne autre appelée Tiguas, où il y auoit seize villes,
en l'vne desquelles nommée Poala, ils trouuerent que les
Indiens auoient tué les deux Religieux susdits, à sçauoir. F.
Francisque Lopés, & F. Augustin Ruyz, qu'ils alloient cer-
cher; ensemble les trois ieunes garçons de leur compagnie,
& vn metis pareillement. Quand ceux de ce lieu & leurs
voisin virent venir les Espagnols, ils eurent vn remeurs
de conscience, & se doutant qu'ils venoient pour les pu-
nir, & prendre vengeance de la mort desdits religieux, ne
les oserent attendre, mais laissant leurs maisons desertes
s'enfuirent aux plus prochaines montagnes, d'où ils ne peu-
rent iamais les faire descendre pour tous les moyens & bel-
les paroles, dont ils vsèrent. Si trouuerent dedans leurs vil-
les & maisons grande abondance de viures, & vne infinité
de poulles du pays, & plusieurs sortes de metaux & aucuns
d'iceux ayant monstre & apparences d'estre trefbons: mais
on ne peut sçauoir clairement quelle nation estoit le grand
peuple de celle Prouince, à cause qu'ils s'estoient tous en-
fuis aux montagnes, comme dit est.

Ayant ainsi trouuez morts ceux qu'ils cherchoient, il con-
sultèrent entr'eux s'ils s'en deuoient tourner à la nouue-
le Biscaye, de laquelle ils estoient partis ou bien s'ils passe-
roient outre, en quoy y eut diuers aduis. Toutefois comme
il entendirent en ce lieu que vers l'Orient de celle prouin-
ce & assez distant de là estoit vn grand pays riche, le capi-
taine d'Espeje se trouuant si proche de delibera avec le con-
sentement dudit religieux F. Beltran, & de la plus part de
ses compagnons & soldats, de poursuire le descouure-
ment tant qu'ils en vislent le bout, afin d'en pouuoir don-
ner claire & certaine connoissance au Roy d'Espagne,
comme tesmoins oculaires, & estans tous conformes en
cest aduis, resolurēt que le cap demeureroit au present lieu,
& que ledit capitaine s'en iroit avec douze de ces compa-
gnons effectuer son dessein, comme il fit. A deux iournees de
chemin ils trouuerent vne prouince, où ils virent onze vil-
les tres-peuplees où il y auoit, à leur aduis, plus de quarante
mille

mille personnes. C'est vne contree tresfertile & fournie de viures, laquelle confine immediatement avec les terres de Siuola, ou il y a grande quantité de bœufs & vaches, de la peau desquelles ils se v. l. nt, & de cotton pareillement, suivant au fait de leur police la mesme forme que leurs voisins. Il y a en cest endroit des apparences de mines riches, & pour ce trouuoient les Espagnols plusieurs pieces de metal en quelques maisons, où ils virent aussi des Idoles, que ces Indiens adorent. Ce peuple les receut humainement, & leur donna à manger. Apres auoir veu toutes ces choses, & la disposition du pays, ils reprirent leur erre vers le camp, duquel ils estoient partis, pour faire entendre à leurs compagnons ce que dessus.

Arriuez qu'ils sont, ils ont cōnoissance d'vn autre province nommee les Quires qui estoit à six lieuës de la susdite riuieres de Nort en amont, & comme ils s'acheminèrent vers icelle, & en furent à vne lieuë pres, voicy vn grand nombre d'Indiens, qui vindrent au deuant d'eux les receuoir en toute paix, & les prier qu'ils voulussent aller chez eux, ce que faisant les Espagnols, ils y furent fort bien receus & traittez. Ils virent seulement cinq viles en ceste province, lesquelles estoient bien peuplées, y ayant en icelles plus de quinze mille personnes: & adorent les idoles comme leurs voisins. Ils trouuerent en l'vne de ces villes vne Pie dans vne cage, comme on en voit en Castille, & des ombraires contre le chaud, faits comme ceux de la Chine, où estoit peint le Soleil, la Lune & plusieurs estoiles, auquel lieu comme ils eurent pris la hauteur du poste, ils se trouuerent à 37. degrez & demy dessous le Nort.

Si sortirent de ceste province, & cheminant par le mesme rum trouuerent à quatorze lieuës de là vne autre province dite les Cunames, où ils virēt cinq autres villes, la plus grande & principale desquelles s'appelloit Cia, qui estoit de telle grandeur qu'elle contenoit huit places, dōt les maisons estoient maçonnees de chaux, & peintures de plusieurs couleurs, & bien meilleures, que celles qu'ils auoient veues aux autres provinces, & estimerent que les habitans qu'ils y virent estoient plus de vingt mille personnes. Ils firēt present aux Espagnols d'vne quantité de belles mantes tiffues curieusement, & de viandes bien accoustrees, dont ils iugerent que ce peuple estoit plus ciuil & politique que tous les autres qu'ils auoient veus. Ils leur monstrent des ri-

ches metaux, & les montagnes d'où ils les tiroient, lesquelles estoient proches de là. Estant en ce lieu ils eurent aduertissement d'une autre province, qui estoit deuers Norouest, où ils se proposerent d'aller.

Comme ils eurent fait environ six lieuës, ils trouuerent ladite province, qui s'appelloit les Amejes, contenant sept grandes villes, où y auoit, à leur iugement, plus de trente mille personnes. L'une d'icelles estoit grande & belle, toutesfois ils ne la furent point voir, pour cause qu'elle estoit derriere vne grande montagne, ioint qu'ils auoient peur de quelque sinistre euenement, si d'adventure ils se separoient les vns des autres. C'est vne province tout semblable à la voisine, & autant opulente en bien, & d'aussi bon gouvernement.

A quinze lieuës de ceste province en cheminât tousiours deuers Occident, ils trouuerent vne grande ville, nommee Acoma, peuplee de plus de six mille personnes, & située dessus vne haute roche, qui auoit plus de cinquante estages de haut, n'ayant autre entree que par des degrez, qui estoient faits en la mesme roche, ce qu'admirerēt fort les Espagnols, & toute l'eau qu'il y auoit estoit de cisternes. Les plus apparens d'entr'eux vindrent voir les Espagnols en toute paix, & leur apporterent forces mantes & chamois bien accommodez, & grande quantité de viures. Ils ont leurs terres labourables à deux lieuës de là, & les voulant arroser tirent de l'eau d'une petite riuere qui est proche, au bord de laquelle ils virent de belles rangees de rosiers, comme on voit en Castille. Il y a plusieurs montagnes qui ont monstre & apparence d'auoir des metaux, toutesfois ils n'y furent pas voir, à cause que ces Indiens sont martiaux, & en grand nombre. Les Espagnols furent trois iours en ce lieu, en l'un desquels leur fut fait vn bal solennel par les naturels, sautans & dansans ensemble avec des habits bragars, & iouant à des ieux ingenieux, à quoy prirent grand plaisir les Espagnols.

A vingt quatre lieuës de là vers l'Occident, ils furent à vne province dite Zuny par les naturels, & Siuola par les Espagnols, où y a grande quantité d'Indiens, & en laquelle entra toutesfois Francisque Vasques Coronel, lequel y laissa grand nōbre de Croix esleues, & autres marques du Christianisme, lesquelles y estoient encore debout. Ils y trouuerent aussi trois Indiens baptisez, qui estoient demeurez là

depuis ce voyage, & estoient leurs noms André de Guyoacan, Gaspard de Mexique, & Anthoine de GuadalaJare, lesquels auoient quasi oublié leur propre langue; & sçauoient fort bien parler celle de ces Indiens, toutesfois comme on eut vn peu parlé avec eux, on les entendit facilement. Si sceut on d'eux qu'à soixante iournées de là y auoit vn tref grand lac, & sur les bords d'iceluy grand nombre de bonnes & grosses villes, où il y auoit beaucoup d'or, dont se voyoient les indices aux naturels, lesquels portoient tous des braccels & pendans d'oreille d'or: & que comme le susdit Vascor Coronar eust eu aduertissement de ceste chose, il estoit parti de ce mesme lieu pour y aller, mais qu'apres auoir cheminé douze iournées il eut faute d'eau, dont il fut contrainct de reuenir, ayant bonne intention d'y retourner par apres; ce que toutesfois il ne peut faire, pource que la mort luy ferma le pas; & le trac de ses entreprises.

C H A P. X.

Suite du nouueau Mexique.

LE Capitaine Anthoine d'Espeje ayant les nouuelles de telles richesses se delibera d'y aller, & cōbien que quelques vns de ses compagnons fussent de mesme vouloir, toutesfois la plus grande partie d'iceux, & aussi le Religieux susdit furent de contraire aduis, disant qu'il estoit temps de s'en retourner à la nouuelle biscaye, de laquelle ils estoient partis pour rendre conte de ce qu'ils auoient veu, ce qu'ils effectuèrent tost apres laissant ledit Capitaine avec neuf soldats & compagnons qui voulurent le suiure, lequel apres s'estre entierement informé desdites richesses, & de la grande quantité des bons & riches metaux qu'il y auoit, sortit avec lesdits compagnons de la presente prouince, & cheminant vers l'Occident, apres auoir fait vingthuit lieues, en trouuerent vne autre fort grāde, où il estimoit y auoir plus de cinquante mille personnes.

Les naturels entendant qu'ils venoyent vers eux; leur enuoyerent dire en diligence qu'ils n'approchassent point plus pres s'ils ne vouloient estre tous mis en pieces: à quoy respondit le Capitaine qu'ils n'alloient point deuers eux pour leur mal faire, comme ils verroient par expé-

rience, & qu'ils les prioient ne point empescher leur voyages; en signe de quoy il fit present au m. flagei de quelques chose qu'il auoit. Si s'en retourna ce messager, & sceut si bien moyenner pour les Espagnols, & addoucir les Indiens qu'ils leur permirent passage, & entrerent lesdits Espagnols avec cent cinquante Indiens de ladite prince de Siuola; lesquels leurs estoient amis, ensemble les trois Mexicains, dont a esté parlé cy dessus. Vne lieue deuant qu'ils arriuaient à la premiere de leurs villes, il alla au deuant d'eux plus de dix mille Indiens chargez de viures qu'ils leur donnerent en contreschange, de quoy le Capitaine leur fit present de quelques choses de peu de valeur, que ces Indiens priserent fort, & mesme en firent plus de conte que si elles eussent esté d'or. Arriuant plus pres de la ville, laquelle s'appelloit Zaguato, il sortit grande multitude d'Indiens pour les recevoir, & parmy eux les Caciques, lesquels leur monstroient si grands signes d'esouissance, qu'ils iettoient par le chemin force farine de Maiz pour estre soulee des cheuaux. Avec ceste feste, & allegresse ils entrerent dedans la ville, où ils furent bien logez & traittez, ce que paya bien le Capitaine, donnant aux plus principaux d'entre eux des chapeaux & patenostres de verre, & plusieurs autres choses semblables qu'il portoit pour tel effet.

Incontinent lesdits Caciques manderent des aduertissemens à tous les autres de la province, leur faisant entendre la venue de ces bons hostes, & comme ils estoient hommes courtois, ne faisant aucun desplaisir: ce qui les fit tous venir chargez de dons & presens qu'ils offrirent aux Espagnols les importunant de venir quant & eux se reposer en leurs villes, comme ils firent, se tenant toutefois dessus leur garde contre ce qui leur pouuoit arriuer; pour à quoy sagement pouruoir, le Capitaine s'aduisa d'vser d'vne subtilité, qui fut de dire aux Caciques que pour autant que leurs cheuaux estoient furieux, & qu'on leur auoit dit qu'ils ne faisoient que tempester, & tascher à les affencer, il estoit besoin de faire vn fort de chaux & de pierre de taille; où on les enserroir, pour obuier à tout danger. Les Caciques le creurent à la bonne foy, & en peu d'heure firent assembler tant de gens, que les mettant en besogne ils firent avec vne diligence incredible, le fort que demandoient les Espagnols. Outre ce comme le Capitaine leur eut dit qu'il auoit enuie des'en aller, ils luy apporterent vn present de qua-

stant mille mantres de cotton peintures & blanches, & grand' quantité de roüailles & seruiettes, houppees aux coingts avec plusieurs autres choses, & quelque quantité de riches metaux, qui sembloient auoir force argent meslé. Estant avec ces Indiens, ils eurent ample connoissance du grand lac susmentionné, & leur en ouirent dire autant qu'aux autres, touchant leurs richesses, & la grande abondance d'or que l'on dit estre en iceluy.

Aubout de quelques iours, le Capitaine se fiant sur la bonne affection & amitié de ce peuple, s'aduisa de laisser la cinq de ses soldats & compagnons avec les autres Indiens amis afin qu'ils s'en retournassent à la prouince de Zuny avec le bagage, & delibera de s'en aller luy & les quatre autres qui estoient, d'escourir à la legere, & auoir entiere certitude des riches mines, dont on luy auoit parlé. Effectuant ceste entreprise, il partit avec les guides qu'il menoit, & comme il eut cheminé vers la partie Occidentale enuiron quarante cinq lieuës, il trouua lesdites mines, & en tira luy mesme avec ses mains de beaux & riches metaux, où estoit grande quantité d'argent, & auoyent ces mines vne veine large, & se trouuoient en vne montagne où l'on pourroit aisément monter par vn chemin, lequel y estoit ouuert pour cest effect. Loignant ces mines estoient quelques villes peuplées d'Indiens de montagne: lesquels leur firent route amitié, & sortirēt pour les recevoir avec des Croix sur leurs testes, & autres signe de paix. Pres de là, ils trouuerēt deux riuieres mediocres, & aux bors d'icelles plusieurs arbres entrelacez de belles vignes, & des rangees de noyers, & grande quantité de lin pareil à celuy de Castille, & leur dirent aussi par signes que derriere ces montagnes se trouuoit vn fleuve, ayant plus de huit lieuës de large. Toutesfois on ne peut scauoir comme ce fleuve estoit si pres, bien qu'ils monstraient par signes qu'il couroit vers la mer de North: & qu'aux deux bors d'iceluy y auoit tant de villes, & toutes si grandes, qu'à comparaisson d'icelles les leurs n'estoyent que hameaux.

Après auoir entendu tout ce recit, ledit Capitaine reprit ses erres vers la prouince de Zuny, où il auoit commandé aux autres de retourner, & allant par vn chemin y arriua sain & sauf, & y trouua ses cinq compagnons; & ledit Religieux F. Bernadin, avec ses autres soldats, qui auoyent deliberé de s'y transporter, ainsi que dit est, & n'esto-

yent toutefois encore partis pour quelques occasions, auxquels cependant les naturels auoyent fait fort bon traitement, & a eux baillé à foison tout ce qui leur estoit de besoin, faisant par après le mesme à l'endroit du Capitaine, & de ceux qui estoient avec luy, au deuant desquels ils vindrent pour les receuoir avec demonstration de ioye, & leur donnerent force viures pour le voyage qu'ils deuoient faire, les priant de vouloir repasser en bref, & amener force Castillans (car ainsi appellent-ils les Espagnols) promettant qu'ils leur feroient à tous bonne chere & que pource faire plus commodement, ils auoient semé ceste année là plus de blé & autres grains, qu'ils n'auoyent fait auparavant.

Alors ledit religieux & les soldats persistant en leur premiere deliberation, resolurent de s'en retourner à la prouince, de laquelle ils estoient partis, sur le dessein que dit est, & avec eux se ioinit Gregoire Hernandés qui auoit esté portenseigne en leur voyage. Eux estant partis, le Capitaine qui n'auoit avec luy que huit soldats, se resolut de suivre ce qu'il auoit commencé, & courir amont le fleuve de Nort susmentionné: ce qu'il mit à execution, & ayant cheminé enuiron soixante lieues vers la prouince des Quirés susdite, ils trouuerent à douze lieues de là deuers le costé d'Orient vne prouince, qui s'appelloit les Habates, où les Indiens les receurent en paix, & leur baillerent force viures & les aduertirent qu'il y auoit de riches mines proches de là, lesquelles ils trouuerent, & entirerent de bons & luisans metaux, avec quoy ils s'en reuindrent au lieu duquel ils estoient partis. Ils estimerent que ceste prouince estoit enuiron de vingt quatre à vingt cinq mille personnes, gens tous bien vestus de mantes de cotton peintures, & de chamois bien accommodez. Ils ont là plusieurs montagnes pleines de Pins & de Cedres, & y sont les maisons routes de quatre à cinq estages.

S'ils furent aduertis en ce lieu d'une autre prouince, qui estoit à vne iournée de là, nommée les Tamos, où il y auoit plus de quarante mille personnes, à laquelle estans arriuez, les habitans ne leur voulurent point bailler de viure ny les receuoit chez eux: au moyen dequoy, & attendu le present danger où ils se voyoyent, & le petit nombre qu'ils estoient, & que mesme quelques vns d'eux estoient malades, ils delibererent de sortir, & reprendre leur chemin parmi

des terres de Chrestiens, comme ils firent au commencement de Iuillet, en l'an 1581. estans guidez par vn Indien, qui fut avec eux, & les mena par vn autre endroit, que par où ils estoient venus, cheminant aual vne riuiera, qu'ils nommerent la riuiera des Vaches, pour y en auoir en si grand nombre que par tous les bors d'icelle, le long desquels ils firent six vingt lieuës de chemin; ils en trouuerent incessamment De ce lieu ils vindrent au fleue des Conches, par où ils estoient entrez, & de là au val S. Berthelemy, duquel ils estoient partis pour faire le descouurement.

Y estant, ils trouuerent que ledit Religieux F. Bernadin Beltran & ceux de sa compagnie estoient arriuez à la ville de Guadiana, Alors ledit Capitaine d'Espeje fit dresser des amplex memiores de ce que dessus, lesquels il enuoya incontinent au Conte de Coruña, Viceroy de l'Espagne neuue, puis ledit Viceroy les fit tenir à la majesté Catholique, & à son conseil des Indes, pour ordonner sur iceux ce que bon luy sembleroit, comme ils ont desja effectué avec grand soin & prudence. Dieu vueille assister tellement à cest affaire, qu'étant d'ames rachetées de son precieux sang ne puissent point estre perduës, attendu qu'on peut presumer de leur bon esprit & entendement, auquel ils surpassent ceux du Mexique & du Peru, comme, on a entendu de ceux qui les ont hantez qu'ils receurent l'Euangile tres volontiers, & delairront d'Idolatrie, qu'ils tiennent à present pour la plus part. Dieu le vueille par sa grace, comme il est en luy de le faire, & que ce soit à l'exaltation de sa gloire, & augmentation de la S. Foy Catholique.

Ie me suis arresté en ce voyage vn peu plus qu'il n'estoit requis, pour le present Itineraire, ce que i'ay fait expressement, à cause que c'est chose nouuelle, & peu conneuë, laquelle ainsi que l'estime sera agreable au lecteur. A tant me semble estre temps de reprendre mes premieres erres, & pour suiure la description du nouveau monde, que i'ay commencée, retournant à la ville de Mexique, d'où i'ay fait la digression pour raconter le descouurement du nouveau Mexique susdit.

 CHAP. XI.

Du port d'Acapulque, & de l'isle des Larrons, avec les mœurs & façons de faire des naturels.

AV partir de la ville de Mexique, on va s'embarquer au port d'Acapulque, qui est en la mer Australe, à 19. degrez au Pole, & à quatre vingt dix lieues de ladite ville, lesquelles sont routes peuplées d'Indiens & d'Espagnols. Estans embarquez en ce port, on va singlant en Sud est, puis on descend iusques à 1. degrez & demy, afin de chercher les vens propres de celle coste, que les mariniers appellent briças, lesquels y sont si fauorables, & y ventent si continuuellement, que combien qu'on soit au mois de Novembre, ou de Decembre, Ianuier, ou de Feurier, a grande peine est il besoin de toucher aux voiles: au moyen de quoy on y nauge tant à l'aïse, qu'à l'occasion de ces vens, & de ce qu'il n'y a guere de tourmentes, on a nommé ce passage, *la mer des Dames*. Ces vens briças courent le long d'Occident ensuiuant tousiours le Soleil, quand il s'esloigne de nostre hemisphere. Cheminant par ladite mer Australe, l'espace de quarante iours ou enuiron, sans point voir terre, au bout de ce temps se trouuerent les isles des Veles, dites autrement des Larrons, lesquelles sont sept ou huit toutes situees en Norisu & habitées d'un grand peuple de la façon & maniere que nous allons dire.

Ces isles sont à 12. degrez, & y a opinions differentes touchant les lieues, qu'il y a depuis le port d'Acapulque iusques à ce lieu, n'y ayant encore aucun qui l'aye peu sçauoir au vray, pource qu'on nauge de l'Est à l'Vest, qui sont les degrez de longueur, que nul n'a encore sceu mesurer. Les vns content en ce voyage mille sept cens lieues, les autres mille huit cens; toutesfois l'opinion des premiers est tenuë pour la plus certaine. Toutes ces isles sont peuplées d'une nation de gens blancs, de bonne façon de visage retirant à ceux de l'Europe, toutesfois differens à eux en la disposition du corps, estant iceux grands comme Geans, & si fors de membres, que l'on a veu l'un d'entr'eux prendre par vn pied vn Espagnol de bonne grosseur estant à terre, & vn autre avec l'autre main & les leuer aussi aisément, que si c'eussent esté deux petits enfans. Ils vont tous nus de pied en teste tant hommes que femmes, fors quelques vnes d'entr'elles, qui ont coustume de porter par honnesteté deuant leurs parties naturelles, des petites peaux de cheureul, longues d'une demie aune, & liées à la ceinture, mais telles femmes sont rares au regard de celles qui n'en ont point. Ils n'vsent entr'eux d'auxtres armes, que des fonde, & de

quelques verges endurcies au feu , & sont fort aptes & adroits à tirer de l'un & de l'autre. Ils viuent du poisson que ils pêchent le long des costes de leurs isles , & aussi des bestes sauvages qu'ils prennent aux montagnes à cource de pied

Si y a vne coustume en ces huit isles , la plus estrange & peregrine qu'on aye iamais veüe ni entendüe , & est que les ieunes hommes attendant le temps qui leur est prefix & limité par leurs loix pour eux marier , peuuent entrer librement aux maisons des gens mariez , & aller visiter leur femme , sans danger d'en estre punis , bien que les maris les y trouuent : & ont coustume ces ieunes hommes de porter quant & eux vne baguette , laquelle en entrant au logis desdits mariez ils laissent à l'entree de la porte , afin que ceux qui aborderont la puissent voir , & ne vueillent entrer dedans , encore que ce soit le mary mesme , iusques à ce qu'elle soit ostee : laquelle coustume s'obserue entr'eux si rigide , ment , que si aucun y contreuenoit , il seroit massacrè des autres. Il n'y a point en toutes ces isles ne Roy ne Seigneur aucun , à qui les autres soient suieets , car chacun y vit comme il veut : au moyen de quoy il arriue aucunes fois que ceux d'une isle ont guerre contre ceux d'une autre quand l'occasion y esthet , comme il aduint lors que le P. Ignace & ses compagnons Espagnols estoient au port de ceste isle.

Car eux estans arriuez & allant deuers leur nauire vne quantité de deux cens canoas ou barquerotes de gens du païs , lesquels venoient vendre ausdits Espagnols des poules , de cocos , des barates , & autres choses de leurs isles , & acheter d'eux de ce qu'ils auoient , & principalement du fer , qu'ils estiment fort , ensemble des vases de cristal , & telles autres merceries de peu de valeur. Comme ceux d'une isle voulurent abborder au nauire deuant ceux d'une autre avec leursdits canoas , il s'esmeut entr'eux si grande querelle , qu'ils en vindrent aux mains , & s'entrebattirent & excéderent felonement comme bestes , dont y en eut grand nombre de mort sur la place en la ptesence des Espagnols , & ne cessa point la querelle , tant que pour faire la paix ils accorderent entr'eux avec grans cris & bruit de voix , que ceux d'une isle trafiqueroient du basbord de la nauire , & ceux de l'autre du costé de l'estribord au moyen de quoy s'estans appeaisez , ils acheterent & venderent ce qu'ils vou-

lurent. Cela fait, tous ces Indiens en recôpense du bon commerce qu'ils auoient fait avec lesdits Espagnols, leur lancèrent au depart dans la nauire de leurs longs bastons de genest, & en blefferent quelques vns de ceux qui estoient dessus le couuert: mais ils ne furent pas loin s'en vanter, pource que les Espagnols le leur rendirent tout content avec belles arquebusades qu'ils leur tirerent à dos.

Ces gens estiment plus le fer que l'argent & l'or, & pour en auoir donnoient des fruiëts, des gnaumes, des batares, du poisson, du riz, du gingembre, des poulles, & grande quantité de belles nates ouurees, & le tout presque pour neant. Ces Isles sont fort saines & fertiles, & se conuertiroient facilement à la Roy, si alors que les nauires prennent la route de Manille, quelques Religieux s'arrestoient là avec des Saldats pour les garder, & s'y tenoient iusques à l'annee suiuaute; ce qui se feroit à peu de frais. On ne sçait encore pour le present qu'elles coustumes & ceremonie ils ont, pource que personne n'entend leur langue, & qu'aucun n'a esté auidites isles, sinon en passant chemin. Le langage qu'ils parlent semble facile à apprendre, d'auant qu'il se prononce fort distinctement: le gingembre ils l'appellent *Alno*, & pour dire, *Oste de là ceste arquebuse*, ils disent *Arrepeque*. Ils ne parlent aucunement du nez, & ne prononcent pas vn seul mot du gosier. On croist qu'ils sont tous Gentils, par quelques signes que les Espagnols leur ont veu faire, & aussi en ce qu'ils adorent les Idoles, & le Demon, auquel ils sacrifient ceux qu'ils prennent en guerre quand ils combattent avec leurs voisins. On estime qu'ils descendent des Tartares pour quelques particularitez & vsances qui se trouuent entr'eux, lesquelles symbolisent avec les autres.

Ces isles sont situees en Nort su vers le país de Labeur, qui est aupres de Terre neuue, & ne sont pas loin distantes du Iappon, & est tout certain que les naturels trafiquent avec les Tartares, & qu'ils acheptent le fer, pour le leur vendre. Elles ont esté appellees des Larrons par les Espagnols singlans par là, pource que veritablement les habitans sont tous larrons, & si subtils à desrober, qu'ils feront leçon en cest art aux Aegyptiens & Bohemiens, qui vont raudant par l'Europe. Pour verification de ce, ie reciteray vn fait aduenü en la presence d'vn bon nombre d'Espagnols, qui les fit bien esmerueiller. C'est que s'estant mis

vn marinier deuers le bord du nauire par le commandement du capitaine, afin qu'il ne laissast entrer personne, & ayant son epee entre ses mains s'amusast à regarder quelques canoas des Insulaires (qui sont certaines petites barquettes toutes d'une piece, avec lesquelles ils n'auigent) l'un d'entre eux se va lancer dedans l'eau, & aborde à nage là où estoit ce marinier, qui ne pensoit pas à telle chose, & sans qu'il le vist luy prend subtilement sadite epee d'entre les mains, & se remet dedans l'eau. Si commence le marinier à crier & tempester, & ayant conté la lasche rour que l'insulaire luy auoit fait, quelques soldats se mettent à point avecque leurs arquebuses pour le tirer, quand il sortiroit de l'eau. L'insulaire voyant cela, se met dehors montrant les mais, & faisant signe qu'il n'auoit rien, qui fust cause que ceux qui estoient sur le point de le tirer, ne luy firent rien. Cependant il reprend son haleine, puis vn peu apres se plongeant dans l'eau se met à nager loin du nauire, si que la bale de l'arquebuse ne le pouuoit pas atteindre: auquel lieu s'estimant en seureté, il tira l'espee d'entre ses iambes, où il la tenoit cachee, & commence à en escrimer, se moquant & raillant des Espagnols, qu'il auoit deniaisez si facilement. Ce larrecin avec plusieurs autres, qu'ils ont faits fort subtilement, leur a donné le nom de larrons, lequel a esté aussi communiqué aux autres Isles: ce que telles gens prendront volontiers en bonne part, pourueu qu'ils ayent où s'employer suiuant leur bonne inclination.

CHAP. XII.

Des isles Luffon, dites autrement Philippines, où l'on aborde apres les isles des Larrons avec les choses particulieres, qui sont contenues en icelles.

LAissant ces isles de Larrons, & s'acheminant vers Vest presque deux cens lieues, iusques à l'endroit qu'on appelle la Bouche du S. Esprit, on entre par apres dedans vn Archipelague d'isles sans nombre, toutes peuppees presque de naturels du pais, combien que plusieurs d'icelles ayent esté conquises des Espagnols par amitié ou par guerre: puis à quatre vingt lieues de là est la villè de Manille, qui est dans l'isle Luffon, où reside ordinairement le Gouverneur de toutes ces isles: ensemble les officiers du Roy d'Espagne, & y est aussi l'Euesché.

Ceste ville est à 14. degrez & vn quart : & tout à l'entour d'icelle y a tant d'isles, qu'on ne les a sceu encore nombrer. Elles s'estendent toutes de Nortuest en Suliest, & en Nort-su, tellement que par vn costé elles vont iusques au destroit de Sincapture, qui est à 25. lieuës de Malaque, de l'autre costé penetrent iusques au Moluques & autres Isles, où se recueille le girofle, poyure, & gingembre, à cause des grandes montaignes qui en font la routes pleines. Les premiers qui descoururent ces isles, ce furent les Espagnols qui accompagnerent le fameux capitaine Magelan, & toutesfois ne les peurent pas conquerir, pour ce qu'ils estoient meilleurs mariniers que gendarmes : au moyen dequoy apres qu'ils eurent passé le destroit qui porte encore à present le surnom dudict Magelan, qu'ils furent arriuez à l'isle Subu, où ils baptiserent quelque gens du lieu, du depuis les Insulains en vn festin qu'ils luy firent, le tuerent luy & quarantes autres de sa compagnie, qui fut cause que Iean Sebastian, natif de Guetarie en Biscaye, pour eschapper sa vie sauue, se mit dans vne nauire, qui estoit restee du voyage, laquelle depuis fut nommee Victoire, & avec ce vaisseau, & fort peu de gens qui luy aiderent, aborda à Seuille moyennant la grace de Dieu, apres auoir fait le tour du monde de l'Orient en Occident, avec grande admiration de tous, & mesmement de Charles Quint, Empereur de bonne memoire, lesquels apres auoir honoré & recompensé amplement ledit Sebastian de Guetarie, commanda qu'on remist sus vne autre armee, & reprenant chemin deuers ces Isles on allast descourir ce nouueau Monde : ce qu'estant fait en diligence, il deputa pour General de toute la frote vn certain Villabos, luy commandant d'aller par l'Espagne neuue. Ce Villabos arriua aux isles Moluques, & à celle de Terrenate, & aux autres circonuoisines, lesquelles estoient engagees par l'Empereur deffusdit à la Couronne de Portugal.

Les Espagnols estans en ces isles eurent forte guerre avec que les Portugais : à l'occasion dequoy se voyans avec bien peu de moyens pour resister, & mal en point pour continuer leur conqueste, ils se retirent de là, & s'en allerent la plus part d'iceux avec lesdits Portugais aux Indes de Portugal, duquel lieu ils furent enuoyez depuis comme prisonniers deuers le Roy, les accusans pour delinquans, qui estoient entrez es isles sans congé ne permission. Maistant

s'en faut que ledit Roy leur fist desplaisir, qu'au contraire il les traita humainement, & les renuoya en Castille, à leurs maisons; leur faisant donner à suffisance tout ce qui leur estoit necessaire pour le voyage. Quelques années par apres desirant le Roy Philippe d'Espagne poursuiure & continuer le descouuremēt, que defunt l'Empereur son pere auoit si viuement procuré, commanda à Dom Loys de Velasque: qui estoit son Viceroy en la nouuelle Espagne, de preparer vne armee, & leuer des gens pour continuer de descouurir lesdites isles, & enuoyer vers icelle pour Gouverneur de tout ce qui se descouuriroit, Dom Michel Lopés de Legaspi: ce qui fut accompli entierement selon l'ordonnance dudit Seigneur Roy, & se fit le descouurement de la façon & maniere, que nous auons racontee ci dessus plus amplement, au voyage des Augustins.

Ces Isles ont esté anciennement sujettes au Roy de la Chine, insques au delaissement volontaire qu'il en a fait pour les raisons par nous dites en la premiere partie de ceste histoire, & à ceste occasion quād les Espagnols y arriuerent, ils les trouuerent sans aucun chef ou seigneur à qui elles obeyssent, commandant seulement en icelles celuy qui auoit le plus de gens & de pouoir. Telle sorte de domination, avec ce qu'il y en auoit plusieurs aussi puissans l'vn que l'autre, estoit cause de les tenir continuellement en guerres ciuiles, sans aucun respect de personnes ou de parenté, ni d'autre obligation quelconque, non plus que si c'eussent esté bestes brutes, se tirant & massacrant cruellement, & se prenant prisonniers les vns les autres: ce qui seruit fort aux Espagnols pour si aisémēt mettre lesdites isles sous l'obeyssance du Roy d'Espagne, lesquelles ils nommerent Philippines en faueur dudit Seigneur Roy, qui porte le nom de Philippe. Ils auoient coustume entr'eux de se faire captifs & esclaués, les vns les autres en guerres & rencontres illicites, & pour causes treslegeres; mais la diuine bonté a remedié à ce mal par la venue des Espagnols. Il arriuoit qu'un d'entr'eux suivi de quarante ou cinquante compagnons ou seruiteurs entroit à l'impourueu dans vn village, habité seulement de pauvres gens qui ne se pouuoient defendre, & les lians tous les emmenoient captifs & esclaués sans autre cause ni raison, se seruant d'eux toute leur vie, ou les vendant en d'autres isles. Et si d'auenture l'un prestoit à l'autre vne ou deux panneres de riz, qui pouuoient valoir enuiron

une reale, à condition de les luy rendre dedans dix iours, si le debiteur ne s'acquitoit au iour nommé, le lendemain il deuoit payer au double, & ainsi doubloit la debte de iour à autre, tant qu'elle venoit à estre si grande, que pour la payer il luy estoit forcé de se bailler pour esclau. Mais ceux qui estoient detenus esclaués pour telles causes, & autres semblable, le Roy d'Espagne a commandé qu'ils fussent tous mis en liberté: ce qui ne s'est pas toutefois entièrement effectué, pource que ceux qui le deuoient faire ont différé pour leur interest.

Toutes ces Isles estoient habitees de gens payens & idolatres, mais pour le iourd'huy il y en a ia plusieurs milliers pe baptizez, à l'endroit desquels N. Seigneur a vſé de grande misericorde, leur enuoyant le remede de leur salut en vne saison si opportune. Car si les Espagnols eussent plus long temps différé à y aller, c'est sans doute qu'ils seroient tous Mores pour le iourd'huy, d'autant que quelques vns de ceste secte qui sont en l'Isle de Burneo, s'estoient desia transportez vers eux. pour les attirer à leur faulſe loy, & y procedoient de telle sorte que quand les Espagnols y arriuerent, ces Indiens estoient tous presque seduits en l'idolatrie de Mahomet, ce nonobstant la perfide memoire de ce faux prophete fut facilement extirpee par l'Euangile de Iesus Christ.

Ils adoroient en toutes ces Isles le Soleil, la Lune, & autres causes secondes; ensemble quelques Idoles d'hommes & de femmes, qu'ils nomment en leur langue *Maganites*, celebrant leurs festes appellees *Magadurias* en tout apparat & magnificences, & avec grandes superstitions & ceremonies. Entre ces Idoles y en auoit vn nommé *Basala*, qu'ils auoient en grand' reuerence par dessus tous autres, & tenoient ceste reuerence par tradition de pere en fils, ne sçachant dire ne monſtrer en quoy il auoit tant excellé, que meriter la prerogative deuant tout autre.

Aux Isles des Illoques proches de là, ils adoroient le diable, & luy faisoient des sacrifices en recompense & remerciement de l'or qu'il leur donnoit en grand' quantité. Mais a present par la bonté de N. Dieu, & la bonne diligence des Religieux Augustins, qui ont esté les premiers qui sont allez en ces lars, & y ont fort travaillé, & vescu loüablement; ensemble des Religieux de S. François qui y loüa allez dix ans apres: toutes ces Isles ou la plus grande

part d'icelles sont baptisées, & militent sous l'estendard de Iesus Christ: de maniere que celles qui restent à conuertir, different leur conuersion plus par faute de predicateurs & ministres Ecclesiastiques, que par refus ou resistance. Il y a pareillement des Iesuites qui y sont allez, lesquels avec leur bon zele & trauail accoustumé aideront soit à cest affaire: & pour le iourd'huy y vont aussi en grand nombre des Religieux de S. Dominique, tous personnages tresdoctes, & hommes vraiment Apostoliques, qui trauailleront à bon-escient à ceste vigne de N. Seigneur, comme ils ont coustume de faire en tous les lieux où ils se trouuent.

C H A P. X I I I.

*De quelques choses remarquables, qui se trouuent,
& se sont veuës aux Philippines.*

LEs naturels de ces Isles souloient celebrer leurs festes susdites, & faire sacrifice aux Idoles, par l'aduis & ordonnances de certaines forcieres, dites *Holgoy* en leur langue, & estoient entr'eux tenuës en pareille estime, que sont les Prêtres entre les Chrestiens. Ces femmes parloient ordinairement au Demon, & le plus souuent en public deuant le peuple, faisant de parole & d'œuvre plusieurs charmes & sorcelleries diaboliques; au moyen desquelles elles venoient à estre possedees infailliblement dudit Demon, & respondoient à tout ce qu'on leur demandoit: combien que telles responses fussent le plus souuent pures mensonges, ou bien paroles ambiguës, qu'on pouuoit interpreter en diuers sens. Ils auoient aussi coustume d'vser de sorts en la façon & maniere que nous auons desia dite en la premiere partie de ceste histoire; & estoient tant addonnez aux superstitions & augures, que si s'acheminant à quelque lieu, ou entreprenant quelque voyage, ils rencontroient d'auenture en leur chemin vne espece de lesard, qu'ils appellent *Caïman*, ou telle autre beste & vermine qu'ils tenoient pour mauuais augure, ils laissoient à l'instât leur dit voyage, encore qu'il fut d'importance, & s'en retournoient chez eux; disant que le ciel ne vouloit pas qu'ils poursuussent ce voyage.

Mais toutes ces fauces superstitions, que le Demon leur

faisoit croire ont esté ostées & abolies par la loy Euangelique, comme dit est; & y a maintenant entr'eux plusieurs conuens d'Augustins, Cordeliers, & Iesuites, & tient la commune opinion qu'il y a plus de quatre cens mille personnes de cōuerties & baptisees pour le iourd'huy aufdites isles, lequel nombre combien qu'il soit grād en soy, est toutefois bien petit à comparaisō de ceux qui restent encore à conuertir; ce qui se differe à executer, ainsi que i'ay desia dit, par faulte & disette d'Ecclesiastiques. Car combien que le Roy d'Espagne y en enuoye ordinairement, sans auoir esgard aux grandes despens qu'il fait en telles commissions; toutesfois estant ces isles descouuertes en grand nombre & s'en descouurant encore à present, & toutes icelles si loin de nous; il ne peut y auoir par tout des Prestres & Religieux comme la necessité le requiert. Ceux qui se baptisent entr'eux, reçoiuēt la foy tres-volontiers, & viuēt tous en bons Chrestiens, & si seroiēt encore meilleurs, si les anciens Chrestiens leur seruoient de bon exemple; comme ils y sont obligez, ce que ne faisant, ils sont cause que les Indiens abhorrent si fort aucuns d'iceux, qu'ils ne les voudroient pas voir en peinture, tāt s'e faut qu'ils se plaisēt en leur presēce.

Pour tesmoignage de mon dire, & aussi pour esmouuoir ceux à y donner ordre, qui ont le pouuoir de ce faire, ie reciteray ici vn cas estrange, qui est toutefois aduenū en vne de ces Isles, & est fort notoire & commun par toutes icelles; & fust, que venār à mourir vn Insulain, des plus principaux; apres auoir esté baptisé, & eu contrition & repentance des pechez qu'il auoit commis deuant & apres le baptisme, depuis par permission diuine il apparut à plusieurs personnes du lieu, & les exhorta par bonnes raisons de receuoir le S. Baptisme, leur déclarant par l'experience de sa personne la beatitude celeste, qui leur seroit donnée en recompense, apres qu'ils seroiēt baptisez & auroient vescu selon les commandemens de Dieu. Si leur dit & raconta, que soudain qu'il rendit l'esprit, il fut enleué par les Anges à la gloire du ciel, où il n'y auoit que plaisir & contentement, lequel se communiquoit aux ames par la seule vision de Dieu: mais qu'à ceste gloire n'y entroit aucun qui n'eust esté baptizé comme preschoient les Castillans, desquels & d'autres semblables il y auoit là vne infinité. Pourtant que s'ils vouloiēt aussi entr'eux aller iouir de ces biens, il leur falloit, premierement

mieremēt recevoir le Sainct Baptisme, puis garder les commandemens, que preschoient les Religieux, qui estoient avec les Castillans. Cela dit, il disparut, & eux estans tous estonnez se mirent à parler ensemble de ce qu'ils auoient ouy, qui fut cause que les vns se firent incontinent baptiser, & que les autres differerent, disant que puis qu'il y auoit au ciel des gendarmes Castillans, ils n'y vouloient pas aller pour ne se trouuer en leur compagnie. Tout ce mal procede d'aucuns qui sont de mauvais exemple, & n'ont aucun soin de leur ame, lesquels meriteroient d'estre repris & punis rigoureusement par les gens de bien, qui sont par tout en grand nombre, & specialement par de la.

Ces Isles au commencement qu'elles furent descouuertes eurent le bruit d'estre mal saines, mais du depuis l'experience en a monstré le contraire. C'est vn païs tresfertile, qui produit grande quantité de riz, blé cheures, poules, cheureux, buffes, bœufs, vaches, & infinis porcs, qui ont la chair aussi bõne & sauoureuse comme le mouton d'Espagne, & ensemble grande nombre de chats, desquels se fait la ciuette. Il y a pareillement des fruiçts en infinité, qui sont tous fort bons & sauoureux, & grande abondance de miel, & de poisson, & le tout à si bon marché, qu'il se donne presque pour neant. Il y a aussi force canelle, & combien qu'il ne se trouue point d'autre huile d'oliue, que celle qui se porte de l'Espagne neuue, si y a-il beaucoup d'huile de sisame, & de semence de lin, dont on vse ordinairement audit païs, sans auoir toute fois faute de celle d'olives. Il y a en outre force safran, girofles, poyure, muscades, & autres drogues, ensemble beaucoup de cotton, & force soye de toutes couleurs, que les marchans de la Chine portent là tous les ans à quantité, y arriuant coustumièrement plus de vingt nauires chargees, tant de draps de soye de plusieurs couleurs, que de vases de terre, poudre à canon, salnitre ou salpêtre, fer, acier, & force argent vif, bronze, cuytre, farine de froment, noix, chastaignes, biscuit, dactes, toiles de lin, cabinets vernis & peinturez, coëffes, & escossions de reseau, pieces de burat, voiles & guimples à femmes, esguieres d'estain, passément, franges de soye, & force fil filé d'une autre façon que celuy de par deçà, & plusieurs autres curiositez, & beaux ourrages, le tout à fort bon marché, comme dit est. Les choses qui sont du creu des isles se vendent pareillement à fort bon

prix, car on y trouuera quatre arroues de vin de palme (qui ne cede point en bôté à celuy qu'o fait de raisins) pour quatre reales; douze hanegues de riz pour huit, trois poulles pour vne, vn porc tout entier pour huit, vn busle pour quatre, vn bel & bien bon cheval pour deux, quatre arroues de sucre pour six, vne bouteille d'huile de sisame pour trois, deux panniers ou couffins de saffran pour deux, six liures de poiure ou girofles pour vne, & deux cens mulcades pour autant, vne arroue de canelle pour six, vn quintal de fer ou d'acier pour dix, trente plats de belle & fine porcelaine pour quatre, & ainsi consequemment les autres choies.

Mais entre les singularitez que les Espagnols ont veuës tant ausdites isles, qu'en la Chine, & autres lieux où ils ont passé, & l'vne de celle qui leur ont semblé plus admirables, & dignes d'estre publicées à la memoire, a esté cest arbre, appelé vulgairement, *Palme de Cocos*, à la difference de celle qui produit les dactes, & certainement à bon droit. Car cest arbre est si profitable & mystereux, qu'on a veu arriuer vn nauire audites isles, lequel avec ce qu'il estoit tout entierement fait de ce bois, ayant les cordes, les chables, les voiles, les mats, & les clous fabriquez de ceste maniere; estoit d'auantage chargé de tresbelles pieces de mantes, faites de l'escorce dudit arbre, & pareillement fourny de viures & munitions pour trente hommes estans dedans le vaisseau, lesquels viures & munirions prouenoient aussi du mesme arbre, voire iusques à l'eau du nauire; & qui plus est asseuerent les marchans dudit vaisseau, qu'en toute l'isle Maldique, où ils venoient, il ne croit & ne se trouue autre chose pour la nourriture des habitans, que ce qui prouient de ceste palme, de laquelle d'abondant l'ont faites & couuertes les maisons: & dedans le fruit d'icelle se trouue comme vne chair & moëlle tresauoreuse & bien saine, qui a vn goust comme les auellaines vertes, & en incisant la grappe, où se procreent ces Cocos (qui est le principal fruit, ayant ordinairement dedans vn quartier d'eau fort douce & delicieuse) toute la substance se retire au tronc de l'arbre, & estant conuerrie en liqueur se reçoit toute par vn trou que l'on y fait, puis la meslant avec certaines autres choses se fait d'icelle de bon vin, qui est le breuuage ordinaire tant de ces isles que du Royaume de la Chine. De ceste mesme eau se fait du vinaigre, & la moëlle se reduit en vne certaine huile fort medecinale, & en lait semblable à celuy

d'amandes, en outre s'en fait du miel & du sucre fin & exquis. De telles & autres vertus est douée la palme Coco, que j'ay recitees icy en partie, pour estre chose remarquable, & pour admirer de ceux qui passent par lesdites isles, surseant à dire le reste pour n'estre point si prolix.

Près de la ville de Manille, & de l'autre costé de la riuere, il y a vn bourg de Chinois Chrestiens, qui se sont là domicilié & arrestez, pour iouir de la liberté Euangelique : & y a entr'eux force artisans, comme cordonniers, cōsturiers, orfeures, forgerons, & autres gens de mestier, & quelques marchans pareillement.

CHAP. XIII.

*Le partement du P. Ignace, & ses confreres & compagnons,
ensemble le voyage d'iceux depuis l'isle Lufson
iusques à la Chine, avec les choses
qu'ils ont uenës.*

COMME la cause principale qui auoit meu ces Religieux de partir d'Espagne, estoit en intention d'aller au grād Royaume de la Chine, pour y prescher l'Euangile, & perseueroient tousiours en ce desir; aussi ne parloient ils iamais d'autre chose que de le mettre à effect, & pour ce regard vsoient de plusieurs moyens, priant quelquefois le Gouverneur de leur ayder à l'execution de leur dessein, laquelle estoit tres facile, attendu qu'au port de Manille arriuoient ordinairement des nauires & vaisseaux des marchans Chinois. Le Gouverneur les entretenoit de plusieurs raisons, entr'autres leur proposoit deuant les yeux la loy rigoureuse qu'ils scauoient for bien estre imposée à ceux qui entroient audit Royaume sans particuliere permission. Mais toutes ces choses sūldites n'estoient pas assez suffisantes pour refroidir la ferueur des Religieux, qui ne desiroient autre chose que de pouoir prescher l'Euangile audit Royaume par toutes voyes à eux possibles, encore que ce deust estre au danger de leur propre vie. En execution de ce, le Commissaire de ces isles, qui estoit le P. Hieronyme de Burgos, esleut & choisit sept Religieux, l'un desquels fut le P. Ignace, lequel comme j'ay dit cy dessus m'a cōmunique

de bouche, & d'escriit la plus part des choses que ie mets au present Itineraires: tous bons seruiteurs de Dieu desirans le salut des ames, qui estoit la seule cause qui leur auoit fait laisser leur patrie, & le repos, & entreprendre vn si long voyage.

Iceux donc avec le bon plaisir du Gouverneur, qui estoit Dom Gonçale de Ronquille, & pareillement de l'Euesque, qu'ils auoient vaincus par leur priere, & perseuerance, estant accompagné d'un Espagnol d'Andecluse, leur amy, appellé Iuan de Feria, & de deux autres soldats qui alloient à ce voyage en intention de se faire Religieux, ensemble d'un Portugais, & de six Indiens des isles: eux tous à l'octaue de la feste Dieu qui estoit le vingt & vniesme de Iuin en l'an 1582. sortirent du port de Cabite, où ils s'embarquerent dans vne fregate appartenant audit Feria, & faisant voile sur les cinq heures du soir furent au poinct du iour à vingt lieues de là à l'endroit qu'on appelle, le port du Frere, auquel lieu ils s'aduiferent de se mettre en pleine mer, & ne plus costoyer Manille (qui est en Nortfu, & à quatorze degrez & demy, comme nous auons dit cy dessus) depuis laquelle iusques au cap du Boxeadeor, (qui est à 19. degrez) il y a cent lieues de navigation, & depuis le cap iusques à la Chine quatre vingt lieues en trauers, ou environ. Si pleut à N. Seigneur leur donner si bon voyage, que combien qu'ils eurent deux iours calmes, toutesfois au septiesme iour, qui estoit la vigille S. Pierre & S. Paul, sur les huit heures du matin ils descouurirent la Chine, & incontinent qu'ils l'aperçurent, le Commissaire dessusdit fit auaindre les habits de Religion, qu'ils auoyent dedans leur nauire, pour en vestir les Espagnols: afin que les Chinois les voyant tous Religieux ne les prissent point pour espies, comme ils auoient fait leurs confreres en l'autre voyage, selon que dit est, & ne se contentant point de cela, jetterent tous les habillemens des soldats dedans la mer & vne arquebuse dudit Feria, avec les flasques ou estoit la poudre à canon, & pareillement tout le reste, qu'ils penserent leur pouuoir nuire, si d'adventure ils faillioient à surgir au port des Portugais, & venoient donner à la coste, comme il aduint. Seulement la meche de l'arquebuse fut oubliée, laquelle estant si peu de chose leur coustera toutesfois bien cher.

Car ne connoissant pas la terre qui se descouuroit à eux, pour ne l'auoir iamais veüe, & n'ayant aussi aucune conoiss-

sance des ports (nonobstant qu'ils fussent pres de la plage de Canton) il aduint que courant la coste en Nortuest, au lieu de singler en Suuest, ils vindrent abborder à la prouince de Chincheo, & le mesme iour enuiron cinq heures du soir apperceurent vn port non loin d'eux, & nauigeant vers iceluy abborderent, & prirent fond en dehors non sans grande crainte, ne sçachant la seureté de ce lieu, & se doutât aussi de quelque danger. Ainsi comme ils abbordoyent, ils virent sortir hors du port grand nombre de barques grandes & petites, qui auoient aux prouës quelques petites pieces d'artillerie, & estoient dedans pleines de soldats armez d'arquebuses, lances, espees, & rondelles, lesquels approchant de la fregate, où estoient les Religieux de la portee d'un coup de mousquet, s'arrestèrent tous, commencerent à tirer force arquebusades. Les Espagnols qui n'auoyent aucunes armes ni offensives, ni defensiues, ne donnoient autre responce aux bales volantes qu'on leur mandoit, que par plusieurs signes de paix qu'ils leur faisoient, les aduertissant avec les mains qu'ils approchassent plus pres, & qu'ils verroyent, comme ils n'alloyent point pour mal faire; mais tout cela ne suffisoit pas pour les retenir de le tirer, ni pour les faire approcher plus pres. En fin vn d'entr'eux qui auoit esté à Lussion, & connoissant bien les Espagnols, estant inspiré de Dieu fit signe aux autres de ne plus tirer, à quoy eux obtemperant, iceluy avec vn brigantin approche pres de la fregate, & apres luy tous les autres, lequel comme ils virent que les Espagnols estoient sans armes, & n'auoient point voulu fuir sauterent dedans la fregate, escriment dessus leurs testes avec les espees nuës, & faisant vn tres grand bruit. Si les menerent incontinent à vn port voisin, dit Capsonson, où estoit vne grande armee avecque vn General, lequel commanda incontinent que fussent amenez à sa nauire Capitaine &c, quatre d'entr'eux lesquels estimoyent que ce fut pour les faire mourir: au moyen dequoy comme il n'auoit specifié les personnes, les quatre Religieux s'offrirent à y aller, & apres s'estre confessez ensemblement, & auoir pris congé de leur compagnie, s'y acheminerent, portant chacun vn breuiaire & vne croix en leurs mains, sans autre chose.

Estant arriuez à la presence du General, ils le trouuerent plus humain qu'ils ne pensoient: ce qui aduint volontiers par permission de Dieu, pour remunerer ces siens ser-

uieurs du grand péril & danger, où ils s'exposoyent pour son seruice Si leur demanda d'où ils venoyent, & pour quelle occasion, & autres choses à ce propos: sur quoy comme ils luy eurent respondu, il les fit remener à leur fregate, sans que leur fut faite autre chose, sinon defente de ne sortir de leur vaisseau sans permission & congé. En vertu de ceste defenſe, ils furent reclus trois iours entiers, & gardez de barques & de soldats, & au dernier iour le General enuoya querir deux Religieux, & comme ils furent deuant luy les fit mener à vn Iuge, qui demouroit pres de là. Ce Iuge & autres magistres du lieu parloyent à eux avec telle grauité & aigreur que chasque fois qu'ils se voyoyent deuant eux, il leur sembloit qu'au sortir de là ils deussent estre enuoyez au supplice. Et ne faut douter que ces Iuges, qui sont cruels n'eussent eu la volonté de ce faire, ou à tout le moins leur donner tels affres, comme il se voyoit euidentement par leurs effects, & special. ment vn iour entre autres, auquel vint à eux vn Iuge avec plusieurs hommes armez & fit enuironner leur fregate d'un grand nombre de brigantins, avec signes & apparence de leur vouloir courir sus, ou mettre à fond la fregate. Mais vn peu apres ils s'apaisèrent, & monta ce Iuge dedans vn autre nauire qui estoit ancré pres de là, & se scant en vn riche siege avec force soldats à l'entour & comanda à ceux qui estoient plus bas aux brigantins, de s'en aller promptement voir & visiter ce qui estoit dedans la fregate, enuoyant quand & eux vn trucheman de Chincheo, & qui entendoit aucunement le Portugais.

Ces soldats portoient vn estendard noir, & autres indices funebres, dont on a coustume d'vser en la Chiné qu'ad on va faire quelque iustice, lesquels apres auoir bien visité par tout, & n'auoir trouué en la fregate aucune chose qui fust suspecte, siu. o. la mesche de l'arquebuse qu'on auoit oubliée à ietter dedans la mer, comme dit est, neantmoins pour ce seul regard les firent incontinent embarquer deux à deux dans les brigantins, où estoient les soldats armez, & firent camp vers vne tour destinee pour la prison des larrons qu'õ apprehendoit en celle coste, duquel lieu ne sorroit aucun que pour estre mené au supplice. Les Indiens des Philippines voyant cela pleuroient si amèrement que les Espagnols en auoyent grand compassion, nonobstant qu'ils fussent en mesme danger, & eussent la mort si sichee deuant leurs

yeux, que deux des Religieux (lesquels quand elle estoit loin faisoient semblant de ne la craindre) la voyant pour lors si proche perdirent si fort le sentiment, que l'un d'eux fut hors de soy toute la nuit ensuiuant, sans ne discerner non plus le danger où il se trouuoit, que s'il eust esté desia mort: & l'autre de viue imagination & melancolie qu'il conceu tomba si grieuement malade, qu'il en mourut quelques iours apres dedans la ville de Canton. Bref le plus assésuré d'entr'eux auoit belles affies, & eust donné la vie pour peu de chose, la tenant desia perduë, & s'assésurât infalliblement de mourir. Et pour ceste cause vn des soldats Espagnols, qui estoit allé en ce voyage en intention de se faire Religieux, & en portoit desia l'habit ietta dedas la mer mille six cens reales qu'il auoit, disant que puisque la mort estoit certaine il vouloit mourir avec l'habit de S. François, & en la mesme paureté que ce benoist saint auoit gardee durant sa vie & à sa mort, de l'imiter entierement.

Estant donc eux tous en si grâde transce, & approchant de ladite tour, ils virent venir deuers eux en haste vn esquif à plusieurs rames, lequel les huant de loin à haute voix, leur dit que le General leur commandoit de ramener les prisonniers. Cela fut à l'instant effectué, & alors ledit General apres leur auoir fait quelques demandes, les fit remener par deux fois en la mesme tour, non à autre fin à ce qu'ils virent, que pour leur donner la peur. En fin apres leur auoir vû de telles rigueurs: ledit General se mit dans vn brigantin, & vint avec eux à terre, où estant abbordé, il les mena dans vn temple de leurs Idoles basti fort somptueusement qui estoit à l'oree de la mer: auquel lieu comme il eust fait la reuerence à leur mode, les Espagnols nonobstant qu'ils eussent grand peur de mourir comme dit est ne le voulurent iamais imiter, ains crachant à la face de ces Idoles, donnerent à entendre par signes au Capitaine qu'il ne les falloir pas adorer, attendu qu'ils estoient ouurages, & comme creatures des hommes: mais qu'au contraire les Idoles deuoient par bonne raison reuerer les hommes, dont ils estoient la facture: adioustât que l'adoration n'estoit deuë à autre qu'à vn seul Dieu createur du ciel & de la terre. En cest acte apparut manifestement le don de force, que le S. Esprit donne aux Chrestiens; veu que ces siens seruiteurs qui estoient en angouisse extreme & voyoyent comme l'on dit, la mort presente deuant leurs yeux, ne feignoient point toutesfois de

resister virilement, & reprendre ainſi celuy qui leur pouuoit oſter la vie. De ſorte que le general, bien qu'il monſtrast à ſa contenance n'eſtre pas content de ce qu'il leur auoit veu faire, ne s'en reſſentit point autrement, mais les faiſant ſortir hors du temple, commanda aux ſoldats de les garder toute la nuit, que les Eſpagnols furent contraincts de paſſer là, & ſe coucher ſur la dure, dont ils ſe tenoyent bien heureux, rendant graces à Dieu de les auoir ſauuez de la mort, qu'ils auoient veuë ſi prochaine.

C H A P. XV.

Continuation des choſes, que virent & entendirent les Religieux eſtans au Royaume de la Chine, enſemble les travaux qu'ils y ſouffrirent.

LE lendemain du matin, le ſacrificateur des Idoles ourlit le temple, où furent menez de rechef les Religieux, & eſtans dedàs virent les miniſtres & ſacerdotes qui allumoyen pluſieurs petites chandelles, & parſumoyent les Idoles avec pluſieurs ceremonies ſuperſtitieuſes; apres leſquelles ſe fit vne eſpece de ſort, dont on yſe ordinairement audit Royaume, & eſtiment les Eſpagnols que ces ſacrificateurs faiſoyent ce ſort, pour faire reſpondre le diable par les Idoles, & ſçauoir de luy ce qu'on deuoit faire des eſtrangers. Toutesſois ils ne peurent ſçauoir autre choſe, ſinon qu'on les fit ſortir hors du temple, & furent menez par les ſoldats deuant vn Iuge qui eſtoit general de mer de celle province, & demeueroit à ſix lieuës de là en vne ville nommee Quixuë, où l'on alloit par vn beau grand chemin pauë, de part & d'autre duquel eſtoient des terres enſemencees & pleines de fleurs. Les Religieux fortifiez de la grace de Dieu firent ce chemin comme ils peurent, toutesſois avec grande peine d'autant qu'ils n'auoyent aucunes forces pour marcher, les ayant toutes perduës auparauant aux grands effrois & ataintes, qu'ils auoient eües huit iours entiers.

Eſtans arriues à ladite ville, ils furent tout ce iour là mis en la garde des ſoldats, & menez le lendemain deuant le Iuge general, qui eſtoit en vne fort grande & belle maiſon ayant deux courts, l'vne deſquelles reſpondoit à la porte de la ruë, & l'autre au dedans du logis, & eſtoient toutes deux fermees de barreaux à l'ëtour, & plantees dedans de diuers

arbres entre lesquels alloit pasturât grand nombre de cerfs & autres bestes sauuages, qui estoient deuenues priuees comme brebis. Deuant l'arrierecourt estoit vneallee, où se tenoient en armes les soldats de la garde de ce Iuge, lequel estoit en vne belle grande sale, assis dedans vne chaire d'yuoire en grande parade & majesté. Deuant qu'ils entraissent en l'arriere court, ils ouirét tirer dedàs quelques piéces d'artillerie & d'arquebuses, & soner vn tabourin, qui estoit trois fois aussi grand que ceux d'Espagne, & apres cela des haubois & des trompettes, & plusieurs autres instrumens. Cela fait, on ouurit les portes qui estoient deuant l'arrierecourt pres de l'allee su'dite, & de ce lieu là se voyoit le throsne où estoit assis le Iuge, lequel auoit deuant luy vne table, avec du papier & autres choses requises pour escrire; qui est vne ysance de faire pratiquée par tout le Royaume, comme il a esté desia dit. Les soldats de garde estoient tous vestus de soye d'vne mesme liuree, & tenoient vn si bon ordre & silence que les Espagnols en furent tous esmerueillez. Les premiers estoient arquebusiers, & les seconds tous piquiers, & entre ceux cy & ceux là y en auoit d'autres avec l'espee & la rondelle, & pouuoient estre ces soldats quelques quatre cens en tout. Derriere eux estoient les executeurs de haute iustice avec leurs fouës, & immediatement apres les greffiers & procureurs, à trente pas loin du siege dudit General à l'entour duquel estoient quelques Gentils-hommes & Cheualiers à les voir, & aupres d'eux iusques à douze petits pages tous nuës teste, & habillez brauement de soye & d'or. A tant fur la porte ouuerte, & furent mis les Espagnols entre les soldats susdits, & menez avec les noirs estendars, & autres signes funebres qu'ils ont coustume de porter, quand ils vont presenter aux Iuges ceux qui sont condamnez à mort: & long temps deuant qu'ils approchassent du lieu où estoit ledit General, on les fist mettre à genoux.

Là dessus quelques prisonniers Chinois furent amenez pour expedier, lesquels estans trouuez coulpables furent condamnez, & la sentence executée en la presence des Espagnols par les executeurs de haute iustice, qui les despouillerent premierement, puis leur lierent si fort pieds & mains avec des cordes, qu'ils faisoient crier de douleur ces pauvres gens, lesquels enuoyent leurs cris iusques au Ciel, Ils les tiennent ainsi liez attendant le commandement du Iuge, lequel ayant entendu l'offense, s'il veut qu'ils soyent susti-

gez', donne vn coup de sa main dessus la table qui est au deuant & à l'instant vn des procureurs appelle les bourreaux presens lesquels approchent, & commencent à bailler cinq coups de foïet avec de grosses cannes; & roseaux dessus les cuisses de la maniere qui a esté desia dite, & sont ces coups de foïet si cruels, qu'on n'en scauroit endurer cinquante sans en mourir: & si ledit en merite d'auantage, le Iuge frappe derechef la table, & sont donnez aux delinquans encore cinq coups de foïet, & ainsi consequemment tant qu'il plaist au Iuge: & n'ont lesdits Iuges non plus de pitié & compassion des cris de ces pauures miserables, que si l'on frappoit dessus des pierres. Ces Chinois estâs expediez, ledit General commanda aux Espagnols d'approcher plus pres, & fit regarder leurs habits, & tout ce qu'ils auoyent dessus eux, iusque à leurs breuiaires, puis apres auoir esté informé de ceux qui les menoyent comme ils auoyent esté pris, & tout le reste touchant leur voyage & entree dudit Royaume, les fist mener en prison, & tenir là estroitement avec bonne & seure garde par l'espace de quelques iours, pendans lesquels ils endurent beaucoup de trauaux incroyables tant de faim & soif, que de chaud: qui fut cause qu'ils deuiendrent tous presque malades de fieures & de flux de ventre.

Après qu'ils eurent esté deux iours en prison, on les amena derechef à l'audience, & furent ainsi menez & ramenez de fois à autre afin d'estre visitez croyant à chacun coup qu'on les mandoit que ce fust pour aller mourir, dont ils estoient bien contens, afin qu'une seule mort les deliurast de plusieurs autres, qu'ils voyoyent tous les iours douant leurs yeux. Finalement ledit General ordonna qu'ils seroyent menez par mer à Canton, où estoit le viceroy de celle prouince afin qu'il les fist luy mesme iusticier, ou punir comme bon luy sembleroit, suivant la peine imposee à tout estranger, qui entre au royaume sans permission, comme ceux cy auoyent fait. Les Espagnols se voyans tirer de prison, & mener sur mer, crurent fermement que c'estoit pour les submerger: au moien dequoi apres s'estre confessez derechef, & recommandez à Dieu, ils se consolerent & encouragerent les vns les autres, se representant la recompense qui leur en estoit preparee. Quand ils arriuerent au bord de l'eau, où en les deuoit embarquer, la mer comença à s'eslever si impetueusement & si à coup, que ce fut vn cas miraculeux; de maniere que les soldats & mariniere disoyent n'auoir iamais veu si

grande tourmente, laquelle dura dix iours entiers, & fut cause que le General changea d'aduis, & commanda qu'ils fussent menez par terre à la grâde ville de Saueofu, comme il fut fait. Ils eurent cinquante soldats de garde, & demeurèrent quelques iours à faire ce chemin pendant lequel ils virent tant de choses belles & riches, qu'ils estimerent ce pays estre le meilleur du monde.

Estant arrivez à la ville non sans grande peine & travail, à cause du long chemin, & mauuais traitement qui leur fut fait par les soldats, on les mena incontinent d'Herode à Pilate, comme l'on dit, sans que se passast aucun iour qu'ils ne fussent menez à l'audience publique, ou à quelcun Juge particulier. Si est ceste ville de Saueofu tresbelle & plaisante dedâs & de hors, & pleine de beaux iardinages, où il y a infinis arbres, fruits, vergers, viuiers, & autres choses de grande recreation, & combien qu'elle soit trois fois plus grande que Senille, si est elle enuironnee a l'entour d'une muraille tres forte, & y sont les maisons bien basties & grandes. Les rues sont belles ce qui se peut, larges, longues, & si droites, que d'un bout à l'autre on y peut voir vne personne. D'espace à autre y a des arcs triomphaux distans esgalement l'un de l'autre (chose commune & ordinaire à toutes les villes du royaume) & y a vne tour à chaque porte, où est mise l'artillerie pour la defense de la ville, comme l'ay desia dit ailleurs. Tout autour d'icelle court vne belle & grand' riuieré, qui est ordinairement frequentee d'infinites barques & brigantins, & est si creuse & profonde, que les galleres & nauires mesmes de haut bord peüent nauiger dessus, & surgir iusque à la muraille.

A vn costé de la ville est vne petite Isle fort plaisante, & pour y aller faut passer par vn tres beau pont, la moitié duquel est de pierre. & l'autre de bois, & si grand, qu'en ce costé qui est de pierre, le P. Ignace y a conté trente hostelleries & tauernes esquelles se vendoiēt non seulement des viandes tant de chair que de poisson, mais aussi plusieurs marchandises de grand' valeur, iusques à de l'ambre & du musc, & des pieces de soye & toiles d'or.

CHAP. XVI.

Le P. Ignace & ses compagnons sont enuoyez à la ville de Hucheofu, & se raconte ce qui leur aduint.

Les Religieux furent enuoyez de la ville de Haucheofu à celle de Hucheofu, qui est plus grãde & celebre, ayant tousiours la mesme garde & compagnie de soldats que dit est, & faisant vne partie de chemin, par eau, & l'autre par terre, où ils virent tant de choses si belles & riches, que celles qu'ils auoient veüs auparauant ne leur sembloient rien à comparaison, lesquelles ie me deporte de raconter, encores que de plusieurs d'icelles i'aye des memoires particulieres, craignant de faire vne histoire au lieu d'vn Itineraire, attendu mesme que la plus grande part d'icelles semblent incredibles, seront telles enuers ceux qui n'ont pas grande connoissance de l'estat de cestuy Royaume. Les cittez & villes qu'ils y virent en chemin, estoient en grand nombre, & toutes munies de fortes murailles, en l'une desquelles ils trouuerent vne grand riuere, qui auoit plus de cinquante pompes, ou engins à tirer eau, faits d'vn si bel artifice, que par le seul cours de l'eau qui les remuoit, ils arrosoient toutes les terres circonuoisines plus de deux lieus loin, sans autre industrie humaine. Durant leur sejour en ladite ville ils furēt visitez par quelques iours, au bout desquels ils furent enuoyez à Canton, dont nous auons desia fait particuliere mention aux deux voyages precedens.

Estant arrivez à Canton, ils furent menez à la prison de Tequisi (qui est le lieu où l'on met ceux qui sont condamnez à mort, comme ils la virent aussi de leurs propres yeux) & furent là par plusieurs iours sans sortir, sinon que plusieurs d'entr'eux furent menez deuant les Iuges tenans l'audience en la compaignies d'autres criminels condamnez à mort. Or estoit en ce temps, en la mesme ville le magistrat nommé Tutan, qui est le Viceroy de la prouince, & pereillement le Chaen, qui est le Visiteur general; & estoit pour lors la saison, en laquelle se font leurs grãdes iustices, pour vider & nettoyer les prisons qui estoient pleines de milliers d'hommes, entre lesquels il y en auoit qui y estoient detenus de plus de dix ans. Si aduint vn de ces iours là, qu'en la presence des Espagnols furent mis hors desdites prisons deux mille prisonniers y detenus, & eux tous expediez & condamnez, les vns à la mort, les aucuns au fouët, & plusieurs à bannissement, & autres sortes de peines, selon & iouxte la rigueur & disposition de leurs loix. Le iour que se fait execution de mort, il y a certaines ceremonies qu'on a coustume d'observer, comme de lascher quelques pieces

d'artillerie , & fermer les portes de la ville , n'estant permis à aucun d'entrer ou sortir dehors , tant que la iustice soit faite, avec plusieurs autres choses en tel cas accoustumees, de la façon & maniere qui a esté desia dite en la premiere partie de ceste histoire.

Pendant que les Religieux estoient ainsi à Canton parmi tant d'angoisses & calamitez , vn cheualier Portugais, nommé Arias Gonçale de Mirande , capitaine maje de Macao, personnage tres affectonné à l'endroit des Religieux, & bon ami des Castillans, entendant la peine & le danger où ils estoient, se resolut de les deliurer, & s'y employa si soigneusement, qu'il mit sa resolution en effect; de maniere qu'ils furent deliurez de la prison, & de la peur où ils estoient tant par les prieres de ce Cheualier, que par ses bonnes sollicitations, les purgeant du mauuais bruit qui auoit esté diuulgué, & faisant reuoquer par ce moyen la sentence de mort, qui estoit ia donnee contr'eux. Je ne parle point des accidens particuliers, qui suruindrent à ces Religieux & bons seruiteurs de Dieu, tant en la prison, que par le chemin qu'on leur fit faire, pour ce qu'estans en grand nombre ils requeroient beaucoup de temps, & seroit mesme necessaire d'en compiler vne autre histoire.

Quant à ce royaume de la Chine, bien qu'es autres liures precedens aye esté traité en particulier de ses richesses & qualitez: toutefois pour plus grãde approbation il me semble que ce ne sera point hors de propos d'adiouster encore au chapitre qui ensuit, quelques choses de celles que le P. Ignage susdit m'a communiquees, vsant de telle breueté à les narrer, que cela serue plustost d'epilogue, que de nouuelle relation. Ce que ie fay, tant pour donner plus grand certitude de la verité, & par le cõforme rapport de ceux qui ont veu les choses ci mentionnees, les rendre plus faciles à croire, cõme pource que ledit Religieux & ses compagnons ont veu plus de particularitez que les autres, desquels nous auons par ci deuant historié les relatiõs, à cause que ces Chinois les ayãt cõdamnez à mort ne se deffioient d'eux aucunement, mais les laissoient voir & entẽdre plusieurs secrets du royaume, ce qu'ils n'eussent fait, s'ils eussent preuẽu que les Espagnols deuoient estre deliurez, & sortir de la Chine leur vie sauue: d'autant qu'ils se gardẽt le plus qu'ils peuuent de ne point dõner à connoistre aux autres nations les moyens secrets qu'ils tiennent en leurs affaires d'estat, & forme de viure.

CHAP. XVII.

*De la grandeur, bonté, richesse, & puissance du grand
Royaume de la Chine.*

CE Royaume est situé sous le tropique du Capricorne, & posside vne coste de mer qui s'estend plus de cinq cens lieues de Suüest à Nortuest. Il a du costé de Suüest le Royaume de Cochinchine, & de la part de Nortuest confine à celuy de Tartarie, qui en enuironne la plus grand' part. Du costé de l'Orient; & plus loin que Perse, il y a vn autre grand Royaume, dit Caray, peuplé d'hommes blancs, & spécialement de plusieurs Chrestiens, dont le Roy s'appelle Emanuel: & se tient pour chose certaine que depuis l'extrémité de ce Royaume iusques à Hierusalem il y a six mois de chemin par terre; ce qui s'est sceu par des Iuifs. ou Indiens qui y vindrēt par la Perse, le certificat desquels estoit fait en Hierusalem six mois deuant, & estoit contenu en iceluy qu'ils auoient cheminé par l'Arabie nommee heureuse, & trauersé la mer rouge.

Du quatriesme costé, la Chine est enuironnee d'une tres aspre montagne, contenant cinq cens lieues de long, en laquelle comme il y auoit du costé de Nortuest, aupres la mer du Iappon deuers le Nört, quelques espaces & ouuertures de quatre vingt lieues de long venues ainsi naturellement, cela fust clos & fermé à force de gens & de finances en la façon & maniere, que nous auons traitée plus au long en la premiere partie de ceste histoire: pour ce que le Roy qui regnoit pour lors se voyant assailli du grand Tartare, & estimant se pouuoir bien mieux defendre, s'il faisoit clore ce passage que nature y auoit laissé ouuert, s'embsongna à cest ouurage, mais avec la mort de maints milliers d'hommes, vsant de grand' tyrannie en leur endroit, ce qui fut par apres cause de sa mort. Ceste montagne avec ce supplement artificiel est la fameuse muraille de la Chine, contenant cinq cens lieues de long: ce qu'il faut routefois entendre de la maniere que dit est, à sçauoir qu'il n'y en a seulement que quatre vingt qui soient faites d'industrie humaine, avec vne infinité de bou-leurs qui la rendent plus belle & forte, mais non pas tant

toutefois que les quatre cens vingt lieux, qui ont esté faites par la nature. Aupres de celle muraille est vn grand desert, plein de palus & marefcages: qui est la cause que le Royaume s'est maintenu & gardé par plus de deux milans en ça, selon qu'il appert en leurs histoires, qu'on tient pour vraye & authentiques. Tout le Royaume est diuisé en quinze prouinces, en y comprenant l'isle d'Aynao, chacune desquelles a vne ville capitale, de qui elle prend son nom. Au milieu d'iceluy est vn tres-grand lac d'où sortent plusieurs belles & grandes riuieres qui courent par tout le Royaume de maniere que combien qu'il soit grand & spacieux, on peut toutefois nauiger par tout avecques barques, fiegates, brigantins, & autres vaisseaux. Ce grand nombre de fleues & riuieres est cause qu'il est tresfertile, & abondant, & fourny de toutes choses necessaires à la vie humaine, pource que la plus grand' part des citez & villes sont basties aux bors des riuieres, au moyen desquelles on trafique par toutes les prouinces, menant des vnes aux autres plusieurs marchandises, & autres choses singulieres: ce que faisant à peu de frais, est cause que tout s'y vend à tres bon marché. La coste maritime du Royaume est la plus grande & la meilleure qui soit au monde: & en icelle se vont rendre cinq belles prouinces, à sçauoir Canton, Chinecho, Liampon, Nanquin, & Pagua, qui est la derniere vers Norouest, & celle où réside ordinairement le Roy & son conseil avec la court, & la plus grand' part des gens de guerre, pour estre située ceste prouince vers les confins des Tartares, qui sont les ennemis de la Chine. Aucuns disant que le Roy de la Chine y fait son sejour, pourautant qu'elle est la plus belle & la plus fertile du royaume: toutefois ie croy, & le disent mesme quelques Chinois, que cest pource qu'elle est proche de Tartarie, & qu'il se voit là en lieu commode; où il peut obuier aux dangers & euenemens des ennemis. Entre les bras desdites riuieres sont situées quelques isles, qui font grand profit à tout le Royaume, d'autant qu'il se nourrit en icelles grande quantité de cheureux, porcs; & autres bestes: d'où vient que les villes sont toutes bien fournies de chair.

Vne des choses qui fait plus esmerueiller les estrangers estant par delà, est l'infinité des barques & nauires, lesquelles sont en si grand nōbre par tous les ports, & que des hommes de Macao ont gagé y auoir plus de vaisseaux & nauires

sur la riuere de Canton, qu'il n'y en a en toute la coste d'Espagne. Bien puis ie affermer vne chose, que i'ay ouy dire à des personnes dignes de foy, qui ont esté audit royaume, & nommément au P. Ignace, que i'ensuy au present Itineraire, qu'il est aussi facile à chacune de ces cinq prouinces maritimes d'assembler mille nauires pour combare, qu'il est facile en Espagne d'en assembler dix, & ce pour les causes, qui ont esté desia dites en vn chapitre particulier. Touchât l'estenduë dudit royaume, il y en a dediuerses opinions: toutefois elles sont la plus part conformes à celle du P. Martin de Herrade, lequel comme excellent Geomettre & grand Mathematicien a touché au point le mieux de tous & a esté son opinion declaree par ci deuant en la premiere partie, où ie renuoye le lecteur, tant pour ce fait ci, que pource qui touche les particularitez du royaume, pour les auoir a nplement deduites audit lieu de la mesme sorte & maniere qu'elles ont esté tirees de leurs liures. Vne chose ne puis ie oublier pour me sèbler digne de particuliere memoire, & l'ay sceuë de bouche dudit P. Ignace, c'est qu'on luy assura pour chose tres certaine & veritable, que chacun iours de l'annee l'un parmy l'autre se meurent en chaque prouince dudit royaume, sans occasion de guerre ni contagion (car ils n'ont point de souuenance y en auoir eu iamaïs & ne s'en trouue rien en leurs histoires depuis deux mil ans en çà, ni famine aussi, ou autres semblables accidens) plusieurs milliers de personnes tant grandes que petites: ce qui doit esmouuoir à compassion tous ceux, lesquels d'un zeile Chrestien se mettront à considerer le miserable tribut de tant d'ames que le Demon reçoit & entraine tous les iours à ses enfers.

La fertilité de tout ce pays est si grande, tant par l'arrosement ordinaire, que pour la temperature du ciel, que presque toute l'annee il y a à recueillir, & specialement du blé & du riz, lesquels y sont à si bon marché, que les Espagnols durant leur voyage ont acheté telle fois vn pio de riz ou de farine de froment (qui sont cinq arroues d'Espagne) au feur d'une reale & demie, & ainsi consequemment toutes autres choses, comme il a esté desia déclaré. On dit qu'au dedans du pais il y a force Elefans, Lions, Tigres, Onces, & autres bestes sauvages, toutefois les Espagnols en virent fort peu de viues, mais bien plusieurs peaux d'icelles, ce qu'ils prirēt pour vn tesmoignage de verité. Il y a pareillement grand
nombre

nombre de ces bestes qui font le musc, lesquelles sont de la façon & grandeur de petits chiens, lesquelles ils tuent, & tiennent sous terre par quelques iours, tant que la chair & sang venant à se corrompre & pourrir, & tout se conuertir en les poudres de bonnes senteurs. Il y a aussi bon nombre de chats de ciuette qui valent fort peu, & en outre grande quantité de cheuaux, & combien que ceux que virent les Religieux fussent petits, si est le commun bruit qu'ils s'en trouue de beaux & grans en quelques prouinces, mais n'y estant allé aucun d'eux, ils n'en ont sceu parler de veuë. Les poules, oisons, canars, & autres oiseaux qu'il y a par tout le Royaume, sont sans nōbre, & pour ceste cause s'asgrāde estime, & n'y a pas moins de poisson tant de mer que de riuiere, en quoy s'accordent tous ceux qui parlent de l'estat dudit pays, & pareillement au prix que s'y vendent toutes choses lequel est tel, qu'il m'a esté asseuré par le sūbdit P. Ignace, & autres qui ont esté audit Royaume, que pour six maraue dis d'Espagne quatre hommes peuuent faire bonne chere de chair, de poisson, de riz, & de fruit, & boire du vin du pais.

Il y a par tout le Royaume beaucoup de mines d'or & d'argent, & toutes fort riches, où le Roy ne souffre point traualler sinon parfois, & pour cause vrgente, disant que puisque ses sujets, & vassaux ont telles richesses chez eux toutes acquises, ils doiuent s'efforcer entr'eux d'apporter celles des autres royaumes. Mais nonobstant tout cela, il y a si grande abondance de l'un & de l'autre, & est par tout si commune, qu'il n'y a homme encore qu'il soit de mestier, qui n'aye chez luy quelque quantité d'or & d'argent, & autres ioyaux fort riches. Ils estiment plus l'argent que l'or à proportion, & leur raison est que le prix de l'or se change (comme l'on voit en Italie) mais l'argent est tousiours en mesme estat & valeur. Il y a des perles en abondance, & principalement en l'isle d'Aynao & grande quantité de vis argent, cuyure, fer, acier, laton, estain, plomb, salnitre, ou salpêtre, soulfre, & autres semblables choses qui ont coustume de rendre vn Royaume fertile, & sur tout y a force musc, & ambre. On tient que le Roy, outre le grand reuenu qu'il a d'ordinaire, garde encore de grands thresors en toutes les villes capitales des prouinces : & fut asseuré pour vray audit P. Ignace en la ville de Canton, que toute la finance qui estoit entree en icelle depuis cinq cens ans tant par le chemin des Portugais, que par celui du Royaume de Sian, &

autres circonuoisins & pareillement tous les tribùs de la Prouince, estoient gardez ensemblement en l'hostel du thresor Royal de celle ville, lequel estant nombré a bon compte faisoit tant de millions qu'on ne le pourroit croire facilement. La soye leur est aussi ordinaire en habillemens, comme le lin en Europe, iusques à porter des fouliers qui sont de velours, ou de satin, & quelquefois de toille d'argët, avec de belles figures & brouderies. Cela se fait pour l'abondance qu'il y a là de telles estoffes laquelle est si grande qu'il en sort de Canton toutes les années deuers les Indes de Portugal plus de trois mille quintaux, sans beaucoup d'autres qui se trāsporte au Iapon, & plus de quinze nauires d'ordinaire aux isles Lusion, & en outre vne grande partie, que tirent les Sianois & autres peuples: & si nonobstant ceste traite, il en demeure tant au Royaume, qu'on en peut charger plusieurs flottes.

Il y a aussi beaucoup de lin, de cotton & d'autres toiles & le tout à si bon marché que ledit P. Ignace m'a affirmé en auoir veu vendre vne Cangue (qui sont quinze brasses pour quatre reales seulement. Quand à la vaisselle de terre on ne scauroit dire cōme elle est fine, car celle qui se transporte en Espagne est fort grossiere, bien qu'elle semble belle à ceux lesquels n'ont pas veu la fine, toutesfois il y enja si grand toison qu'un buffet garny de telle vaisselle seroit autant prisé d'aucuns, que si c'estoit de fin or. La plus fine ne se peut tirer hors du Royaume sur peine de la vie, & n'est permis à autres persōnes de s'en seruir, fors aux Loytias qui sont les cheualiers & gentils hommes, comme dit est. Il n'y a pas moins de succe, de miel & de cire, & le tout à bō marché, comme il a esté dit ailleurs. Bref pour conclurre en peu de paroles, ie dy qu'ils ont là si grande abondance de tout qu'ils en peuuent faire part aux autres, & n'y a aucune commodité du corps qui leur defaille, toutesfois quant au principal, qui est le salut des ames, ils en ont grande necessité, cōme il s'est peu voir par le discours de ceste histoire. N Seigneurs les vneille inspirer par sa sainte grace, comme il est bien en son pouuoir.

Quant au reuenu que tient le Roy, il a esté mis ailleurs en vn chapitre particulier, & partāt i'adiousteray seulement icy ce que m'a dit le P. Ignace, c'est à sçauoir qu'un seul fleuve appellé le fleuve du Sel en la prouince de Cantō, luy valloit tous les ans vn million & demy, & que combien que

son reuënu ordinaire de chasque annee soit tresgrand, & tel qui ne se trouue Roy au monde qui en aye autant : toutefois les thresors qu'il garde & reserue en toutes les villes capitales des quinze prouinces, sont si excessiuemēt grands à comparaison (si ce que les Chinois disent est vray) que plusieurs grands Roys ensemble ne le scauroient esgaler, ni en approcher à beaucoup pres. Toutes les citez & villes du Royaume sont enuironnees de murailles de pierre de taille, avec des rempars & bouleuars de cinquante à cinquante pas, & tout à l'entour d'icelles y a communement vne riuie, re, ou des fossiez fort profonds lesquels se peuuent remplir d'eau, au moyen dequoy elles sont tres fortës. Ils n'ont d'autres fortifications, que quelques tours dessus les portes des villes comme dit est, où ils mettent toute l'artillerie qu'ils ont là pour leur deffence. Ils se seruent de beaucoup de sortes d'armes, & principalement d'arquebuses, arcs, lances de trois ou quatre façons, & de certaines espees semblables à des braquemats, & outre des rondelles. Quand les soldats vont en guerre ils portent tous de longues casques qui leur vont iusques aux genoux, & sont tellement bourrees de cotton, qu'elles resistent facilement à coup d'estoc ou de lance, ceux qui sont à soude du Roy ; portent pour marques & enseignes des chapeaux rouges où passes, & y a d'iceux si grand nombre tant à pied comme à cheual, qu'il est quasi impossible de les conter, & est telle la commune opinion de tous ceux qui ont esté audit Royaume, & les ont veus, qu'il y en a plus en iceluy, qu'il n'y a en France, & en Espagne, ni aussi en toute la Turquie.

Il y a des capitaines de dix soldats, de cent, de mille, de dix mille, & de vingt mille, & ainsi consequemment iusques à cent mille. Tous ces Capitaines se connoissent, ensemble tous les soldats qu'ils ont sous leur charge, par certaines marques qu'ils portent entr'eux. Ils font la montre à chaque nouuelle lune, au mesme iour se paye infailiblement la soude à chacun d'eux, & se doit faire le payement en argent & non autre monnoye. Si disent ceux qui ont veu faire ceste paye, & entrautres le P. Ignace, qu'on leur baille vne petite piece d'argent pesant euiiron vne reale & demie d'Espagne, & que cela leur vaut plus entr'eux, que quatre escus entre nous, eü esgard à ce que les choses y valent. Le mesme iour qu'ils touchent paye, ils font esprouue de leurs armes en la presence des intendants deputez, & celuy qui ne

les manie comme il doit en est de par eux repris, & puny severement. Ils escarmouchent d'un bel ordre, & quant à l'obeissance qu'ils rendent à leurs capitaines, & au signal dont ils ont coustume d'vser en guerre, ils ne sont en rien inférieurs à toutes les autres nations.

C H A P. XVII.

*De quelques vs, ceremonies, & autres marques, qui mon-
frent comme les Chinois ont en anciennement la
connoissance de la loy Euangelique.*

LEs ceremonies qu'on a veuës iusques à present entré les gens dudit royaume sont payennes & gentilesques & ne participent en rien de la creance des Mores, ni de pas vne autre secte. Toutesfois s'en trouuēt quelques vnes, lesquelles donnent grand tesmoignage que cestuy royaume à eu anciennement connoissance de la loy Euangelique, comme il se voit clairement en quelques peintures, qui ont esté veuës & trouuees entr'eux, dont nous auons fait mention ailleurs, en vn chapitre particulier. Ceste connoissance de nostre loy est procedee, à ce qu'on estime, par la predication de S. Thomas, lequel passa par la Chine, quād il s'en alla aux Indes, & de là à la ville de Calamine, dite en leur langue Malipur, où il fut martyrisé pour la loy de **I E S V S C H R I S T**, & dit-on qu'ils ont encore à present memoire de luy par la traditue de leurs ancestres, lesquels leur ont dit que fort long temps auparauant y eut vn homme en leur Royaume qui leur annonçoit vne nouuelle religion, par laquelle ils pourroyent aller au ciel & qu'apres auoir presché quelque temps & veu le peu de fruit qu'il faisoit, d'autant qu'ils estoient tous occupez en guerres ciuiles, il chemina vers les Indes, laissant en ce lieu quelques disciples baptisez & instruits en la foy Chrestienne, pour la prescher & annoncer à la premiere occasion. Ils adorent le Demō en plusieurs lieux, mais seulement à l'intention qu'il ne leur face aucun mal. Et pourtant m'a dit le P. Ignace, que s'estāt trouué plusieurs fois aux obseques de leurs defuns, il vit depeint deuant le mort vn furieux diable, qui auoit vn Soleil en la main gauche, & vne dague en la droite, laquelle il faisoit semblant se vouloir frapper & entendit qu'ils mettoient

coustumierement ceste peinture lors que le malade estoit sur le point de rendre l'esprit, l'incitant le plus qu'ils pouuoient à la regarder attentiuement : & que leur demandant la cause de ce, quelques vns lui respondirent qu'ils mettoient ainsi le diable deuant les yeux du malade, afin qu'il ne luy fist point de mal en l'autre vie, ains le conneust & luy fust amy.

On à remarqué en ces Chinois, que combien qu'ils soient imbus en plusieurs erreurs du paganisme, ils se reduiroient toutesfois aisément à nostre foy, s'il y auoit liberté pour la prescher, & permission à eux de la receuoir. Quand il y a eclipse de Lune ou de Soleil, ils croient que le Prince du ciel les veut faire mourir, & que de grande peur qu'ils ont ils deviennent de ceste couleur; & jasoit qu'ils adorent entr'eux & le Soleil & la Lune, si croient ils que le Soleil est vn homme, & la Lune vne femme, & à ceste cause quand ils voyent comencer quelque eclipse, ils font de grâds sacrifices & inuocatiōs audit Prince de ne leur point oster la vie pour la grande necessité qu'ils ont d'eux. Ils croient tous generalement l'immortalité de l'ame, & qu'elle doit en l'autre vie auoir recompense ou punition, selon qu'elle aura vescu en la compagnie du corps. Pour ceste cause ils font ordinairement faire de belles sepultures aux champs; où ils commandent d'estre enterrez apres leur mort. Quand ils veulent enseuelir le defunt, ils tuent tous les seruiteurs, ou les femmes, qu'il a le mieux aimez en sa vie, disant qu'ils le font à l'intention qu'ils voient quant & luy le seruir en l'autre monde, où ils croient qu'ils doiuent viure eternellement, sans estre plus sujets à la mort. Ils mettent dans le sepulchre quelques viandes, & plusieurs choses precieuses, croyant qu'ils les emportent avec eux en l'autre monde, & qu'ils doiuent là s'en seruir selon les necessitez qui y peuuent estre. En ce mesme erreur estoient anciennement les Indiens du Pérou; comme l'ont veu par experience les Espagnols.

Il y a audit Royaume plusieurs Vniuersitez & estudes, où est enseignee la Philosophie morale & naturelle: ensemble les loix du païs, pour le fait d'estat & de police; & sont à ces Vniuersitez enuoyez de par le Roy des Visiteurs ordinaires, pour voir & entēdre cōme ils se gouernēt, & aussi pour remunerer, ou punir les estudiās selō le mérite d'vn chacū les Chinois sont gēs fort hôteux, quād on les surprend en quelques fautes, encore qu'il n'en doiuent estre punis, & reçoient aisément la correction comme l'ont expérimenté le P. Igua-

te & ses confreres, lesquels bien qu'ils fussent là comme gens cōdamnez à mort, ce neantmoins toutes les fois qu'ils les voyoyent adorer le diable ou les idoles, ou faire autre chose impertinente, les reprenoyent fort librement, & tant s'en falloit qu'ils leur fissent aucun desplaisir pour ce regard qu'au contraire ils estoient bien aises d'ouyr les raisons par lesquelles il leur defendoient d'idolarrer. Si m'a conté ledit P. Ignace, que passant vn iour par vn hermitage, où demouroit vn hermite, qu'ils tenoyent entr'eux pour saint homme, & voyant en ce lieu vn Chinois homme de marque, qui faisoit adoration à vn idole, qui estoit la sur l'autel, il alla hardiment vers lui, & commença à le reprendre, & cracher contre l'idole de telle sorte, qu'il lui fit cesser l'adoration, & s'esmeruiller grandement avec ses amis y assistans de la hardiesse du Religieux, auquel toutefois il ne fit aucun desplaisir: ce qui aduint, ou pource qu'il le reputoit comme fol, ou (ce qui est plus credible) pource que N. Seigneur voulut operer alors ce miracle à l'endroit de son seruiteur, & le recompenser du seruice qu'il lui auoit fait à son honneur, en moderant la furie de ce personnage, & lui donnant à connoistre qu'il estoit repris à bon droit.

Il y a grand nombre de Chinois conuertis, tant aux Philippines, qu'à Macao, & s'en baptisent encore plusieurs iournellement, lesquels tous sont aëtes debons Chrestiens, & disent entr'eux que la plus grande difficulté qu'il y a pour conuertir le royaume dépend de ceux qui y gouernent, lesquels ont besoin en cela de la speciale grace de Dieu pour estre reunis à la foy; attendu qu'ils sont colloquez en si haute grade, & tous si bien respectez & obeis, qu'ils sont comme Dieux en terre. D'auantage ils s'addonnent à tous les plaisirs & delices que l'entendement humain peut penser, comme en choses où ils mettent leur felicité: ce qu'ils font avec tel excès, qu'il n'y a parauenture nation au monde qui les esgale à ce faire. Car outre qu'ils sont si curieux de leur personne, qu'ils se font tousiours porter à espaules d'hommes dedans des chaires trestriches & sont tous couuers de soye & d'or; ils s'addonnent encore aux banquets, & diuersitez de viandes, autant que leur appetit peut demander. Et est chose fort estrange, comme estans les femmes du royaume toutes autant chastes & sobres qu'il est possible, les hommes y sont si vicieux & principalement les Gouverneurs & Magistrats; au moyē dequoy comme N. Loy reprend avec grand

rigueur & menaces l'exces de toutes ces delices, aussi craint-
ie que cela n'empêche grandement l'entree de l'Evangile:
toutefois Dieu les peut toucher de telle sorte, que ceste dif-
ficile entreprise leur sera facile à faire. A l'endroit du com-
mun peuple il n'y auroit pas tant de difficulté, car l'estime
qu'ils receuroient volontiers la foy, comme celle qui les
pourroit deliurer vn iour de la captiuité du Demon, ensem-
ble de la tyrannie de leurs Iuges & Potentats, lesquels les
traitent comme esclaves. Telle est l'opinion de tous ceux
qui sont entrez audit Royame, & ont communiqué de cest
affaire avec les mesmes Chinois.

Ils ont quelques ordonnances bonnes & louïables, & di-
gens d'estre imitez, dont i'en mettray icy deux, lesquelles
me semblent fort singulieres. L'une est, que nul office ou char-
ge publique ne se confere à personne par voye de faueur, ou
autrement, mis par le seul merite de sa capacité & suffisan-
ce, L'autre, que nul ne peut estre viceroy, Gouverneur, ni
Iuge de sa prouince, ou de la ville dont il est natif, qu'ils
disent faire afin d'oster les occasions de corrompre la justice
pour respect de parenté, alliance ou amitié. Quant aux autres
particularitez dudit roy aume, ie renuoye le lecteur à ce qui
en a esté dit en ceste histoire, afin de passer outre à ce qui re-
ste, dont i'ay promis faire mention en ce present Itineraire.

C H A P. X I X.

Des Isles du Japon, & de l'estat de leur Royame.

LEs isles du Japon (qui sont plusieurs, & toutes ensemble,
font vn grãd royaume, diuisé & departi entre beaucoup
des Seigneurs) sont distantes de la terre ferme de la Chine
environ trois cens lieuës, & au milieu des deux Royaumes
est la prouince de Lanquin, qui est l'une des quinze prouin-
ces susnommees. Toutefois du costé de Macao, qui est vne
ville habitee de Portugais, & proche de la ville de Canton,
qui est en ladite Chine, elles n'en sont qu'à deux cens cin-
quante lienës en tirant vers Septentrion, & si l'on estime
qu'il y a pareille distâce desdites isles iusques à celles de Lus-
son, dites à present Philippines, où l'on peut aller fort aisé-
ment en passant par l'Espagne neuue, pour y estre la nauiga-
tion meilleure & plus seure, & le voyage plus court, attendu
que selon le compte de pilotes qui nauigent par celle mer, il

n'y a pas plus de mille sept cens cinquante lieuës, qui est plus de la moitié moins du chemin que font ordinairement les Portugais

Ces isles outre qu'elles sont plusieurs, comme dit est, sont encore bien peuplées de gens peu differens aux Chinois en traits de visage, & de corps, combien qu'ils soyent moins politiques: au moyen dequoy semble estre vray ce qui se trouue par escrit dans les histoires de la Chine, à sçauoir que ces Iapponnois furent anciennement Chinois, & que sortant de la dite Chine ils allerent en peuplade auidites isles pour le cas qui ensuit. Vn parent du Roy de la Chine, homme de grande valeur & courage, ayant conceu en son esprit de tuer le Roy, & se faire maistre du Royaume, pour executer ce meschant dessein, le communiqua à ses amis, les requerant de lui aider en telle entreprise, & leur promettant en recompense de les tenir à tousiours pour ses principaux amis. Iceux n'apprehendant point la difficulté de cest affaire, & estans poussez d'ambition luy promirent de l'assister, & en confirmation de ce commencerent à leuer des gens, & les tenir prest pour vn certain iour. Mais comme ceste trahison ne se peust faire si secrettement qu'il estoit requis, elle vint à se descourrir, & fut déclaré au Roy à si bonne heure, qu'il eut loisir d'y remedier, à la conseruation de sa personne, & au grand danger de son parent & autres complices, lesquels furent tous apprehendez. Si leur fut fait leur proces, & dit par arrest du Conseil royal que tous les traistres auroyent la teste trenchee, fuyuant les loix du royaume: ce qu'estant porté au Roy pour le confirmer, comme il entendit qu'ils se repentoyent de l'offense & trahison intentee par eux contre sa personne, & en estoient tous fort desplaisans, s'aduisa d'y remedier avecque moins de dommage, & craignant quelque inconuenient qui se pourroit causer de leur mort, commanda qu'on ne les fist point mourir, mais qu'ils fussent bannis à perpetuité de tout le royaume, & à eux enjoint estroitement de demeurer à tousiours eux & leur femmes & enfans, & descendans d'eux, aux isles qu'on nomme à present le Iapon, qui estoit pour lors vn pais desert, & sans aucuns habitans. Ceste moderation du Roy fut executee, & l'accepterent les criminels comme leur grace, & furent menez auidites isles: auquel lieu se voyant hors de leur pais, & sans esperance de iamais plus y retourner, ils ordonnerent vne Republique comme chose perpe-

ruelle, & pour se maintenir & gouverner y establirent des loix, toutes contraires à celles de la Chine d'où ils venoyēt, en faisant particulièrement vne, qui enoignoit que leur posterité & desendans ne fussent iamais amys aux Chinois, mais vlassent en leur endroit de tous actes d'hostilité comme ils gardent encore inuiolablement pour le iourd'huy, leur estant contraires en tout ce qu'ils peuuent, iusques au langage, habillemens, & coustumes: au moyen dequoy, il ny a peuple sous le ciel qui soit plus haï des Chinois que les Iaponnois, ny respectiuelement nation qui soit plus ennemie aux Iaponnois que les Chinois. Et combien qu'en celle saison, & encore long temps apres lesdits Iaponnois fussent sujets & tributaires au Roy de la Chine, toutesfois pour le iourd'huy tant s'en faut qu'ils les recōnoissent en quelques choses, qu'au contraire ils vont quelquefois leur courir sus, & les brauer à l'auantage.

Ces isles abondent en argent, combien qu'il ne soit si fin, que celuy des autres Indes. Elles ont si grande abondance de riz, & de chair, & en quelques lieux y à du blé, & nonobstant tout cela plusieurs fruits, herbages, & autres choses qu'on y mange ordinairement, elles ne sont si bien fournies ny auitaillees, que les autres isles voisines, & ne procede point ce defaut de la qualité du terroir (car il est bon & fertile) mais de la negligence des naturels, qui s'adonnent peu à semer & cultiuier, estant plus affectionnez à la guerre, qu'à l'agriculture; à cause dequoy ils ont quelquefois faute de viures, comme ils confessent eux mesmes, & tous ceux qui y ont esté.

Si y a en toutes ces isles soixante six Royaumes ou prouinces, & plusieurs Roys, lesquels s'appelleroient mieux Roitelets, ou petits Seigneurs estant semblables à ceux que les Espagnols trouuerent aux isles Lussōn: & pourtant combien qu'ils portent le nom de Roy, si ne le sont-ils aucunement en leur estat, & reuenue, qui est bien petit à comparaison des vassaux qu'ils ont sous eux en grand nombre. Le Roy Nobunanga, qui mourut en l'an 1583; estoit le plus grand seigneur de tout le païs tant en suiets qu'en cheuance. Il a esté tué par vn de ses Capitaines, non sans permission de Dieu, qui a chastié par ce moyen son orgueil semblable à celuy de Lucifer, & surpassât de beaucoup le Roy Nabuchodonosor, attendu qu'il est venu iusques là de vouloir estre adoré comme Dieu, & pour à ce paruenir auoit fait bastir vn temple

fort somptueux, & mettre dedans des choses qui monstroyent bien sa folie, pour tesmoignage de laquelle ie reciteray icy seulement celles qu'il promettoit à tous ceux qui voudroient visiter son temple. La premiere est, que les riches qui visiteroient ledit temple, & adoreroyent sa figure, croistroyent d'auantage en leurs richesses, & que ceux qui seroient pauvres deuiendroient plus riches, & opulens, & que tant les vns comme les autres qui n'auroient aucuns enfans ne successeurs en leur famille, viendroient à auoir lignee, & viuroient longuement sur terre en toute paix & contentement. La seconde, que leur vie seroit prolongee iusques à l'aage de quatre vingts ans. La troisieme qu'ils reschapperoient de tous maux & maladies, & auroient l'accomplissement de leurs desirs en toute tranquillité & santé. Et en la derniere, il leur commandoit de fester par chacun mois le iour de sa natiuité, & visiter son temple en ce temps: les asseurant, que ceux qui adiousteroient foy à lui & à ses promesses, iouyroient sans doute de ce que dessus, & que les contreuens à icelles iroient en ce monde & en l'autre au chemin de perdition. Et afin que fust mieux gardee ceste siene ordonnance & volonté, il fit mettre audit temple tous les idoles qui estoient plus veneres au Royaume, & vers lesquels accouroit plus grande frequence de pelerins, puis defendit que nul d'iceux fust adoré, mais tant seulement luy seul, se disant le vray Fotoque, & Dieu de tout l'vniuers, & auteur de la Nature. Voilà les actes temeraires que fit ce Roy outreuidé vn peu deuant qu'il mourust miserablemēt comme dit est sans plusieurs autres que ie laisse, craignant de me dilater au present Itineraire. À ce presumptueux roy a succédé au royaume vn sien fils nommé Voxequixana, au lieu duquel, pour estre encore fort ieune & en bas aage, gouuerne à present vn renommé Capitaine, appellé Faxiuan-dono.

Les originaires de ce païs sont tous enclins naturellement à desfobber, & à combattre, & se font ordinairement la guerre entr'eux, emportant tousiours le meilleur butin celui qui a plus de force & de pouuoir, lequel toutefois n'en iouit guere en seuereté, d'autant qu'il rencontre le plus souuent forme à son pied (comme l'on dit) & tel qui l'assaut & lui desfobbe la victoire quād il y pense le moins; vengeāt ainsi les iniures les vns des autres de leur plein gré, & sans autre occasion. Pour ceste cause est tousiours entr'eux

vne perpetuelle guerre ciuile, & semble que cela aduienne par l'influence de l'air & le climat du pays: au moyen dequoy, & pour le continuel exercice qu'ils font aux armes, & à piller, ils ont esté dits martiaux & belliqueux, & se sont rendus redoutables à tous les peuples circonuoisins. Ils vident de diuerses armes, & principalement d'arquebuses, d'espées, & de lances, & sont fort adroits à les manier. Ils ont fait quelques courses dans la Chine, & en ont remporté du butin à leur hõneur, & leurs bagues sauues: mais ayant voulu faire le mesme aux isles Lusion, & s'y estant efforcez par tous moyens, ils n'ont iamais sceu y paruenir, & ont esté contrains de tourner dos à leur honte, ayant leurs mains sur leurs testes. Ils furēt vne fois aux Illoques, lesquels avec l'aide des Espagnols, dont ils sont sujets, se defendirent si vaillamment, que les assaillans se sentirent bien heureux de pouuoir retourner à leurs maisõs sans autre exploit, & avec bonne intention comme i'estime, de ne plus s'auenturer en tel hasard, y ayant perdu grand nombre des leurs. Ils eurent aussi pareille fortune en la Chine depuis peu d'annees ençà, car s'y estant acheminez bien dix mille hommes pour y fourrager, & ayant pillé vne ville avec bien peu de perte & de resistance, ainsi qu'ils s'occupoient au butin, sans se garder du danger qui leur pouuoit suruenir, les Chinois qui se ressenioient de leur brauade, les enuironnerent de toutes parts: de maniere que ces Iapponnois se voyans en tel destroit par leur faute furent forcez de se rendre à la merci de leurs ennemis, lesquels prirent telle vengeance de leurs iniures, que les autres qui l'entendirent, peurent apprendre au danger de leurs patriots à ne se point mettre en tel danger.

La foy catholique est bien auant introduite en quelques vnës de ces isles par le trauail & diligence des Iesuites, & specialement du P. Francisque Xavier, de sainte memoire, qui fut vn des dix confreres du P. Ignace Loyole, fondateur de la Compagnie, comme celuy qui a trauaillé d'vn tres grand zele à la conuersion desdites isles, preschant vne sainte doctrine, & menant vne vie vrayement Apostolique, comme le confessent encore à present les Iapponnois: lesquels lui attribuent apres Dieu, ce grand bien qui leur est venu par le baptesme. A quoy faire l'ont bien imité les autres Peres de la compagnie, tant ceux qui y demurerent apres sa mort, que les autres qui y sont allez depuis: ausy

quels tous est deuë à bon droit l'action de graces d'un tel bien fait, ayant amolli les cœurs durs & diamantins Japonnois, lesquels encore qu'ils soient dotiez de bon esprit, se voyent naturellement si fort enclins à guerres, pilleries, & autres excès, que pour le present nonobstant qu'ils soient Chrestiens ils ne laissent point de suivre leurs mauvaises inclinations: toutesfois par bon exemple & sainte doctrine desdits Peres ils sont bien meilleurs Chrestiens que ceux des Indes Orientales. Je ne mettray point ici le nombre des baptisez qui sont à present en ces isles, tant pour les adverses opinions qui sont sur ce fait, que pource que lesdits Iesuites l'ont bien amplement déclaré en leurs aduis & epistres. Si disent les Portugais, que le nombre desdits baptisez est bien petit à comparaison de ceux qui restent encore à conuertir, ce que different plusieurs d'entr'eux fauté de prestres & predicateurs: à quoy on pourroit aisément remédier, en y entoyant des Religieux des autres ordres pour aider ausdits Iesuites, lesquels en seroient comme i'estime fort consolez & soulagez, selon qu'il s'est veu par experience en tous les endroits des Indes par-eux Euangelisez & conuertis, où ils ont eu d'autres Religieux coajuteurs. Car lesdites Isles sont si peuplées, que quand seroient in icelles plusieurs ouuriers Euangeliques, & de tous ordres & religions, ils ne s'empescheroient point les vns les autres, & auroient tous assez où s'occuper, & principalement si le successeur du Nobunagase conuertir avec les vassaux.

Ils ont plusieurs prestres, & sacrificeurs d'Idoles, qu'ils appellent *Bonges*, desquels y a de grans conuens, & se trouuent entr'eux de grans forceiers, qui parlent ordinairement au Demon, lesquels par ce moyen empeschent fort que la loy diuine ne soit receuë par le royaume. Les hommes sont gens fort dispos, bien proportionnez, & bien vestus, non toutesfois tant que les Chinois. Ils vivent longuement en bonne santé, pource qu'ils ne changent guere de viandes ils ne souffrent point entr'eux de Medecins, & ne se medamentent d'autres choses que d'herbes simples. Leurs femmes sont fort recluses, & sortent bien peu souuent de la maison, en quoy elles sont conformez à celles de la Chine, ainsi que dit est: & combien qu'en chaque maison il y en aye plusieurs ensemble (car à eux est permis suyuant leur loix d'en tenir tant qu'ils en veulent, & peuuent nourrir) elles sont toutesfois si prudentes, qu'elles vivent toutes en paix. Les

seruiteurs & seruantes y seruent comme s'ils estoient esclaves, & est en la puissance des maistres de les tuer comme on semble sans encourir par leur loix aucune peine: qui est vne ordonnance trescruelle, & aliene de bonne police. Plusieurs autres choses qui se pourroient dire dudit Royaume, ie les passe sous silence tant pour la raison susdite, que pource que les Iesuites les ont traitees en leurs Epistres diffusément & au vray.

Non guere loin du Iapon, se sont depuis peu en çà decouuertes d'autres isles, dites les isles des Amozones, par ce qu'elles sont peuplees de femmes, lesquelles pour armes ordinaires portēt des arcs & des fleches, & sont fort adroites, à en tirer, & pour mieux s'y exercer se bûsient la mamelle droite. A ces isles ont coûtume d'aller tous les ans en certains mois quelques nauires du Iapon, pour y porter des marchandises, & remporter de celles de là, pendant lequel temps les Iaponnois hantent & conuersent avec lesdites Amozones, comme avec leurs femmes propres, & pour obuier entr'eux à tout inconuenient, vsent de la maniere qui ensuit. Les nauires estant arriuees, deux messagers descendent à terre pour aller aduertir la Royne de leur venuë, & luy faire entendre combien ils sont d'hommes. Icele leur assigne vn iour, auquel ils doiuent tous desbarquer, & à ce dit iour s'en vont au port aurant de femmes qu'il y a d'hommes deuant qu'ils soient desbarquez & portent chacune en la main vne paire de souliers, ou d'alpargates faits de cordes, avec quelques marques pour les reconnoistre, les mettent là pesle mesle dessus le sable, puis se retirent à quartier. Alors les hommes sautant à terre chaussent chacun les premiers souliers qu'ils rencontrent, & incontinent approchent les femmes, lesquelles emmenent pour leur hoste celui qui aura leurs souliers aux pieds, sans faire autre acception de personne, iacoit que le plus vil & malotru aye les souliers de la Royne, ou autrement. Au bout du temps limité, pendant lequel elles permettent les hommes susdits chacun prend congé de son hostesse, & luy laisse vne enseigne de son nom: & de sa demeure, afin que si d'auenture elle deuiet grosse, & accouche d'un enfant masle, elle le puisse porter au père l'annee ensuiuant retenant les filles par deuers elles. Mais cela me semble difficile à croire, bien qu'il m'aye esté certifié par des Religieux, lesquels m'ont dit auoir parlé à tel homme, qui depuis deux ans en çà est entré

dites isles, & y a veu ces Amazones, & ce qui m'empesche le plus d'y adioulter foy, est de ce que lesdits Iesuites du Japon n'en font aucune mention en leurs aduis & epistres. Si en croira la lecteur ce que bon luy semblera.

CHAP. XI.

De quelques lieux circonuoisins du Japon, & de leurs particularitez : ensemble du Royaume de Cochinchine, & des choses contenues en iceluy; avec quelques notables miracles y aduenus.

DE la ville de Macao, qui est habitee de Portugais, & située à 22. degrez à l'extremité de la terre ferme, ledit P. Ignace chemina deuers Malaque passant par le goulse d'Aynao, qui est vne isle & prouince de la Chine, à cinq lieuës de la terre ferme, & à neuf vingt lieuës des Philippines. C'est vne prouince fort riche, & bien abondante en viures, & entre l'Isle & la terre ferme est vn destroit, où se petche grand nombre de perles grosses & menues, qui surpassent en plusieurs caras celles de Baren, qui est en la coste d'Arabie, & celle du Royaume de Manar, d'où il s'en transporte ordinairement en grand' quantité à la Chine. Aussi est ceste isle tresbonne & forte, & les habitans d'icelle sont tous dociles & bien nez.

A vingt cinq lieuës de ladite isle est le royaume de Cochinchine, distant de Macao, six vingt cinq lieuës. Ce royaume est grand, & situé à 16. degrez, tenant d'une part à la terre ferme de la Chine, & diuisé en trois prouinces. La premiere s'estend quarante lieuës loin dans le pays, & fait vn puissant royaume. La seconde est plus en dedans, & a vn Roy plus puissant que le premier : puis ioignant icelle du costé de Septention est la derniere, qui est beaucoup plus grande & plus riche, & a vn Roy, lequel à comparaison des deux autres est comme Empereur, & pource s'appelle en leur langue *Tunquin*, qui signifie la mesme chose. Ces deux autres Rois luy sont suiets, & luy aussi nonobstant qu'il soit puissant & porte le nom imperial) est suiet au Roy de la Chine, & luy rend hommage & tribut. C'est vn pays abondant en viures, qui pour ceste cause y sont à aussi bon prix qu'à la Chine, & y croit aussi force bois d'aloés, & vn autre bois odoriferant, qu'ils appellēt *Calambay*, avec grād' abon-

dance de soye & d'or, & d'autres choses rares & belles. Tous ces royaumes ont grand desir de se réduire à nostre foy, car le plus grand Roy d'un d'iceux lequel comme j'ay predit le tiltre d'Empereur, a enuoyé plusieurs fois à Macao & autres lieux de Chrestiens demander des personnes doctes & religieuses qui les aillent instruire au Christianisme, estans tous deliberez de le receuoir, & se faire baptiser; ce qu'ils desirerent si ardemment, qu'ils on desia en plusieurs villes le bois tout coupé pour edifier des Eglises, avec les autres materiaux necessaires tous apprestez.

Ayant entëdu cela vn Obseruantin de S. François, qui demouroit à Macao, en procurant de satisfaire au bon desir de ce Roy, il luy enuoya par quelques marchans Portugais, qui trafiquoient en son Royaume, vne peinture du iugement & de l'enfer, fort bien tiree avec vne lettre missiue, par laquelle il luy mandoit qu'il auoit grande affectiõ de s'acheminer à son royaume avec quelques siens confreres pour y prescher l'Euangile. Le Roy ayant receu le present, & la missiue, & s'estant informé tant de la peinture, que du religieux qui l'enuoyoit, en fut extremement aise, & en eschange dudit present luy en enuoya vn autre de grande valeur, avec vne lettre fort gracieuse, acceptant l'offre qu'il luy faisoit, & luy promettant en recompense de bien traiter tous ceux qui iroient, & incontinent leur faire bastir vne maison ioignant la sienne. Le religieux eut bonne enuie d'accomplir le vouloir du Roy, mais il ne le peust faire pour lors, à cause qu'il auoit peu de confreres: ce que voyant ledit Roy, il commença à s'en douter, & pourtant manda trois ou quatre lettres à l'Euesque de Macao, par lesquelles il le prioit de luy enuoyer lesdits religieux, l'asseurant que si tost qu'ils y seroient, luy & ceux de son royaume receuroient la foy Chrestienne, & le baptesme. L'Euesque faisoit tousiours response à ses lettres, luy promettant les religieux qu'il demandoit; mais comme il ne peust pas l'accomplir, le Roy s'en ressentit fort, & se plaignit de luy à des Portugais, en ces termes: *Vostre Euesque de Macao est vn homme de peu de foy, parce que luy ayant par quatre missiues demandé des Religieux pour nous prescher l'Euangile, & m'ayant promis de ce faire, il ne m'a pas toutesfoi's tenu promesse.*

Ils sont encore pour le iourd'huy à attendre ce qu'ils desirerent, faute de religieux & gens d'Eglise, qu'ils demandent en ces quartiers là: de sorte qu'on ne scauroit leur subuenir

finon en abandonnant ceux qui sont desia baptisez. Cependant on les entretient d'esperance, & leur promet-on qu'au plustost que sera possible on satisfera à leur desir. Et telle fut la responce que ledit Euesque de Macao fit à quelques ambassadeurs enuoyez vers luy, à celle fin, lesquels au nom de leur Roy prièrent l'Euesque à tresgrande instance, & afin de consoler ceux qui les auoient enuoyez, emporterent quant & eux autant d'images qu'ils peurent; & principalement plusieurs croix, dessus le patron desquelles ils en ont fait vne infinité, à ce que l'entés, & les ont plantees par tous les chemins, ruës & places, où elles sont venerées en grand honneur, tant pour l'amour de Iesus Christ, duquel elles sont les armes, & la Foy duquel ils veulent receuoir, que pour vn notable & memorable miracle adueni audit royaume, lequel ie declareray ici de la mesme sorte, qu'il fut raconté publiquement par lesdits ambassadeurs aux habitans de Macao, quand ils vindrent demander ce que dessus.

Vn Cochinchinois laissant son pays pour certaines occasions, & s'en allant demeurer avecques les Portugais, vit & contempla les ceremonies des Chrestiens, & estant touché de la main de Dieu se fit baptiser, & se tint là quelques annees, faisant les actes de bon Chrestien & craignant Dieu, au bout desquelles il s'aduifa, & delibera de s'en retourner à sa patrie pour y viure à la maniere qu'il auoit apprise des Chrestiens: ce qu'il estimoit pouoir faire sans y auoir aucun obstacle. Retourné qu'il est, il garde & obserue les choses, esquelles il estoit obligé comme Chrestien, & entre les autres marques qu'il en donna, ce fust qu'il fit vne croix, & la mit aupres de la porte de sa maison, à laquelle il faisoit la reuerence en tresgrande deuotion, toutes les fois qu'il passoit par là. Comme ses voisins virent ce signal qu'ils n'auoient iamais veu entr'eux, & apperceurent que ce Chrestien luy faisoit ainsi la reuerence, ils commencerent à le moquer, & se rire de ladite croix la prenant & iettant par terre, & faisant autres indignitez au mespris d'icelle & de celuy qui l'auoit dressée: & vint leur insolence si auant qu'ils delibererent de la brusler, & de fait vouloient l'exécuter. Mais soudainement & à l'instant ceux qui la vouloient brusler moururent tous miraculeusement de male mort, en la presencé de plusieurs autres qui en donnerent bon resmoignage, & dans peu de iours moururent de mesme tous leurs parens & lignee, & n'en reschappa aucun.

Ce miracle

Ce miracle estant diuulgé par tout le Royaume, incontinent tous les habitans dressèrent plusieurs Croix de toutes parts, lesquelles ils adorent pour le present, & tiennent en grande reuerence & singuliere veneration. Cela comme ils disent fut la principale occasion, pour laquelle Dieu les inspira de demander le baptesme, & la predication de l'Euan-gile, aidant aussi à ce fait le present de ladite peinture enuoyee à leur Roy par le Religieux susmentionné. Depuis peu de de temps en çà, quelques vns d'entr'eux sont allez à Macao, & s'estant affectionnez à nostre foy se sont fait là baptiser au moyen dequoi tous les autres vivent en mesme esperance, attendant qu'il plaise à Dieu leur enuoyer le remede qu'il leur a fait desirer pour leurs ames, lequel ne sçaurroit plus guere tarder, suivant les choses qui se voyent, & les merueilles que Dieu opere pour les enflammer d'auantage, comme est le miracle de la Croix predict, & autres semblables, que certains Cochinchinois raconterent en ladite ville de Macao l'an 1583. & dirent estre aduenus la mesme annee, & de fresche memoire en leur Royaume.

L'un d'iceux fut, qu'un des Chrestiens susmentionnez se delibera d'aller visiter un des principaux du lieu, qui estoit au lict paralitique maintes annees y auoit, & deuisant avec lui de ceste loque maladie lui vint raconter quelqs miracles, qu'il auoit esté auoir esté faits par IESVS CHRIST, lors qu'ayant pris chair humaine il conseruoit entre les hommes, pour les racheter de son precieux sang: & particulièrement ceux qu'il auoit faits, en guarissât telles maladies qu'auoit celuy à qui il parloit, par sa diuine vertu, & en les touchant seulement de quelque endroit de sa robbe, ou de son ombre. Le Iuge oyant ce recit, & conceuant vne singuliere foy, & deuotion enuers celuy que le Chrestien disoit auoir operé tant de miracles, luy demanda comme il s'appelloit, & quelles marques il auoit. Le Chrestien luy dit qu'il s'appelloit IESVS DE NAZARETH, *Redempteur du monde. Saluateur & glorificateur des hommes*: & pour luy mieux declarer ses marques & enseignes, luy monstra vne image de l'Ascension de N. Seigneur, imprimée dessus du papier, qui luy auoit esté donnée quand il se fist baptiser, afin qu'à faute d'Eglise, & de plus grandes images, il la tint chez luy de là en auant, & fist ses prieres deuant elle. Le paralitique prend ceste image, & se met à contempler fixement la remembrance de N. Seigneur avec telle foy & de-

uotion que le suppliant de lui rendre sa santé, & lui promettant de croire en luy, & de se faire baptiser, au meisme instant à la veüe de tous, il se sentit & trouua sain & guarir de la maladie qui l'auoit detenu au liët par tant d'annees, sans auoir peu estre soulagé de pas vn remede des hōmes, jaçoit qu'il en eust essayé vne infinité. Si voulut incontīnēt estre baptisé du Chrestien, & en recompente de ses bons offices luy donna vne grande somme de deniers, que l'autre fut contraint de prendre malgré lui, laquelle toutesfois il ne retint mais en dispensa la moitié en œuures pies, & de l'autre en acheta vn grand barc, dans lequel passient apresent par vne perilleuse riuiera (où se perdoit auparauant grand nombre de gens) tous ceux qui se veulent presenter & ce pour l'amour de Dieu, & sans rien payer.

Peu de iours apres: en autre endroit du Royaume aduint vn autre miracle non moindre que les precedens, & fut que vn Cochininois estant en la ville de Macao demanda le S. Baptême à vn Religieux de l'obseruance, lequel apres l'auoir sassisamment catechisé le luy donna, puis l'ayant tenu quelque temps aupres de soy, & fait espreuue de sa foy & deuotion, lui permist de s'en retourner à son païs, à l'intention d'augmenter par luy de tout son pouuoir le desir du Christianisme, que Dieu auoit desia commencé de leur inspirer au cœur. Le bon personnage nouueau Chrestien s'y employa si ardamment, que moyennant la grace de Dieu qui l'assistoit, il faisoit vn tres grand fruit, & cōme instrument de la main celeste guarissoit quelques maladies, en monstrant seulement à ceux qui en estoient detenus vne image de N. Dame qu'il portoit au col, à laquelle il auoit grande deuotion, & leur disant bien deuotement la Patenostre. Si se diuulgua tellement sa renommee par la prouince qu'il demouroit, que le bruit paruint iusques aux oreilles d'vn Mandarin l'un des grands Iuges d'icelle, qui estoit depuis quelques temps detenu au liët d'vne lepre ou rogne, de pieds & mains, sans que iamais medecin, ni medecine, ni autres remedes quelconques luy eussent sceu rendre sa santé. Icelui desirāt fort sa guarison enuoya querir ledit Chrestien, & luy demanda s'il vouloit entreprendre de le guarir de son mal, cōme on l'asseuroit qu'il auoit fait de plusieurs autres maladies, lesquelles estoient bien plus grandes. Comme le Chrestien lui dit qu'il le guariroit, & surce le Iuge luy promist de grans presens, ledit Chrestien les refusa, & lui demā-

da seulement pour recompense; qu'apres qu'il se verroit en santé il se baptisast & fist Chrestien : à quoy s'accordant le Mandarin, il luy monstra ladite Image de Nostre Dame qu'il portoit sur soy, & luy dit ainsi: *Si crois en ceste Dame qui est icy peinte, & son tres-cher & tres-sacré fils IESVS CHRIST, Redempreur du monde, tu seras guaruy incontinent.* Le Mandarin regardant fixement l'Image & pensant fort profondement aux paroles qu'il venoit d'entendre se delibera d'y adiouster foy, & cōme il se mit à le croire, il fut à l'instant entierement guarì de son mal : ce qui excita vne grandé merueille par toute ladite prouince.

Ces presens miracles qui se diuulguerent en peu de temps ensemble celuy de la Croix susmentionné, ont donné vn si grand desir aux habitans dudit Royaume de se faire tous Chrestiens, qu'ils le proeurent par toutes voyes à eux possibles, à quoy toutefois ils ne peuuent encore paruenir, par faute & necessité de ministres Ecclesiastiques, comme dit est : ce qui doit estre vn grand regret à l'endroit des Chrestiens, qui le considereront pieusement à par eux, & verront comme nostre aduersaire le diable entraine en enfer ces ames, qui semblent estre disposees à iouir de la face de Dieu, & de ses biens eternels, veu mesme que cela n'aduient, sinon par de faut de Religieux & gens d'Eglise. Nostre Seigneur y veuille remedier par sa sainte grace, cōme il est bien en sa puissance. A ce propos m'a racoté le P. Ignace (duquel comme i'ay dit cy dessus, ie prens la plus part les choses qui sont au present Itineraire) que luy passant par ledit Royaume pour retourner en Espagne, & voyât la deuotion des habitans, & le grand desir qu'ils auoient d'estre Chrestiens, estant tous bien disposez à receuoir l'Eangile, & d'auantage gens fort humbles, & de bon esprit, voulut s'arrester au lieu pour les baptiser, & l'eust fait tres volontiers par charité & compassion, considerant de quel zele ils demandoient le baptême, ayant esgard au grand nōbre d'ames qui se perdoient: mais pource qu'il estoit contraint de s'en aller à Malacca & estimoit y pouuoir faire peu de fruit avec si peu de coadiuteurs au milieu d'vn si grand peuple, il s'aduisa qu'il luy estoit plus expedient de retourner en Espagne, & procurer des confreres pour luy aider, comme il fit & retourna avec eux en icelle part, ayant receu de grandes graces & indulgences du Pape Gregoire XIII. de sainte memoire, & beaucoup de faueur de Dom Philippe Roy d'Es-

spagne, & esperant que la maiesté Diuine lui assistera de sa speciale grace, pour venir à chef de celle entreprise, qui est si haute & importante. Je croy poui certain que tout ce Royaume se reduira en peu de temps sous l'obeïssance de la S. Eglise Romaine, & qu'il doit estre aussi la porte, par laquelle entrera l'Euangile dans le grand Royaume de la Chine, estant ce país de Cochinchine situé en mesme terre ferme, & luy conforme tant en langage qu'en coustumes.

Quant aux natutels, ce sont peuples blancs, lesquels vont vestus comme les Chinois, & y sont les femmes fort honnestes, & s'habillent toutes mignardement. Les hommes portent les cheveux fort longs & espars sans les lier, & en sont par trop curieux. Ils se vest. nt tous presque de soye, car il en prouient à force. & de tres. bonne par tout le pays, lequel est tressain & salubre, & peuplé par tout d'un grand monde de vieilles & ieunes personnes: qui est vne preuue suffisante de sa bonté. Si disent tous les naturels n'y auoir eu iamais entr'eux ne contagion ne famine, ce que pareillement nous auons dit du grand Royaume de la Chine. Plaise à la diuine Maieité qu'une si grande infinité d'ames, qui est à present sous la tyrannie du Demon, se voye en la liberté Chrestienne, & puisse iouyr en l'autre vie de la presence de leur createur.

CHAP. XXI.

Des Royaumes circonuoisins à celuy de Cochinchine, & de quelques choses notables y contenues ensemble des vs & costumes des habitans.

Pres le royaume de Cochinchine est situé vn autre, dit Champa, lequel bien qu'il soit pauvre d'or & d'argent est pourtant tres riche en drogues, en bois excellés & en viures. Le royaume est grand, & peuplé de gens, lesquels sont vn peu plus blancs que ceux l^s de Cochinchine, & se voyent aussi prests & disposez à estre Chrestiens que leur voisins, mais pour ce faire, le mesme leur defaut qu'aux autres. Si ont les vns & les autres de mesmes loix & ceremonies, & sont eux tous Idolatres, adorant les secondes causes à la mesme sorte que les Chinois, aufquels ils payēt aussi tribut,

De ce Royaume, on va aisément à Malaque, laissant à main droite vn autre Royaume, appellé Cambaye lequel est grand & habité d'un grand peuple, fort addonné à nauiger, & aller par mer, & pour ce faire ont vne infinité de vaisseaux. C'est vn país bien fertile en viures, & abondant en Elephans & Abades, qui sont certains animaux deux fois aussi grans qu'un grand toreau ayant sur le muse une petite corne, desquelles il y en a vne pour le iourd'huy en Espagne, en la ville de Madrid, qui fut portee des Indes au Roy Catholique, & la va voir grand nombre de gens, pour vne chose fort estrange, ni iamais veüe en Europe Elle à la peau si tendre, & à ce qu'on dit qu'il n'y a homme si fort soit il, qui la puisse percer d'une estocade. Aucuns ont volu dire que c'est Licorne, mais ie ne me le puis persuader, & de mon opinion sont presque tous ceux qui ont esté au país où sont les vraies Licornes.

En cestuy Royaume est à present vn Religieux de S. Dominique, appellé Pere Siluestre, lequel on peut dire auoir esté la enuoyé pour le salut des habitans. Il s'occupe à sçauoir leur langue & les prescher en icelle, & les a desia si bien preparez, que s'il auoit des coadiuteurs, il feroit de belles conquestes spirituelles. Il en a enuoyé demander aux Indes de Portugal, mais on ne lui a point effectué sa requeste pour quelques sinistres rapports, qu'ont semez de lui des personnes, que le Demon prend & suscite pour ses instrumens à empescher la salutation de toutes ces ames, & les retenir tousiours sous sa puissance tyrannique. Du depuis il a escrit vne Missiue à Malaque au P. Ignace, & à autres personages du mesme Ordre, par laquelle il les prioit affectueusement de lui enuoyer quelques Religieux de quelque ordre que ce peut estre, afin qu'ils lui allassent aider & secourir, les assurant qu'ils feroient choses tres agreable à Nostre Dieu, & remedieroient au sauement de tant d'ames qu'il n'osoit pas baptiser, craignant que venant apres à tarir l'arrosement de l'Euangile par le defect des canaux la mauuaise herbe de l'Idolatrie ne vint à repulluler. Mais ceste sienne petition n'a peu estre effectuee comme il desiroit, par faulte & diserte de Religieux, estant occupez tous ceux de Malaque. On sçeut de celuy qui apporta la missiue que le Roy de ce Royaume portoit grand honneur & reuerence au P. Siluestre, de maniere qu'il tenoit le second lieu par tout le Royaume, comme vn autre Patriarche Ioseph en Egypte,

& que le Roy toutesfois qu'il alloit parler à luy, se faisoit
 soit pres sa personne, & luy auoit concedé de grands priui-
 leges, & donné licence & permission de librement prescher
 l'Euangile sans contredit, ensemble bastir des Eglises & fai-
 re, en somme tout ce qu'il verroit estre necessaire, luy aidât
 à cest effect le mesme Roy de grans moyens & aumosnes. Il
 leur dit aussi mesmement qu'il y auoit grand nombre de
 Croix plantees par tout le Royaume, & qu'elles estoient re-
 nues en grand honneur & reuerence. Pour confirmation de
 ce, ledit P. Ignace vit à Maleque vn present que cedit Roy
 de Cambaye enuoyoit à vn autre Roy sien ami, auquel entre
 les plus rares & riches choses qu'il contenoit, estoient
 deux belles grandes Croix faites & elaborees attistement
 d'un beau bois odoriferant, & toutes deux garnies tres-ri-
 chement d'argent & d'or, avec les Tiltres grauez d'esmail.

Pres ce Royaume de Cambaye est le Royaume de Sian, si-
 tué à 14. du pole Arctique, & distant à trois cens lieues de
 Macao d'où les Portugais vont trafiquer iusqu'à. Ceste ter-
 re est la mere de toute l'Idolatrie, & le vray seminaire de
 plusieurs sectes lesquelles se sont respandues vers le Japon, &
 iusques à la Chine, & au Pegu. Quant à la qualité du Ro-
 yaume, il est florissant, & abundant en toutes les choses re-
 quises, pour estre iustement appellé bon, & y a en iceluy
 plusieurs Elephans & Abades : & autres bestes & animaux
 particuliers en telles contrées; & outre ce est riche en me-
 taux, & en beaux bois odoriferans. Les habitans sont la plu-
 par tous timides & pusillanimes, & à ceste cause quoy qu'ils
 soyent infinis en nombre, sont suiets au Roy de Pegu, qui
 les a vaincus anciennement en vne bataille (comme il se dira
 cy apres) & lui paient annuellement grand & gros tribut. Ils
 renonceroient aisément à l'Idolatrie, & se conuertiroient
 volontiers à la foy de Nostre Seigneur Iesus Christ, s'ils au-
 uoient des Predicateurs, & rendroient mesme au premier
 Roy ou Seigneur, qui leur aideroit à secouer le ioug de celui
 sous qui ils sont pour le iourd'huy lequel les traite tiranni-
 quement. Ils ont entr'eux plusieurs, religieux à leur mode,
 lesquels viuent en commun, & en grande austerité, & pource
 sont fort respectez entre les autres; la penitence qu'ils font
 est merueilleuse & estrange, comme on pourra coniecturer
 de quelques vnes de leurs manieres que ie mettrai en ce lieu,
 extraites & tirees de plusieurs autres qu'on raconte d'eux.

Aucun ne se peut marier ni parler à femme, & si d'auenture il l'attentoit, seroit puny de mort sans remission. Ils vont nus pieds en tout temps: & sont pauurement vestus, & ne mangent rien que du riz, des herbes questez par aumosne, allant tous les iours de porte en porte avec la besace sur leurs espaules, & les yeux fichez contre terre avec vne modestie & honnesteté esmerueillable: & ne demandent point l'aumosne, ni ne la prennent avec les mains mais ils crient tant seulement, puis se taisent iusques à tant qu'on les esconduise, ou qu'on leur mette l'aumosne dans leur besace. On raconte aussi d'eux pour chose certaine que bien souuent par penitence ils s'exposent nus & en viue chair deuant la face du Soleil (qui est fort chaud & ardent en celle contree, comme estant à vingt six degrez pres de l'Ecateur) auquel lieu ils sont tourmentez du chaud, & des mouches & cufins qui sont là en infinité: lequel tourment leur seroit vn genre de martire de grand merite, s'ils l'enduroient pour l'amour de Dieu. Plaïse à la Diuine misericorde les illuminer de sa grace, afin que cela qui leur profite à present si peu pour leurs ames leur face meriter apres le baptesme plusieurs hauts degrez de gloire. Ils sont aussi en secret d'autres penitences, & se leuent à minuit pour faire prieres à leurs Idoles, chantant à haute voix & à tour de cœur, comme nous autres Chrestiens: & ne leur est permis d'auoir rente ne reuenu, ne de faire aucun trafic, & si quelqu'un le faisoit il seroit aussi de testé entre eux, qu'est entre nous vn Heretique. Au moyen de ces austeritez (qu'ils font à ce qu'ils disent pour l'amour du Ciel, & pour vn bon zeile) le commun peuple les tient pour saincts personages, & les reuere comme tels, & se recommande à leurs prieres, estant en quelque trauail ou maladie. Telles & plusieurs autres œuures se racontent d'eux en ceste maniere, à la confusion des Chrestiens, qui faisant profession d'icelles n'ont toutesfois curé de les obseruer, combien qu'ils soyent asseurez de la recompense qu'ils en doiuent receuoir, non point en biens temporels, mais en ceux que la Diuine majesté tient preparez pour ses bien heureux au ciel.

La predication de l'Euangile feroit vn grand fruit en ce royaume, pource que les habitans d'icelui sont grans au-

mosniers & amateurs de la vertu, & des personnes qui la suyuent & en font perfection, comme l'experimenta le P. Ignace & ses compagnons, estant prisonniers en la Chine. Car comme furent arriuez en vne ville de ladite Chine quelques ambassadeurs du roy de Sian qui alloient en Court, & eussent là entendu qu'on auoit cōdamné à mort des Religieux, pour estre entrez aux royaume sans permission; ces ambassadeurs les firent voir, & les trouuāt avec des habits si pauures & austeres, leur semblant estre fort conformes & semblables à leurs Religieux, les prirent en si grande affection, qu'outre deux sachees de riz & beaucoup force fruit & poisson qu'ils leur enuoyerent par aumosne, ils leur offrirent encore tout & el argent qu'ils voudroyent, & en outre payer pour eux telle & si grande rançon que les Iuges demanderoient. Si les remercierent grandement les Religieux, & conneurent par cest acte cōme ils estoient amateurs de la vertu.

C H A P. XXII.

De plusieurs autres Royaumes du nouveau monde, touchant leurs noms & proprietéz, & spécialement de la fameuse ville de Malague.

APRES ce Royaume de Sian sont deux autres Royaumes joints ensemble, l'un desquels s'appelle Lugor, & l'autre Patane, appartenans tous deux à vn Roy More de la maison & lingnee de Malaya: & ce nonobstant sont les habitans de ces Royaumes tous idolatres, & si a-on conneu en eux qu'ils se feroient volontiers Chrestiens, s'ils auoient des predicateurs. Le païs est fort riche en or & en poivre, & plusieurs autres drogues & espiceries, & y sont les gens puillanimes & de peu d'effect, & pour ceste cause plus addonnez à leurs plaisirs & delices, que non pas aux armes ni à la guerre.

À l'extremité de ce royaume est le destroit de Mal aque où sont deux petits royaumes, l'un nommé Paon, & l'autre Lor. Les habitans du premier sont les plus grans traistres qu'il y aye peut estre au monde, comme l'ont experimenté souuent les Portugais: & ceux de l'autre royaume sont tantost en paix & tantost en guerre avec lesdits Portugais, estāt martiaux de leur naturel, & ne se tenant en amitié si non à

leur grand besoin. Ces deux Royaumes tiennent à demy la secte Morefque ; au moyen dequoy il semble qu'il se reduiroient mal aisément à N. loy Euangelique , si Dieu par sa grace ne les amollit , & y dispose leurs cœurs.

Ce destroit de Malaque est dessous l'Equinoctial , & distant du Royaume de Cochichine 376. lieuës , & est fort mauuais & dâgereux pour les vaisseaux , lesquels n'y passent guere souuent sans auoir tourmente , ou autre plus grand danger ; comme il aduint à vn grand nauire, qui fut englouty en peu de temps dans la mer à l'emboucheure du destroit en la présence du P. Ignace , avec plus de trois cens mille ducats de marchandise qu'il portoit. Toutesfois ledit Religieux & ses compagnons attribuerent plustost ce naufrage au iuste iugement de Dieu, qu'à la tourmente, pour les tresgrandes offenses que l'on entêdit depuis auoir esté commises dans le nauire auparauant , ou à tout le moins au temps qu'il fut submergé : attendu qu'estant iceux fort pres de là dedans vn autre nauire, ils ne se virent point en tourmente, ny en aucun danger ou peril. Depuis ce destroit iusques à la ville de Malaque, on va tout le long d'une coste de mer contenant vingt cinq lieuës de chemin , l'oree de laquelle est toute peuplee de bocages & grans pars d'arbres fort touffus ; au moyen dequoy avec ce que c'est vn pays in habité, il y a grande quantité de Tigres, Elefans, & principalement de tres. grands Lesars & plusieurs autres bestes sauages.

Quand à la ville de Malaque, elle est situee en nostre pole , & cseuee seulement d'un degré de l'Equateur , & estoit anciennemēt la ville capitale de tous Royaumes, & en icelle residoit vn grand Roy More. Depuis elle a esté conquise par les Portugais, lesquels y ont eu de grandes guerres, & exploité en icelles de tres hauts faits d'armes, & autres actes de proüesse, iusques à chasser les Mores de ladite ville & de tout les pais d'alentour, & faire de leur Mosquee (qui estoit vn excellent edifice) la grande Elise de la ville, comme elle est pour le iourd'huy : y ayant encore outre icelle deux monasteres de religieux, à sçauoir de S. Dominique, & de S. François , avec les Peres de la compagnie de Iesvs. C'est vn pays fort temperé , nonobstant qu'il soit si proche de la ligne Equinoctiale, & y pleuât ordinairement trois & quatre fois toutes les semaines , qui est cause de sa grande salubrité , & dequoy la terre est tres fertile & fort abondante en viures & principalement en fruits, & les aucuns d'eux

n'ot iamais veu en Europe, entre lesquels y en a vn qui s'appelle Durion en langage Malacan, lequel est si excellent & fauoureux que i'ay ouy affermer à plusieurs personnes qui ont circuy tout le monde qu'il surpasse en faueur tous ceux qu'ils ont veus & goustez en leur voyage. Il est de la forme d'un melon, & a l'escorce vn peu dure, & est couuert par dehors de petits piquans, doux comme laine ou duuet, & au dedans est la chair enclose en de petits entredeux, laquelle est semblable à la paste que l'on nomme blanc manger, & est d'aussi bonne faueur & nourriture. Si disent aucuns qui l'ont veu, que ce pourroit bien estre le fruit qui a fait offenser Adam, eu esgard à son excellēte faueur, & que les feuilles de l'arbre qui le produit sont si tres grandes, qu'une seule d'icelles est suffisante de couvrir vn homme entierement: mais telle opin'on n'est fondee que sur coniecture. Il y a de la casse de telle abondance, qu'on en peut charger des flores & est toute fort grosse & bonne, & de singuliere operation: Vne des choses plus notables dudit royaume, est vn arbre miraculeux & de merueilleuse vertu, lequel produit plusieurs racines de qualitez si contraires, que celles qui naissent vers l'Orient sont bonnes contre toutes poisons & fieures, & plusieurs autres maladies aduersaires à la vie humaine, & les racines qui regardent l'Occident sont vn vray poison tresdangereux, produisant des effets totalement differens aux autres: de façon qu'il appert icy comme se trouuent deux contraires en vn suiet, qui est toute fois vne maxime tenuē en philosophie pour impossible.

Ceste ville est de grand trafic, y abordant ordinairement tous les royaumes susnommez & plusieurs autres circonuoisins, & speciallement grand nombre de grosses nauires des Indes, de Canton, & de Chinchco, & autres parts. Les Iapponnois y vont vendre aussi leur argent: & y portent les Sianois tout plein de belles marchandises, & speciallemēt des girofles & du poyure des Moluques: ceux de Burneo force sandal, & muscades, ceux de la Iaue & du Pegu, le bois d'aloés, Ceux de Cochinchine & de Champa grande quantité de pieces de soye, & autres drogues & espiceries. Ceux de Samatre, dite anciēnemēt Taprobane beaucoup d'or: puis ceux de Bengale & Coromādel plusieurs ouurages, & belles robbes. Toutes ces choses & plusieurs autres rendent ladite ville fort celebre & opulente, & pour telle est estimee & prisee des Portugais, qui y vōt ordinairement tous les anstrafiquer.

CHAP. XXIII.

Continuation de quelques Royaumes du nouveau Monde, & des choses particulières qui se sont veües en iceux : ensemble quelque mention du fleuve Gange.

VIs à vis de ceste fameuse ville de Malaque, de laquelle tant de choses se pouuoient dire, est le grand Royaume & isle de Samatre, dite anciennement Taprobane par les Cosmographes, laquelle selõ l'aduis de quelques vns est l'isle d'Osir, où fut enuoyée la flore que fit fréter Salomõ, dont est faite mention en l'Escripture, laquelle en reuint chargée d'or & de bois tres-precieux, pour orner le temple de Hierusalem, avec plusieurs autres belles choses, dont les naturels ont encore quelque cõnoissance pour le iour huy bien que confuse; toutefois non telle, qu'elle ne semble bien vray semblable à ceux qui lisent le vieil Testament. Ceste isle est droitement située sous la ligne Equinoctiale, & s'estend la moitié d'icelle vers le pôle Arctique, & l'autre deuers l'Antarctique. Elle contient en longueur deux cens trente lieuës, & soixante sept de largeur: & est si proche de Malaque qu'en quelques endroits il n'y a pas dix lieuës. En ce royaume sont plusieurs Seigneurs & petits Rois: toutefois celuy qui possède la plus grande par d'iceluy, est vn More qui s'appelle Achien. C'est vne des plus riches isles qui soient au monde, pour y auoir en icelle plusieurs mines de tres-fin or, lequel nonobstâr la loy expresse, qui prohibe d'en tirer que ce qu'il en faut seulement pour le pays fort ordinairement en telle abondance, qu'on en transporte à Malaque & en Turquie, & en plusieurs autres parës.

Il se recueille en icelle grande quantité de poyure, & de beniu de Bonines, & y a de grandes montaignes toutes peuplées de ces arbres, desquels sort vne si souetue odeur, qu'il semble que ce soit vn vray Paradis terrestre. La mer entre coustumierement en icelle vingt lieuës en dedans, & pour ceste cause les nauires qui passent par là costoyent la terre le plus près qu'ils peuuent, pour mieux iouyr de l'aspect & plaisante odeur d'icelle. Il y a pareillemēt beaucoup

de Camphre, & de toutes sortes d'espiceries: au moyen dequoy vont traffiquer à ce Royaume plusieurs Turcs, avec leurs nauires & autres fustes par la mer rouge. Aussi traffiquent en iceluy les Royaumes de Sunde, de la grande Iau, d'Ambayno, & autres circonuoisins. A ceste isle allerent quelques Portugais pour leur fait de marchandise, lesquels y furent tous tuez, & aucuns d'entr'eux pour la confession de la Foy: à raison dequoy les Chrestiens qui sont pres de là, & ont eu entiere information de ce fait, les tiennent pour martyrs de Iesus Christ: les habitans de ce royaume sont Mores la plus grande part, & pour ceste cause abhorent & hayent extrémement les Chrestiens, leurs faisant a guerre ouuerte toute les hostillitez qu'ils peuuent, specialement à ceux de Malaque, qu'ils ont mis souuent au danger de la vie & de leurs biens.

En courant le long de la coste de ceste isle vers le Nort & Nortuest se trouue le Royaume de Pegu, qui turpasse l'autre en grandeur, & luy est esgal en richesse, & specialement en perles, & en toutes sortes de pierreries, & de cristal qui est tres fin. Il abonde en viures, & est peuplé d'infinites gens, & si a vn roy tres-puissant le quel (comme i'ay desia dit) a fait le roy de Sian son tributaire, pour l'auoir vaincu en bataille, le motif & occasion de laquelle ie reciterai ici briuevement, selon qu'il s'est peu entendre par leurs histoires, & par la commune opinion.

En l'an 1668. ce roy de Pegu entendant que ledit roy de Sian auoit en sa court vn blanc Elephant (que ceux de Pegu tiennent & adorent pour leur Dieu) le luy enuoya demander, promettant de lui payer ce qu'il le voudroit estimer. Mais comme l'autre n'y voulut entendre, & fit responce qu'il ne lui bailleroit point pour tout le vaillant de son royaume: cela despleut tellement au roy de Pegu, qu'il fit appeller à ban & arriereban general tous les hommes de guerre qu'il lui fust possible, se resoluant de gagner par force d'armes ce qu'il n'auoit peu obtenir par courtoisie & grande cheuanche. Si exploita de telle sorte, qu'en peu de iours il assembla vne armee d'un million & six cens mille hommes, avec laquelle il s'achemina vers le royaume de Sian, qui estoit à d'eux cens lieues distant du sien: & y estant arriué poursuuiuit tellemēt son entreprise, qu'il emmena quād & lui le blanc Elephant susmentionné, & en outre fit le roy son tributaire, (ainsi que i'ay dit) cōme il l'est encōre à presēt.

Les vs & coustumes de ce pais, ensemble leurs prestres & sacerdots sont tous conformes & semblables audit Royaume de Sian, & y a entr'eux plusieurs Monasteres d'hommes, qui menent vne vie reclus & solitaire, en grande auusterité & penitence. C'est vne nation bien disposee a receuoir l'Euangile, car outre ce qu'ils sont doctes & de bon esprit, ce sont gens speculatifs & philosophes, tous bien nez, & specialement fort enclins à la vertu, & enuers les personnes vertueuses, secourant volontiers leur prochain en necessité.

Passant ce Royaume, & courant derriere le Nort, se trouue celuy d'Arracon, qui est tresfertile en viures mais indigēt es choses requises au trafic : à cause dequoy il n'est guere conneu des Espagnols, pour n'y n'estre point encore entrez. Toutesfois selon ce qu'on a peu entendre des naturels touchât leurs vs & coustumes, c'est vne nation prestte & disposee à receuoir l'Euangile. De ce Royaume en suiuant tousiours la mesme coste, on va à celuy de Bengale, à trauers lequel passe la Gange, qui est l'un des quatre fleues qui sortent du Paradis terrestre; ce qu'ayant entendu vn certain Roy du Royaume, il delibera de faire nauiger tousiours amōt l'eau, tant que se trouuast sa source, & par mesme moyen ledit Paradis. Pour ceste cause ayant fait faire des barques de plusieurs sortes grandes & petites, il enuoya, dedans icelles quelques hommes, desquels il auoit de longue main esprouuē la diligence, pourueus de viures pour long temps; leur cōmandant de nauiger amont le fleue, & si tost qu'ils auroient descouuert ce qu'il desiroit reuenir en diligence luy raconter particulièrement & au vray tout ce qu'ils auroient veu: se proposant d'y aller incontinent, pour vn lieu si delicieux iouir des choses qu'il croyoit necessairement qu'on y deuoit voir, & meritoient d'estre souhaitees. Ces hommes nauigerent amont le fleue par plusieurs mois, & finalement arriuerent à vn endroit, où il fluoit si doucement & avec vn si peu de bruit, qu'ils penserent estre près sa source, & du Paradis terrestre qu'ils cherchoient: auquel lieu ils virent maintes belles choses, & sentirent de tres-souues odeurs, & flairerent vn doux air delicieux, comme ils raconterent à leur retour, & si dirent d'auantage, que quand ils arriuerent à c'est endroit où fluoit le fleue si bellement, & y estoit l'air si subtil & odoreux, ils sentirent tous dedans leur cœur vne si grande ioye inaccoustumee, qu'il leur sembloit estre dedans le vray Paradis au moyen dequoy ils oublierent tous

les travaux de leur voyage, & toutes autres peines & molesties. Mais que s'efforçant de passer plus outre pour paruenir à leur dessein, & s'employant à ce faire de tout leur pouuoir, ils conneurent par experience que leur labour estoit vain, & qu'ils demeueroient tousiours en vn mesme lieu, sans pouuoir sçauoir la cause, attêdu que le cours du fleuue estât si doux & tranquile ne les retardoit aucunement. Ayant fait tous leurs efforts, & attribuant à quelque mistere cest obstacle de passer outre, ils rebrousserent chemin à vau le fleuue pour retourner à leur royaume, où ils arriuerent en peu de temps, & racontèrent à leur Roy qui les auoit enuoyez tout ce que dessus, & plusieurs autres choses que i'obmets, pour me sembler fausses & apocriphe.

On tient pour certain que le fleuue Euphrate & Tigris ne sont pas loin dudit Gange, qui peut estre veritable, d'autant qu'ils se deschargent tous deux dans le sein Perlique, lequel n'est pas trop distant de ce Royaume de Bengale. Au surplus les habitans du país tiennent ce fleuue en grande reuerence, & pour ceste cause ne se mettēt iamais dessus qu'avec grand respect & treueur, croyant fermement que quand ils se lauent dedans ils deuient purs & mondes de tous leurs pechez & offenses. Ce royaume seroit aussi facile que les autres à conuertir selon que l'on peut cōiecturer de plusieurs vsances, & ceremonies morales & vertueuses qu'ils ont entr'eux.

C H A P. XXIIII.

Du Royaume de Coromandel, & autres y circouoisins, & aussi de la ville de Calamine, où demoura & mourut le benoist Apostre

S. Thomas : ensemble du grand pouuoir & richesse de ce Roy, & de la maniere comme on l'enterre, & autres choses curieuses.

EN courant vn peu plus outre la coste de Bengale, on trouue le Royaume de Malculapatan, & quelques autres ioignans luy, dont les habitât sont tous Idolatres comme leurs voisins, encore qu'on croye qu'ils renonceroient aisément à leur payennisme & idolatrie. Le royaume abonde en viures, mais defaut en choses de trafic, & pour ceste cause est peu conneu.

Passant vn peu plus auant est le Royaume de Caromandel, en la capitale ville duquel, dite auparauant Calamine, & pour le iourd'huy Malipur, fut martyrisé le benoist Apostre S. Thomas, où l'on dit y auoir encore à present quelques reliques de son corps, au moyen desquelles la Diuine majesté fait & opere plusieurs miracles : & y a encore entre les naturels du pays vne particuliere memoire du glorieux S. Si est à present celle ville peuplée en partie d'originaires, & en partie de Portugais ; & y a en icelle deux contiens de religieux, l'un des Iesuites, & l'autre de l'ordre de S. François, & dedans vne autre Eglise de la mesme ville est la maison, où demeura & mourut le S. Apostre à laquelle le Roy de Bisnague Seigneur du pays porte grand honneur & reuerence, cōbien qu'il soit idolatre, & en speciale deuotion y fait tous les ans certaine aumosne. On raconte de ceste maison, que tous les ans au iour & feste dudit Apostre se voit publiquemēt vn miracle en la pierre sur laquelle il fut martyrisé : & est que quand se chante l'Euangile de la grande Messe, icelle pierre commence à fuer, premierement de couleur de rose, puis d'une autre couleur fort obscure si apparemment que tous ceux qui sont en l'Eglise le peuuent voir. Ceste pierre n'est pas fort grande, & au milieu vne croix, faire de la main du glorieux Sainct deuant laquelle il se prosternoit.

De la ville de Calamine iusques à celle de Bisnague où est le Roy, il y a 35. lieues par terre. Ce Roy est vn prince fort puissant, & tiēt vn royaume fort grand, & bien peuplé, & de si grand reuenue, que seulement en pur or il luy vaut ce dit-on trois millions, desquels il n'en despende qu'un seul, & en reserve deux tous les ans au thesor de son espargne, lequel selon le commun bruit, monte à present à beaucoup de millions. Il entretient douze principaux Capitaines, chacun desquels commande à infinies gens, leur baillant à tous si grans gages, que le moindre a six cens mille ducats par an. Aussi est obligé chacun d'eux de fournir à ses despēs la nourriture du Roy & des gens de sa maison vn mois de l'année de sorte qu'à ce compte des douze grās capitaines (qui sont les seigneurs du royaume, & à l'instar des Pairs de France) lui fōt sa despende toute l'année ; & le million d'or que dit est, s'emploie de par luy en dons & occurrences extraordinaires. Ce Roy tient dans son hostel tant en femmes, qu'en seruiteurs & esclaves, quatorze mille personnes & mille cheuaux d'ordinaire en son Escuyerie, & pour son seruice & sa garde huit

cens Elephans, qui despensent chaque iour huit cens ducats; qui est vn ducat à chacun. La garde de sa personne est composée de quatre mille hommes de cheual, aufquels ils baille de grans gages. Il tient aussi dans sa maison trois cens femmes ordinaires, sans plusieurs autres concubines, lesquelles vont toutes brauement vestuës, & ornees de tres riches bagues & ioyaux qu'il y a là par excellence, changeant de couleurs & d'habillemens presque de trois en trois iours. Elles portent ordinairement des colliers de certaines pierres precieuses, que les Espagnols appellent *Yeux de chat*: & ont aussi force perles, saphirs, diamas, rubis, & plusieurs autres sortes de pierreries qu'il y a en grand'abondance audit Royaume. Entre toutes ces femmes y en a vne, qui est comme l'espouse legitime, & succedent à la couronne les fils d'icelle, & si d'auenture ceste legitime est sterile, le premier qui vient à naistre de l'une des autres est heritier, au moyen dequoy le Royaume n'a iamais faute de successeurs.

Quand le Roy vient à mourir, on le porte hors la ville en vne grande plaine, & là en presence de douze Grans sumentionnez se brusle son corps dans vn grand feu de sandal (qui est vn bois odoriferant) duquel on fait vne grande pile. Le corps du Roy estant bruslé, on iette dedans ses femmes les plus fauorites, ensemble ses seruiteurs & esclaves les plus aimez, lesquels y vont tous si volontiers, que chacun procuere d'entrer le premier au feu, & celuy qui est le dernier, se tient pour infortuné & malheureux: disant eux tous qu'ils s'en vont seruir leur Roy en l'autre monde, auquel lieu ils s'attêdēt de viure en toute ioyes; qui est la cause qu'ils s'offrēt à la mort de si bō cœur, & qu'ils mettēt ce iour là leurs plus beaux & riches habillemens. De là se collige qu'ils croient l'immortalité de l'ame, puis qu'ils confessent y auoir vne autre vie, en laquelle ils vont viure à tousiours mais: & à ceste occasion ils se conuertiroient à l'Euangile aussi facilement que leurs voisins, si on les alloit prescher.

A soixante & dix lieues de ceste ville est vn certain temple d'Idole, qu'ils appellent Pagode en leur langue, là où se fait tous les ans vne foire tres riche & marchande: & est ce Pagode vn somptueux edifice, & basti en vn si haut lieu, qu'il se voit beaucoup de lieues loin. Il y a quatre mille hōmes de garde ordinaire, qui sont soudoyez du reuenū de ce temple, qui est grand & opulent, iouissant de tout ce qui se tire des mines d'or, & force pierres precieuses, qui sont pres de là. St.
à la char-

à la charge de ce temple vn certain prestre & sacerdot, qu'ils nomment *B. ama* en leur langue & est comme vn souuerain Pontife en ce pays. On aborde à luy de tout le Royaume, pour auoir resolu^{ti}oⁿ des doutes qu'on luy propose touchât leur maniere de viure & pour obtenir aussi dispense de plusieurs choses prohibees par leurs loix : ce qu'il peut faire suiuant icelles, & le fait ordinairement : dont est ceste-cy digne de rîsee, que quand vne femme ne peut endurer les coⁿplections de son mary ou qu'elle l'a à contrecœur pour autre cause, elle s'en va à ce *Brama*, lequel receuant d'elle vne piece d'or qui peut valoir enuiron vn ducat d'Espagne il la demarie, & luy donne congé & licence de se remarier à vn autre ou à plusieurs, si elle veut, & en signe de ce luy coule sur l'espaule droite vne piece de fer, au moyen dequoy elle deui^et libre, & ne scauroit plus le mary luy faire aucun des- plaisir, ni la contraindre de retourner en sa compagnie. Il y a en ce royaume force mines de diamâs, qui sont tres fins, & bien estimez en Europe : & s'est aussi trouué là vne pierre si fine & de si grande valeur, que le Roy depuis peu en çà l'a vendue à vn autre grand Roy son voisin appellé *Odialcan*, pour le prix d'vn million d'or, sans plusieurs autres presens qu'il a receu. Tout ce pays est tres sain, & situé en vn bon air & bien fiés, avec ce qu'il abonde en viures exquis, & en toutes autres choses necessaires, non seulemēt pour l'vsage mais aussi pour le plaisir & la curiosité. Il est situé à 14. degrez du costé du Pole arctique. Les habitans d'iceluy sont pusillanimes & gens peu aptes au trauail, & pour ceste cause n'aiment la guerre, & si à ce qu'on peut entendre, receu- roient l'Euangile facilement.

Pres de là est vn autre petit royaume, appellé *Mana*, où est vne ville de Portugais, qui s'appelle *Negapatan* en la langue du pays. Il y a aussi vn conuent de Religieux de saint François, lesquels s'occupent fort diligemment à la conuer- sion des naturels, combien qu'ils soient en grand nombre, &eroy qu'ils y feront vn tres-grand fruit, comme ils ont de- sia fait apparoir; y auant trois ans ou enuiron que le Prince de ce Royaume s'est conuertty par la predication d'iceux, & s'en alla en Goa receuoir le saint Baptesme avec vne ioye & alegresse incredible des Chrestiens de là : & si croit-on que ses suiets doiuent bien tost faire le mesme. En ceste isle il y a force perles petites & grosses, & toutes fort belles, & fines, & rondes.

CHAP. XXX.

Suite de plusieurs Royaumes du nouveau Monde, avec les mœurs & costumes des habitans, & autres choses curieuses.

L Edit P. Ignace & ses compagnons laisserent ceste coste, & passant par les isles de Nicebar, toutes habitees d'Indeslars & de Mores, meslez, sans y arrester allerent aborder a Zeilā, qui est vne isle & peuplade de Portugais, distante à quatre cens & seize lieues de Malaque. Elle est situee en uirō de 6 à 10. degrez sous nostre Pole, contiēt en longueur 66. lieues, & en l'argeur trente neuf. c'este isle a esté anciennement fort celebre & reuersee en celles parts: pource que ses habitans disēt que iadis y ont vescu & y sont morts plusieurs hommes saints estans à present au ciel, lesquels ils celebrent & honnorent comme Dieux, leur faisant ordinairement des sacrifices & prieres: & y vont aussi en voyage forcé pellerins des royaumes circonuoisins: dont toutesfois les Espagnols n'ont peu entendre la vraye cause, ny comme ont vescu ceux là qu'ils tiennent pour saints.

En ceste isle est vne montagne tres-haute qui s'appelle le bec d'Adam, que le P. Ignace a veuē de ces yeux, & ouy dire aux naturels qu'elle estoit ainsi nommee, pource qu'Adam estoit de ce lieu montē au ciel: toutesfois ils ne luy seurent dire quel homme fust cest Adam. En ceste montagne, qui est comme vn monastere, que les naturels appellent Pagode, y eut pour vn temps vne dent de Singe, qu'ils adoroient pour leur Dieu, y allant en deuotion de deux cens & trois cens lieues loin. Si aduint en l'an 1554. que D^e Pedro Mascarene pour lors Viceroy des Indes enuoyant vne armee à ce royaume avec grand nombre de Portugais, pour le reduire à l'obeissance de la couronne de portugal comme il estoit au parauant & de laquelle il s'estoit soustrait depuis peu de années par vne rebellion generale, ainsi que les Portugais saccageoient le Pagode ou monastere, & pensant trouuer quelque thresor le demolissoient iusques aux fondemens ils trouuerent ceste dent de Singe que ces Idolatres adoroient, mise & possee precieusement dedans vne quaise d'or & pierrieres, & la potterent à Goa audit Viceroy. Le Roy de Pegu & autres circonuoisins sçachant ceste perte, qu'ils estimoiēt fort grande entr'eux, enuoyerent leurs ambassadeurs

audit Viceroy, le priant au nom de tous, de vouloir rendre ladite dent qu'ils adoroient, s'offant de bailler pour son rachat, sept cens mille ducats en or. Le Viceroy se voyant offrir si grande cheuance, estoit en deliberation de la rendre; si l'Archeuesque de Goa, qui estoit pour lors Dom Guafpard, & autres Religieux presens ne l'en eussent d'estourné, luy proposant le grand scrupule de conscience, & l'inconuenient de l'idolatrie qui s'en eusuiuroit pour ce regard, dont il rendroit compte estroitement à la Diuine Maiesté: laquelle remonstrance eut tant de pouuoir en son endroit; que renuoyant les ambassadeurs, & refusant l'or qu'ils luy offroient, il mit la dent en leur presence entre les mains dudit Archeuesque & Religieux, lesquels la bruslerent là deuant eux, & en ietterent la cendre en la mer, non sans le grand estonnement de tous ces ambassadeurs, voyant qu'ils auoient refusé si grande & notable quantité d'or, pour vne chose qu'ils auoient perduë & dissipée, & ietée en la mer si franchement.

C'est vne isle bien fertile, plaisante, & salubre, & toute pleine de beaux bocages, & de grandes montagnes touffuës, toutes peuplées d'orangers, citroniers, limons, planes, & palmes, & vne grand part d'icelles produisant la meilleure & la plus fine canelle qui se puisse trouuer: au moyen dequoy vont l'acheter là les marchans pour l'apporter en Europe, & l'ont en ce lieu à tresbon prix. Il y a pareillement du poyure, combien que les naturels ayent deraciné quelques montagnes qui en estoient pleines; comme ils ont aussi fait de la canelle, voyant venir deuers eux des marchans de lointain pays pour acheter ces deux sortes d'espiceries, & craignant par ce trafic que l'on n'enuahist leur isle. C'est vn pays abondant en viures, & en Elephans tres-grand & puissans, & dit on en outre y auoir plusieurs mines de diamans & de rubis, & aussi vne certaine pierre, qui est appelée *Girasol*. Il n'y a eu aucun endroit en ces Indes Orientales, où se soyent veus de si bons commencemens de conuersion, qu'en ceste isle de Zeilan; pource que quelques Religieux de S. François y trauaillerent de telle sorte, qu'ils baptiserent en peu de iours plus de cinquante mille personnes, qui mostroient toutes en apparence auoir receu l'Euangile de tresbon-cœur, & si auoient ià edifié plusieurs Eglises, & quatorze monasteres de cest ordre de S. François: toutesfois depuis peu en çà leur Roy appellé Raxu, s'estant scandalisé de quel-

ques choses qui sont fort communes & familières en celles parts, a renié la foy Chrestienne, & a persecuté & ruiné plusieurs Portugais qui s'estoient domiciliés dedans l'isle, chassant hors tous les Religieux qui baptisoient, & administroient les Sacremens. Plusieurs de ceux qui estoient desia Chrestiens, perseuerant constamment au Christianisme, & detestant l'impiété de ce Tyran ; s'allerent tenir avecque les Portugais plus proches de là, & les autres firent peuplade en vn certain lieu, dit en leur langue Colombo, où ils sont en quantité. Ce nonobstant, les Croix & autres marques de l'ancien Christianisme de ce peuple se voyent encore par le iourd'huy par tout le Royaume. Ceste coste est fort frequentee de galeotes qui vont rodant & escumant le long d'icelle. Si disent les naturels, qu'ils receuroient volontiers l'Evangile comme deuant, s'ils auoient des predicateurs.

Laisant ceste isle, & passant par vn petit goulse, ils allerent trouuer la coste d'un royaume appelé Turucurin, & le coururent tout par terre, depuis le cap de Comorin iusques à Zeilan Là est vn Pagode & temple d'idoles grand & riche, où accourent en grande deuotion tous les idolatres du royaume, à la solemnité de certaines festes qui s'y celebrent l'annee. Il y a vn char triomphal qui est si grand, que vingt cheuaux ne le sçauroient remuer, & est monsté en public aux iours de leurs festes, estant trainé par des Elephans & infinis hommes, lesquels le tirent avec des cordes par deuotion & de leur gré. Au plus haut lieu de ce chariot est vn tabernacle richement orné, & au dedans est posé l'idole que l'on adore, puis immédiatement au dessous sont placees les femmes du Roy, qui vont chantant. Ils le tirent du lieu où il est avec grande musique & resiouissance, & le menent en procession vne bonne traite de chemin & entre maintes ceremonies dont ils vsent lors, ils en font la plus bestiale qui se puisse point imaginer, comme pourra iuger le lecteur: porce que plusieurs d'iceux se coupent des morceaux de chair dessus leur corps, & les iettent à l'idole; puis les autres non contents de ce, se plaquent là emmy la terre, afin que le char passe dessus eux, demeurant là tous esclafez. Ceux qui meurent de ceste sorte, sont canonisez comme grands saints & tenus entr'eux en singuliere veneration. Il y a plusieurs autres manieres d'idolatries qui se racontēt de ce royaume, & les aucunes plus bestiales que celle que

ie vien de dire, lesquelles i'obmets esciemment, pour fuir vne superflue prolixité en ce present Itineraire Ceste nation de gens est meschanté, & encline à mal : & pour ceste cause les Iesuites qui sont en quelques villes de par de là, n'ont peu encore les retirer de leurs erreurs. Bien qu'ils ayent vſé en ce fait de toute folitude & diligence.

En la mesme coste, non guere loin de ce Royaume, est vne ville de Portugais, dite Coulan, & vingt cinq lieues plus'auant est la ville de Cochîn, où il y a des Religieux de Saint François, Saint Dominique, & Saint Augustin, & y ont aussi là les Iesuites vn beau college & Séminaire, où ils font grand fruit. Pres de ceste ville est S. Thomas, ou y a beaucoup de naturels baptisez, tous bons Chrestiens, & viuant en grâde sobriété & continence, lesquels sont pourueus d'Euesques par les patriarches de Babylone: mais avec quelle autorité ie ne ſçay, car à ce que i'ay peu entendre ils ne l'ont pas du S. ſiege Apostolique. Aussi touchant cest affaire est pour le iourd'huy icy dans romme l'Euesque du royaume me & isle du Poyue avec qui i'ay parlementé maintefois, lequel est venu rendre obedience au Pape Gregoire XIIII. & ſçauoir de sa Saincteté si elle veut & entend qu'on reçoie par de là les Euesques qui sont enuoyez dudit Patriarche. Il y a plusieurs Roys en ce Royaume, & est le plus grand d'iceux celuy de Cochîn, & apres luy celuy de Coulan, & à l'entour d'eux sont d'autres petits Royetelets, comme celuy de Mangate, & de Granganor, tous idolatres, fors quelques Mores meslez qu'il y a entr'eux. Aussi ce sont veus quelques Iuifs en ce Royaume, venans de la Palestine & de celles pars, Si ont ceux de cestuy pays vne certaine loy generale, qui est fort estrange & peregrine, & rarement entenduë, par laquelle les enfans ne succedent point à leur pere, mais les neueux seulement, & leur raison est, que n'ayant point entr'eux de femmes propres & particulieres, les peres ne sont pas certains que ce soient leurs vrais enfans: laquelle raison, a mon aduis, est aussi barbare que la loy, y aiant pareil inconuenient en leurs neueux. Ils se laissent abandonner à plusieurs superstitions & erreurs, entre lesquelles est ceste cy tres-ridicule, qu'ils vſent de certains lauatoires en quelques vnes de leurs festes estimant par ces lauemens se purger de tous leurs pechez. Ils s'addonnent pareillement à maints augures & sortileges, dont ie me desporte de parler comme de choses qui sont indignes de la memoire. En ce

pays se recueille la plus part du poiure, qui se transporte en Europe, & pour ceste cause s'appelle le royaume du Poyure.

CHAP. XXVI.

Continuation de plusieurs Royaumes du nouveau monde, & choses notables y contenues

DE Cochín, le P. Ignace desusdit alla au royaume de Cananor, passant par Tanaor; & Calicut. appelé Malanuat des naturels. Ce sont deux petits royaumes: mais neantmoins fort peuplez. En iceluy de Cananor y a quelques peuplades de Portugais, & parmy eux des religieux de S. François. C'est vn pays tout semblable à celui là de Cochín, au moyen dequoy, avec ce qu'ils tiennent de mesmes vs coutumes, ie renuoye touchant ce present Royaume à ce qui a esté dit cy dessus. Vn peu plus auant, sont d'eux autres petits royaumes, l'un appelé Barcelor, & l'autre Mangalor, & y a en iceux quelques Chrestiens. C'est vn bon pays & riche, où l'on espere qu'en peu de temps ils se feront tous baptiser.

De ce Royaume ils allerent à Goa, ville peuplée de Portugais, & si celebre, quelle est comme la Metropolitaine de tous ces Royaumes. Elle est à quinze degrez de hauteur, à cent lieuës loin de Cochín, estant bastie en vne petite isle enuironnée d'eau de toutes parts; & ayant seulement quatre lieuës de tour, & separée de la terre ferme du Royaume Odialcan par vn grand fleuve qui y passe. C'est vn lieu plaisant & fertile, & iouit encore d'un autre beau fleuve qui y passe. Là resident ordinairement l'Archeuesque & le Viceroy de ces Indes. Il y a en icelle plusieurs Eglises, quatorze desquelles sont parochiales, outre la grande & cathedrale, & quinze hermitages tant dedans que dehors la ville. Il y a pareillement quatre conuens de Religieux, tous somptueux & magnifiques à scauoir de S. Dominique de S. Augustin, de S. François, & de la compagnie de Iesus: puis hors la ville y en a vn de reformez de S. François, qui s'appellent des Recolets.

Pres de ceste isle sont celle de Salcete, & de Bardes, où les Franciscans & Iesuites ont conuertit quelques naturels. En Salcete peu d'annees y a que furent tuez par les Idolatres quelques peres Iesuites pour la foy de Iesus.

Christ, lesquels endurent la mort d'un tel courage & force d'esprit qu'il est credible, & l'estime ainsi, qu'ils sont bien heureux au ciel, iouissant de la gloire de Dieu. Plus outre que Goa en la mesme coste & deuers la part du Nort, est située à dix-huit degrez & demi la ville de Chaul, & un peu plus auant est Baçain, & ioignant luy Damaun: & sont ces trois villes peuplées de Portugais, la dernière desquelles confine à la prouince de Cambaye, qui est suiette au grand Tartare, appelé autrement Mogor.

Quarante deux lieuës plus auant, est la ville de Diu, où les Portugais ont vne belle & bonne forteresse, & un port spacieux & seur, qui est renommé par celles parts iusques au pays de Turquie. Deux cens soixante & dix lieuës plus outre, est située la ville d'Ormus en la coste de Perse, ou aussi lesdits Portugais ont vne belle forteresse, & beaucoup meilleure & plus seurte estant la plus grande de toutes ces Indes, bien qu'elle ne soit si renommée que celle là de Diu. En ceste ville d'Ormus ne se recueille autre chose, sinon du sel à granda abondance: & ce nonobstant est celle ville tres-bien fournie & pourueüe de tout ce qui se peut imaginer, y estant le transportez du pays de Perse & d'Arabie des marchandises & des viures à quantité. Si dit-on que de cest endroit on peut aller à Venise, en suivant la route d'Alep, & de Trisopol de Syrie.

Toute celle coste d'Inde iusques au pays de Perse est pleine de plusieurs royaumes, grans & infiniment peuleux, entre lesquels est celui d'Odialo, qui est tres-riche, & tout peuplé de gens Mores. Pres d'iceluy est un autre, appelé Difamaculo, lequel confine au Royaume du grand Tartare, dit en leur langue, Mogor, lequel apres celuy de la Chine est à mon aduis le plus grand Prince qui soit au monde, comme l'on peut colliger des Histoires antiques & modernes, qui parlent de la grandeur d'iceluy.

A l'autre costé d'Ormus est le Royaume de perse, le Roy duquel est Xastamas, dit autrement Ismael Sofi, grand soudan d'Egipte, & descédant en ligne directe du Soudan Canpsó Gaurio, que Selim Empereur des Turcs vainquit en vne bataille lez Damas, l'an 1536. Tous ceux de cestuy royaume sont Mahometistes, cōme les Turcs: toutesfois entre les vns & autres il y a telle diuersité en fait de religiō, qu'il y a entre les Catholiques & les heretiques, car les Perses suivent l'interpretation de l'Alcorā selon des Alis ou Aliés, & les Turcs

selon d'autres leurs Docteurs Au moyen de telle discordance en l'interpretation de leur loy ils se font la guerre l'un à l'autre à toute outrance: ce qui aduient par la speciale grace & prouidence de Dieu qui le permet, afin que le Turc n'aye moyen de venir contre les Chrestiens, & quoy qu'il voulust s'y acheminer, en soit retardé & empesché pour la crainte du grand dommage, que luy peut faire du costé de Perse son ennemi le Soffi: lequel nonobstant qu'il soit More, & tiennne la feste de Mahomet, est toutesfois ami aux princes Chrestiens & specialement au Roy d'Espagne.

C H A P. XXVII.

Conclusion des autres Royaumes, & choses notables veüës par le P. Ignace iusqu'à la ville de Lisbonne, où il abboi, da apres auoir fait le tour du monde.

A Vpres le destroit d'Ormus est situee l'Arabie heureuse, tout le peuple de laquelle est de la secte de Mahomet, & suit la mesme loy & interpretation que le Soffi. Courant la coste de ceste Arabie; on va trouuer le destroit de la mer rouge, dit autrement sein Arabique, qui a quatre cens cinquante lieuës de longueur, & est tres profonde en quelques endroits. L'eau d'icelle semble estre rouge, bien qu'elle soit blanche estant hors de la mer; & la cause de telle couleur prouient du sable qui est rouge, au moyen dequoy, quant le Soleil rayonne dessus elle semble rouge, dont elle a acquis le nom. Par celle mer est le destroit de Baboré, le Turc en leue force espiceries & dras de soye, & plusieurs toiles d'or & d'argent, & en somme toutes les richesses de ces Indes Orientales: laquelle traite s'empescheroit bien aisement, & en donneroit bien l'aduis, si le temps & le lieu present le permettoit.

De l'autre costé de la mer rouge, se trouue le royaume d'Abissin possédé par le Pretejan, lequel bien qu'il soit tres-grand s'estend peu auant en celle coste: De la pointe de ce royaume, en tirant à six cens lieuës loin vers Suest se trouue la ville de Moçambique, qui est peuplee de Portugais. Toute celle coste est situee à quinze degrez du costé de Midy, & est toute peuplee de gens Negres qui adorent les idoles cōme font aussi tous les peuples, qui sont entre Moçambique & le cap de bonne esperance, lesquels n'ont aucune

connoissance de l'Evangile, si Dieu par sa miséricorde n'a pitié & compassion d'eux, & n'inspire quelques siens esleus d'aller procurer le salut d'une si grande infinité d'ames qu'il y a en celles parts

Après que le P. Ignace se fut informé de ce que dessus, & de plusieurs autres choses que i'obmets pour euitier prolixité, attendant que de toutes icelles se face vne histoire particulière: il partit de Goa & d. Cochin pour retourner en Portugal, & passa tout ioignant les isles de Maldive) qui sont plusieurs, toutes habitees de Morés & confinēt au Pole Antarctique) passa par l'Equinoctial de la coste d'Arabie. Si nauigerent avec bon temps, & suyuant tousiours celle route vindrent mouiller l'ancre à S. Laurent, qui est vne isle de grande estendue: car elle contient deux cens soixante quinze lieues de long, & quatre vingt dix de large: & y a par tout force peuple, & tous gens humains & amiables. La foy Chrestienne ne leur a iamais esté preichee, & croy toutes fois qu'ils la receuroient facilement si on leur alloit annoncer.

Passant ceste isle, ils allerent au cap de Bonne esperance, qui est pareillement vne bonne isle, les habitans de laquelle sont fort semblables à ceux de l'isle S. Laurent. Ce cap de Bonne esperance, dit autrement le cap des Tourmētes, confine à la zone temperce pres le destroit de Magelan, & est au pole Antarctique à trente cinq grans degrez de hauteur, & distāt de Cochin mille trois cens cinquāte huiēt lieues par la route ordinaire des nauires. En passant iceluy cap, il y a coustumiement de grans vens, à raison desquels il a esté appellé cap des Tourmentes, comme dit est De ce lieu, on va à l'isle S. Helene, qui est cinq cens soixante & dix lieues plus auant & n'est habitee que de pourceaux & de cheures, & de perdrix en grande abondance & y ale long de la coste force poisson, lequel se pesche facilement. L'isle est petite, & ne contient que cinq lieues de tour.

Depuis ceste isle, ils nauigerent quatre cens lieues, & repassāt l'Equinoctial prirēt la coste de Guinee, situee au pole Arctique à quarante quatre degrez de hauteur: qui fut presque au mesme endroit qu'ils auoient laissé en allant, quand ils prirēt la route de la Chine. Si passerent à veüe de terre, & de là sans mouiller l'ancre singlerēt iusques à Lisbonne ville capitale de Portugal, où ils surgirent à port de salut, après auoir fait depuis qu'ils passerent l'Equinoctial, mille quatre cens cinquāte lieues de chemin: de maniere que le P. Ignace

ayant supputé ce qu'il auoit nauigé en ce sien voyage du monde, depuis qu'il partit de Seuille en Espagne iuiques à son retour à Lisbonne en Portugal, trouua y auoir neuf mille quarante lieuës de mer & de terre, sans plusieurs autres qu'il chemina par la Chine, & autres lieux qu'il n'a point mises en ligne de conte. Or tout ces milliers de lieuës sont peuplez de grans royaumes, & iceux tous la plus part, tenus sous la tyrannie de Lucifer.

Plaife à N. Seigneur IESVS-CHRIST, les conuertir par son infinie misericorde, & auoir pitié & cōpassiō d'eux, comme il fit quand il descendit du ciel en terre souffrir la mort pour nous to⁹: & à ces fins vueille inspirer le Roy d'Espagne, pour entre les bonnes ouures qu'il proiette faire & fait continuellement de iour à autre par vn zele tres-catholique, procurer encorē par luy celle cy, laquelle estant fondée sur le salut de tant d'ames doit triomphamment reüssir à la gloire de la Diuine maiesté, & au grand merite de sa personne: ce qu'il peut faire fort aisément estant comme il est pour le présent seigneur de toutes les Indes, & de la plus grande part de ce nouveau monde. Ceste requeste merite bien d'estre faite à Dieu deuotement de la part de tous les Chrestiens, afin que son Saint Nom soit loüangé & exalté par toute la terre, & que les enfans d'Adam, qui par le peché originel sont tant esloignez & abandonnez de leur Chreateur & premier principe, puissent iouir quelque iour de celle beatitude de gloire, pour laquelle ils sont de par luy creez.

*Fin de l'Histoire du grand Royaume de
la Chine.*

INDICE DES CHOSES NO-
tables contenûes en la presente Histoire
de la Chine.



A

BADES, espe-
 ce de bestes.

367

Acapulque,
 port.

322

Acoma. ville.

316

Adelantade, officed'Espa-
 gne, 335. en la secõde partie.

Adulteres comme punis en
 la chine.

43.90.

Agutzi, fils de Tzintzon
 Roy.

10

Aiguille marine des chinois
 160.

Air nes Canaries.

291

Alep, ville.

385

Alcoran de Mahomet.

386

Alonse d'Aluarade, prouin-
 cial des Augustins aux
 Philippines.

154

Alis ou Alies, docteurs de la
 secte Mahometane.

386

Alfare religieux obseruatin,
 va à la Chine.

127. 234

Aluar Nunes, dit cabeça, de
 vaca a planté la cõnoissan-
 ce de Dieu aux Iumanes
 du nouveau Mexique.

311

Aluar Nunes, dit cabeça de
 vaca, fait des miracles aux
 Iumanes.

311

Ambassadeurs des Roys &
 Princes comme receus à
 la chine.

119

Ambassadeurs de villes su-

iertes comme receus de la
 chine.

123

Amoy, isle.

184

Anchasi, officier de la chine.

75.

Anchosau, Roy.

50

Anchiu, Roy.

53

Ancon, isle inhabitee.

219

André cotin, prestre secu-
 lier, affectionné aux Ob-
 seruantins.

112

André Cotin, seculier, aide
 aux Obseruantins en ne-
 cessité.

252

André cotin, seculier, en dis-
 cord avec le capitaine
 maje de Macao pour la
 cause des Obseruâtins.

270.

André Dorâte a laissé la cõ-
 noissance de Dieu au nou-
 uau Mexique.

310

André Dorâte fait des mira-
 cles aux Iumanes du nou-
 uau Mexique.

311

Antoine d'Espeje, natif de
 cordoue

307

Antoine d'Espeje va descou-
 urir le nouveau Mexique.

308

Antoine de Menesés, presidēt
 au conseil des Indes.

129

Apalito, nom attribué à Dieu
 par les Indies Iumanes.

0

Appellations de la chine où
 & comme ressortissent.

75

Apostres representez en la

INDICE DE L'HIST.

chine.	25	à cheual.	69
Arabie heureuse.	386	Audience publique comme	
Arbres de Pin tenus funebres		tenuë en la chine.	79
en la chine.	41	Auditeurs du conseil royal	
Arbre de vert ^s cōtraires.	372	de la chine.	71
Arche de Noë, 6. arcs triom-		Auditeurs du conseil royal	
phaux en la chine.	16	doctes & lettrez.	71
Arcenaux de la chine.	99	Auditeurs du conseil royal	
Armee nauale de 192. vaif-		comme esleus.	72
seaux.	165	Auditeurs du conseil royal	
Armee des Philippines con-		comme confirmez.	72
tre Limahon.	138	Auditeurs de six grans iuges	
Armes à qui permises en la		de la chine.	74
chine.	62	Auditeurs de six grans iuges	
Armes de gens de cheual.	63	comme vestus.	75
Armes des Espagnols cōtre		Aueugles comme occupez à	
faites à Aucho	190	la Chine.	47
Armoiries du Roy de la chi-		Augures obseruez à la Chi-	
ne.	71	ne.	30
Artifices d'eaux à Aucho.	257	Autel de iaspe excellent.	243
Artillerie par qui inuençee		Aurey roy.	51
en la chine.	98	Autel d'idoles.	181
Artillerie de la chine fort		Augustins ruis, religieux, va	
ancienne.	67	au nouueau Mexique.	306
Artillerie quand a commē-		Augustins descouurent les	
cé en Europe.	97	premiers les Philippines	
Astrologie leuë publique-		1. en la 1. & 2. part.	135
ment à la chine.	92	Augustins baptisent les pre-	
Attourneffe de femmes pu-		miers aux Philippines. 1.	
bliques en la chine.	109	en la 1. & 2. part.	135
Atzion creë par le ciel.	33	Augustins martirisez aux	
Auarice des Magistrats de la		philippines 135. en la 2. p.	
chine.	69	Augustins des philippines	
Aucho prouince de la chi-		combien zelez enuers les	
ne.	13	Chinois 135. en la 1. part.	
Aucho combien a de villes.	14	Augustins quelle responce fi-	
Aucho combien a de tribu-		nale ont des Magistrats de	
taires.	58	la Chine.	201
Aucho cōbien a de gendar-		Augustins vont à la Chine	
merie tant à pied comme		avec le capitaine Omon-	
		con.	156
		Augustins arriuent à Chin-	

DE LA CHINE.

cheo.	177	Gange.	376
Augustins logez en vn monastere Chinois.	179	Benrey, Roy.	51
Augustins parlēt à l'Insuant de Chincheo.	183	Bernardin Beltran, obseruatın, va avec Antoine d'Espeje descouurir le nouueau Mexique.	314
Augustins sont visitez par la noblesse de Chincheo.	184	Bestes de musc.	347
Augustins parlent au Viceroy d'Aucho.	196	Bestes sauuages en la chine.	346
Augustins tenus reclus à Aucho.	203	Bibliotheque du vatica.	91
Augustins arriuent à Manille.	220	Bohemienrs raudās par l'Europe.	324
Aumosnes defenduēs à la Chine.	46	Bonnets rouges, note d'infamie à la chine.	64
Aumosnes faites aux Observantins estans en la ville de Canton.	254	Bonog Roy de la chine à present regnant.	53
Autey, Roy.	51	Bonog Roy de la chine bien aimé de ses suiets.	53
Aynan, isle.	2	Botines de cuir au nouueau Mexique.	313
Aytao, officier de la chine.	75	Bouquets ou ramelets d'argent donnez en la chine par grand honneur.	170
B		Bourreaux de la chine.	169
B Açain ville.	385	Bourreaux de la chine comme vestus.	241
Balenes.	269	Brachmanes, peuple.	23
Bancoens nauires legers.	112	Brachmanes quels.	38
Banquets de la chine, & l'ordannance d'iceux.	104	Brama grand Pontife de Bifnague.	179
Banquets fait aux Espagnols estans à la chine.	187	Brasselets d'or au nouueau Mexique.	317
Banquet de depart.	212	Breuuage présenté aux visiteurs de la chine.	85
Banquets de vingt iours.	106	Briças, vens des Indes.	322
Barcelor, royaume.	384	Bufls en la chine.	9
Barques de plaifance.	113	Bufls comme labourent en la chine.	179
Barthelemy Pere Portugais, gais, accusé à tort.	182	C	
Batala, idole.	328	C Açau racine.	295
Bateleurs de la chine.	105	Caciques ou seigneurs au nouueau Mexique.	313
Baufa, nonain reniee.	52		
Baufa excecutee par iustice.	53		
Bengale, royaume.	375		
Bengalois reuerent le fleuue			

INDICE DE L'HIST.

Canguin, chinois Chrestien.	cap de bonne esperance.	329
239	caracteres de la Chine.	91
Canars de la chine.	caribes mangent chair hu-	
canars comme esclaves &	maine.	293
nourris.	caribes ne mangent de la	
canars reconnoissent le son	chair de religieux.	293
de leurs barques.	caribes vsent de flesches en	
canars comme espluchent la	uenimees.	293
mauuaise herbe.	caribes morts enragez, &	
calicut dit autrement Ma-	pourquoy.	293
lauar	caste abondante à Malaque.	
34	372.	
eamarus; racine que man-	castillans font nommez les	
gent les bestes de musc.	Espagnols en la chine.	174
9	castille Maldonat, Espagnol	
campaye royaume.	a laissé la connoissance de	
campayans addonnez à na-	Dieu aux Iumanes du nou	
uiger	veau Mexique.	311
368	castille Maldonat a fait des	
campagnes de la Chine.	miracles en la prouince	
8	des Iumanes.	311
campson Gaurio vaincu par	cautoc officier de la chine.	
Selim Empereur Turc.	76	
384	ceremonies funebres.	36
cananor, royaume.	ceremonies de courtoisie v-	
384	sitées à la Chine.	106
canaries, isles.	ceremonies de tradition.	106
283	ceremonies de ciuilité ob-	
canaries pourquoy ainsi ap-	seruees à la chine entre	
pellees.	gens esgaux.	106
289	ceremonies funebres de Bis-	
canelle de la Chine.	nague au bruslement du	
10	corps du Roy.	278
canfay, ville.	chair de porc bone & sainte.	9
11	chair à bon prix en la chine.	9
canfay prouince de la Chi-	chaire du Roy de la chine de	
ne.	grande valeur.	56
15	chambre de negotiation à	
canfay, prouince combien a	Seuille.	130
de villes.	chamois au nouveau Mexi-	
15	que.	311
canfay, prouince, combien	champz royaume.	366
de tributaires.		
58		
canfay, prouince, combien a		
de gendarmerie.		
65		
canfay, idole.		
27		
canton, prouince, combien		
a de villes.		
15		
canton, prouince, combien		
a tributaires.		
58		
canton, prouince, combien		
a de gens de guerre.		
65		
capitaine Major de Macao ca-		
lonnie les Espagnols.		
231		

DE LA CHINE.

chapaa royaume.	69	chimbutey, Roy.	52
chapeaux rouges & palles de g. ndarmes de la chine.	49	chincheo, ville manchande.	178
chapelle de cent onze Idolles.	103	chincheo prouince, vſe ſeu- le de monnoye frappee au coin.	23
chapelles hautes au nouueau Mexique, où ſe repoſe le Demon.	313	chincheo ville combiẽ peup- lee.	178
char triumphal du Tutucur- in.	381	chine quand deſcouuerte.	1
charges perſonnelles de la chine.	57	chine par qui deſcouuerte.	2
chariots à voiles.	21	chine par qui fondee.	11
Charles Quint, Empereur.	316	chine de quel temperamẽt.	4
chats de ciuette aux Philip- pines.	317	chine combien fertile.	5
chats de ciuette en la chine.	331	chine combien antique.	10
chemins publics de la chine.	170	chine comme peulee en pe- tis enfans.	5
chemins publics de la chine comme entretenus.	17	chine comme peulee de prouinces.	13
chemin de la chine par l'A- lemagne.	100	chine comme peulee de villes.	14
cheual ſas bride à quels am- baſſadeurs eſt ordonné	113	chine eſt ſi peulee, qu'elle merite d'eſtre nomẽe vne ſeule ville, & non vn ro- yaume.	257
cheures faiſant trois portees l'an.	302	chine autrement Eſquine, ra- cine medecinale.	9
chequean, prouince de la chine.	13	chinois ſont industrieux.	6
chequeam prouince combiẽ a de villes.	14	chinois ne peuuent ſortir du royaume ni admettre eſtrangers.	64
chequeam prouince, combiẽ a de tributaires.	58	chinois aiment à faire bone chere; & à eſtre bien en or- dre.	6
chequeam prouince, combiẽ a de gens de guerre.	66	chinois tiennent pluſieurs femmes.	10
cheu mor chinois, que ſi- gnifie.	15	chinois ſont grans archite- ctes.	16
cheucux & ongles longs des chinois.	19	chinois ſont gens curieux.	13
chichimeques peuple.	301	chinois bons œconomẽs & ſins à vendre.	25
		chinois excellens ès arts & meſtiers.	26

INDICE DE L'HIST.

chinois prudeñs en fait de gouuernement.	16	chinois delaissent la con- queste & possession des pays estranges.	67
chinois tiennent le ciel pour auteur de toutes choses.	17	chinois iusques où ont esté- du leur domination.	69
chinois sacrifient au De- mon.	26	chinois tardifs à executer les sentences.	88
chinois ont plusieurs saints.	29	chinois n'ont point d'alpha- bet.	91
chinois ne tiennent conte de leurs dieux.	30	chinois qui ne scauent lire & escrire tenus infames.	92
chinois sont dociles à la foy.	30	chinois excellēs escriuains	93
chinois baptizez sont bons caroliques	29	chinois inuenteurs de l'ar- tillerie.	99
chinois superstitieux & cre- dules	30	chinois ont conqueßtē an- ciennement les Indes o- rientales.	98
chinois iniurient & battent leurs idoles.	0	chinois inuenteurs de l'Im- primerie.	99
chinois coyent l'immortali- té de l'ame.	35	chinois grand faiseurs de banquets.	104
chinois croyent vn purga- toire.	35	chinois prompts à la con- uersion.	29
chinois croyent vn enfer.	36	chinois bons ioüeurs d'in- strumens.	90
chinois croyent que l'ame s'infuse du ciel.	35	chinois addonnez à toutes delices.	04
chinois prient pour les morts.	36	chinois adroits à manger.	105
chinois tiennent l'interces- sion des saints.	36	chinois fuyent toute me- lancolie.	106
chinois tiennent la transmi- gration des ames de corps en autre.	37	chinois comme se guident sur mer.	160
chinois cōme contractoient ensemble deuant l'vsage des lettres.	4	chinois comme voguent sur mer.	60
chinois grans hospitaliers.	107	chinois admonestez des Es- pagnols la sient l'adora- tion des Idoles.	161
chinois peu chargez de tri- but.	58	chinois de quelle nation de gens doiuent estre suiets à l'aüenir.	
chinois n'vsent point de ba- stillons ni de forteresses.	62		

D E L A C H I N E.

l'auenir.	255	cochinchinois guarý de pa-	
chinois honteux d'estre sur-		ralýsý.	363
pris en delit.	351	cochinchinos guarý de la	
chitey, Roy.	51	lepre.	364
choncan, officier de la chine.		collations faites aux Augu-	
79		stins en la ville de Tanfu-	
christofle Colomb a descou-		se.	171
uerts l'issé Espagnole.		collations faites aux Augu-	
294		stins allans de Tanfufe à	
cia, ville de Gunames.	315	Chincheo.	172
cibao, abundant en mines		collatiõ faite aux Espagnols	
d'or.	294	par des dames de Tãgoa.	174
ciel iadis tombé.	33	collatiõ faite aux Augustins	
ciel cria iadis Arzion.	33	par vn Auditeur de chin-	
cincoã, tyran de la Chine.	51	cheo.	188
cinçons, oyseaux sans pieds.		colombo, peuplade de Zei-	
303		lanois baptisez.	382
cinfay, prouince de la chine		comedies representees à la	
13		chine.	100
cinfay prouince, combien a		comon, officier de la chine.	
de villes.	14	74	
cinfay prouince, combien a		conches, Indiens du nou-	
de tributaires.	58	veau Mexique.	306
cinfay prouince, combien a		conches, prouince au nou-	
de gens de guerre.	65	veau Mexique.	308
cinfay prouince, pleine de		cõcubines du roy de la chi-	
montagnes.	65	ne, quãd & à qui mariees.	48
circuir & estenduë de la chi-		concubines du Roy de coro-	
ne.	12	mandel.	378
citez en quel nombre en la		concubines du Roy de co-	
chine.	14	romandel comme meurent	
ciuilité des chinois à l'en-		avec leur Roy.	378
droit des estrangers.	108	congé d'entrer en la chine	
ciuilité des chinois entre		comme se donne aux e-	
gens esgaux	108	strangers.	70
climat de la chine.	4	cõrad alemãd, introducteur	
cloches de la chine.	38	de l'Imprimerie en Italie.	
coan, dite autrement Tan-		100	
goa, ville.	173	cõseil royal, cõme sçait tour	
coantey, roy.	51	ce qui se fait à la chine.	73
cochinchine, royaume.	360	conte de corũe, viceroy de	
cochinchinois baptisé.	362	l'Espagne neuue.	321

INDICE D E L'HIST.

cōtēpteurs de la S. Croix cō-		Dames de Genes curieuses	
me punis à cochinchine	361	de leurs cheueux.	20
coqueluche vniuerselle	130	Deluge vniuersel.	5
coromandel, royaume.	377	Demon honoré de sacrifices	
coromandelois croyēt l'im		en la Chine.	27
mortalité de l'ame.	378	Demon inuoqué en la chi-	
coromandelois croyent vne		ne.	31
autre vie.	378	Demon inuoqué comme res-	
coromandelois aptes à rece-		pond.	13
voir l'Euangile.	379	Demon donne des responce	
couchan, Roy.	53	de mensonges.	32
coulan ville.	383	Demons inuoquez sur mer	
couleurs des Religieux de		par les chinois.	385
la chine.	36	Denonciations à iustice en	
crimes comme soigneuse-		la chine.	82
ment punis à la chine.	88	Dent de singe adoree en Zei-	
criminels de la chine com-		lan.	380
metenus.	88	Dent de singe pour quelle	
criminels executez en la		quantité d'or offerte à ra-	
chine sont enterrez.	89	cherer.	380
croix plâtees aux Passagua-		Des Cales, Euesque de cha-	
tes.	309	pa.	294
croix plantez à Siuola.	316	Destroit de Magelan.	299
croix signal de paix au nou-		Destroit de Malaque peril-	
veau Mexique.	319	leux.	371
croix plâtee à cochinchine, &		Diabie représenté à la mort	
le miracle qui s'ensuit.	362	& aux obseques des Chi-	
cucubum, Roy.	51	nois.	350
cueillette perpetuelle en la		Dian premier tyran	52
chine.	346	Dian second tyran.	53
cuirs & chamoix au nou-		Die mesure de la chine.	14
veau Mexique.	311	Diego de Herrere enuoyé	
cuaames, prouince du nou-		des Philippines au Roy	
veau Mexique.	315	d'Espagne.	126
cuntcy, roy.	50	Diego de Herrere Prouin-	
curiositez des chinois.	14	cial des Philippines.	116
curiosité de quelques dames		Difference des gens mariez	
de Tangoa.	174	d'avec les autres.	20
cuythei, roy.	52	Disamaluque, royaume.	385

D

Amas ville.	385	Disposition des corps des	
Damaum, ville.	385	chinois.	19
		Diu, ville.	385

D E L A C H I N E.

- Diuerſe comme ſe fait à Biſ
nague. 379 aſſaillis par Limahou. 142
Dominique de Salazar, pre-
mier Eueſque des Philip-
pines. 35. en la 2. part. en la 2. part.
Dôs & preſens interdits aux
magiſtrats de la Chine. 72 Eſpagnols reſiſtent à l'aſſaut
14. en la 2. part.
Dons & preſens d'ambaffade
comme receus par les ma-
giſtrats de la Chine. 201 Eſpagnols ſe fortiſient. 144
Dragon peinturé deuant les
tribunaux de la chine. 259 Eſpagnols ſe retirent dedans
leur fort. 144
Dueil des treſpaſſez en la
chine. 41 Eſpagnols tiennent Lima-
hon aſſiegé. 149
Durion, fruit. 372 Eſpagnols des Philippines
vont à la chine avec le ca-
pitaine Omoncon. 151
E Eſpagnols deſbarquent à
Tanſuſe. 167
Edifices de la chine. 16 Eſpagnols arriuent à chin-
cheo. 177
Elephant blanc. 374 Eſpagnols cōteſtēt ſur le fait
de parler à genoux à l'In-
ſuanto de chincheo. 181
Elephans & Abades. 367 Eſpagnols prennent cogé de
l'Inſuanto à la mode d'E-
ſpagne. 191
Empereurs Turcs tiennent
pluſieurs femmes. 10 Eſpagnols arriuent à Au-
cheo. 191
Encheſſeure de bois comme
portee en la chine deuant
les nouueaux graduez. 97 Eſpagnols indignez du To-
toc & du Cagniroc d'Au-
cheo. 191
Enfans des chinoiſ obligez à
tenir l'eſtat de leur pere. 25 Eſpagnols arriuent à Mani-
le. 213
Enfans aiſnez des chinoiſ ne
peuēt entrer en religiō. 39 Eſpagnols hays aux Philip-
pines. 230
Enfans où ne peuēt ſucce-
der aux peres. 383 Etquine dite autrement chi-
ne, racine medecinale. 10
Enfans chinoiſ, comme ſont
vendus par leur mere. 110 Eſtendars noirs en la chine à
quoy vſitez. 336
Enſeignes & marques des loi-
tias de la chine. 94 Eſtiene Ortis, Obſeruantin,
apprend la langue de la
chine. 230
Eſcoliers bōs eſtudiās, cōme
honorez en la chine. 92 Eſtiene Ortis, obſeruantin,
s'embarque pour aller à la
chine. 231
Eſcriture des chinoiſ queſle.
91 Eſtiene Ortis obſeruantin,
D d

differe le voyage de la chine.	212	festins en la creation des Loyrias de la chine.	90
Estofes, dont vsent les nobles de la chine.	19	festins faits aux Espagnols en la chine.	62. 204 217
Estofes, dont se vest le peuple de la chine.	19	feuilles de l'arbre Durion combien grandes	372
F		filles comme vendues en la chine.	110
Faineans punis en la chine.	115	fleches à pointe de caillou au nouveau Mexique.	313
Faxiuandono capitaine du Iapon.	356	fleuve grand & large.	279
Femmes & filles de la chine comme vestuës.	20	fleuve abondant en or & pourquoy.	294
Fèmes & filles de la chine ont routes de petits piedz.	20	fleuve de huit liens de largeur au nouveau Mexique.	319
Femmes & filles de la chine comme recluses.	21	fleuve des conches au nouveau Mexique.	319
Femmes & filles de la chine cōme sortēt du logis.	109	fleuve du sel de quel reuenu au Roy de la chine.	318
Femmes & filles de la chine à quoy occupees.	109	fleuve du Paradis terrestre.	375
Femmes libres & desordonnees combien preiudiciales aux republiques.	108	foï monnoye de la chine.	9
femmes publiques en la chine.	108	fontey, Roy.	52
femme publiques, rares en la chine.	110	foquian prouince de la chine.	13
femmes publiques comme tolerees en la chine.	110	foquian combien a de tributaires.	52
femme des isles des Larrons cheminent nuës.	322	foquian prouince, cōbiē à degs de pied & de cheual.	65
femmes des isles des Larrons sont communes aux ieunes hommes à marier.	323	fort babi au nouveau mexiq par le capitaine d'Espeje	318
fer plus estimē que l'or.	324	fosses des villes de la Chine garnis de poisson.	115
fēs, ville & Royaume.	4	fouēt comme donnē en la chine.	90
festes de la chine quand & comment celebrees.	107	francisque Lopēs obseruantin, tuē au nouveau Mexique.	314
festins de la chine	104	francisque Vasqués Coronel a plantē des croix en la prouince de Sinola.	316
festins à l'enterrement des morts.	40	francisque de Duenes, Espa	

DE LA CHINE

- gnol. 231
 Furey Roy. 50
 G
 Agesdesiuges&officiers de la Chine. 79
 Gange fleuve. 375
 Garde du Roy de la Chine 61
 Garde nauale establiee en la coste de la Chine. 136
 Garnison des villes de la chine. 61
 Garçons comme se vendent en la chine. 111
 Gaspard de la Croix, religieux, Portugais, mer par écrit ce qu'il a veu en la Chine. 26
 Gaspard de Mexique, Indien baptisé à Siuola 317
 General de mer d'Aucheo, courtois aux Obseruants des Philippines. 245
 General de mer d'Aucheo de quellesinuentions vse, pour auoir le Iaspe des Obseruants. 245
 Generaux d'ordre en la Chine 17
 Generaux d'ordre comme vestus à la Chine. 37
 Generaux d'ordre à la chine sont perpetuels. 17
 Generaux d'ordre en la Chine comme esseus. 17
 Generaux d'ordre en la Chine comme respectez. 37
 Generaux d'ordre en la Chine où & par qui entretenus. 38
 Gendarmerie de la Chine en quel nombre, tant à pied comme à cheual. 65
 Gens de cheual de la Chine comme vont en guerre. 63
 Gens de cheual de la Chine quelles armes portent 63
 Gens de cheual de la Chine comme manient leurs cheuaux. 63
 Gens de cheual de la Chine se tiennent mal à cheual 61
 Gnames, fruit. 50
 Goa, isle & ville. 384
 Conçale de Mercat ronquille Cheualier d'Espagne. 123
 Gouffre de quarante cinq lieues. 219
 Gouverneurs des hospitaux de la Chine sont suiets au sindicat 47
 Gouverneur de Chincheo comme donne audience aux augustins des Philippines 180
 Graduez de la Chine comme honorez. 95
 Granité & pompe des officiers de la Chine. 76
 Grammaire Chinoise par le P. Herrade Augustin. 336
 en la 2. partie
 Oregoire X I I I. Pape. 365
 H
 Abit d'un Mandarin de Canton. 241
 Habitans de Chantubo sans aucun seigneur se maintiennent en paix. 218
 Habits de nobles de la chine 19
 Habits de hommes de la Chine. 19

INDICE DE L'HIST.

Habits des femmes de la chine.	20	Huyhannon, roy.	58
Habits de deuil de la chine	41	Huytay officier de la Chine,	76
Herbe admirable du roy Vi- tey.	49		
Hernaud Gortés, comme re- uerend à l'endroit des pre- stres & religieux.	304		
Hieronyme Martin religi- eux, va à la chine.	154		
Hol'goy, sorciers des Philip- pines.	329		
Hombu, Roy	53		
Homdin, visiteur de la chine	77		
Honan, prouince de la chine	13		
Honan prouince, combien a de villes.	14		
Honan prouince, combien a de tributaires.	58		
Honan prouince, combien a de gens de pied & de che- ual.	66		
Honneur fait aux graduez à la chine.	90		
Honneur fait aux femmes à la chine.	108		
Hospitalité des chinois à l'endroit des hostes.	107		
Hospitaux royaux de la chi- ne	46		
Hospitaux royaux, comme gouvernez.	46		
Hospitaux du Mexique.	301		
Hostelleries & boutiques sur les riuieres.	113		
Huntzey, roy.	50		
Hantzey, inuenteur du feu & des commerces.	34		
		I	
		Iacobins enuoyez en la chine.	133
		Ia pes ou lapes, bitume de la chine.	113
		Iappon, combien cōtient de royaumes	355
		Iapponnois en quoi ressem- blent aux chinois.	354
		Iapponnois moins politiques que les chinois.	374
		Iapponnois ennemis des chi- nois.	355
		iapponnois sōt martiaux.	355
		iaipe excellent des Obser- uantins.	266
		iehan, mesure itineraire de la chine.	12
		idoles des chinois.	24
		idoles fâtez par les chinois	30
		idoles de quels presens remu- nerez par les chinois.	30
		idoles mesprifez & rompus par le P. Ignace, obseruan- tin.	352
		iean Guttemberg, tenu en Europe pour inuenteur de l'Imprimerie	100
		iesuites appelez Peres de S. Paul.	131
		iesuites pour le present en la chine.	131
		iesuites de residence à Xau- quin ville de la chine.	131
		iesuites en la ville de Mexi- que.	301

DE LA CHINE

iesuites aux villes des Illoques.	319	isle du Fer.	190
iesuites fondateurs du Christianisme au Japon.	317	isle du Fer comme remédie à son idigence d'eau.	190
iesuites martirisez à Sascete	385	isle inaccessible, dite autrement S. Borondon.	291
illoques isles.	311	isle desirée pourquoy ainsi dite.	292
image de magdelaine faite de plume.	26	isle Dominique.	292
image d'une Ascension de N. Seigneur guarit vn luge paralitique.	365	isle S. Jean de Portriche, pour quoy ainsi appelée.	293
image de N. Dame guarit vn Mandarin de la lepre.	289.	isle Espagnole dite autrement S. Dominique	294
Imprimerie, inuention combinien vtile & profitable.	99	isle Espagnole en quoy abonde.	294
Imprimerie quād introduite en Europe.	100	isle Nauace.	296
Imprimerie inuentee à la chine & par qui.	100	isle de cube.	296
Imprimerie d'Ochian province de la chine.	100	isle des Veles, dites autrement des larrons.	322
indiens rayez au nouveau Mexique	310	isles des larrons faciles à conuertir.	323
indiens au nouveau Mexique portēt des croix pour signe de paix.	316	isles des larrons pourquoy ainsi appellees.	324
instrumens de musique en la chine.	109	isles Philippines, ou situees.	
isles Philippines, combien distantes de la chine.	1	isles Lussōn pourquoy dites Philippines	328
isle abondante en riuieres.	217	isles des illoques.	326
isle Lalo.	213	isles du Japon,	353
isle corchu.	218	isles des Amazones.	359
isle d'Ancon inhabitee.	219	isle de Samatre, dite autrement Taprobane.	373
isle de Ploū.	219	isle de Goa.	384
isle de Toeaoticam.	221	isle de Salcete.	384
isle de Tangurruan.	221	isles de Bardes.	384
isles de canaries.	29	isles Maldiuēs.	387
isles de Tenerife.	299	isle S. Helene.	387
		ismael Sofi, issu du soudan Gaurio.	386
		iuā d'Obande, president du conseil des Indes.	157
		iuges des payures ohiez & impotens en la chine.	46

INDICE DE L'HIST.

Juges & magistrats de la chine comme patiens en l'audience.	76	co par les habitans du Royaume	11
Juges & magistrats de la chine comme receus es lieux esquels ils s'ont enuoyez.	77	la Chine de quelle estendue	12. 13
Juges & magistrats de la chine vôt à jeun à l'audiẽce.	79	la chine combien contient de prouinces.	13
Juges & magistrats de la chine comme donnent leurs sentences.	79	la chine comme par tout cultiuee.	8
Juges & magistrats de la chine comme marchent par la ville	80	la chine combien a eu de Roys.	11
Juges & magistrats de la chine sont tenus de prononcer tous actes de iustice en pleine audience.	80	la chine comme peuplee de citez & villes.	14
Juges & magistrats de la chine comme procedent à leurs informations.	81	la chine riche en mines.	9
Juges & magistrats de la chine s'ont tardifs à expedier.	81	la chine comme remparee d'une muraille admirable	12
Iumanes, prouince au nouveau Mexique.	310	Lacs salez au nouveau Mexique.	310
Iumanes sont guerriers & martiaux.	310	la lune tenue pour vne femme par les chinois.	351
Unques vaisseaux de la chine.	111	langage de l'isle des larrons	324
		langue de la Chine, quelles	91
		langues differẽtes en parole comme s'entẽdent par escrit.	91
		lanteas, vaisseau de la Chine.	112
		laocon Tzautzey, idole de la chine.	27
		larrecin subtil d'un larron de l'isle des larrons.	325
		laemens superstitieux d'indolatre.	384
		laupy neveu du Roy Yantci second.	51
		l'auteur de ce liure deputé Ambassadeur vers le roy de la chine.	124
		l'auteur de ce liure s'est trouué en la conuersion	

L

LA Chine de quelle temperature.	4
La Chine porte trois & quatre fois l'an.	57
La chine fertile & abondante.	367
la chine appelee Sangley par les peuples circonuoisins.	11
La Chine appelee Taybin-	

DE LA CHINE.

- des Philippines. 125
 leches, royaume. 3
 lechias prunes de la chine. 6
 legistes comme auancez en la chine. 94
 leombi mot & caractere chinois, que signifie. 91
 lettres missiues comme vfitées en la chine. 93
 lettres de desuy vfitées en la chine. 93
 lettres du Roy d'Espagne au roy de la chine. 130
 lettre mandée par les Espagnols, teaus reclus à Aucheo. 104
 librairie d'Aucheo. 104
 librairie de Chincheo. 104
 lieues faites par le P. Ignace en son voyage du monde. 389
 lij, mesure itineraire de la chine. 12
 limahon, coursaire de la chine, en la seconde part. 36
 limahon de quel naturel. 137
 en la 2. part.
 limahon brigande & destrouffé. 150. en la 2. part. 137
 limahon fuit l'armée du roy de la chine 137. en la 2. part.
 limahon desconfit le coursaire Vintoquiám. 138. en la 2. part.
 limahon s'enfuit à Tontzuacaotican 138. en la 2. part.
 limahon prend la route des Philippines. 139. en la 2. part
 limahon prend vne galere de Manille & tuë les gens de dedans. 139. en la 2. part
 limahon enuoye quatre cens aduenturiers deuers Manille. 141. en la 2. part.
 limahon s'enfuit par eau. 145.
 lingot d'or vierge perdu en mer. 295
 linthey roy. 51
 lisbonne ville de portugal. 388
 liures de la Cité de Dieu premiers imprimez en Europe. 100
 liures anciens imprimez en la Chine. 100
 liures apportez de la Chine. 101
 liures de salutations & ciuilitiez en la Chine. 107
 loüange de l'Imprimerie. 99
 louys de Velasque, Viceroy en l'Espagne neuue. 327
 loy de la Chine touchant la conqueste en pays estrangers. 67
 loy de la Chine contre les nauires estrangers. 236
 loitias de la chine quels & comme creez. 94
 loitias de, combien de sortes 94
 loitias, quelles marques & enseignes portent de leur dignité. 94
 loitias exempts de tailles &

INDICE DE L'HIST.

tributs.	58
Lucifer esprit malin, compa-	
ré au roy Nobunanga.	355
lugor royaume.	370
luffon, ifle.	325

M

MAcanes, bastons offerts au nouveau Mexique. 313
Mazulaparan, royaume. 376
Maele, ou Mase, monnoye de la chine. 59
Magaduras, festes des Philippines. 128
Maganitos, idoles des Philippines. 318
Magelan où mis à mort. 326
Magistrats & iuges de la chine parlent à genoux à leur roy. 72
Magistrats & iuges de la chine sont respectez à genoux 72
magistrats & iuges de la Chine comme respectez. 75
magistrats. & iuges de la Chine n'osent sortir sans les marques de leur dignité. 75
magistrats & Iuges de la Chine sont rigoureux & seueres. 336
magistrats de la Chine, comme degradez 86
maguey, plante admirable. 301
maisons communes de la Chine. 17
Maisons de la Chine suiettes au feu. 77

maison de plaifance à Tan-
goa. 74
maître de camp de la Chine
officier de grand pouuoir.
76
malaque, ville. 371
malaque, comme fertile &
abondante. 371
malaya, lignee & maifon
more. 370
maldiues ifles, ne produifent
autre chofe que la Palme
de Cocos. 332
malipur ville, dite autrement
Calamine, où fut martiri-
fé S. Thomas. 377
mana royaume abondant en
perles. 79
mandarins, iuges de la Chi-
ne. 240
mangalor, royaume. 384
mangate, royaume. 383
manille, ville capitale des
Philippines. 135.
marchandifes comme éta-
lees en la Chine. 22
mariages eſtranges de Tar-
tarie. 43
martes zebelines en la chine.
8
martin de Herrade, provin-
cial des Philippines. 2
martin de Herrade, géome-
tre & cosmographe, excel-
lent. 12
martin de Herrade, Augu-
ſtin va à la Chine. 113
mais, bled des indes. 318
meche d'arquebuſe cauſe de
grans dangers au P. Igna-
ce & ſes compagnons. 336
mehuacan, province au

D E L A C H I N E.

Mexique.	300	ne en l'honneur de la S.	
meoa, ville.	190	croix.	362
meoa comme prise & sac-		miracle auenu à cochinch-	
cagee.	190	ne à l'endroit d'un paral-	
melons de la chine.	7	tique.	363
mencefriers & musiciens		miracle fait par un cochin-	
aux enterremens des chi-		chinois baptisé	364
nois.	41	miracle auenu à cochinch-	
Mer des dames.	321	ne à l'endroit d'un Man-	
mer rouge.	386	darin.	365
Meres de filles de ioye en la		miracle evident en la ville	
Chine	47	de malipur fait en l'hon-	
meres, poissons.	298	neur de l'Apostre S. Tho-	
mesnage & famille sur les		mas.	377
riuieres en la chine.	113	mogor ou Paranes, peuple.	3
messe celebree à present en		monasteres de la chine.	37
la chine.	132	monnoye de la Chine.	25
mesures itineraires de la		morts comme enterrez & en-	
chine.	296	seuelis en la chine.	39
mexique roiaume, de quelle		moscouie, pays guidant à la	
estenduë & confins.	299	chine.	100
mexique, ville comme si-		mouches & cufins en infinité	
tuee.	300	à Sian.	369
Mexique arrosee de pluye		murailles de la chine.	15
ordinaire.	300	muraille fameuse de la chi-	
mexique en quoy abonde.		ne.	18
300		muraille d'Aucheo.	198
micheel Lopés de Legaspi en-		musc de la chine.	8
uoyé au descouurement		musc & ambre de tribut au	
des Philippines.	327	roy de la chine.	59
micheel Lopés de Lesgapi,		muscades de la chine.	9
Adelantade des Philippi-			
nes. 13. en la 1. part.		N	
mines & metaux de la chine.		Natigay, dieu des Tar-	
2		tares.	2
mines de fin or.	373	Nauace, isle.	269
mines de sainte Barbe au		Nauires comme sanctifiees	
mexique.	306	en la chine.	39
mines d'argent en la pro-		Neoma, idole de la chine.	29
vince des Passaguates.	347	Neoma magicienne.	29
mines des diamans.	379	Nepueux & petits fils de	
miracle auenu à cochinch-		Noé tenus fondateurs de	
		la chine.	10

INDICE DE L'HIST.

Nicobar, isles.	380	nois condamnez.	248
Nobunanga, roy au Iapon.	385	O chantey roy.	50
Noë sauué du deluge.	6	Ocheutey inuëteur des ma-	
Nomdieu, port.	199	riages & instrumens de	
Noms des provinces de la		musique.	34
Chine.	13	Ocheutey descendu du ciel	
Noms des magistrats de la		pour le bien public.	34
chine.	74	Odialon royaume.	385
Nostre dame de la chande-		Offices subalternes en la chi-	
leur monastere	229	ne.	77
Nourriture de Canars indu-		Offices publics comme con-	
strieuse.	11	ferez en la chine.	353
Nouveau Mexique où situé.		Officiers des Iuges de la	
99		Chine comme punis en	
Nouveau Mexique descou-		delinquant en leur office.	80
uet en quinze provinces.		Olam, province de la chine.	
299		13	
Nouveaux graduez en la		Olam province, combien a	
Chine comme honorez		de villes.	14
90		Olam province, combien a	
Nouvelle Galice, province		de tributaires.	58
du mexique	300	Olam province, combien a	
Nuec admirable en l'isle du		de gens de guerre.	65
Fer.	291	Omoncon Capitaine chi-	
O		nois.	150
Obeques & Oraisons fu-		Omoncon arriue à Manille	
nebres en la Chine.	34	152	
Observantins pour le pre-		Omoncon s'offre à mener à	
sent en la chine.	171	la chine les Augustins de	
Observantins de Manille		Manille.	153
vont à la chine.	334	Omoncon de quels presens	
Observantins passent au mi-		gratifié à Manille.	153
lieu d'une armee de mer		Omoncon vient aux mains	
sans estre veus.	236	auec vn capitaine de mer.	162
Observantins abordent à la		Opinion des chinois sur la	
chine.	238	transmigration des ames.	38
Observantins loüangeez d'un		Quiam province de la chi-	
Iuge chinois.	248	ne.	3
Observantins examinez.	243	Quiam province, combien	
Observantins obtiennent la			
grace de quelques chi-			

D E LA C H I N E.

a de villes.	14	Palmede Cocos, arbre ad-	
Oquiam prouince combien		mirable.	332
a de tributaires.	58	Paname, port.	299
oquiam prouince, combien		Pamphile de Naruaés entre	
a de gendarmerie tant à		dedans la Floride avec	
pied comme à cheual.	65	amée.	311
or combien rend au roy de		Panfon, premier homme.	33
la chine.	59	Panfon créé Tamhon, &	
oranges de trois sortes en		treize autres enfans.	33
la chine.	6	Panfone, premiere femme.	
ordonnance touchant les			31
pauures de la chine.	45	Paon, royaume.	370
ordonnance touchant les		Papier de la chine, quel.	
impotens de la chine.	46		91
ordre de seance du conseil		Papós, mot Portugais, que	
royal de la chine.	71	signifie.	9
ormus, ville.	385	Parfums offerts aux idoles	
ost de gens de pied & de		par les Taitares.	3
cheual en la ville Royale		Pastaguates, prouince au	
de la chine.	63	nouueau Mexique	309
otey, Roy.	52	Parole de Dieu est vn glaue	
outon, Roy.	53	trenchant à deux costez.	
ourzim, roy.	53		66
oyes industrieuses à esplu-		Pararabueyes, autrement Lu-	
cher les mauuaises erbes.		manes, prouince au nou-	
257		ueau Mexique.	309
P		Patane, royaume.	370
Agua, prouince de la		Patanes ou Mogores, peu-	
chine.	13	ple.	4
Pagua, prouince, combien		Patenostres & chapelets vsi-	
a de ville.	14	tez en la chine.	38
Pagua prouince, combien a		Paternoster, Aue maria, &	
de tributaires.	58	les Dix commandemens	
Pagua prouince, combien a		en langue chinoise, en-	
de gens de guerre.	65	uoyez au Viceroy d'au-	
Palais du roy de la chine.	59	cheo.	206
Palais royal comme emmu-		Pauos ou poulles d'Inde à	
ré	56	bon marché au Mexique.	
Palais royal comme décoré			305
de salles.	55	Pauures ne vont mendiane	
Palais royal comme affluent		en la chine.	45
en delices.	56	Pauures ohiez & importens	

INDICE DE L'HIST.

comme nourris en la chine.	46	Pierre precieuse d'un millier d'or.	379
Pedre Sarmient, grand alguazil de Manille.	154	pieds petits grandemēt prisez en la chine.	10
Pedre Quintere, Espagnol	252	piez petits pourquoy introduits en la chine.	1
pegu, royaume.	374	pieds font serrez & estressis aux petites filles de la chine.	21
peguans faciles à conuertir.	74	Pintatey, roy.	51
peguans vertueux & charitables.	374	plongeoins de la chine, & leur industrie à pescher.	118
Peinture florit en la chine.	21	plumes à escrire en la chine.	92
permiffion d'entrer en la chine comme octroyee.	61	pluyes ordinaires au Mexique.	300
perfes & Turcs ennemis les vns aux autres pour le fait de leur religion.	385	pochin, officier de la chine.	76
peru, royaume fertile.	5	pochinfi, officier de la chine.	76
pesche de poissons industrieuse.	114	police notable des chinois à tenir les rues nettes.	17
peuple de la chine comme se saluē.	106	police des chinois ordonnee pour la nuit.	77
peuples de Mangare & Crāganor addonnez aux superstitions & sortileges.	383.	ponchasi officier de la chine.	44
philippines, isles.	325	pont de Taugoa.	174
philippines où situees.	325	pont de chincheo.	178
philippines par qui decouvertes.	326	pont admirable.	191
philippines pourquoy ainsi appelees.	327	portes des villes de la chine comme se ferment & ouurent.	61
philippines conuerties à la foy.	328	port d'armes à qui permis en la chine.	62
philippines fermes au Christianisme.	329	port d'armes à qui prohibé en la chine.	62
philosophie leuē en la chine.	92	portugais martyrisez à Samatra.	374
Pierre, où fut martirizé S. Thomas, fait miracle tous les ans.	377	poste de la chine.	73
		postillons de la chine.	73
		pourcelaines de la chine, & la maniere de les faire.	12

DE LA CHINE.

present du roy d'Espagne au roy de la chine.	130	princes de la chine où font leur demeure.	10
present du Gouverneur de Manille à Omoncon & à Sinsay.	155	princes de la chine quel , & à quoy s'occupent.	10
present fait aux Augustins en la ville de Tansuse.	170	prisons de la chine.	87
present de pieces de soye fait aux mesmes Augustins par le mesme iuge.	189	prisonniers de guerre com- me traittez en la chine.	64
present fait aux Augustins par le Gouverneur de chincheo.	184	prieuez & lieux communs ordonnez aux ruës de la chine.	17
presens & lettres des philip- pines presentez au gou- verneur de chincheo.	184	prophetie des chinois sur la reduction de la chine en la puïssance des chre- stiens.	54
present fait aux Espagnols par le Gouverneur de Me- goa.	18	prognostique des chinois sur leur future suiection.	54
present de fruits & constitu- res fait aux Augustins par vn Capitaine d'Aucheo.	188	prognostique de la conuer- sion des chinois.	132
present de soye fait aux Au- gustins par le Viceroy d'Aucheo.	213	prouinces de la chine , en quel nombre.	13
presens du Viceroy d'Au- cheo aux Gouverneurs & maistre de camp de Ma- nille.	21	prouinciaux d'ordre en la chine.	37
present & lettres d'un reli- gieux obseruantin enuo- yez au roy de Cochinchine.	361	prouoyance du Roy de la chine en la tuition de son royaume.	61
present du Roy de Cochinchine audit religieux obseruantin.	361	Q Vanina , idole de la chine.	28
prieres pour les trespassez vifites en la chine.	38	Quantey, roy.	51
prieres des conuens & mo- nasteres de la chine.	38	Quel liure premier imprimé en Europe.	106
		Queste des religieux de la chine.	38
		Quicheu prouince de la chine.	13
		Quicheu prouince combien a de villes.	14
		Quicheu prouince, combien a de tributaires.	58
		Quicheu prouince, combien	

INDICE DE L'HIST.

a de gens de guerre.	66	Riuere des conches au nou-	
Quires , prouince au nou-		veau Mexique.	321
veau Mexique.	315	Roy de la chine où reside.	14
Quiontey roy.	52	roy de la chine tient plu-	

R

R Ancherias ou maisons		roy de la chine estit les Ge-	
châpestres des con-		neraux d'ordre.	37
ches.	308	roy de la chine entretient	
Religieux de la chine.	38	les Generaux d'ordre.	37
Religieux de la chine com-		roy de la chine seruy de	
me mendient.	38	femmes.	55
Religieux de cloistre en la		roy de la chine sort raremēt	
chine semblables aux no-		de son palais.	56
stres.	38	roy de la chine comme gar-	
Religieux de la chine font		dé des soldats.	55
des prieres à minuiet.	38	roy de la chine combien ri-	
Religieux de la chine peu-		che.	59
uent sortir de religion.	38	roy de Bengale enuoye cer-	
Religieux de la chine font		cher le Paradis terrestre.	
chastes.	38		375
Religieux de Sian.	168	roy de Bisnague honore le	
Religieux de Sian de quelle		corps de S. Thomas.	377
penitence vsent.	168	roy de Bisnague comme or-	
Religieux de Sian font des		donne sa despenſe.	377
prieres à minuiet.	368	roy de cambaye affection-	
Religieux de Sian respectez.		né au christianiſme.	368
	368	roy des Abissins dit Prete-	
Religions de combien de		iam.	386
sortes differentes en la		royaume du poyure.	383
chine.	37	rûbis infinis aux brachma-	
Religions de la chine distin-		nes.	2
guees en couleurs.	37	ruës des villes de la chine.	
Religions de la chine gou-			17
uernees comme les no-		ruës des villes de la chine	
stres.	37	distinguees selon les me-	
Riuieres de la chine.	8	stiers.	25
Riuieres affluẽtes en or.	294	ruë excellente de chincheo.	
Riuere d'argent.	299		178
Riuieres des vaches au nou-		ruë excellente de canton.	
veau Mexique.	321		273

russie , pays guidant à la
chine.

foo
Sacrif

DE LA CHINE.

S

Sacrifice d'hommes en		en la chine.	57
Pile des Larrons.	324	sentences des visiteurs de la	
Sales du palais royal de la		chine executaires sans ap-	
Chine.	55	pel.	86
Sale de fonte.	55	sentences de mort comme	
Sale d'argent.	55	executees en la chine.	89
Sale de fin or.	55	serment des Auditeurs du	
Sale du roy de la chine	56	cōseil royal de la chine.	72
Sales deputees aux ambassa-		seuerité des Iuges de la chi-	
des.	56	ne.	336
salmaque vniuersité d'Espa-		fian, royaume.	368
gne.	302	fianois charitables & aumos-	
sanarant, ville capitale des		niers.	368
Mogores.	2	fichia, idole de la chine.	28
samirre dite autrement Ta-		siege des Auditeurs du con-	
probane, isle.	373	seil royal de la chine.	71
saint Anthoine de pade ad-		siluestre, religieux Iacobin,	
uocat des choses perduës.		conuertit le peuple de	
265		cambayer.	367
saint Anthoine.	297	sinquian, saint de la chine	
s. Iuan de Lua, port.	298	auteur de la vie claustra-	
saint Thomas Apostre a pas-		le.	38
sé par la Chine en allant		situation de la chine.	2
aux Indes.	25	siuola, dite autrement Zuny,	
s. Thomas Apostre, a pres-		prouince au nouueau Me-	
ché en la Chine.	25	xique.	316
s. Thomas Apostre, où mar-		soin & preuoyance du Roy	
tirisé.	25	de la chine en la tution	
sancijou saxij, prouince de		de son royaume.	61
la chine.	13	sofy, ou suly, Roy de Perse.	
sancij prouince, combien a		386.	
de villes.	14	sofy, amy aux princes chre-	
sancij prouince, combien a		stiens.	386
de tributaires.	58	soleil tenu pour vn homme	
sancij prouince, combien a		par les chinois.	351
de gens de guerre.	68	sorts & sortileges vstez en	
saucheofu, ville.	41	la chine.	30
sauf conduit comme donné		sorts & sortileges de com-	
aux ambassadeurs à la chi-		bien d'especes.	31
ne.	121	sotoc, tyran de la chine.	51
seigneurs de vassaux nuls		soldats de deux sortes en la	
		chine.	63

INDICE DE L'HIST.

soldats nommez Com.	63	de tributaires	58
soldats nommez Pom.	63	susuan prouince, combien a	
soldats de la chine exempts		de gens de guerre.	65
de tribut.	58	sutey, roy.	52
soldats gardent les portes			
des villes.	62		
soldats de la chine comme			
s'exercent aux armes.	63		
soldats de la chine quelles			
armes portent.	64		
soldats de la chine comme			
payez & soudoyez.	64		
soldats en quel nombre en			
la chine tant à pied com-			
me à cheual.	65		
soldats de la chine succe-			
dent à cest office de pere			
en fils.	62		
soulde des soldats de la chi-			
ne.	64		
stratageme des chinois en			
guerre.	63		
stratageme des Iapponnois			
à prendre la ville de Ma-			
goa.	190		
stratageme du coursaire Li-			
mahon.	220		
suntien ville, dite autrement			
Quinsay.	14		
suntien ville, dite autrement			
Taybin.	54		
suntien ville, combien peu-			
plee	55		
suppliques vstitez en la chine.			
89			
supputation totale de la gen-			
darmerie de la chine.	65		
susuan, prouince de la chine.			
65			
susuan prouince, combien a			
de villes.	14		
susuan prouince, combien a			

T

T Ables de festins cōme	
ordonnees en la chine,	
104	
Tac, monnoye de la chine.	
60	
Tangoa, ville dite autrement	
Coam.	173
Tanhom pose le nom à tou-	
tes choses creées.	34
Tahom doué de science in-	
fuse.	34
Tanquan, idole de la Chine.	
27	
Tautey.	51
Taprobane, dite autrement	
Samatre isle.	373
Taprobane, estimee estre	
l'isle d'Osir.	373
Taprobane, isle riche & fer-	
tile.	373
Tartares, proches voisins de	
la Chine.	3
Tartares separez d'auec les	
Chinois par vne muraille.	
3	
Tartares, iadis ennemis des	
Chinois.	3
Tartares ont iadis passédé	
la Chine.	3
Tartares à present amis aux	
Chinois	3
Tartares, comme coulourez	
de visage.	3
Tartares comme vestus.	3
Tatares viuent de chais	

DE LA CHINE.

crüe.	3	Terre de labeur, region Sa-	
Tartares croyent l'immor-		prentionale.	299
talité de l'ame.	3	Teste de porc cuite & en-	
Tartares obeissans à leurs		fucillee s'offre aux Idoles	
peres.	3	de la Chine	31
Tartares croyent vn seul		Thresorier du roy de la chi-	
Dieu.	3	ne, de quel pouuoir.	74
Tartares quelle queste font		Tibuc, officier de la chine.	
à Dieu.	3		77
Tartares ont vn dieu de la		Tiburons poissons.	296
terre,	4	Tigna's, prouince au nou-	
Tartares mentent rarement.		ueau Mexique.	306
	4	Timpintao, officier de la	
Tartares obeissent à leur roi		chine.	261
	4	Timpintao se rit du Cruci-	
Tartares dociles à l'art mili-		fix des Obseruantins.	262
taire.	4	Titres arrogans du Roy de	
Tartares symbolysent avec		la chine.	54
les Chinois.	4	Tiù, officier de la chine.	
Tartare reconnoit pour su-			191.
perieur le Roy de la Chi-		Tobosc, prouince au nou-	
ne.	61	ueau Mexique.	309
Taurzon, roy.	51	Tolanchia, prouince de la	
Taybin, ville royale, dite au-		chine.	13
trement Sunrien.	62	Tolanchia prouince, com-	
Tayn, saint de la Chine.		bien a de villes.	14
	33.	Tolanchia prouince, com-	
Tain, plein de sçauoir.	33	bien a de tributaires	58
Tayn separe le ciel d'avec la		Tolanchia prouince, com-	
terre.	34	bien a de gens de guerre.	65
Tayn crca les premiers hō-		Toláchia, prouince la mieux	
mes premieres femmes.	34	fournie de gendarmes.	77
Tayn destruit le genre hu-		Toco, roy.	52
main	34	Tontay, officier de la chine	
Teiquã, idole de la Chine.	27	Toreaux de la chine. ont les	
Temple d'Aucheo de cent		cornes recourbees en ar-	
douze idoles.	30	riere.	176
Temple ou pagode de Coro-		Taureaux de la chine com-	
mandel bien renté.	378	me labourent.	176
Tepin, roy.	53	Torture & gesne de la chine	
Tequisy, officier de la chine.			83.
	273	Torture & gesne de deux	

INDICE DE L'HIST.

fortes en la chine.	8	Tzia officier de la chine.	78
Totoc, officier de la chine		Tzintzon roy.	51
75		Tzintzon roy autheur de la	
Tour admirable de Fucheo		fameuse muraille de la	
18.		chine.	51
Tourmente aucune aux Ob-		Tzintzon roy tué par ses fu-	
seruans en reuenant de la		icts.	50
chine.	184	Tzentzumi roy.	52
Tozo, roy.	5	Tzobutyrant.	52
Trente mille riuieres & ruis-		Tzuy, roy.	52
seaux au royaume de la		Tzuikiam, idole de la chine	
Vegue.	294	27.	
Trantheyco, royaume.	28	V	
Tribut de la chine pour re-		Vaillatise des Espagnols	
ste d'homme.	58	aux grans perils &	
Tribut du roy de la chine en		dangers. 1. 3. en la 1. part.	
or, argent, perles, pierre-		Vaisseau en quelle abon-	
ries, musc, ambre, blé, &		dance en la chine.	113
autres grains.	59	Vegue royaume.	294
Tricon, nom de General		Venise ville.	300
d'ordre en la chine.	37	Viandes cruës se portent au	
Trinité representée en la		logis des conuiez à l'issuë	
chine.	25	du festin.	189
Troncon roy.	52	Viandes seruies aux Augu-	
Trüschemans des Obseruan-		stins au festin de chin-	
tins en querelle l'un con-		cheo.	188
tre l'autre.	166	Viandes cruës portées aux	
Truchemans falsificateurs		logis des Augustins à l'is-	
comme profitables aux Ob-		sue du festin.	189
seruans.	242	Viandes enuoyées aux Au-	
Turan officier de la chine.		gustins par le Viceroy	
7.		d'Aucheo.	93
Tutucurin royaume.	3 2	Villages infinis en la chine	
Tutucurins comme se tuent		1.	
sous pretexte de deuotion.		Villages en la chine combi-	
3 2		grands.	14
Tutucurins difficiles à con-		Villes de la chine comme	
ueruir.	3 2	murees.	14
Tym, roy.	52	Villes capitales comme gar-	
Tyrannie des magistrats de		nies de prisons	8.
la chine. 51. en la 2. part.		Villes capitales pourueues	
Tzentzey, roy.	51	de president & conseil de	

DE LA CHINE 41

Ec 3

INDICE DE L'HIST. DE LA CHINE.

Zeilan, isle en quoy abonde	76	Zone torride habitee contre	
381		l'opinion des anciens.	301
Zeillanois conuertis.	382	Zuni, prouince au nouveau	
Zeillanois desirent estre		Mexique, dite autrement	
Chrestiens.	382	Siuola.	116
Zempau officier de la Chine.			

FIN.





I
DESCRIPTION
DV GRAND ET RE-
NOMME' ROYAYME DE
LA CHINE,

Nouvellement mise en François.

LE pays des Sines, au iourd'huy nommè la Chine, estant le bout de l'Asie, est borné de l'Océan au Leuant & au Midy, s'estendant iusques à l'Inde haute au Midy, & clos au Septentrion des confins des Scythes, & Massagètes. Les Annales, chartres, inscriptions & mesures antiques des Chinois, outre plusieurs peuples Indiens qui en tirent leurs noms, mōstrent assez que ceste nation iadis s'estendoit beaucoup plus auant qu'au iourd'huy. Mais comme leur grandeur & puissance ne seruist qu'à les harasser (comme nous lisons le mesme estre aduenu aux Carthaginiens) s'estant comme saignez de leur propre mouuement, apres auoir tranché les ailes à ceste trop grande estenduë, ils se confinerent dedans ces limites d'à present, avec rigoureuse defense de passer outre sans expres cōgé des Magistrats. Ils content à eux quinze royanmes ou prouinces de merueilleuse esteduë, avec autāt de villes capitales: six limitrophes de la mer neuf plus auant en terre ferme. La terre au regard de ce qui est cōprins dedās les bornes d'une plage tēpérée, est spacieusemēt eschaufée des rayōs viuifiās du Soleil d'oū vient qu'ayant le ciel descouuert & libre elle iouit d'un air fort doux, par consequēt est tres seconde, & deux ou trois fois par chacun an produit toutes sortes de fruiçts. Outre ceste notable fertilité, les payfans par leur trauail industrieux auancēt ceste benedictiō. Il y a une infinité de gēs au

Ec

pays où les femmes font force enfans, & n'est permis à per-
 sonne d'aller faire séjour ailleurs. Mais pourtant les oisifs &
 vagabonds n'y sont supportez: au contraire on les tient
 pour infames chacun les tance & huë sur eux: la coustume
 & les loix les condamnent. Ainsi ceux qui demeurent hors
 des villes ne laissent vn tout seul poulee de terre en friche.
 Les forests abondent en pins, les costaux en vignes, les plain-
 nes & campagnes en riz, orge, froment & autres grains.
 Vray est qu'on n'y fait point de vin de raisins, comme deçà
 mais ils ont acoustumé de confire les grapes & en faire re-
 serue pour l'hiuer. En eschange ils tirent vn suc de bon vsa-
 ge d'une herbe nommee Chia, qu'ils boient chaud, comme
 font les Iapponnois, Telle boisson les purge de phlegme, de
 pesantier de teste, de chassie & mal d'yeux: & ainsi viuient
 long temps, presque sans estre malades. En quelques en-
 droits ils n'ont point d'Oliuiers: mais la terre leur fournit
 d'autres plantes huileuses, au defaut des oliues. Aussi ont
 ils des gras pasturages pour leur bestail, & des iardins soig-
 neusement cultiuez, esquels se trouuent diuerses sortes de
 fruits semblables & dissemblables aux nostres, sur tout abon-
 dance de melôs saoureux, force bônes prunes & figues, de
 grenades & citrons de diuerse forme & saueur notamment de
 tres bonnes pommes. Outre plus les claires fontaines y cou-
 lent continuellemēt: on y void des roses & des fleurs de cou-
 leurs & odeurs agreables presque en tout réps: des riuieres
 qui portent grands bateaux, fourmillantes en poisson, fran-
 gees de riuages agreables, & qui trauesent plaisamment
 les fertiles campagnes. La coste de mer a des ports & hautes
 fort commodas pour y receuoir & enuoyer hors toutes sor-
 tes de commoditez à la vie humaine. Outre plus les estangs,
 boscs & forests fournissent vn nombre infini, de volaille,
 de gibier, de venaisons. Les habitans amassent de plusieurs
 mines quantité d'or, d'argent, d'acier, & d'autres metaux;
 On tire de la Chine vn nombre innombrable de perles, de
 vases de porcelaine, de forrures precieuses, de lin, de laine,
 de cotton, de soye, & de toutes sortes d'habillemens. Il s'y
 cueilt beaucoup de sucre, de miel, de rheubarbe, de cam-
 phre, de vermillon, de pastel pour les teintures. Entre les
 senteurs ils abondent en musc, pris de certaines bestes sem-
 blables à renardeaux, qu'ils font mourir à petits coups, puis
 les laissent quelque temps morts auant qu'en tirer ce qu'on
 appelle musc & ciuette entre nous. Somme, les Chinois

ne vont chercher ailleurs ce qui leur conuient pour se nourrir & vestir, ni ce qui sert à leurs delices & menus plaisirs. Par ainsi n'y a peuple sous le Soleil qui puisse se passer plus commodement des autres que celui de la Chine: d'autant que les Chinois vendent toutes sortes de marchandises, & n'achètent rien, si ce n'est du poyure des Indiens, pour saupoudrer & donner tant plus de goust à leurs viandes. Les estrangers estoient forclos de tout commerce au royaume de la Chine ne, sans l'auarice des Chinois infiniment conuoiteux d'argent, lequel ils preferent à l'or, & en amassent tant que possible leur est, & de celui qui se trouue és mines du pays, & de ce qu'on leur en apporte de dehors.

Ce ne seroit iamais fait, qui voudroit discourir des bastimens & de telles autres singularitez tant publiques que particulieres de la Chine. Il y a pres de deux cens villes de marque: vn tres-grand nombre d'autres moindres; Quant aux villottes & bourgades, aucunes desquelles sont composees de trois mille feux, y compris les villages, fort proches les vns des autres, il y en a tant qu'on n'en sçait point le compte. La pluspart sont en belle assiete, avec bonne fourniture d'eaux & deboix, & ne void-on presques autre chose par les campagnes que maisons haut esleuees de riches laboureux. Outre plus se presentent force maisons champestres, gentiment basties çà & là, pour le passer-temps de Nobles durant les chaleurs de l'esté: L'on n'y entend és riues touffuës des riuieres que gazouillis d'oiseaux, & le doux murmure des ondes pour le contentement des personnes ainsi logees; outre le plaisir des replats & pendans de montagnes, & les larges estendûs de la mer & des campagnes. Mais la beauté des villes est excellente à merueilles. Elles sont basties sur fleuves portans basteaux, & ceintes de fosséz larges & profonds, closes de murailles de pierres de taille de fond en cime, & de brique bien agencee part haut: dont les pieces sont de mesme argille que la vaisselle de porcelaine, & si proprement cimentees qu'en peu de temps elles durcissent tellement, qu'on ne peut mesmes à coups de pics & de marteaux les desfoindre. Ces murailles sont si espaises que du moins quatre hommes peuuent y cheminer de front ensemble, voire six en quelques endroits: outre les garites, galeries, eschauguettes & promenoirs cachez, ou les gouuerns sont rondes à plaisir: le parapet dedans & dehors estant si spacieux & libre, que six hommes de cheual y peu-

DESCRIPTION

uent marcher ensemble tout de front. Pour la commodité des bateries & defenses, il y a des tours & bouleuards proches les vns des autres, qui ont leurs sentinelles commodement disposees, & leurs cazemates propres. On trouue qu'il y a telles de ces murailles basties plus de deux mille ans ia passez, sans qu'il y paroisse creuasse ny declin quelconque; tant les voyeurs & controlleurs des bastimens publics sont soigneux qu'il n'y ait fente ny entameure aucune. Chasque ville notable est bastie comme s'ensuit: Il y a deux grâde & larges ruës droites, diuisees & miparties en croix, & longues autant que la portee de l'œil le plus vif se peut estendre; lesquelles aboutissent à quatre portes esgalement distantes, toutes garnies de fer, magnifiquement basties, dont l'aprophe & la veuë est merueilleusement agreable. Ces deux ruës croisees sont entrecoupees d'autres ruës & ruelles, & enrichies de bastimens publics & particuliers, qui seruent à la remarque des places & destours diuers. Aux deux costez des ruës s'auancent des portiques seruans à contre-garder les allans & venans, item les boutiques des artisans, contre les pluyes, & autres incommoditez de l'air. Outreplus on y void de grandes & belles arcades de pierres polies, & magnifiquement dressees, que les Gouverneurs font bastir avec diuerses inscriptions, auant que se retirer des villes apres y auoir serui le temps à eux preschit par le Roy. Es plus cōmodes & frequēts endroits de chasque ville se voyēt les superbes bastimens & logis des Gouverneurs, avec leurs beaux iardins, vergiers, fontaines d'eaux viues, & ruisseaux arroufant artificiellemēt les parterres pour le plaisir de tels Seigneurs, qui ont aussi leurs voliers, parcs, garēnes, bosquets, forests & plaisantes prairies: tellement qu'il n'y a palais de Gouverneur qu'on ne puisse comparer à vne ville. Les maisons des particuliers, aupres de la mer, sont basses: en terre ferme elles ont diuers estages, peintes en dehors, ou enduites d'un blanc clair & net au possible. A l'entree se void un porche spacieux, & ouuert, garni d'armaires proprement agencees, qu'ils remplissent d'idoles & marinoufets: en apres se voyent des viuiers pleins de poissons, & des iardins au haut des maisons. Les pierres des bastimens sont exactemēt polies, & tellement enduites, qu'on diroit qu'elles sont dorees. Le couuert est poli de mēme, & cimenté si proprement que les pluies n'y nuisent en rien & cestoiets là durent plus de cent ans les goutieres estans faites de marbre ingenieul

ment elabouré. Au deuant des portes des maisons sont plan-
tez des arbres tousus & verds, par ordre & compas, si plaisans
à voir, que les yeux plus las & foibles s'en sentent incontim-
ment recreez. Or outre que plusieurs de ces villes sont tra-
uersées de grands fleuves, il y en a aussi d'autres accom-
modées de canaux pour donner entree aux nauires des mar-
chans qui y chargent & deschargent force biens: comme il
s'en void en plusieurs endroits des pays bas, & en quelques
lieux d'Italie: y ayant des chauffées & leuees propres pour
cheminer aussi par terre: outre les beaux ponts de pierre,
tant es villes, qu'en beaucoup d'endroits de la compagne.
Quant aux fleuves, qui s'enflent & haussent tellement qu'on
ne peut y planter des paux ou bastir des arches, on dresse
dessus des ponts de basteaux. Si les eaux croissent de sorte
que tels ponts se destendent, les bacs ordonnez par le Roy
passent gratuitement les voyageurs. Le public donne ordie
que les creux trop profonds, les ouuertures de terre, les che-
mins marecageux ne puissent retarder les passans. Quant
aux chemins par les montagnes & lieux pierreux, ils sont
larges, les roches y ayans esté taillées, avec telle adresse &
despense, que la magnificence Romaine n'a point d'auan-
tage sur la Chinoise en cest endroit. Combien que les Chi-
nois soient pauvres idolatres, qui ne sçauent que l'est du
vray Dieu, si ont-ils des temples, des clochers & bastimens
hauts, esleuez, fort spacieux & magnifiques. Hors des villes,
sur tout maritimes, on void des fauxbourgs superbement
bastis, qui ont de belles grandes rues, où sont les tauernes &
hostelleries pour les marchans estrangers. Là se trouuent
outre les boissons delicieuses à la coustume du pays toutes
sortes de viandes cuites & cruës, item des pastisseries exqui-
ses, & autres telles friandises.

SELON que les Chinois & autres peuples voisins appro-
chent du Septentrion ou du Midy, ils se montrent blancs ou
bazanez: sont camus, ont les yeux fort petits, la barbe clai-
re, les cheueux longs qu'ils agencent soigneusement, & les
amassant au coupeau de la teste en font vn tortis, serié d'un
clou longuet de fin argent. Tous ne portent pas chevelure
de mesme sorte. Les hommes à marier portent le poil trouf-
fé dessus le front, les mariez le laissent pendre sans le rele-
uer: & c'est la principale difference entre ces deux sortes de
gens. Les principaux, les riches, les gens de guerre, sont ve-
stus de soye de diuerse couleur: les artisans, les pauvres se

courrēt de l'in, ou de cortō, car ils n'ont point de tisserrans de laine, encore qu'icelle abonde en la Chine. Ils vsent de sayes plissēz à l'ancienne mode d'Espagne: les pans larges & estendus, les manches amples, bouclez & agrafez au costé gauche. Par dessus ils sont couuerts d'une longue robe, brodee sur le milieu au regard des Princes du sang, ou des personnes esleuees en grande autorité: mais quant aux autres ils se contentent d'une broderie en bas. Ils portent des bonnets hauts & ronds, tissus de fil noir en forme de passement estroit. Leurs chausses sont fort bien faites, & leurs souliers pareillement, ayans le dessus de soye. En huer ils portent des habillemens fourrez de martres Subelines, dont aussi ils portent des couurecols proprement faconnez. Les fenestres de leurs chambres sont closes de vitres contre l'effort des vents Pour remedier en quelque sorte aux vehementes chaleurs de l'esté, ils s'aident du moyen qui s'ensuit. Ils creusent assez auant en terre quelques caueaux, d'où ils donnent air aussi fort ou foible que bon leur semble, & par merueilleux artifice, en tous les endroits de leurs maisons. Les femmes y sont fort occupees à s'attifer. Apres auoir longuement pigné & tortillé leurs cheveux, elles les lient en touffe au faiste du chef, avec une bande couuerte d'or & de pierres precieuses. Le reste de leur parement est supportable. Elles cuident au reste que le principal de leur beauté consiste à auoir les pieds estroits & courts. Les Damoiselles qui se comportent chastement sont fort estimees: on les void peu, ni ne sortent en public que portees en chaire à bras, couuerte de lin, où se voyent des petites fenestres treillissées de bastons d'yuoire aux deux costez. Leurs esclauues sont ceseruiue, & plusieurs de leurs domestiques les accompagnent. Les adulteres, tant hommes que femmes, perdent la vie. En traitant mariage, l'homme porte doüaire à la femme, non la femme à l'homme. Il n'y a qu'une femme, qui est la legitime espousee qui tient nom & rang de mere de famille: Les concubines en sont eslongnees, & nourries en logis escartez. Quant aux femmes prostituees (esclauues pour la plupart) elles ont demeure assignee és fauxbourgs des villes.

Ils content leurs annees par douze lunes, en telle sorte que de trois en trois ans ils adioustent vn moins lunaire au troisieme an: & commencent l'an à la nouvelle Lune de Mars. Ils font lors une feste solennelle, comme aussi le iour

de leur natiuité qu'ils celebrent és maisons, enuoyans les uns aux autres des estreines & presens, font des banquets somptueux, & de nuit representent des jeux magnifiques. là se iouent des comedies & Tragedies, où rien n'est esparagné. Ce sont poësies composees à plaisir, ou histoires anciennes. Puis il s'y trouue des fauteurs, bateleurs, ioüeurs de farces, & de tours de souplesse. Les parois, les portaux sont tapissez de verdure, de roses, de tapis precieux: les ruës parfumees de senteurs, paucees de fleurs odorantes. On ne void que falots & flambeaux, les arbres, les treilles, les fenestres sont comme en feu: toutes les ruës retentissent au bruit des instrumens musicaux, des flustes, & des voix entremeslees. L'ordre de leurs banquets est tel. On conuie force gens. Chacun a sa table. Si l'on met deux personnes en vne table, c'est le plus. Ceste table est de bois luyfant comme ebene, madié de figures de bestes sauuages, & marquee de certains filets d'or ou d'argent entrelassez fort dextrement; ourrage particulier aux Chinois, hommes industrieux à merueilles. Ceste belle marqueterie sert de nappe, la table garnie de paremens de foye pendans iusques en terre. Les conuiez sont assis en des chaires à dos, garnies de coussins propres à reposer aisément. Estans en tel estat, on apporte premierement des corbeilles fort iolies & couronnees de chapelers de fleur, chargees de fruits au long des bords. Au dedans sont les viâdes. Or combien que les Chinois abondent en volaille, venaison, poisson de coquille & d'escaille, voire en toute mangeaille delicate, exquise, & assaisonnee autant que la friandise scauoir desirer, si est ce que les mets plus estimés sur les tables de grans & petits est la chair de porceau: & n'y a viande dont il se face plus de bonne chere entre eux que de celle là. Ce sont gens si delicats qu'ils appellent lourdisse de porter des doigts à la bouche leur viande. Ils s'aident de poinçons ou de fourchettes d'or & d'argent, pour prendre les morceaux coupez menu & les aualer, sans y toucher des mains. Ils boiuent à diuerfes reprises en petits gobelets, pour estancher leur soif, & avec, beaucoup de ceremonies prouoquent les cōuiez à leur faire raison. Ce temps pendant les valets en grand silence & par bon ordre seruent & desseruent: & à chaque mets on change de tout meuble de table. Les hommes mangent à part, & les femmes (dont les maris sont extrêmement ialoux) en chambre ecartee. Quand à leurs salutations, le menü peuple y procede ainsi,

Ils serment la main gauche & couure de la droite : puis ils portent plusieurs fois les mains a la poitrine, & accommodans les paroles a la contenance demonstrent qu'ils aiment intimement l'ami qu'ils saluent. Les riches & principaux estendans & courbans leurs bras en forme d'arc, puis entrauens les doigts des mains les vns entre les autres font vne profonde reuerence, & par beaucoup de paroles courtoises s'efforcent de se preuenir par honneur.

L'ON ne void presques que gens de boutique & artisans sedentaires, chaque mestier ayas sa rue a part. Ce sont hommes fort ingenieux en l'art de peinture, sculpture, fonderie, poterie, du tour, de l'esmail. Ils scauent fort bien mettre en oeuvre l'airain, le fer, l'argent, l'or, & tous autres metaux : le bois pareillement : & pour les fourneaux de leurs forges, n'ont besoin d'homme qui hausse & baille les soufflets, ayas inuenté certaine sorte de tuyaux si bien agencez, & receuans l'air de quelques creux par tel contrepoids, que iamais ils n'ont faute de vent. Ou ils inuentent d'eux mesme plusieurs arts & sciences nouuelles, ou retiennent & comprennent incontinent ce que les estrangers veulent leur en apprendre. C'est chose bien auerée que l'imprimerie & l'artillerie avec toutes leurs dependances (inconnues a l'Europe par tant de siecles, & qu'on y a introduites depuis quelques centaines d'annees seulement) ont esté d'age immemorial vstées entre les Chinois. Ils ont vne inuention en fait d'artillerie, d'en fondre certaines, qui se desmontent par piéces, lesquelles sont aisément portees par bestes de voiture, ou portefaix, là où besoin est sans aucune difficulté. Pour escrire, ils s'aident de longues fucilles de papier fin au possible, tirans les lignes, non de la gauche a la droite, comme les Grecs, Latins, & autres peuples de l'Europe, ni de la droite a la gauche, comme les Hebreux : mais du haut de la page en bas. L'on a veu deux volumes imprimez de telle forme en lettres Chinoises, qui sont l'un en la bibliotheque du Pape a Rome, l'autre en celle du Roy d'Espagne a Escorial. Leurs lettres ressemblent aux hieroglyphiques des Egyptiens. Chacune signifie vn mot, & par fois des perio-des entieres, voire des sentences completes : dont auient que les Chinois, qui pour estre eslongnez les vns des autres, a cause de l'ample estenduë de tant de provinces ont diuers langages (comme il y a grand' difference entre le vulgaire Gascon & le François) entendent bien rûtesfois ce qui est

DE LA CHINE.

contenu dedans les liures imprimez. Outre le parler cōmun au peuple, & particulier en chaque prouince, les hommes sçauans en ont vn qui leur est propre, comme seroit le Latin entre les François. Ils l'appellent le mandarin, familier aux courtisans, aux Secretaires, aux Iurisconsultes, aux iuges & Magistrats. Tous ceux là s'y addonnēt fort curieusement. On n'y void presque personne vagabonder & battre inutilement le paué des rües. Les manchots, mutilez infirmes & impotens, qui ne peuuent gagner leur vie, sont par le Magistrat baillez en charge à leurs parens & alliez. Au defaut d'iceux, ou s'ils sont pauvres eux mesmes, apres exacte connoissance de la necessitè de telles personnes, on les conduit & loge en l'hospital du Roy. Si les aueugles n'ont moyen de viure du leur, on leur fait tourner la meule: les estropiez sont employez à autres seruices, selon leur portèe. Brief la caignardise & faineantise est chassée de ces pays là. Quant aux chemins ils les distinguent comme s'ensuit. Ils l'appellent en leur langage la plus petite mesure, Li, qui contient vne huchee, c'est à dire, autant de pas qu'on peut faire en chemin vni, en temps calme & serein, tant que le cri d'un homme appellant l'autre se peut estendre. Dix de ces mesures sont vn Pu, qui respond à vne grand' lieue d'Espagne: & dix Pu font la iournee entiere, nommee entr'eux Y CHAN. En leurs voyages, outre les montures diuerses, ils employent des chariots, liètieres & carosses, trainees par cheuaux attellez, ou poussees à vents & voiles desployees en rase campagne, & quand la saison y est propre. Les charotons & cochers ne sont pas moins experts & entendus à conduire leurs coches à quatre rouës à l'aide du vent, que les pilotes leurs vaisseaux: car sur terre ils sçauent d'un coup de pied accommoder leurs voiles au vent, & faire dextrement rouler leurs chariots. En l'achat des marchandises ils ne s'aident de pieces de monnoye: mais pour preuenir & auancer toute fraude, ils achètent & vendent à poids d'argent cizaillé: pour lequel effect ils portent en leur sein des eizeaux propres & vn tresbuchet bien aiusté dedans vn estui de bois. S'il est question de poids pesant, ils ont en leurs maisons des balances & poids à la marque Royale: & ne battent monnoye que de pieces de cuiure de la valeur d'un liard, perquisees & enfilees ensemble, qui seruent au supplément de l'argent pesé, ou pour acheter de menues denrees. Iamais ils ne mesprisent ni laissent chose quelcōque, pour petire &

ville qu'elle soit, s'ils peuuent en tirer quelque auantage & commodité. Les balieures des ruës & les ordures des latrines seruent à l'engrais des terres: les vieux linges aux papiers pour les Imprimeries, les os des chiens aux cousteliers & autres artisans qui sçauent les mettre en œuvre. Les vsuriers, pestes de l'estat public, surpris en leur iniquité, sont entr'autres punitions reprimez par fortes amendes. Il est permis seulement au impotens & aucugles d'entre le menu peuple de prester quelque argent à interest, pour se subuenir. Tout marchand est contraint d'auoir vn tableau à l'entree de sa boutique, contenant par le menu les noms des marchandises qu'il a en sa puissance: & les espiciers sont tenus d'estaller quelque piece de toutes les sortes de leurs drogues, que les commis sur la police visitent soigneusement, n'estant permis aux apothicaires d'en faire compositions qu'en vrgente necessité ni de faire reserve & garde d'icelles compositions. Ils nourrissent & esleuent avec diligence exacte des oyseauy ausquels ils apprennent à parler & sauteler en diuerses sortes, vestus & parez fantasquement, outre leurs couleurs naturelles.

Leurs arsenaux, attelages & equippages de marine sont presque incroyables, tant il se treuve de femmes qui leur fournissent abondamment de la matiere de lin & de coton outre le bois, la feraille, & tout ce qui est requis pour le cōpliment d'un nauire. Ils appelleut Ioncs leurs plus grands vaisseaux qui ne vont que de voile. Aucuns d'iceux sont equippez pour la guerre, ayans en poupe & en prouë des hauts chastelets: les autres sont plus bas & seruent à porter les marchandises & matieres pesantes. Aussi ont il d'autres vaisseaux nommez Lantes, Bançons, & Longs. Chaque Lante vogues à douze rames longues, six d'un costé & si de l'autre: & en chacun banc y a quatre ou six hommes pour tirer à la rame. Le Bancon n'en a que moitié d'autant. Quant aux Longs ils ont quelque rapport avec nos galleres: mais ils ne sont propres que pour voguer sur les riuieres, ou pour les traueses d'icelles. On void d'autres vaisseaux qui ne seruent presque qu'à l'esbat des riches au long des riuages, ayans les poupes, les chambrettes, les fenestres treillissées, les portiques, tous garnis & couuerts d'or & d'argent: puis les iardins de plaissance au haut des vaisseaux, presque en despit de la mer. Somme, il y a tel nombre de nauires de diuerses forme & grandeur, que suruenant quelque necessi-
té sou-

réfoudaine, les Amiraux & intendans de la matine peuuér armer & mettre à la voile presque en vn instant quinze cens Ioncs ou vaisseaux de guerre. En toute saison de l'année ils ont des flottes prestes en diuers ports, afin de nettoyer les mers & donner la chasse aux coursaïres qui les esgument. Ces flotes sont tenuës de rendre le commerce ouuert, seur & libre aux marchans & pilotes de toutes nations: mais au grand auantage de tout le Royaume de la Chine. Ils poissent les carenes de certaine sorte de godrâ fort propres à calfeutrer, à empescher la vermoulure, & à tuer les animaux qui percent le bois. Pour espuiser vn ionc, ils y appliquent en dedans pres du tillac vne pompe garnie de plusieurs petits vaisseaux avec tel artifice, que le premier qui se trouue là remuant doucement les pieds l'vn apres l'autre, en peu d'heures met la sentine à sec. C'est chose incroyable du nombre de leurs basteaux de riuere: attendu qu'en iceux demeurent plusieurs familles entieres: les vns y trafiquent, les autres y cuisinent & nourrissent les passans: les autres y exercent diuers mestiers: rien ne deffailant à la vie humaine en ces maisons flottantes, comme si c'estoyent des rues entieres branflantes sur les eaux: tellement, qu'on y trouue autant de commoditez qu'es villes plantées en terre ferme. On trouue dedans ces basteaux gens qui nourrissent force volaille, sur tout des canards à grandes troupes: ce qui leur est aisé: car en lieu de bailler à la femelle les œufs à couuer, ils les accommodent si proprement en lieux chaleureux, qu'ils en voyent esclorre des petits autant que bon leur semble. La nuit venue ils contiennent & serrent toute leur volaille es basteaux; dès le point du iour ils les laschent pour aller paistre es campagnes abondantes en riz. Là pour le grand soulagement des payfans, ces oyseaux se nourrissent des herbes nuisantes au riz, semé. Sur le soir au son d'vne eloché ou d'vn tambour, ils retournent au vol en leurs basteaux. Les barquettes & nasses fournissent aux habitans en terre, force poisson d'eau douce & de mer aussi, par l'ordre qui s'ensuit. Au printéps, lors que les neiges & pluies font enfler les riuieres, & que les poissons de mer accourent par troupes aux emboucheures d'eaux douce, pour frayer plus à laise, on void venir des contrees voisines des armées de gens, allechez du gain qui se presente en la pesche qu'ils font avec leurs filez de ceste abondance de poissons de mer. Les pescheurs en eau douce

acherent lors à vil pris force bons poissons des mariniérs puis ils enserrent leur achat en des nasses bien proprement couuertes & empaquetees de parchemin poissé, changeant d'eau souuentefois, & baillans quelque mangeaille à leurs poissons les transportent auant en terre ferme, d'où ils les deschargent en des reseruez viuiers & larges fosses des villes, où on les pesche pour fournir tout au long de l'an les tables des riches. Pour les prendre, entre autres adresses ils en ont vne bien gétille. Ils nourrissent des corbeaux priuez fort grâds & accoustumez à viure de poissons, lesquels ils serrent par le col d'un laqs coulant vn peu lasche, tellement qu'ils peuuent engloutir vn poisson, mais non l'aualer. Lachant ces corbeaux ainsi equippez, on les void se plonger d'adresse merueilleuse au fond de ces viuiers & fosses, où ils aualent les petits poissons en la gorge, & prennent les gros en leur bec; puis s'en retournent d'où ils ont esté laschez: alors on leur oste la proye, & leur en donne-on curee cōuenable. C'est à quoy les magistrats passent volontiers vne partie du temps.

Il se trouue beaucoup de chinois qui s'adonnent fort à l'estude: mais peu se iagent à la medecine, à la philosophie, & à l'astronomie. Ils ont des loix esrites il y a plus de deux mille ans, demeurez telles qu'en leur commencement, comme ces gés le maintiennent. Or pource que telle iurispudence est la porte pour entrer aux honneurs & charges publiques, plusieurs traueillēt fort apres: & ne font autre chose que disputer entr'eux d'affaires politiques, des moyens de gouuerner l'Estat: & quād l'occasiō s'en presente ils s'en enquierēt fort curieusement des estrangers qui arriuent en leurs portes. Le Roy entretient liberalemēt les Academies, professeurs presque en toutes les villes. On choisit es petites escholes les enfans & ieunes hōmes bien auancez, qui sont enuoyez en ces Academies, où ils ont des inspecteurs, lesquels descourans des escholiers desbauchez ou lasches se contentent pour la premiere fois de viues remonstrances & reprehensions: à la seconde les chastient: à la troisieme les chastient ignominieusement: accouragent & hautlouent ceux qui font bien leur deuoir. D'auantage les cent-seurs ordonnez par le Roy font de trois en trois ans la visite publique des Academies, où ils font des tentatiues & promotions solennelles comme s'ensuit. En toutes les plus celebres Academies du royaume on void de grandes sal-

les garnies de tables & de bancs. On appelle en l'vne d'icelles les escoliers des autres prouinces, lesquels on fouille soigneusement, pour empescher qu'ils portent aucun liure. Du matin ils sont enfermez en salle, n'ayant rien en main que leurs tablettes. Les censeurs leur dictent alors sur le champ quelques theses de l'estat public & du royaume, ité des differens entre les particuliers. Les portes sont closes, & les escoliers veillent de pres, afin que selon l'adresse de leur esprit ils respondent & resoluent ce qui leur est proposé: a quoy ils trauaillent tous de grand courage, estât lors question de l'honneur & de l'auantage pour toute leur vie. Sur le soir ayans baillé leur tasche ou composition, au deslous de laquelle est leur nom, leur parentage & demeure, on ouure les portes, & donne-on congé à toute ceste iuunesse. Puis les censeurs examinent à loisir toutes ces responses: & du grand nōbres des escoliers de ses diuerses Academies par eux vistres, en mettent à part premierement trois mille: puis au deuxiesme examen n'en retiennent que trois cens: & au dernier choisissent nonante d'entre ces trois cēs qui sont les plus doctes, & estimez la fleur les autres, sans y en adioster d'auantage. Car c'est la coustume d'en rooller en ce temps prefix vn tel nombre de Iurisconsultes, pour rē-placer les vacātes du royaume. Apres cela on assigne iour auquel vn officier public à haute voix les noms des escoliers nōs promus. Alors se fait vn nouuel amas de tous costez, & en presencē de tres grand nombre d'hommes, apres longue harangue ces Nonante sont honorablement gradez, & appelez Maistres. Ce iour se passe en pompe & en solennité de ieux & de festins. Les nouueaux Maistres montrez sur cheuaux richement equipez & acompagnez de tous les Estats, qui les reuerent en grand ioye, font leurs monstres par la ville, où telles promotions se sont faites. Puis on les enuoye en Cour, où le Roy les fait escrire au liure des Loyrias, principal tiltre de Noblesse entre les Chinois, & leur fait assigner pension annuelle conuenable à leur estat. Lors ces nouueaux maistres s'etr'acollent, & fōt grand estat d'estre du corps d'vne si honorable compagnie. De ce corps se prennent les iuges, conseillers & magistrats du Royaume. Ni les subtiles pratiques, ni les largesses & presens n'ont audience illec pour esleuer de la lie d'ignorance aux chaires d'hōneur les hommes indignez & incōnus: mais il faut auoir esté veu & esprouuē és basses marches, pour

monter par degrez aux charges.

P A R toute la Chine y a force petits iuges & administrateurs de iustice. En chasque ville capitale il n'y en a que cinq, qui y ont tres-grande auctorité. Ce sont estrangers, c'est à dire non point de ceste ville-là, afin que parmi les estrangers ils tiennent la balance droite, sans estre guidez de haine ou d'amour enuers acun. Entre iceux, du consentement de tous, est en premier degre de commandement & d'auctorité celuy qu'ils nomment le *Tuan*, lequel est comme lieutenant du Roy en toute la prouince, & a son palais à part, arriere de celuy des autres Gouverneurs, & beaucoup plut magnifique, comme aussi la dignité le requiert. Tous affaires d'importâce luy sont rapportez, dõt il resoult seul, puis en donne aduis par lettres au Roy. Il est secodé en honneur par le *Ponchas*, superintendant des finances, lequel obey de secretaïres & commis en tres-grand nombre, à l'œil sur les deniers patrimoniaux & domeniaux, sur les chambres des comptes du thresor, paye les pensions, recompenses & assignations de parties ordinaires, & extraordinaires & casuelles. S'ensuit *L'anchus*, iuge des causes ciuiles & criminelles, où il est assisté de conseillers d'estite : & c'est deuant ce Senat ou parlement qu'on vuide en dernier resort toutes les causes d'appel du royaume ou grande prouince, en la metropolitaine de qui tel Parlement a son siege ordinaire. *L'Aican*, manie les affaires de guerre, fait des leuees, pouruoit aux aprests de flotte, & auise sur tout que les estrangers ne glissent es villes ni en terre ferme. Il a cōme pour lieutenant, celuy qu'on appelle le *Leutis*, vaillant Capitaine, qui selon que l'Aitan ordonne, & comme la necessité le requiert, se met aux champs & conduit les troupes. On nomme plusieurs autres grands offices : mais quoy que s'en soit tous sont fort respectez, honorez & redoutez. Les susnommez, excepté le *Leutis*, ont pour conseil dix hommes tres-suffisans, de dignité differente : ceux du plus haut rang assis à main droite, place d'honneur en la Chine, portent le baudier d'or, & le chapeau iaune, qui est la liuree du Roy : les cinq autres assis à la gauche, ont la ceinture d'argent & le chapeau bleu. Si le president de la prouince y meurt, le plus ancien conseiller luy succede. De ce nombre de dix sont prins ceux qui par le commandement du Roy visitent la prouince. Et presidents & conseillers portent, sur la poictrine & autour des espauls vn serpent d'or trait : les

moindres officiers & autres particuliers, excepté le Capitaine du guet, n'oseroit en parler ni respondre à aucû de ces magistrats qu'auec vn genouïl en terre. Allans à la visîte de la prouince, ja n'est besoin qu'ils se soucient de chemin, de logis ni d'autres choses necessaires: suffit qu'ils soyent en leur equipage & suiuis de quelques domestiques. En toutes les villes y a des commissaires establis par le Roy, qui leur fournissent benignement tout ce que leur dignité requiert. S'ils aiment mieux loger chez quelques amis: on leur contre argent en lieu de viandes. Quand ils entrent en charge, plusieurs compagnies de gens de pied & de cheual, puis les autres estats des villes, leur viennent au deuant en grande magnificence, auec force musique, les conduisent en bel ordre par les ruës superbement tapissées: les bouquets, chapeaux & festons de fleurs, les parfums & senteurs exquises ne coustent rien alors, ains tout plaisir des sens abonde, & conduit on ainsi le nouveau magistrat en son palais. Là se trouuent les officiers & cômises de par le Roy, qui sans bruit quelconques fournissent tout ce qu'il faut de viande de meubles, & delices, selon que la maiesté du royaume le requiert.

Dans le mesme logis sont nourris ses domestiques, secrettaires, officiers & autres gens de la suite, aux despens du Roy, en chambres & salles propres: afin que ce Seigneur se souuienne qu'il a beaucoup de tesmoins & controlleurs de sa vie & de rous ses actions ordinaires.

Ils administrent iustice comme s'ensuit. Le Gouverneur monte & s'assied en vne chaire haute esleuee, où il demeure depuis le matin iusques au soir, fors quelques heures pour dîner: estant assisté des Iuges à sa dextre & senestre; puis enuironé d'une troupped'officiers prests à executer ses commandemens. Ceux qui viennent là demander iustice, introduits par les huissiers, se prosternent incontinent en terre, & de loin proposent leur fait à haute voix, ou presentent leurs requestes par escrit leuës par les Secrettaires. Apres consultation exacte, le gouverneur prononce, suyuant l'avis des assesseurs, son arrest est escrit par l'un des Secrettaires, & signé de la main du gouverneur, par certaine marque faite auec croye rouge. Toutes choses s'y debaten & vident à descouuert, estant defendu de parler bas, ou de chucheter à l'oreille l'un de l'autre, afin de fermer l'entree aux artifices & impostures qui fuyent la lumie-

re ils delayent & different en la vu idange des proces criminels, ni ne condamnent les coupables qu'apres l'ogues enquestes & fort exacte connoissance des faits: d'ot aduient que peu d'hommes en ce grand royaume finissent leurs vies par les mains des executeurs de iustice. Durat la cōfection des procez les criminels sont diligemment gardez en vn lieu spacieux, comme vne ville, close de murailles fort hautes, abondamment fourni de viures, de boutiques & de choses necessaires à l'vsage de la vie humaine. Ceste prison est gardee par grand nombre de soldats sous la charge d'un homme d'autorité, lequel en personne & par ses lieutenans fait reueuë tous les iours des soldats de la garde, ayant l'œil & l'oreille à l'erte, de peur que quelque prisonnier par intelligence avec ceux qui les veillēt, ne se face quelque ouerture oblique, ou ne se sauue à l'aide de quelques cordes, ou par autre moyen. La discipline pratiquée en l'audience & au regard de ceux qui son aupres & à l'entour du Gouverneur, est merueilleusemēt seuer. Tout murmure & moindre mesfait y est rudement reprimé. Pour flestrir de tant plus grande ignominie les delinquans, on leur met es mains vne sorte d'estendars, avec lequel ils se presentent à genoux deuant l'assemblée, puis selon le mandement du gouverneur ils sont rudement bastonnez, tellement qu'on rencontre plusieurs qui ont le visage tout gasté de coups & couuert d'emplastres: sans que pourtant ils soient reputez infames, la coustume du pays les en exemptant. Or quand ces Gouverneurs sortent en public, accompagnez de leurs gardes seruiteurs, & amis, d'ordinaire ils sont portez dedans vne chaire, & tiennēt l'œil cōtinuellement fiché sur vne seule chose, toute leur face & contenance cōposée à tristesse & seuerité a quoy on les façōne dès leur enfance. Ils sont suivis de cheuaux de parade, enuironnez de diuers parasols & poisses contre le Soleil procedé d'une bande d'officiers, d'ot les vns portent les bannieres royales les autres certains roseaux durcis au feu pour battre les delinquans condamnez: aucuns ont sur leurs espauls des masses d'argent: & y en a qui portent au eol vn tableau sur le deuant de leurs poisternes, enduit de blanc, & frangé de soye, sur lequel estescrite la commission & puissance du magistrat. Ces officiers marchans deux à deux escartent à grands cris le peuple amassé, dont partie se retire promptement dedans les maisons, le reste par honneur nettoye les ruës. Quand la iusti-

ce passe, on n'entend bruit quelconque: tant s'en faut qu'on ose importuner le Gouverneur, que mêmes il n'est permis de le regarder.

QUANT aux affaires de guerre, ils y prouoyent non pas tant par hardiesse & vaillance, que par nombre d'hommes, artillerie à force & belle discipline militaire. Outre les regimens extraordinaires, leuez çà là, selon que la nécessité le requiert, les villes sont munies de fortes garnisons: on renforce les sentinelles sur les murailles, & le Capitaine de guer a l'œil par tout: les gardes sont redoublez aux portes. Outre les barres & serrures, on les scelle tous les soirs de certaine marque imprimée en papier collé proprement, lequel il n'est permis leuer le lendemain, ni faire ouuerture des portes, que les commis sur cela n'ayent soigneusement reconnu le tout. Sur les frontieres du royaume on void force petites forteresses: mais du costé des Tartares il y a vne muraille fort espaisse & merueilleusement haute, qui a plus de deux cens lieues de long, aboutissant à deux montagnes d'incroyable hauteur. C'est vn rempar assésuré pour le royaume de la Chine. S'il y a quelque bruit de guerre de ce costé les gardes n'ont pas plustost donné le signal, que des chasteaux & bourgs d'alentour on accourt aux forteresses iusques à ce que les chefs de guerre deputez par le Roy soyent arrivez avec l'armée. Les gens de cheual, richement equippez, vont au combat avec quatre cimenterres pendans à l'arçon de la selle, & s'escriement vaillamment de deux d'iceux: les pierons bien armez aussi ne refusent d'aller à la charge. Tous sont richement stipendiez, & fidelement payez. Le chef de l'armée honore la valeur des vaillans: au contraire il chastie les traistres & couiards. Ceux qui ne sont point au roole de gens de guerre, n'ont point d'armes en leurs maisons: ce qui empesche les tumultes & seditions populaires dedans le royaume. Or comme les Magistrats des villes sont pres des lieux les plus esloignez d'icelles, afin qu'ils manient plus sincerement les affaires du public, & donnent des arrests exempts de toute corruption: aussi les chefs de guerre & les Capitaines de compagnies sont d'autres contrées que de celles où les troupes doyent combattre l'ennemy, afin que l'amitié qu'ils portent à leurs familles laissées si loin les eschaufe d'apantage à leur deuoir. Or tous ces gouuerneurs, iuges, magistrats, gens de commandement & peuple en si grand nôbre, ont pour viceroi cer-

tain personnage, qui a puissance de vie & de mort sur vn chacun d'eux; la dignité duquel se rend venerable par le nombre de ses gardes & offieiers par la grandeur & magnificence de son palais, mais sur tout par la sage conduite de tous les domestiques Il a huict conseilliers choisis de tout le nombre de Loytias. Cest la seconde personne au Royaume, & auquel tous les Chinois regardent, comme à leur grand Oracle & conducteur: il entretient enuiron soixante femmes, seruies par des femmes, ou par Des Eunuques. S'il n'est occasionné de changer d'air, ou d'aller a la guerre d'ordinaire il ne bouge de la Cour & du palais du Roy Tous les iours il reçoit auis de tout l'estat des prouinces & des gouverneurs; les postes & cochers estans tellement disposez, que dedans vn mois les paquets des prouinces sont infailliblement rendus & appoitez en Cour Les courtiers sont disposez de lieux en lieux esgalement distans & si tost que le paquet leur est commis montent sur cheuaux frais, tiennent prests les basteaux au passage des riuieres, & postent sans relasche iour & nuict, leurs montures garnies de clochettes haut-sonnantes au col & par foix'eux avec le cornet annoncent de loin leur arriuee. Outre plus, en certain temps de l'annee, le Roy depute & enuoye commissaires par toutes les prouinces de son royaume, pour connoistre à l'œil ce qui s'y passe, avec tout pouuoir de sa part Item, sa coustume est d'enuoyer extraordinairement quelques vns de ses plus affidez, à mesme fin, lesquels deuant que partir prestent serment solennel entre ses mains de s'acquiter fidelement & soigneusement de leur deuoir. Pour executer ces commissions tant plus secretement, le Roy tient riere soy plusieurs parentes prestres signees de sa main, scellees de son cachet, laissant en blanc les noms du commis, des lieux & personnes, afin que rien de son intention ne se decouure. Le temps de partir venu, le commis reçoit fort secretement ses patentes, & selon que le Roy lui dit de bouche la prouince assignee, il la visite comme feroit quelque particulier, & sans qu'on le connoisse se trouue es lieux où l'on administre iustice, & où les gouverneurs & magistrats font diuers exercices de leurs charges. Ayant de pres reconnu tout ce qu'il pretend, il comparoit en conseil & presentant soudain ses patentes, chacun se prosterne deuant luy, & le fait-on monter en la plus haute chaire, comme lieutenant du roy. Lors selon l'exigence des affaires, il magnifie

Les sages & les auance en plus grandes dignitez : reprime & degrade les autres, sans qu'aucun luy resiste, fait chastier & punir ceux qui l'ont merité. C'est l'un des principaux expediens de contenir les iuges & magistrats en leur deuoir.

En chacune prouince se garde vn tableau d'or, couuert d'un voile, avec l'inscription du nom du Roy. Au commencement du mois, qui est le iour de la Lune nouuelle, les Loytias & tous les Gouverneurs vont visiter ce tableau par grand honneur, & le rideau tiré s'enclinent deuant iceluy, ne plus ne moins que deuant la personne du Roy mesme. Apres la mort du Roy, s'il aisé luy succede. S'il n'a point d'enfans, ce qui aduiet fort rarement, à cause qu'il a tres-grand nombre de femmes, le plus proche prince du sang lui succede. Quant aux autres, ils sont serrez & gardez en des pallais escartez, mais grands ainsi que des villes, où ils vivent en magnificence royale & comme incroyable : de peur que tant de compediteurs ne troublent le royaume. S'ils entreprennent de sortir de là, sans permission & commandement expres, il y va de leurs testes. Le Roy enuoye nombre de noblesse au deuant des Ambassadeurs de pays estanges, qui au nom de leurs Rois recherchent l'amitié de celui de la Chine, ou viennent pour renouueller & confirmer les alliances precedemment faites. Ils sont benigne-ment recueillies, & apres auoir fait leurs charges honorez du tiltre de Loytias, puis renuoyez avec force richesses. Touchant les thresors & amas de lingots d'or & d'argent, on en conte merueilles : & dit-on que les reuenus du Roy de la Chine montent à six vingts millions d'or par an : finance telle que ce grand mesnager & chiche Empereur Vespasien n'en amassa point tant en toute sa vie dedans les cofres publics de Rome. Voila vne somme prodigieuse, en la consideration de laquelle y a de la doute & dispute voirement. Mais c'est chose bien aueree, qu'un seul port de Canton, qui n'est pas des plus riches & renommez de la coste maritime, le Roy tire par an cent quatre vingts mil escus de la gabelle du sel : & en vne autre vilette proche plus de cent mil escus des dismes du riz seulement. Par ainsi ne faut douter qu'annuellement n'entrent és finances royales des monceaux merueilleux d'argent, si l'on considere l'estenduë de tant de prouinces en ce grand Royaume, l'affluence des peuples, les contributions pour chaque teste & portent les peages des marchandises, les dismes de toutes

fortes de fruits, le reuenu des mines, & les autres aides, tailles impôts & subuentions. Pour le comble de ceste grande opulence faut, noter qu'en tout le royaume de la chine, comme sous la domination Turquesque nul n'exige tributs & gagees, que le Roy. Il n'y a point là de Seigneurs, Barons, Marquis, Comptes, Ducs cōme entre nous. Le Roy donne les charges publiques pour recompense de trauail & seruice, non point par largesse ou plaisir: & si l'heritier d'un grand personnage n'ensuit les vertus de son pere, il ne succede point aux estats & reuenus d'icelui. Les charges des hommes vaillans & vigilans ne sont point commises à des faineans & gens de rien, qui voudroient se brauer de la valeur de leurs deuanciers.

IVS QVÉSICI nous auons representé quelques biens & auantages du royaume de la Chine: mais il y a des maux & desordres qui estouffent tout cela. La Religion, premiere & principale partie de iustice, est-ce dont les Chinois se soucient le moins. Leurs prestres qu'ils nomment *Hoxiones*, y sont estimez comme rien: les temples sont frequentez plustost par coustume & ceremonie, que par creance que les personnes y ayent que la prouidence diuine ait soin des affaires du monde, ou cōnoisse les pensees, paroles & œuvres des grāds & petits. On estime que l'Apostre Saint Thomas prescha l'Euangile aux anciens Sines: & ceux de maintenāt pour tēmoignage certaine idole d'une grand' femme portant en ses bras vn petit enfant, deuant laquelle à la mode de plusieurs Europeans ils pendent force lampes allumees. Mais on n'y fait mention quelconque du Saint Apostre, & ne scait-on que signifie ceste representation de femme & d'enfant: tant la longue distance de ce royaume arriere des lieux où l'on parle du vray Dieu, & la faute de gens propres à enseigner, a estouffé toute semence de pieté en vn si grand royaume. Ceux qui y sont estimez grands docteurs adherent aux opinions Pythagoriques de la transmigration des ames, & en font vne cabale qu'ils ne proposent qu'à l'oreille: enseignant selon la commune opinion de toutes nations, que chacun sera salarié ou puni selon qu'il aura vescu: puis ils imaginent des sieges pleins de toutes choses que le vulgaire cuide propres pour rendre les personnes extrêmement heureuses ou malheureuses. Ce qui les induit à laisser croistre leurs cheueux, est qu'ils croient que c'est comme l'anse & le manche, par le moyen de quoy ils seront

Heuez & emportez au ciel. Au contraire, leurs prestres, qui ne font point inariez, portent testes rases, se confians que sans telle aide ils grimperont aisément par dessus les estoilles. Ils maintiennent qu'au commencement tout le monde fut creé d'eau laquelle fort agitée poussa de l'escume & des ampoules, dont le ciel fut fait; la terre fut composée de la bourbe & matiere espaisse de ceste eau, qui se reserua le plus clair. Enquis qui donna le mouuement aux eaux des le commencement, ils répondent que la vertu de s'esbranler d'elles mesmes leur fut octroyee. Quand on leur demande par qui, lors ils se prennent à rire, & ne disent mot comme s'il faisoit s'arrester là sans passer outre ils tiennent que les premiers hommes sortirent de terre, avec les autres animaux & les plantes & que du commencement, ils furent sans loix ou autres droitz, seiournerent par les bois où ils mangeoient les fruits des arbres & la chair crüe, & beuoient le sang: mais quand la raison vint à les appriuoiser & instruire ils apprirent à viure plus humainement, à bastir des maisons & des villes: finalement apres longue peine furent destournez de temps en autre arriere de ceste vie brutale à vne maniere de viure gracieuse & ciuile. Plusieurs Chinois adorent les idoles muettes, voire des pierres sans façon: & ce sont les Dieux des payens. D'auantage ils mettent en ce rang tous les inuenteurs des arts, ceux qui ont fait notable seruice au public ou aux particuliers, leurs parens & singuliers amis: leur dressent des statuës & chappelles, leur font des vœux, encensent non seulement les morts, mais par fois aussi les viuans. Il s'en trouue qui tiennent qu'il faut reuerer & seruir deuotement le Soleil, la Lune, les estoilles, & principalement le ciel mesme. D'autres se prosternent deuant les Diables, peints en monstreuses figures ceintes de serpens, & qui vomissent le feu: ce qui se rapporte à plusieurs representations qui se voyent en l'Europe, non tant pour auantage qu'ils s'en desirēt & pretendēt, que pour obtenir de n'estre point tourmentez par les malins esprits, lesquels ils redoutent infiniment, cōme aussi de fois à autre ils les rencontrent & voyent.

Deuant que s'acheminer quelque part, ou entreprendre affaire d'importance ils font vne priere à leur idole particuliere, & prennent garde aux sorts, comme s'ensuit. Ils ont deux pieces de bois, qui iointes ensemble font vn rond de la longueur & grosseur d'une noisette, percez & retenus d'un fil. Ils prennent ces deux demi ronds, & les iettent à l'auant-

re deuant l'idole. Si tous deux demeurent couchez le creux en dehors ou de costé, c'est signe de malencontre pour eux: pourtant se prennent ils à outrager l'Idole, puis comme se repentans de leur petulance, ils essayent par douces paroles, promesses & prieres, d'adoucir ce dieu mort. Mais si nonobstant cela les sorts paroissent contraires, c'est à pis faire que deuant: car ils battent l'idole, la iettent en l'eau, la grillent au feu. Derechef ils font nouuel apointemēt avec force caresses & belles promesses. Ils continuent en ces chimagrees iusques à ce que les deux demi globes demeurent couchez sur le creux. Alors ils se prennent à gringoter vne chason & rendre graces à leur idole: & tost apres luy presentent des poules cuites & farcies, des canes, des oysons, du riz, & (ce qui est repuré pour mers plus exquis & prerieux en leurs tables) ils luy offrent vne teste de pourceau & vn broc de vin. Ayans serui dedans vn plat quelques parcelles de tout cest aprest, a sçauoir le bour des aureilles de la teste du pourceau, les ongles des volailles, & versé quelques gouttes de vin sur l'autel de l'idole, à la façon des libations & sacrifices antiques, eux mangent le reste en grand feste & ioyuseté. Les funerailles de leurs morts sont ainsi celebrees. Si tost que le pere de famille est expiré ils le vestent de ses meilleurs habillemens, & le posent en vne chaire. Premièrement sa vefue, puis ses enfans, en apres ses autres parens, aliez & amis, luy disent le dernier à Dieu, lui ui de larmes & hauts emissemens. Cela fait ils enferment le corps en vn cofre de bois de senteur, bouchant toutes les fentes de quelque enduit propre, & de plaques de fer, afin qu'il n'en sorte puanteur aucune. Ils suspendent ce cofre en vne grande chambre tapissée de fin linge, quelque peu haut de terre, le couurent d'vn linceul sur lequel est pourtrait le defunct. Deuant la porte de ceste chambre, ou à l'entree du logis, sont dressées des tables couuertes de viandes exquises. Le cofre est ainsi gardé en la maison quinze iours durant: les parens & amis le visitent par deuoir: les prestres font des prieres nocturnes pour luy, aux dieux mortuaires, pour le rachar de ses pechez; & brussent sur le corps vn papier peint avec certains carracteres & charmes, où pendent & branslent ce papier ataché à des cordes tenduës par toute la chambre, en criant à gorge desployee: & soustenant que par tel branle l'ame du mort s'enuole plus viftement par dessus les estoiles. Les quinze iours expirez on porte en

grande pompe ce cofre en vn châp assigné pour l'ensevelir, où il est enfermé & consumé par succession de temps. Durant ce temps les Hoxiones font grand' chere, & allechez par ceste pratique qui les tient en bon point, aguerrent soigneusement telles proyes. Les parens portent le deuil des morts, deux ou trois ans durant, & en tout ce temps sont vestus d'une sorte de haire, & ceints d'une grosse corde. Si les fils du tre'passé sont en charge publique, ils s'en demettent promptement. Voila quant aux sepultures. Il n'y a point moins de superstitions au regard de la mer. Leur coutume est de purifier par diuerses ceremonies & prieres les nauires neufues dediees à la Lune ou à quelque autre creature. Es autres choses les vns sont attachez à des folles deuotions, & les autres à d'autres. Ils s'en trouue qui se moquent impunément de toute creance touchant Dieu & les esprits: cuidans qu'il n'y a point de difference entre la mort des hommes & des bestes, & qu'il ne reste rien apres le trespas des vns non plus qu'apres la mort des autres.

A ceste superstitieuse impieté se void iointe vne conuersation peu loyale des personnes par ensemble, l'arceitisme & l'infidelité marchans ordinairement de compagnie: Car ils se tiennent promesse autant que la necessité du commerce & l'opinion qu'ils ont de s'enrichir au desauantage d'autrui le peut porter. Hors cela, ce ne sont pas gens de qui l'on d'oye s'approcher & s'y fier au contraire en la plus part de leurs deportemens ils semblent auoir despoüillé l'homme. L'estranger leur est suspect & odieux, ne voulans le loger ni frequenter. S'ils sont pressez de debtes, pour se desgager ils vendent leurs enfans, ou (qui est bien pis) en font vn courrage infame & horriblement detestable. Ils laissent croistre leurs ongles en enorme grandeur comme si c'estoit la marque d'honneur & de noblesse, ainsi qu'estoit iadis entre les Grecs le port des long cheueux, & des pantouffes. Les Iuges criminels en adioustant delais sur delais, sous apparence de douceur, se monstrent cruels au possible: D'autant que les prisonniers, tousiours en grand nombre: enchainez mesmes durant la nuit, & estroitement attachez les vns aux autres, sont ferrez en des cachots si sales & effroyables, que tous les ans plusieurs se desfont eux mesmes pour preuenir la mort que les Iuges leur refusent. En ces entrefaites aduient de fois à autre, que le Iuge en banquant & iouant accroist ses passe-temps à faire donner la que-


tion & cruellement torturer ces misérables. Ils en ont de diuerses sortes : celle ci leur est ordinaire. En lieu de poignées de verges, ils se seruent de certain roseau de la longueur d'une coudée, large de quatre doigts, & épais d'une poulce, endurci au feu, pour donner plus ferme coup. De ce cruel instrument ils frappent si rudement le gras des jambes, & les plantes des pieds des prisonniers accusez, souuentefois à tort, & couchez par terre sur le ventre, qu'ils ne peuvent bouger de la place qu'à grand' peine, & souuent meurent sur le champ sous la rigueur des coups. L'inhumanité brutale de ceste nation est accompagnée de toutes sortes de besbordemens : car ce sont gens fondus en dissolution, gourmans, yuongues & paillards execrables. Leurs loix ne seruent qu'à rendre le peuple esclau, l'effeminer & abestir tellement qu'il ne vaut rien pour la guerre ; & est réputé le plus foible entre tous autres. Aussi les Gouverneurs sont contraincts en telle nécessité de faire leuee d'estrangers dont ils font leur sauuegarde. Le Roy s'appelle Seigneur du monde & fils du ciel : par vne barbare & sorte d'outrageance. Par les artifices de ses peagers & exacteurs il espulse les bourses des particuliers qui par travail & vigilance se sont enrichis : voire impose tribut sur le gain des femmes impudiques. Ils traite indigneement les ambassadeurs des Rois estrangers qui sont sous sa protection en tresgrand nombre ; & que les Chinois ont octroyé aux nations eslongnées, ne voulans auoir le soin de tant de Peuples. Car on ne les laisse entrer en la ville où est le Roy, qu'en treschetif equipage, montez sur petits cheuaux, conduits avec des licols en lieu de brides. Descendus ils entrent à pied dedans le palais & se rendent vers l'endroit, où ils entendent qu'est le Roy, lequel ils ne voyent iamais, & sont lors cinq profondes reuerences par diuers interualles. Là se trouue un huissier avec son secretaire, pour recueillir la proposition de l'ambassadeur, à laquelle il apporte la responce du Roy. Icele reçue l'ambassadeur se retire au pas avec force genoüillades, & s'en retourne aussi pau prisé sur son depart qu'a son entree. Quoy que les Chinois croupissent entre telles ordures & autres beaucoup plus puantes, desquelles tout cœur honeste auroit horreur si on luy en faisoit recit ; toutesfois, ils mesprisent orgueilleusement toutes autres nations, les estiment ignorantes, stupides & barbares. Ne present rien que leurs inuocations, dont ils se vantent avec beaucoup de babil.


Ils exceptent aucunement de ce nombre les Eropeans & disent communément, que les Chinois ont deux yeux, que les Europeans sont borgnes, & tous les autres peuples aveugles. Tout homme doüé de quelque iugement void assez qu'il est tres difficile d'entrer la Religion Chrestienne sur tels sauvageaux. Les edits du roy & la difficulté de l'entree au pays sont deux empeschemens formels, outre les conspirations des prestres, qui ne peuuent nullement souffrir qu'on introduise entr'eux vne religion inconnüe & nouuelle, que l'on reforme leurs abus execrables, ni qu'on descouure leurs menfonges. L'abondance de biens, les delices, les dissolutions, la licence & l'impunité des vices & desbauches s'y opposent aussi, notamment l'orgueil, la vanité, l'outrageance de la vie, le demeturé respect, que chacun y porte à soy mesme, avec la nourriture de l'enfance, les resueries & fausses opinions, dont on les empoisonne dès qu'ils scauent aller & parler. Desordres comme incurables & ennemis capitaux de la sagesse celeste. Mais le plus grand destourbier que i'y sache est le mauuais exemple que donnent aux Chinois ceux qui s'appellent Chrestiens, par les indignes deportemens de leur vie. Dementant tous les iours la profession qu'ils font de pieté, de verité, d'attrempance, selon laquelle ils deueroient seruir de guide aux pauvres payens. L'innocence & verité de quelques gens de bien n'a pas assez d'efficace pour faire estimer que la doctrine de l'Euangile soit receuable, quand l'euidente auarice & l'insupportable meschanceré de la plupart & des principaux trauerse & renuerse tout le bien paroissant en quelques vns qu'il conue-
noit ensuiure.

* *

*

F I N.





18566

March, 1940

July

Mrs. J. H. Metcalf

B614
G643h

